

ପ୍ରେରିତମାନଙ୍କ କାର୍ଯ୍ୟର ବିବରଣୀ ପ୍ରେରିତକଥାଃ କାମି ପାରିଚାଏ

ପ୍ରେରିତ ପୁଅ ଲୁକ୍‌ଥାଃ ହରାତେ ଅଲ୍‌କାନା, ଅକଏତି ଲୁକ୍ ଅଲ୍‌କାନା ସୁକୁକାଜିକେହଗି ଅଲ୍‌କାଦାଏ । ଇନିଃ ମିହୁଡ୍ ବାଇଦ୍ ତାଇକେନାଏ ଆତଃ ବେଗାର୍ ଭୁଲ୍‌ତେ ଅନଲ୍‌ରେ ପୁରାଃଗି ଚିହୁଲ୍‌ନିଃ ତାନିଃ । ଇନିଃ ଲୁକ୍ ସୁକୁକାଜି ଆତଃ ପ୍ରେରିତ୍, ନେ ବାରାନ୍ ପୁଅରେ ଦୁଲାଡ୍ ଥ୍‌ୟ୍‌ଫିଲ୍‌ସ୍‌କେ ଉଦୁବିତାନା । ଇନିଃ ମିହୁଡ୍ ଗ୍ରୀକ୍ ହଡ୍ ତାଇକେନାଏ । ଇନିୟାଃ ପୁଅକ୍ ଗ୍ରୀକ୍ ଆତଃ ଯିହୁଦୀ ହଡ୍‌କ ନାଗେନ୍ତେ ଅଲ୍‌କାନା ତାଇକେନା ପ୍ରେରିତ୍ ୧:୧ ।

ହବାସାକଅଥାଃ ପ୍ରେରିତ୍ ପୁଅ ଯୀଶୁ ଖ୍ରୀଷ୍ଟ୍‌ଆଃ ଜାନାମ୍ ତାୟମ୍‌ତେ ୬୦-୬୪ କରେ ଅଲ୍‌କାନା ତାଇକେନା, ଚିୟାଃଚି ପାଉଲ୍‌ସ୍‌ଆଃ ଜେହେଲ୍ ତନଲ୍‌ଏତେ ରାଡ଼ାଃଅ ସିଦାରେ ପ୍ରେରିତ୍ ପୁଅରାଃ ଅନଲ୍ ଚାବାକାନ୍ ତାଇକେନା । ଲୁକ୍‌ହଗି ପ୍ରେରିତ୍ ପାଉଲ୍‌ସ୍‌ଲଃ ହରାସେନ୍ ତାଇକେନାଏ, ଏନାତେ ନେ ପୁଅ ଆନ୍ତିୟୋଖ୍‌ଏତେ ଅଲ୍‌କାନାଗିୟାଃ ମେନ୍ତେ ଚିମିନ୍ ହଡ୍‌କ କାଜିୟାଃ । ପ୍ରେରିତ୍ ପୁଅ ହବାଅଃତାନା କାଲିସିୟାରାଃ ଏନେଟେଦ୍ । ପ୍ରେରିତ୍ ପୁଅ, ଲୁକ୍ ଅଲ୍‌କାନା ସୁକୁକାଜିଏତେଗି ଅଲ୍‌ଆଉକାନା ମେନ୍ତେ କାଜିଲେରେୟ୍ ଠାଉକାଗିୟା, ଚିଆଃଚି ସୁକୁକାଜିରେ ଲୁକ୍ ପ୍ରାଭୁ ଯୀଶୁଆଃ କାମିକେ ଉଦୁବ୍‌କେଦ୍ ତାୟମ୍‌ତେ, ନେ ପୁଅରେ ପ୍ରାଭୁଆଃ ଏନ୍ କାମିକେଗି ଯୀଶୁଆଃ ସିର୍ମାରାକାବ୍ ତାୟମ୍‌ତେ ଚେଲ୍‌କ ପାବିତାର୍ ଆମ୍‌ଲଃ ପେରେଃୟାନାକ ଆତଃ ଚିଲ୍‌କା ଯୀରୁଶାଲେମ୍‌ଏତେ, ଯିହୁଦୀ, ଶମିରୋନ୍, ଆତଃ ଏନାଏତେ ବାହାରି ଦିଶୁମ୍‌କରେ ସୁକୁକାଜି ନିତିର୍‌ୟାନା, ଏନା ନେ ପୁଅରେ ଅଲ୍‌କାନା ପ୍ରେରିତ୍ ୧:୮ ।

ଇନିଃ ଥ୍‌ୟ୍‌ଫିଲ୍‌ସ୍‌କେ ଆତଃ ବିଶ୍ୱାସରେ ହାରା ଇଦିୟଃତାନ୍ ଖ୍ରୀଷ୍ଟ୍‌ୟାନ୍ ହାଗାକକେ ଚିହୁଲଃ ନାଗେନ୍ତେ ଉସ୍କୁରକତାନା । ଯୀଶୁ ଖ୍ରୀଷ୍ଟ୍‌ଆଃ ଜୀଦାନ୍ ବିଷାଏରେ ଆତଃ ପାସରାଅ ଇଦିୟଃତାନ୍

ଖ୍ରୀଷ୍ଟ ବିଶ୍ୱାସୀକଥାଃ ଜୀଦାନ୍ ବିଷ୍ଟାଏରେ କାଜିକାଦା । ପ୍ରେରିତ୍ ଚିଟାଉରେ ଏନେଟେଦ୍ରେନ୍ କାଲିସିୟାକ ଖ୍ରୀଷ୍ଟତାଃରେ ଚିଲ୍ଲକା ବିଶ୍ୱାସ୍ ତାଇକେନାକ, ଏନାରେୟାଃ ନାମୁନା ଆବୁକେ ଉଦୁବେତାନା । ପ୍ରେରିତ୍ କଥାଃ ନାମୁନା ହରାତେ ଆବୁ ଆଟ୍ କାର୍ ଦାଡ଼ିୟାଃରୁ ଯେ, ଚିଲ୍ଲକା ପାବିତାର୍ ଆମ୍ବାତାଃରେ ଆସ୍ତାକେଦ୍ରେ ଏଟାଃକତାଃରେ ସୁକୁକାଜି ନିତିର୍ ଦାଡ଼ିୟାଃଆ ।

ପୁଅ୍ ଭିତାରରେ ଅଲ୍ଲାନ କାଜି

୧. ପାବିତାର୍ ଆମ୍ବାରାଃ ହିନିକୁଃ ଆତଃ କାଲିସିୟାରାଃ ପସାଇଦିୟଃ । ୧:୧-୮:୧
୨. କାଲିସିୟାରାଃ ସିଗିଦ୍ ଆତଃ ସୁକୁକାଜିରାଃ ପସାଇଦିୟଃ । ୮:୨-୧୨:୨୩
୩. ପାଉଲୁସ୍ ଆଃ ପାହିଲା ସେଝାକାମିରେ ହରାସେନ୍ । ୧୨:୨୪-୧୪:୨୮
୪. ଯାରୁଗାଲେମ୍ରେ ମାରାଙ୍ ପାଞ୍ଚେଟ୍ । ୧୫:୧-୩୫
୫. ପାଉଲୁସ୍ ଆଃ ବାର୍ସାତେ ସେଝାକାମି ନାଙ୍ ହରାସେନ୍ । ୧୫:୩୬-୧୮:୨୨
୬. ପାଉଲୁସ୍ ଆଃ ଆପିସାତେ ସେଝାକାମି ନାଙ୍ ହରାସେନ୍ । ୧୮:୨୩-୨୦:୩୮
୭. ଯାରୁଗାଲେମ୍ରେ ପାଉଲୁସ୍ ଆଃ ତନଲ୍ । ୨୧:୧-୨୬:୧-୩୨
୮. ପାଉଲୁସ୍ ଆଃ ରୋମ୍ରେ ହରାସେନ୍ । ୨୭:୧-୨୮:୧-୩୧

ପାବିତାର୍ ଆମ୍ବାକେ ଏମଃରାଃ ବାନାର୍ସା

୧ *ହେ ଦୁଲାଡ୍ ଥ୍ ଯିଲସ୍,

ଆଇଙ୍ ଆଇୟାଃ ପାହିଲା ଚିଟାଉ ଲୁକ୍ ପୁଅ୍ରେ ଯୀଶୁ କାମିକାଦ୍ ଆତଃ ଇତୁକାଦ୍ ସବେନାଃ ଆୟାଃ କାମିରାଃ ଏନେଟେଦ୍ତାଃଏତେ ୨ ସିର୍ମାଦିଶୁମ୍ରେ ଇଦିୟଃ ହୁଲାଙ୍ ଜାକେଦ୍ ହବାକାନ୍ତେୟାଃ ଅଲ୍ଲାନାଦାଇଙ୍ । ସିର୍ମାଦିଶୁମ୍ରେ ଇଦିୟଃ ସିଦାରେ ଯୀଶୁ ଆୟାଃ ସାଲ୍ଲାନାନ୍ ପ୍ରେରିତ୍ କକେ ପାବିତାର୍ ଆମ୍ବାରାଃ ପେଡ୍ରେତେ ଇତୁକାଦ୍ ତାଇକେନା । ୩ ଯୀଶୁ ଆୟାଃ ଗନଏଃ ତାୟମ୍ରେ ପୁରାଃ ସାବୁତରାଃ କାଜି ଏମ୍ କେଦ୍ରେ ଇନ୍ କୁତାଃରେ ଆଇଃକ୍ରି ଜାନିଦ୍ ମେନ୍ତେ ଉଦୁବ୍ୟାନା, ଆତଃ ବାର୍ହିସି ମାହ୍ ଇନ୍ କୁତାଃରେ

* ୧:୧ ୧:୧ ଲୁକ ୧:୧-୪.

ମିସା ମିସା ଉଦୁବ୍‌ୟାନତି ପାର୍‌ମେଶ୍‌ବାର୍‌ଆଃ ରାଇଜ୍‌ରେୟାଃ କାଜିକଏ ଉଦୁବାଦକଆ । ୪ *ଆତଃ ଯୀଶୁ ଇନ୍‌କୁଲଃ ଜମ୍‌ତାନ୍ ତାଇକେନ୍ ଇମ୍‌ତା, ଇନ୍‌କୁକେ ନେଆଁ ଆରୁକାଦକ ତାଇକେନାଏ, ଆପେ ଯୀରୁଶାଲେମ୍ ଆଲ୍‌ପେ ବାଗିୟା, ମେନ୍‌ଦ ଆପୁଇଁୟାଃ ବାନାର୍‌ସା କାଜି ଆୟୁମାକାଦ୍‌ତେୟାଃକେ ନେଲ୍‌ହରାଏପେ । ୫ *ତିୟାଃତି ଯୋହାନ୍‌ଦ ଦଆଃତେ ବାପ୍ତିସ୍ମା ଏମାଦକଆଏ, ମେନ୍‌ଦ ଆପେ ହୁଡିଙ୍ଗ୍ ମାହାଁ ତାୟମ୍‌ତେ ପାବିତାର୍ ଆମ୍‌ତେ ବାପ୍ତିସ୍ମାଃଃପେ ।

ୟୀଶୁ ସିର୍ମାତେ ଇଦିୟାନାଏ
(ମାର୍କ ୧୭:୧୯-୨୦; ଲୁକ ୨୪:୫୦-୫୩)

୬ ମୁସିଙ୍ଗ୍ ହୁଲାଙ୍ଗ୍ ପ୍ରେରିତ୍‌କ ହୁଣ୍ଡିକେଦ୍‌ତେ ଯୀଶୁକେ କୁଲିକିୟାକ, “ହେ ପ୍ରାଭୁ, ତିୟାଃ ଆମ୍ ନେ ଦିପିଲିରେଗି ଇସ୍ରାଏଲ୍‌କତାଃରେ ଆତଃଗି ରାଇଜ୍ ଏମେତାନାମ୍ ?”

୭ ଯୀଶୁ ଇନ୍‌କୁକେ ମେତାଦକଆ, “ଆପୁ ଆୟାଃ ଆପ୍‌ନାଃ ପେଡେଃତେ ଦହାକାଦ୍ ନେତା ଚାଏ ଦିପିଲିକେ ସାରି ନାଗେନ୍ତେ ଆପେୟାଃ ନାଙ୍ ନାହାଁଲାଃ । ୮ *ମେନ୍‌ଦ ପାବିତାର୍ ଆମ୍ ଆପେତାଃ ହିଜୁଃରେ, ଆପେ ପେଡେଃପେ ନାମେୟା ଆତଃ ଯୀରୁଶାଲେମ୍‌ରେ, ଗଟା ଯିହୁଦା, ଶମିରୋନ୍ ଆତଃ ଅତେରାଃ ଟୁଣ୍ଡୁ ଜ୍ଞାକେଦ୍ ଆଇୟାଃ ଗାଞ୍ଜାପେ ହବାଅଆଃ ।” ୯ *ଇନିଃ ନେଆଁ କାଜିକେଦ୍‌ତି, ଇନ୍‌କୁ ଇନିଃକେ ନେଲିତାନ୍‌ଲଃ ଇନିଃ ସିର୍ମାତେ ଇଦିୟାନା, ଆତଃ ମିଆଁଦ୍ ରିମିଲ୍ ଇନିଃକେ ଇନ୍‌କୁତାଃଏତେ ଦାନାଙ୍ଗ୍‌କିୟା ।

୧୦ ଯୀଶୁ ସିର୍ମାତେ ଇଦିୟାତାନ୍ ତାଇକେନ୍‌ରେ ଇନ୍‌କୁ ସିର୍ମାସାଃ ସାଜିଲାକାଦ୍ ତାଇକେନ୍ ଇମ୍‌ତା, ବାହ୍‌ହଡ୍ ଇମ୍‌ତାଗି ପୁଣ୍ଡି ଲିଜାଃ ତୁସିଙ୍ଗ୍‌କେଦ୍‌ତେ ଇନ୍‌କୁତାଃରେକିନ୍ ତିଙ୍ଗ୍‌ୟାନା । ୧୧ ଆତଃ କାଜିକେଦାକିନ୍, “ଏ ଗାଲିଲ୍‌ରେନ୍ ହଡକ, ତିନାଃମେନ୍ତେ ସିର୍ମାସାଃ ସାଜିଲ୍‌କେଦ୍‌ତେ ତିଙ୍ଗ୍‌ଆକାନାପେ ? ନେ ଯୀଶୁଗି ଆପେତାଃଏତେ

* ୧:୪ ୧:୪ ଲୁକ ୨୪:୪୯. * ୧:୫ ୧:୫ ମାଥୁରା ୩:୧୧; ମାର୍କ ୧:୮; ଲୁକ ୩:୧୭; ଯୋହାନ୍ ୧:୩୩. * ୧:୮ ୧:୮ ମାଥୁରା ୨୮:୧୯; ମାର୍କ ୧୭:୧୫; ଲୁକ ୨୪:୪୭, ୪୮. * ୧:୯ ୧:୯ ମାର୍କ ୧୭:୧୯; ଲୁକ ୨୪:୫୦, ୫୧.

ସିର୍ମାତେ ଇଦିୟାକାନା । ମେନ୍ଦ ଆପେ ଇନିଃକେ ସିର୍ମାତେ ସେନଃତାନ୍ ନେଲ୍ଲକିଃ ଲେକାଗି ହିଜୁଃରୁହାଡ଼ାଏ ।”

ଯିହୁଦାରାଃ ବାଦ୍‌ଲୀରେ ମାଥୁଆସ୍‌ଆଃ ସାଲାଅଃ
(ମାଥୁଉ ୨୭:୩-୧୦)

୧୨ ଏନ୍ତେ ପ୍ରେରିତ୍‌କ ଜାଇତୁନ୍ ନୁତୁମ ବୁରୁଏତେ ଯୀରୁଶାଲେମ୍‌ତେକ ସେନଃରୁହାଡ଼ୟାନା, ଏନା ନାଗାର୍‌ତାଃଏତେ ମିଦ୍ କିଲୋମିଟର୍ ଲେକା ସାଙ୍ଗିନ୍‌ରେ ତାଇକେନା । ୧୩ ✨ଇନ୍‌କୁ ଯୀରୁଶାଲେମ୍ ନାଗାର୍‌ତେ ବଲୟାନାକ ଆଡ଼ଃ ଆକ ତାଇନଃ ତାଇକେନ୍ ଚେତାନ୍ କୁଠାତେ ସେନଃୟାନାକ । ଏନ୍ ପ୍ରେରିତ୍‌କଆଃ ନୁତୁମ୍ ପାଡ଼ରାସ୍, ଯୋହାନ୍, ଯାକୁବ୍, ଆନ୍ଦ୍ରିୟ୍, ଫିଲିପ୍, ଥୋମା, ବାଥୋଲମି, ମାଥୁଉ, ଆଲ୍‌ଫିୟନାଃ ହନ୍ ଯାକୁବ୍, ଚିହୁଲ୍‌ନିଃ ଶିମୋନ୍ ଆଡ଼ଃ ଯାକୁବ୍‌ଆଃ ହନ୍ ଯିହୁଦା ତାଇକେନା । ୧୪ ଇନ୍‌କୁ ସବେନ୍‌କ ମିଦ୍‌ତାଃରେ ହୁଣ୍ଡିକେଦ୍‌ତେ ବିନ୍ତ୍ରିତାନ୍‌କ ତାଇକେନା ଆଡ଼ଃ ଇନ୍‌କୁଲଃ କୁଡ଼ିକ, ଯୀଶୁଆଃ ଏଙ୍ଗାତେ ମାରିୟାମ୍ ଆଡ଼ଃ ଆୟାଃ ହାଗାକ ହୁଣ୍ଡିୟଃତାନ୍‌କ ତାଇକେନା ।

୧୫ ଚିମିନ୍ ମାହାଁ ତାୟମ୍‌ତେ ଲାଗ୍‌ଭାଗ୍ ତୁରିୟାହିସି* ବିଶ୍ୱାସୀ ହାଗାକଆଃ ସାମିଲାନ୍ ଆଲାରେ ପାଡ଼ରାସ୍ ତିଜୁକେଦ୍‌ତେ କାଜିକେଦା, ୧୬ “ହେ ଦୁଲାଡ଼୍ ହାଗା ମିଶିକ, ଅକନ୍ ଇଷ୍ଟାରିୟଡ଼୍ ଯିହୁଦା ଯୀଶୁକେ ସାବ୍‌ରିକାଇ ନାଗେନ୍ତେ ବାଇରିକକେ ଆୟାର୍‌ଆଉକାକ ତାଇକେନା, ଇନିୟାଃ ବିଷାଏରେ ଦାଉଦ୍ ପାବିତାର୍ ଆମ୍‌ାତେ ପେରେଃକେଦ୍‌ତେ କାଜିକାଦ୍‌ତେୟାଃ, ଧାରାମ୍‌ପୁଅ୍‌ରେୟାଃ କାଜି ପୁରାଅଃ ଲାଗାଡ଼ିଙ୍ଗ୍ ତାଇକେନା । ୧୭ ଚିଆଃଚି ଇଷ୍ଟାରିୟଡ଼୍ ଯିହୁଦା ଆବୁଆଃ ଝୁଣ୍ଡ୍‌ରେନ୍ ମିହୁଡ଼୍ ତାଇକେନାଏ ଆଡ଼ଃ ଆବୁଆଃ ସେଞ୍ଜାକାମି ନାଗେନ୍ତେ ଇନିଃ ସାଲାକାନ୍ ତାଇକେନାଏ ।”

୧୮ ✨ଇଷ୍ଟାରିୟଡ଼୍ ଯିହୁଦାରାଃ ଏଡ଼କାନ୍ କାମିରାଃ ନାଲାତେ ମିଆଁଦ୍ ପିଡ଼ି କିରିଙ୍ଗ୍‌ୟାକାନ୍ ତାଇକେନା ଆଡ଼ଃ ଇନିଃ ଏନ୍ ପିଡ଼ିରେ ତାବେର୍‌ତେ ଉୟୁଃୟାନା ଆଡ଼ଃ ଆୟାଃ ଲାହିଦ୍

✨ ୧:୧୩ ୧:୧୩ ମାଥୁଉ ୧୦:୨-୪; ମାର୍କ ୩:୧୭-୧୯; ଲୁକ ୬:୧୪-୧୬.

* ୧:୧୫ ୧:୧୫

ମିଦ୍‌ଗାଅ କୁଡ଼ିଏ ✨ ୧:୧୮ ୧:୧୮ ମାଥୁଉ ୨୭:୩-୮.

ଫାତାଃୟାନତେ ଏନ୍ ଭିତାରରେୟାଃ ସବେନ୍ ପଟାକ ଅତଙ୍ଗୟାନା । ୧୯ ଆତଃ ଯାରୁଗାଲେମ୍ରେ ତାଇନ୍ତାନ୍ ସବେନ୍ ହତକ ନେଆଁ ସାରିକେଦ୍ତେ, ଆକଆଃ ଜାଗାର୍ତେ ଏନ୍ ପିଡ଼ିରାଃ ନୁତୁମ୍ ହକଲଦମା ମେନ୍ତେକ ନୁତୁମ୍କେଦା, ଏନାରାଃ ମୁଣ୍ଡିଦ “ମାୟୋମ୍ରାଃ ପିଡ଼ି” ତାନାଃ ।

୨୦ ଚିୟାଃଚି ଦୁରାଙ୍ଗ୍ପୁଥ୍ରେ ଅଲ୍ଲକାନା,
ଇନିୟାଃ ଅତାଃ ସିଃସଏଃଚି ହବାଅଃକା;
ଏନାରେ ଜେତାଏ ଆଲକାକ ତାଇନଃକା ।
ନେଆଁହଗି ଅଲ୍ଲକାନା,
ଇନିୟାଃ କାମି ଏଟାଃନିଃ ନାମେକାଏ ।

୨୧ ☆“ଏନାମେନ୍ତେ ପ୍ରାଭୁ ଯୀଶୁଆଃ ଜୀଉବିନିରିଦ୍ରେୟାଃ ଗାଞ୍ଜା ହବାଅଃ ନାଗେନ୍ତେ ଆତଃଚିହୁଡ୍ ଆବୁଲଃ ମେସାଅଃ ଲାଗାତିଙ୍ଗ୍ୟାଃ । ୨୨ ଯୀଶୁ ଯୋହାନ୍ତାଃଏତେ ବାପ୍ତିସ୍ତା ହବାୟାନ୍ ହୁଲାଙ୍ଗ୍ତାଃଏତେ ଯୀଶୁ ସିମାତେ ଇଦିୟଃ ହୁଲାଙ୍ଗ୍ ଜାକେଦ୍ ସବେନ୍ ଦିପିଲିରେ ପ୍ରାଭୁ ଯୀଶୁ ଆବୁଲଃ ହିଜୁଃ ସେନଃ ତାଇକେନ୍ ଇମ୍ତା, ଅକନ୍ ହତକ ଆବୁଆଃ ଝୁଣ୍ଡରେ ତାଇକେନାକ, ଇନ୍କୁଏତେ ମିହୁଡ୍କେ ଆବୁଲଃ ଇନିୟାଃ ଜୀଉବିନିରିଦ୍ରେୟାଃ ଗାଞ୍ଜା ଏମ୍ ଲାଗାତିଙ୍ଗ୍ୟାଃ ।”

୨୩ ଏନାତେ ଇନ୍କୁ ମାଥୁଆସ୍ ଆତଃ ଯୋଷେଦ୍, ଅକଏକେଚି ବାର୍ଗବାସ୍ ମେନ୍ତେ କାଜିୟାଃକ ଆତଃ ଜୁସ୍ତସ୍ ମେନ୍ତେହଁ କାଜିୟାଃକ, ନେ ବାର୍ହତ୍ତକିନ୍କେ ସାଲାକେଦ୍କିନାକ । ୨୪ ଏନ୍ତେ ଇନ୍କୁ ବିକ୍ତିତାନ୍ଲଃ କାଜିକେଦାକ, “ହେ ପ୍ରାଭୁ, ଆମ୍ ସବେନ୍କଆଃ ମନ୍ସୁରୁଦ୍ରେୟାଃ ଉଡ଼ୁ ସାରିୟାଃମେ । ନେ ବାର୍ହତ୍ତକିନ୍ଏତେ ଆମାଃ ହରାତେ ସାଲାକାନ୍ନିଃ ଅକ୍ନିଃ ତାନିଃ ଏନା ଆଲେକେ ଉଦ୍ବୁବାଲେମେ । ୨୫ ଏନ୍ ହତ ଇଷ୍ଟାରିୟ୍ଡ୍ ଯିହୁଦାରାଃ ଠାୟାଦ୍ରେ ପ୍ରେରିତ୍ କାମି କାମିୟା ।” ୨୬ ଏନ୍ତେ ଇନ୍କୁ ଚିଟ୍ପଟ୍ ସାଲାକେଦାକ ଆତଃ ମାଥୁଆସ୍ଆଃ ନୁତୁମ୍ରେ ଅତଙ୍ଗୟାନା । ଏନ୍ତେ ଇନିଃ ଗେଲ୍ମିଆଁଦ୍† ପ୍ରେରିତ୍କଲଃ ମେସାୟାନାଏ ।

☆ ୧:୨୧ ୧:୨୧ ମାଥୁଃ ୩:୧୭; ମାର୍କ ୧:୯; ଲୁକ ୩:୨୧; ମାର୍କ ୧୭:୧୯; ଲୁକ ୨୪:୫୧.

† ୧:୨୭ ୧:୨୭ ଏଗାରାୟାନ୍

୨

ପାବିତାର ଆମ୍ଭରାଃ ହିନିଦୁଃ

୧ ପେଣ୍ଟିକସ୍* ପାରାବ୍ ତେବାଃୟାନ୍ତି, ସବେନ୍ ବିଶ୍ୱାସୀକ ମିଦତାଃରେ ହୁଣ୍ଡିଆକାନ୍କ ତାଇକେନା । ୨ ଇମ୍ତାଙ୍ଗ୍ ଦୁଦଗାର୍ ହୟ ହୟତାନ୍ଲେକା ସିର୍ମାଏତେ ସାଡ଼ି ଆୟୁମ୍ଭୟାନା ଆତଃ ଇନ୍କୁ ଦୁବାକାନ୍ ତାଇକେନ୍ ଗଟା ଅଡ଼ାଃରେ ପେରେଃୟାନା । ୩ ଏନ୍ତେ ଇନ୍କୁ ସେଙ୍ଗେଲ୍ ଲେକାନ୍ ଆଲାଙ୍ଗ୍ ବିପିଙ୍ଗାଅଃତାନ୍ ନେଲ୍କେଦାକ ଆତଃ ଏନା ଏନ୍ତାଃରେ ତାଇକେନ୍ ମିମିଆଦ୍ ହଡ଼ରେ ଆଡ଼ଗୁୟାନା । ୪ ଇନ୍କୁ ସବେନ୍କ ପାବିତାର୍ ଆମ୍ଭାତେକ ପେରେଃୟାନା ଆତଃ ପାବିତାର୍ ଆମ୍ଭା ଇନ୍କୁକେ ଦେଙ୍ଗାକେଦକ ଲେକାଗି ଏଟାଃ ଏଟାଃ ଜାଗାର୍ତେ କାଜି ଏଟେଦ୍କେଦାକ ।

୫ ଅତେଦିଶ୍ୱମ୍ଭରେୟାଃ ଏଟାଃ ଏଟାଃ ଦିଶ୍ୱମ୍ଭଏତେ ହିଦୁଆକାନ୍ ଯିହୁଦୀ ଧାରାମାନ୍ ହଡ଼କ ଇମ୍ତା ଯୀରୁଶାଲେମ୍ଭରେକ ତାଇକେନା । ୬ ଇନ୍କୁ ନେ ଲାବ୍ଜା ଆୟୁମ୍ଭକେଦ୍ତି, ଗାଦେଲ୍ ହଡ଼କ ହିଦୁଃ ହୁଣ୍ଡିୟାନା ଆତଃ ସବେନ୍କ ଆକଆଃ ଆକଆଃ ଜାଗାର୍ତେ ଖ୍ରୀଷ୍ଟ୍ ବିଶ୍ୱାସୀକକେ କାଜିତାନ୍ ଆୟୁମ୍ଭକେଦ୍ତେ ଆକ୍ତାକାଅୟାନାକ । ୭ ଆତଃ ଇନ୍କୁ ସବେନ୍କ ଆକ୍ତାକାଅୟାନା ଆତଃ ହାଏକାଟ୍ୟାନ୍ତେ କୁପୁଲିୟାନାକ, “ନେଲେପେ, ତିୟାଃ ନେ ସବେନ୍ କାଜିତାନ୍ ହଡ଼କ ଗାଲିଲ୍ରେନ୍ ନାହାଁଲାକ ? ୮ ତାବ୍ଦ ଆବୁ ସବେନ୍କ ତିଲ୍କାତେ ଇନ୍କୁକେ ଆବୁଆଃ ଆପ୍ନାଃ ଜାଗାର୍ତେ କାଜିତାନ୍ବୁ ଆୟୁମ୍ଭକତାନା ? ୯ ଆବୁ ପାଥ୍ ଯା, ମାଦିୟା, ଏଲାମିୟା, ମେସପଟାମିଆ, ଯିହୁଦା, କାପାଦକିଆ, ପନ୍ତ, ଆତଃ ରୋମ୍ ଏସିଆରେନ୍କ, ୧୦ ଫୁଗିଆ, ପାମିଲିଆ, ମିସାର୍, କୁରିନି ନାଡ଼େଃରେଆଃ ଲିବିୟାରେନ୍କ ଆତଃ ରୋମିଏତେ ହିଦୁଃକାନ୍ ୧୧ ଯିହୁଦୀ ଆତଃ ଯିହୁଦୀ ଧାରାମ୍ଭରେ ମେସାକାନ୍ ସାଅଁସାର୍ ହଡ଼କ, ତିମିନ୍ କ୍ରିଡ଼ରେନ୍ ଆତଃ ଆରାବ୍ରେନ୍ ହଡ଼କ ତାନ୍ବୁ, ଏନ୍ରେୟ୍ ଆବୁ ଆବୁଆଃ ଜାଗାର୍ତେ ଇନ୍କୁକେ ପାର୍ମେଶ୍ୱାର୍ଆଃ ମାପ୍ପରାଙ୍ଗ୍ କାମିରାଃ କାଜିକ କାଜିତାନ୍ବୁ ଆୟୁମ୍ଭକତାନା ।” ୧୨ ଆତଃ ଇନ୍କୁ

* ୨:୧ ୨:୧ ପାସକା ପାରାବ୍ରେୟାଃ ଏନେଟେଦ୍ ହୁଲାଙ୍ଗ୍ତାଃଏତେ ପାଚାଶ୍ ଦିନ୍ ହବାଅଃ ହୁଲାଙ୍ଗ୍କେ ପେଣ୍ଟିକସ୍ କାଜିୟାକ

ସବେନ୍ଦ ଆକଦାନ୍ଦାଅ ଆଡ଼ଃ ଆଡ଼ଃଉଡ଼ଃୟାନ୍‌ଲଃ ଆକ ଆକଗି କୁପ୍‌ଲିୟାନାକ, “ନେଆଁରାଃ ମୁଣ୍ଡି ଚିନାଃ ତାନାଃ ?”

୧୩ ମେନ୍‌ଦ ଏଟାଃ ହଡ଼କ ବିଶ୍ୱାସୀକକେ ଲାନ୍ଦା ଏସେଦ୍‌ତାନ୍‌ଲଃ କାଜିକେଦ୍‌କଆକ, “ଇନ୍‌କୁ ନାଞ୍ଜା ଦାଖିରାସି ପୁରାଃଗି ନୁଁକେଦ୍‌ତେ ବୁଲ୍‌କାନାକ ।”

ପାଡ଼ରାସ୍‌ଆଃ କାନାଜି

୧୪ ଏନ୍ତେ ପାଡ଼ରାସ୍ ଗେଲ୍‌ମିଆଁଦ୍‌† ଚେଲ୍‌କଲଃ ତିଜ୍ଞୁୟାନ୍‌ଏ ଆଡ଼ଃ କାଉରିକେଦ୍‌ତେ ଉଦ୍‌ବ୍ ଏଚେଦ୍‌କେଦାଏ, “ଏ ଯିହୁଦା ହାଗାକ, ଆଡ଼ଃ ଯୀରୁଶାଲେମ୍‌ରେ ତାଇନ୍‌ତାନ୍ ସବେନ୍ ହଡ଼କ, ଆଇଙ୍ଗ୍ କାଜିତାନ୍‌ତେୟାଃ ବୁଗିଲେକା ଆୟୁମେପେ ଆଡ଼ଃ ଆଇଙ୍ଗ୍ ନେ ବିଷାଏରେ କାଜିପେତାନାଇଙ୍ଗ୍ । ୧୫ ଆପେ ନେ ହଡ଼କକେ ବୁଲ୍‌ଃତାନାକ ମେନ୍ତେପେ ବିଚାରେତାନା, ମେନ୍‌ଦ କାହାଗି, ନାହାଁଃଦ ସେତାଃରାଃ ଅରେୟା‡ ସାତିକାନା । ୧୬ ମେନ୍‌ଦ ଯୋଏଲ୍ ନାବୀ କାଜିକାଦ୍ କାଜି ନେଆଁ ତାନାଃ :

୧୭ “ପାର୍‌ମେଶ୍ୱାର୍ କାଜିତାନାଏ, ‘ତାୟମ୍ ହୁଲ୍‌କାଙ୍ଗ୍‌କରେ ଆଇଙ୍ଗ୍ ନେ ସବେନାଃ ରିକାଏୟାଇଙ୍ଗ୍,
ଆଇଙ୍ଗ୍ ସବେନ୍ ହଡ଼କ ଚେତାନ୍‌ରେ ଆଇଁୟାଃ ଆମ୍ବାକେଇଙ୍ଗ୍ ବୁଲିୟା

ଆଡ଼ଃ ଆପେୟାଃ କଡ଼ାହନ୍ କୁଡ଼ିହନ୍‌କ ଆୟାର୍‌କାଜିକ କାଜିୟା,
ଆଡ଼ଃ ଆପେୟାଃ ସେପେଡେଦ୍‌କ ଦାର୍‌ଗାନ୍‌କ ନେଲେୟା,
ଆଡ଼ଃ ଆପେୟାଃ ପ୍ରାଚିନ୍‌କ କୁମ୍‌ୟା ।

୧୮ ହେଗି, ଏନ୍ ହୁଲ୍‌କାଙ୍ଗ୍‌କରେ ଆଇଁୟାଃ ଦାସିକ ଆଡ଼ଃ କାମ୍‌ଡିକରେହଗି,
ଆଇଁୟାଃ ଆମ୍ବାକେଇଙ୍ଗ୍ ବୁଲିୟା,
ଆଡ଼ଃ ଇନ୍‌କୁ ଆଇଁୟାଃ ଆୟାର୍‌କାଜିକ ଉଦ୍‌ବେୟା ।

୧୯ ଆଇଙ୍ଗ୍ ଚେତାନ୍ ସିର୍ମାରେ ପେଡେୟାନ୍ କାମିକ
ଆଡ଼ଃ ଅତେଦିଶ୍ୱମ୍‌ରେ ଆକଦାନ୍‌ଦାଅ ଚିହ୍ନାକଇଙ୍ଗ୍ ରିକାୟା ।
ଅତେଦିଶ୍ୱମ୍ ମାୟୋମ୍, ସେଙ୍ଗେଲ୍ ଆଡ଼ଃ ପୁରାଃ ସୁକୁଲ୍‌ତେ ପେରେଜଃଆ;

† ୨:୧୪ ୨:୧୪ ଏଗାରାଝାନ୍ ‡ ୨:୧୫ ୨:୧୫ ନାଅ

୨୦ ପ୍ରାଭୁଆଃ ମାରାଙ୍ଗ୍ ଆତଃ ମାନାରାଙ୍ଗ୍ ହୁଲାଙ୍ଗ୍ ହିଜୁଃ
ସିଦାରେ
ସିଙ୍ଗି କୁଲ୍‌କୁଲ୍ ନୁବାଗଃଆ,
ଆତଃ ଚାଣ୍ଡୁଃ ମାୟୋମ୍ ଲେକା ହବାଅଃଆ ।

୨୧ ଆତଃ ଏନ୍ ଦିପିଲିକରେ ଜେତାଏ ପ୍ରାଭୁଆଃ ନୁତୁମ୍‌ତେ ବିକ୍ରିୟାଏ,
ଇନିଃ ଜାତ ବାସ୍ତାଅ ନାମେୟାଏ ।’

୨୨ “ହେ ଇସ୍ରାଏଲ୍‌ରେନ୍ ହାଗାକ, ନେ କାଜି ଆୟୁମେପେ, ପୁରାଃ
ପେଡେୟାନ୍ କାମିକ, ଆକ୍‌ଦାନ୍‌ଆ କାମିକ ଆତଃ ଚିହ୍ନାକ ନାଗେନ୍ତେ
ନାଜରେଡରେନ୍ ଯୀଶୁ ପାର୍‌ମେଶ୍ଵାର୍‌ଆଃ କୁଲାକାନ୍‌ନିଃ ତାନିଃ
ମେନ୍ତେ ଆପେୟାଃ ସାମ୍‌ନାଙ୍ଗ୍‌ରେ ପକ୍‌ତା ସାବୁଦ୍ ହବାକାନା ।
ଏନାକ ପାର୍‌ମେଶ୍ଵାର୍ ଆପେୟାଃ ଆଲାରେ ଇନିୟାଃ ହରାତେ
ରିକାକାଦାଏ ଏନାପେ ସାରିତାନା । ୨୩ ☆ପାର୍‌ମେଶ୍ଵାର୍ ଆୟାଃ
ସାନାଙ୍ଗ୍ ଲେକାତେ ଯୀଶୁକେ ଆପେୟାଃ ତିଃଇରେ ଜିମାଇ
ନାଗେନ୍ତେ ପାହିଲାରେ ମନ୍ ବାଇୟାକାଦ୍ ତାଇକେନାଏ ଆତଃ
ଆପେ ଇନିଃକେ କା ଧାର୍‌ମାନ୍ ହଡକଆଃ ହରାତେ କୁଶିରେପେ
କିଲାକିୟା । ୨୪ ☆ମେନ୍‌ଦ ପାର୍‌ମେଶ୍ଵାର୍ ଇନିଃକେ ଗନଏଃରାଃ
ତନଲ୍ ରାଡାକେଦ୍‌ତେ ଜୀଉବିରିଦ୍‌କିୟାଏ, ଚିୟାଃଚି ଗନଏଃ
ଇନିଃକେ ଦହ କାଏ ଦାଡିକିୟା । ୨୫ ଦାଉଦ୍ ଇନିୟାଃ ବିଷାଏରେ
କାଜିକାଦାଏ,

“ଆଇଙ୍ଗ୍ ପ୍ରାଭୁକେ ସବେନ୍ ଇମ୍‌ତା ଆଇଁୟାଃ ଆୟାର୍‌ରେ ନେଲି
ତାଇକେନାଇଙ୍ଗ୍,

ଆଇଙ୍ଗ୍ ଆଲକାଇଙ୍ଗ୍ ଏକ୍‌ଲାଅଃକା ମେନ୍ତେ ଇନିଃ
ଆଇଁୟାଃଲଃ ମେନାଇୟା ।

୨୬ ଏନା ନାଗେନ୍ତେ ଆଇଁୟାଃ ମନ୍‌ସୁରୁଦ୍ ରାସକାତେ ପେରେଜାକାନା,
ଆତଃ ଆଲାଙ୍ଗ୍‌ତାଇୟାଃ ଲାନ୍ ରାସକାତେ ପେରେଃୟାନା ।

ଆତଃ ଆଇଁୟାଃ ଗନଏଃ ହଡମ୍
ଆସ୍ରାଏତାନ୍‌ଲଃ ଜାହିଦଃଆ,

୨୭ ଚିୟାଃଚି ଆମ୍ ଆଇଁୟାଃ ଜୀଉକେ ଗନଏଃଗାଡାରେ କାମ୍ ବାଗିୟା,

☆ ୨:୨୩ ୨:୨୩ ମାଥୁଉ ୨୭:୩୫; ମାର୍କ ୧୫:୨୪; ଲୁକ ୨୩:୩୩; ଯୋହାନ୍ ୧୯:୧୮.

☆ ୨:୨୪ ୨:୨୪ ମାଥୁଉ ୨୮:୫,୬; ମାର୍କ ୧୭:୬; ଲୁକ ୨୪:୫.

ଆତ୍ମ ଆମାଃ ପାବିତାର ଦାସିକେ ତପାଗାଡ଼ାରେ ଜିୟନଃ
ନାଗେନ୍ତେ କାମ୍ ବାଗିୟା ।

୨୮ ଆମ୍ ଆଇଙ୍ଗ୍‌କେ ଜୀଦାନରାଃ ହରା ଉଦୁବାକାଦିୟାମ୍,
ଆତ୍ମ ଆମାଃ ହେପାଦ୍‌ରେ ଆଇଙ୍ଗ୍‌କେ ରାସ୍‌କାତେମ୍
ପେରେଜିୟା ।’

୨୯ “ହେ ଇସ୍ରାଏଲ୍‌ରେନ୍ ହାଗା ମିଗିକ, ଆଇଙ୍ଗ୍‌ଆପେକେ ଆବୁଆଃ
ପୁରୁଖାହାଡ଼ାମ୍‌କଆଃ ରାଜା ଦାଉଦ୍‌ଆଃ ବିଷାଏରେ ସାଫାସାଫା
କାଜି ଦାଡ଼ିୟାଇଙ୍ଗ୍ । ଇନିଃ ଗଏଃକେଦ୍‌ତେ ତପାୟାନାଏ ଆତ୍ମ
ଇନିୟାଃ ତପାଠାୟାଦ୍ ତିସିଙ୍ଗ୍ ଜାକେଦ୍ ଆବୁଆଃ ଆଲ୍‌ରେମେନାଃ
। ୩୦ ଇନିଃଦ ନାବୀ ତାଇକେନାଏ ଆତ୍ମ ପାର୍‌ମେଶ୍‌ବାର୍ ଇନିଃକେ
ବାନାର୍‌ସା ଏମାକାଇ ତାଇକେନାଏ, ଏନା ଇନିଃ ସାରିକାଦ୍
ତାଇକେନାଏ । ଦାଉଦାଃ କିଲିକଏତେ ମିହୁଡ୍ ରାଜ୍‌ଗାଦିରେ
ଦୁବାଏ ମେନ୍ତେ ପାର୍‌ମେଶ୍‌ବାର୍ ବାନାର୍‌ସା ଏମାକାଦ୍ ତାଇକେନାଏ
। ୩୧ ପାର୍‌ମେଶ୍‌ବାର୍ ହିଜୁଃ ଦିପିଲିରେ ଅକ୍‌ନାଃ ରିକା ନାଗେନ୍ତେ
ସେନଃତାନା, ଏନା ଦାଉଦ୍ ସାରିକେଦ୍‌ତେ, ମାସିଆଃ ଜୀଉବିନିରିଦ୍
ବିଷାଏରେ କାଜିକାଦାଏ,

“ଇନିଃକେ ଗନଏଃଗାଡ଼ା କାଏ ବାଗିକିୟା,

ଆତ୍ମ ଆୟାଃ ହଡ଼ମ୍ ତପାଗାଡ଼ାରେ କା ଜିୟନ୍‌ୟାନା ।’

୩୨ ପାର୍‌ମେଶ୍‌ବାର୍ ନେ ଯୀଶୁକେଗି ଜୀଉବିରିଦ୍‌କିୟାଏ ଆତ୍ମ ଆବୁ
ସବେନ୍‌କ ଏନାରାଃ ଗାଞ୍ଜାକତାନ୍‌ବୁ । ୩୩ ଯୀଶୁ ଆୟାଃ ଆପୁ
ପାର୍‌ମେଶ୍‌ବାର୍‌ଆଃ ଜମ୍‌ତିସାଃତେ ବିରିଦ୍‌କାନା ଆତ୍ମ ଆପୁଆଃ
ବାନାର୍‌ସା ଲେକାତେ ପାବିତାର୍ ଆମ୍ ନାମ୍‌କେଦାଏ, ଆତ୍ମ ନାହାଁଃ
ଆପେ ନେଲେତାନ୍‌ତେୟାଃ ଆତ୍ମ ଆୟୁମେତାନ୍‌ତେୟାଃ ଇନିୟାଃ
ବାର୍‌ଦାନ୍ ତାନାଃ । ଏନା ଇନିଃ ଆବୁଆଃ ଚେତାନ୍‌ରେ ଦୁଲ୍‌କାଦାଏ
। ୩୪ ଚିୟାଃଚି ଦାଉଦ୍‌ଦ ସିର୍ମାତେ କାଏ ରାକାଦ୍ ମେନ୍‌ଦ ଇନିଃ
ଆଇଃକ୍‌ଗି କାଜିକେଦାଏ,

‘ପ୍ରାଭୁ ଆଇଁୟାଃ ପ୍ରାଭୁକେ କାଜିକିୟାଏ,

୩୫ ଆଇଙ୍ଗ୍‌ ଆମାଃ ବାଇରିକକେ ପୁରା ଆଉରିଙ୍ଗ୍ ହାରାଅକ ଜାକେଦ୍
ଆମ୍ ଆଇଁୟାଃ ଜମ୍‌ତିସାଃରେ ଦୁବାକାନ୍‌ମେ ।’

୩୬ “ଆପେ କୁଶ୍ରେ କିଲାକାଇ ଯୀଶୁକେ, ପାର୍ମେଶ୍ୱାର୍, ପ୍ରାଭୁ ଆତଃ ମାସି ମେନ୍ତେ ନୁତୁମ୍‌କିୟାଏ, ନେଆଁ ଇସ୍ରାଏଲ୍‌ରେନ୍ ସବେନ୍ ହଡକ ସାର୍ତିଗିକ ଆଟ୍‌କାରେକା ।”

୩୭ ନେ କାଜି ଆୟୁମ୍‌କେଦ୍‌ତେ ହଡକଆଃ ମନ୍‌ସୁରୁଦ୍ ରଅଃୟାନା ଆତଃ ଇନ୍‌କୁ ପାଡ଼ରାସ୍ ଆତଃ ଏଟାଃ ପ୍ରେରିତ୍‌କକେ କାଜିୟାଦକଆକ, “ହେ ହାଗାକ, ଆଲେ ଚିନାଃଲେ ଚିକାୟା ?”

୩୮ ଏନ୍ତେ ପାଡ଼ରାସ୍ ଇନ୍‌କୁକେ କାଜିରୁହାଡ଼ାଦକଆଏ, “ଆପେ ପାପ୍ ଏତେ ମନ୍‌ରୁହାଡ଼େପେ ଆତଃ ଯୀଶୁ ଖ୍ରୀଷ୍ଟୁଆଃ ନୁତୁମ୍‌ତେ ବାପ୍ତିସ୍ମାଅଃପେ, ଏନ୍ତେ ଆପେୟାଃ ପାପ୍‌କ ଛାମାଅଃଆ ଆତଃ ପାର୍ମେଶ୍ୱାର୍‌ଆଃ ବାବ୍‌ଦାନ୍, ପାବିତାର୍ ଆମ୍‌କେପେ ନାମିୟା । ୩୯ ଚିୟାଃଟି ପାର୍ମେଶ୍ୱାର୍‌ଆଃ ନେ ବାନାର୍‌ସା କାଜିଦ୍ ଆପେୟାଃ ଆତଃ ଆପେୟାଃ ହନ୍‌କଆଃ ନାଗେନ୍ତେ, ଆତଃ ଆବୁଆଃ ପ୍ରାଭୁ ପାର୍ମେଶ୍ୱାର୍ ଆଇଃକ୍‌ଗି କେଡ଼ାକାଦ୍ ସାଜିନ୍‌ରେନ୍ ସବେନ୍ ହଡକ ନାଗେନ୍ତେ ତାନାଃ ।”

୪୦ ପାଡ଼ରାସ୍ ଆତଃଗି ପୁରାଃ କାଜିକ କାଜିକେଦ୍‌ତେ ଇନ୍‌କୁକେ କାଜିଗରଜ୍‌କେଦ୍‌ତେ କାଜିକେଦ୍‌କଆ, “ନେ ପାରିୟାରେନ୍ ଏଡକାନ୍ ହଡକ ନାଗେନ୍ତେ ହିଜୁଃତାନ୍ ସାଜାଇଏତେ ପ୍ରାଭୁ ଆପେକେ ବାସ୍ତାଅପେକା ।” ୪୧ ଏନ୍ତେ ଇନ୍‌କୁଏତେ ଚିମିନ୍ ହଡକ ଇନିୟାଃ କାଜି ସୁକୁତେ ତେଲାକେଦ୍‌ଲଃ ବିଶ୍ୱାସକେଦାକ ଆତଃ ବାପ୍ତିସ୍ମାୟାନାକ । ଏନ୍ ହୁଲାଜ୍ ଆପି ହାଜାର୍ ଲେକା ହଡକ କାଲିସିୟାରେକ ମେସାୟାନା । ୪୨ ଆତଃ ଇନ୍‌କୁ ଏନ୍ ପ୍ରେରିତ୍‌କଆଃ ଇନିତୁରେ, ମେନେସାରେ, ହଲଜ୍ କେଟାଃରେ ଆତଃ ବିକ୍ତିରେ ତାଇନ୍‌ତାନ୍‌କ ତାଇକେନା ।

ବିଶ୍ୱାସୀକଆଃ ସବେନ୍ ହୁଲାଜ୍‌ରେୟାଃ ଜୀଦାନ୍

୪୩ ପ୍ରେରିତ୍‌କ ପୁରାଃ ପେଡେୟାନ୍‌କାମି, ଆକ୍‌ଦାନ୍‌ଅ କାମିକ, ଆତଃ ଚିହ୍ନାଁ କାମିକେଦ୍ ହରାତେ ସବେନ୍ ହଡକ ଆକଆଃ ଜୀଉରେ ହାଏକାଟ୍‌ତେ ପେରେୟାନାକ । ୪୪ ସବେନ୍ ବିଶ୍ୱାସୀକ ମିଦ୍‌ତାଃରେ ହୁଣ୍ଡିୟାନ୍‌ଲଃ ଆକତାଃରେ ତାଇକେନ୍ ସବେନ୍ ମେନାଃତେୟାଃ ମିଦ୍‌ତାଃରେ ହୁଣ୍ଡିକେଦାକ । ୪୫ ଆତଃ ଇନ୍‌କୁ ଆକଆଃ ସବେନ୍ ଲୟଜ୍‌କ ଆଖ୍‌ରିଜ୍‌କେଦ୍‌ତେ ଟାକା ପାଏସାକେ ମିମିଆଦ୍‌ନିଃକେ

ଲାଗାତିକ୍ ଲେକା ସବେନ୍ କ ହାପ୍ଟିକ୍‌ୟାନା । ୪୭ ଇନ୍‌କୁ
 ମାନ୍ଦିରଅଡ଼ାରେ ସବେନ୍‌ହୁଲାକ୍ ମିଦ୍‌ତାରେ ହୁଣ୍ଡିକେଦ୍‌ତେ
 ଆକଥାଃ ଅଡ଼ାକରେ ହଲକ୍ କେଟାଃତାନ୍‌ଲଃ ରାକ୍‌କାତେ ଆଡ଼ଃ
 ଲେବେଃ ମନ୍‌ସୁରୁଦ୍‌ତେ ଜମ୍‌ତାନ୍ ତାଇକେନାକ । ୪୭ ଆଡ଼ଃ ଇନ୍‌କୁ
 ପାର୍‌ମେଶ୍‌ବରଆଃ ମାନାରାକ୍ ତାଇକେନାକ ଆଡ଼ଃ ସବେନ୍ ହଡ଼କ
 ଇନ୍‌କୁକେ ସୁକୁଆକ ତାଇକେନାକ । ଆଡ଼ଃ ପ୍ରାଭୁ ସବେନ୍ ହୁଲାକ୍
 ପାରିତ୍ରାଣ୍ ନାମେତାନ୍ ହଡ଼କକେ କାଲିସିୟାରେ ମେସାକୁତାନ୍
 ତାଇକେନାଏ ।

୩

ମିଆଁଦ୍ କାଟା କୁରୁକ୍‌କାନ୍ କର୍‌ନିଃ ବୁଗିୟାନାଏ

୧ ମୁସିକ୍ ପାଡ଼ରାସ୍ ଆଡ଼ଃ ଯୋହାନ୍ ବିକ୍ତି ଦିପିଲିରେ ତାରସିକ୍
 ଆପିପାଡ଼ି ଇମ୍‌ତାକ ମାନ୍ଦିରତେକିନ୍ ସେନଃ ତାଇକେନା ।
 ୨ ଏନ୍ତାଃରେ ଜାନାମ୍‌ଏତେ କାଟା କୁରୁକ୍‌କାନ୍ ମିଆଁଦ୍ ହଡ଼, ମାନ୍ଦିର
 ଅଡ଼ାଃତେ ବଲତାନ୍ ପୁରାଃ ହଡ଼କତାଃଏତେ କର୍‌ନାମେ ନାଗେନ୍ତେ
 ସବେନ୍ ହୁଲାକ୍ ମାନ୍ଦିର ଅଡ଼ାଃରାଃ ସୁଗାଡ଼ାନ୍ ନୁତୁମାକାନ୍
 ଦୁଆରତାଃତେ ଗଅଃ ଇଦିୟଃତାନ୍ ତାଇକେନାଏ । ୩ ଇନିଃ
 ପାଡ଼ରାସ୍ ଆଡ଼ଃ ଯୋହାନ୍‌କେ ମାନ୍ଦିରତେ ବଲତାନ୍ ନେଲ୍‌କେଦ୍‌ତେ
 ଇନ୍‌କିନ୍‌କେ କର୍‌ ଆସିକେଦ୍‌କିନାଏ । ୪ ପାଡ଼ରାସ୍ ଆଡ଼ଃ ଯୋହାନ୍
 ଇନିଃକେ ମିଦ୍‌ନାଜେରରେ ନେଲ୍‌କିଃତେ, ପାଡ଼ରାସ୍ କାଜିକିୟାଏ,
 “ଆଲିକ୍‌ସାଃତେ ନେଲେମେ ।” ୫ ଇନିଃ ଇନ୍‌କିନ୍‌ତାଃଏତେ
 ଜେଡ଼ନାଃ ନାମେ ନାଗେନ୍ତେ ଆସ୍ତାଏତାନ୍‌ଲଃ ଇନ୍‌କିନ୍‌ସାଃତେ
 ନେଲ୍‌କେଦା ।

୬ ମେନ୍‌ଦ୍ ପାଡ଼ରାସ୍ କାଜିକିୟାଏ, “ରୁପା ତାଏ
 ସୋନା ଆଇକ୍‌ତାଃରେ ବାନଆଃ, ମେନ୍‌ଦ୍ ଆଇକ୍‌ତାଃରେ
 ମେନାଃତେୟାଃଇକ୍ ଏମାମେତାନା, ନାଜ୍‌ରେଡ଼ରେନ୍
 ଯାଶ୍ ଶ୍ରୀଶ୍‌ଆଃ ନୁତୁମତେ ଆରୁମେତାନାଇକ୍ ବିରିଦ୍‌ମେ
 ଆଡ଼ଃ ସେନେମେ ।” ୭ ଏନ୍ତେ ଇନିଃ ଇନିୟାଃ ଜମ୍ ତିଃଇ
 ସାବ୍‌କେଦ୍‌ତେ ବିରିଦ୍‌କିୟା ଆଡ଼ଃ ଇମ୍‌ତାଗି ଇନିୟାଃ କାଟା
 ଆଡ଼ଃ କାଟାମ୍‌କ୍‌ଶୀକରେ ପେଡ଼େଃ ନାମ୍‌କେଦାଏ । ୮ ଆଡ଼ଃ ଇନିଃ
 ନିରବିରିଦ୍‌ୟାନାଏ ଆଡ଼ଃ ସେନ୍ ଏଡ଼େଦ୍‌କେଦାଏ । ଏନ୍ତେ ଇନିଃ
 ସେସେନ୍‌ତାନ୍‌ଲଃ, ତେଗାଅତାନ୍‌ଲଃ ଆଡ଼ଃ ପାର୍‌ମେଶ୍‌ବରଆଃ

ମାନାରାଜ୍‌ତାନ୍‌ଲଃ ଇନ୍‌କିନ୍‌ଲଃ ମାହିର୍‌ତେ ବଲ୍‌ୟାନାଏ ।
 ୯ ଏନ୍ତାଃରେନ୍ ସବେନ୍ ହଡକ ଇନିଃକେ ସେନ୍‌ବାଡାତାନ୍ ଆଡଃ
 ପାର୍‌ମେଶ୍ୱାର୍‌ଆଃ ମାନାରାଜ୍‌ତାନ୍‌କ ନେଲ୍‌କିୟା, ୧୦ ଆଡଃ
 ମାହିର୍ ଅଡଃରାଃ ସୁଗାଡାନ୍ ଦୁଆର୍‌ତାଃରେ ଦୁବ୍‌କେଦ୍‌ତେ କର୍‌ଏ
 ଆସିତାଈକେନାଏ, ଇନିଃ ନିଃଗି ତାନିଃ ମେନ୍ତେ ନେଲ୍‌ଉରୁମ୍‌କିୟାକ
 ଆଡଃ ଇନିଃରେ ହବାକାନ୍‌ତେୟାଃ ସବେନ୍ ସାରିକେଦ୍‌ତେ ଇନ୍‌କୁ
 ପୁରାଃ ହାଏକାଟ୍ ଆଡଃ ଆକ୍‌ଦାନ୍‌ଆୟାନାକ ।

ମାହିର୍ ଅଡଃରେ ପାଡ଼ରାସ୍‌ଆଃ ବାଚାନ୍‌ଉଦୁବ୍

୧୧ ସୁଲ୍‌ମାନ୍ ନୁତୁମ୍ ପିଣ୍ଡାଗିତାଃରେ ଏନ୍ ବୁଗିକାନ୍ ହଡକେ
 ପାଡ଼ରାସ୍ ଆଡଃ ଯୋହାନ୍‌ଲଃ ନେଲ୍‌କେଦ୍‌ତେ ସବେନ୍
 ହଡକ ହାଏକାଟ୍‌ୟାନ୍ତେ ଇନ୍‌କିନ୍‌ତାଃକ ନିର୍‌ଆଉକେଦା ।
 ୧୨ ପାଡ଼ରାସ୍ ହଡକେ ନେଲ୍‌କେଦ୍‌ତେ କାଜିୟାଦ୍‌କଆଏ, “ହେ
 ଇସ୍ରାଏଲ୍‌ରେନ୍ ହଡକ, ଆପେ ନେ ହଡ ନାଗେନ୍ତେ ଚିନାଃମେନ୍ତେପେ
 ହାଏକାଟ୍‌ତାନା, ଆଡଃ ଆଲିଙ୍ଗ୍‌କେପେ ନେଲ୍‌ତାନା ? ଆଲିଙ୍ଗ୍
 ଆଲିଙ୍ଗ୍‌ୟାଃ ପେଡେଃତେ ଚାଏ ଧାର୍‌ମାନ୍‌ତେ ଇନିଃକେ ସେସେନ୍
 ନାଗେନ୍ତେ ପେଡେଃଲିଙ୍ଗ୍ ଏମାକାଈୟା ମେନ୍ତେପେ ଉଡ଼ୁତାନାଚି
 ? ୧୩ ଆବ୍ରାହାମ୍, ଇସାକ୍, ଆଡଃ ଯାକ୍‌ବ୍‌ଆଃ ପାର୍‌ମେଶ୍ୱାର୍,
 ଆବୁଆଃ ପୁରୁଖାହାଡାମ୍‌କଆଃ ପାର୍‌ମେଶ୍ୱାର୍ ଆୟାଃ ଦାସି ଯୀଶୁକେ
 ମାଈନାନ୍‌କିୟା । ମେନ୍‌ଦ ଆପେ ଏନ୍ ଯୀଶୁକେ ଆକ୍‌ତେୟାର୍‌କଆଃ
 ଡିଃଇରେ ଜିମାକିୟାପେ ଆଡଃ ପିଲାତୁସ୍ ଇନିଃକେ ରାଡ଼ାଇ
 ନାଗେନ୍ତେ ଉହାଟ୍‌କେଦ୍‌ରେୟ, ଆପେ ଇନିଃକେ କାପେ ସୁକୁୟାନା ।
 ୧୪ ✧ ଇନିଃ ପାବିତାର୍ ଆଡଃ ଧାର୍‌ମାନ୍ ହଡ ତାଈକେନାଏ, ମେନ୍‌ଦ
 ଆପେ ଇନିଃକେ କାପେ ସୁକୁୟାନା ଆଡଃ ଆୟାଃ ବାଦ୍‌ଲାରେ ହଡ
 ଗଏଃନିଃକେ ରାଡ଼ାଇ ନାଗେନ୍ତେ ପିଲାତୁସ୍‌କେ ଆସିକିୟାପେ
 । ୧୫ ଆପେ ଜୀଦାନ୍ ହରାତେ ସୁତୁଃଇଦିନିଃକେ ଗଏଃକିୟାପେ,
 ମେନ୍‌ଦ ପାର୍‌ମେଶ୍ୱାର୍ ଇନିଃକେ ଗଜାକାନ୍‌କଏତେ ଜୀଉବିରିଦ୍‌କିୟା
 ଆଡଃ ଆଲେ ଏନାରାଃ ଗାଞ୍ଜାକ ତାନ୍‌ଲେ । ୧୬ ଆପେ ନେଲ୍‌କାଈ
 ଆଡଃ ସାରିକାଈ ନେ କାଟା କୁରୁଙ୍ଗ୍ ହଡ ଯୀଶୁଆଃ ନୁତୁମ୍‌ରେ
 ବିଶ୍ୱାସ୍‌କେଦ୍ ନାଗେନ୍ତେ ପେଡେଃନାମ୍‌କେଦାଏ । ଆଡଃ ଯୀଶୁରେ

✧ ୩:୧୪ ୩:୧୪ ମାଥୁର ୨୭:୧୫-୨୩; ମାର୍କ ୧୫:୬-୧୪; ଲୁକ ୨୩:୧୩-୨୩; ଯୋହାନ୍
 ୧୯:୧୨-୧୫.

ବିଶ୍ୱାସକେନ୍ଦ୍ର ନାଗେନ୍ଦ୍ର ବୁଗିୟାନାଏ, ନେଆଁ ଆପେ ସବେନାଃ ନେଲ୍ ଦାଡ଼ିତାନାପେ ।

୧୭ “ହେ ଇସ୍ରାଏଲ୍ରେନ୍ ହାଗା ମିଶିକ, ନାହାଁଃଦ, ଆପେ ଆଡ଼ଃ ଆପେୟାଃ ଆଗୁଆଇକ ଯୀଶୁକେ ରିକାକିଃଡେୟାଃ କା ସାରିଡେ ରିକାକେଦାପେ ଏନାଇଙ୍ଗ୍ ସାରିତାନା । ୧୮ ମେନ୍ଦ୍ର ମାସିଆଃ ଦୁକୁ ସାହାତିଙ୍ଗ୍ ବିଷାଏରେ ପାର୍ମେଶ୍ୱାର୍ ଆୟାଃ ସବେନ୍ ନାବୀକଆଃ ହରାଡେ ନାଙ୍ଗ ପାରିୟାରେ କାଜିକାଦ୍ ତାଇକେନ୍ କାଜି ନେ ଲେକାଡେ ପୁରାକେଦାଏ । ୧୯ ଏନାମେନ୍ଦ୍ର ଆପେ ହେୟାତିଙ୍ଗ୍କେଦ୍ଡେ ପାର୍ମେଶ୍ୱାର୍‌ସାଃଡେ ରୁହାଡ୍‌ପେ ଏନାରେ ଇନିଃ ଆପେୟାଃ ପାପ୍‌କ ଛାମାପେୟାଏ, ୨୦ ଆଡ଼ଃ ଆପେୟାଃ ପ୍ରାଭୁତାଃଏଡେ ଜୀଉରାଡେଃରେୟାଃ ଦିପିଲି ହିନ୍ଦୁଆ, ଆଡ଼ଃ ପାର୍ମେଶ୍ୱାର୍ ଆପେ ନାଗେନ୍ଦ୍ର ସିଦାରେ ସାଲାକାଇ ଯୀଶୁ ମାସିକେ ଆପେତାଃଡେ କୁଲିୟା । ୨୧ ପାର୍ମେଶ୍ୱାର୍ ସବେନାଃ ଆଉରି ବାଇରୁହାଡେ ଜାକେଦ୍ ଯୀଶୁ ସିର୍ମାରେଗି ତାଇନାଏ ମେନ୍ଦ୍ର ପାବିତାର୍ ନାବୀକଆଃ ହରାଡେ ପାର୍ମେଶ୍ୱାର୍ ନାଙ୍ଗ ପାରିୟାରେ କାଜିକାଦ୍ ତାଇକେନା । ୨୨ ନେ ବିଷାଏରେ ମୁଶାନାବୀ କାଜିକାଦ୍ ତାଇକେନାଏ, ‘ଆପେୟାଃ ପ୍ରାଭୁ ପାର୍ମେଶ୍ୱାର୍ ଆପେୟାଃ ହେପାଡ୍‌ଡେ ଆଇଙ୍ଗ୍ ଲେକା ମିଆଁଦ୍ ନାବୀକେ କୁଲିୟା । ଇନିଃ ଆପେୟାଃ ହାଗାକଏଡେ ମିହୁଡ୍ ହବାଅଃଆଏ । ଇନିଃ ଆପେକେ କାଜିୟାପେଡେୟାଃ ସବେନାଃ ମାନାଡିଙ୍ଗ୍ ଲାଗାଡିଙ୍ଗ୍‌ୟାଃ । ୨୩ ମେନ୍ଦ୍ର ଏନ୍ ନାବୀଆଃ କାଜି କା ମାନାଡିଙ୍ଗ୍‌ତାନ ଜୀଉ ନାମାକାଦ୍ ସବେନ୍‌କକେ ପାର୍ମେଶ୍ୱାର୍ ଆତମ୍‌କେଦ୍‌ଡେ ଜିୟନ୍‌କଆ ।’ ୨୪ ହେଗି, ଶାମୁଏଲ୍ ନାବୀ ଆଡ଼ଃ ଇନିୟାଃ ତାୟମ୍‌ଡେ କାଜିକେଦ୍ ସବେନ୍ ନାବୀକହଗି ନେ ଦିପିଲିରେ ହବାଅଃତାନ ଆୟାଃକାଜିକ କାଜିକାଦାଃ । ୨୫ ନାବୀକଆଃ ହରାଡେ ପାର୍ମେଶ୍ୱାର୍ ଅକ ବାନାର୍‌ସା ଏମାକାଦାଏ, ଏନା ଆପେ ନାଗେନ୍ଦ୍ର ହବାକାନା, ଆଡ଼ଃ ପାର୍ମେଶ୍ୱାର୍ ଆପେୟାଃ ପୁର୍‌ଖା ହାଡାମକଲଃ ଅକ ରାଜିନାମା ବାଇୟାକାଦାଏ, ଆପେ ଏନାରେୟାଃ ହିସାପେ ନାମେୟା । ପାର୍ମେଶ୍ୱାର୍ ଆବ୍ରାହାମ୍‌କେ କାଜିକାଇ ତାଇକେନା, ‘ଆପେୟାଃ କିଲିକଆଃ ହରାଡେ ଆଇଙ୍ଗ୍ ଅଡେଦିଶୁମ୍‌ରେନ୍ ସବେନ୍ ହଡକକେଇଙ୍ଗ୍ ଆଶିଷ୍‌କଆ ।’ ୨୬ ଆଡ଼ଃ ପାର୍ମେଶ୍ୱାର୍ ଆୟାଃ

ଏନ୍ ଦାସିକେ ସାଲାଇୟା ଆଡ଼ଃ ଆପେ ସବେନକକେ ଏଡ଼କାନ୍ ହରାଏତେ ରୁହାଡ଼୍ ଆଡ଼କେଦ୍ତେ ଆଶିଷ୍ନାଙ୍ଫ ପାହିଲାତେ ଇନିଃକେ ଆପେତାଃତେ କୁଲ୍‌କିୟା ।”

୪

ମାରାଙ୍ଫପାଞ୍ଚେଟ୍ ଆୟାରରେ ପାଡ଼ରାସ୍ ଆଡ଼ଃ ଯୋହାନ୍

୧ ପାଡ଼ରାସ୍ ଆଡ଼ଃ ଯୋହାନ୍ ହଡ଼କକେ କାଜିୟାକ ତାଇକେନ୍‌ରେ ଯାଜାକକ, ମାନ୍ଦିର୍ ଅଡ଼ଃରେନ୍ ଦାରଞ୍ଜାନ୍‌କଆଃ ଗମ୍‌କେ ଆଡ଼ଃ ସାଦୁକିକ ଇନ୍‌କିନ୍‌ତାଃତେକ ହିଜୁଃୟାନା । ୨ ଏନ୍ତେ ଇନ୍‌କୁ ପୁରାଃଗିକ ଖୁସ୍‌ୟାନା ତିୟାଃତି ଯୀଶୁ ଗନ୍‌ଏଃତେ ଜୀଉବିରିଦାକାନାଏ ମେନ୍ତେ ଏନ୍ ବାରାନ୍ ପ୍ରେରିତ୍‌କିନ୍ ଇତୁ ତାଇକେନାକିନ୍ । ଏନା ହରାତେ ଗଜାକାନ୍‌କଆଃ ଜୀଉବିନିରିଦ୍ ମେନାଃ ମେନ୍ତେ ସାଦୁକିନ୍ ଏମେତାଇକେନା । ୩ ଏନାମେନ୍ତେ ଇନ୍‌କୁ ଇନ୍‌କିନ୍‌କେ ସାବ୍‌କେଦ୍‌କିନାକ । ଏନ୍ ହୁଲାଙ୍ଫ ପୁରାଃ ବିଲାମ୍‌କାନ୍ ତାଇକେନ୍ ନାଗେନ୍ତେ ଏଟାଃ ହୁଲାଙ୍ଫ ଜାକେଦ୍ ଜେହେଲ୍‌ରେକ ଦହକେଦ୍‌କିନା । ୪ ମେନ୍‌ଦ ଇନ୍‌କିନାଃ ଇନିତୁ ଆୟୁମ୍‌କେଦ୍‌କଏତେ ପୁରାଃ ହଡ଼କ ବିଶ୍ୱାସ୍‌କେଦା ଆଡ଼ଃ ଏନ୍ ହଡ଼କ ମଣେଁ ହାଜାର୍ ଲେକାକ ହବାୟାନା ।

୫ ଏଟାଃ ହୁଲାଙ୍ଫ ଯିହୁଦୀକଆଃ ଆଗୁଆଇକ, ପ୍ରାଚିନ୍‌କ ଆଡ଼ଃ ଆଇନ୍ ଇତୁକ ଯୀରୁଶାଲେମ୍‌ରେକ ହୁଣ୍ଟିୟାନା । ୬ ଇନ୍‌କୁ ମାରାଙ୍ଫ ଯାଜାକ ହାନାନ୍, କାୟ୍‌ଫା, ଯୋହାନ୍, ଆଲେକ୍‌ଜାଣ୍ଡାର୍ ଆଡ଼ଃ ମାରାଙ୍ଫ ଯାଜାକ୍‌ଆଃ ଅଡ଼ଃରେନ୍ ଏଟାଃକଲଃ ନାପାମ୍‌ୟାନାକ । ୭ ଇନ୍‌କୁ ପ୍ରେରିତ୍‌କକେ ଆକଆଃ ସାମ୍‌ନାଙ୍ଫରେ ତିଜ୍ଞକେଦ୍‌ତେ କୁଲିକେଦ୍‌କଆକ, “ଆପେ ନେ ସବେନାଃ ତିଲ୍‌କା ରିକାତାନାପେ ? ତିକାନ୍ ପେଡ଼େଃତେ ଚାଏ ଅକ ନୁତୁମ୍‌ତେ ନେ କାମିପେ ରିକାତାନା ?”

୮ ଏନ୍ତେ ପାଡ଼ରାସ୍ ପାବିତାର୍ ଆମ୍‌ାତେ ପେରେଃୟାନାଏ ଆଡ଼ଃ ଇନ୍‌କୁକେ କାଜିରୁହାଡ଼ାଦ୍‌କଆଏ, “ହଡ଼କଆଃ ଆଗୁଆଇକ ଆଡ଼ଃ ପ୍ରାଚିନ୍‌କ, ୯ ତିସିଙ୍ଫ ଆଲେ ନେ କାଟା କୁଟୁଙ୍ଫକାନ୍‌ନିଃକେ ବୁଗିକାଇ ନାଗେନ୍ତେ ଆପେ ଆଲେକେ କୁଲିଲେତାନାପେ ଆଡ଼ଃ ଇନିଃ ତିଲ୍‌କାତେ ବୁଗିୟାନା, ଏନା ସାରି ନାଗେନ୍ତେପେ ସାନାଙ୍ଫତାନ୍‌ରେଦ୍,

୧୦ ଆପେ ସବେନ୍ଦକ ଆଡ଼଼ ଇସ୍ରାଏଲରେନ୍ ସବେନ୍ ହଡ଼କ ସାରିପେ, ଆପେ ନାଜରେଡ଼ରେନ୍ ଅକନ୍ ଯୀଶୁ ଖ୍ରୀଷ୍ଟକେ କୁଶ୍ରେ କିଲକାଇ ତାଇକେନାପେ, ଇନିଃକେ ପାର୍ମେଶ୍ୱାର୍ ଗଜାକାନକଏତେ ଜୀଉବିରିଦକିୟା, ଇନିୟାଃ ନୁତୁମ୍‌ରାଃ ପେଡ଼େଃତେ ଏନ୍ ହଡ଼ ବୁଗିୟାନାଏ ଆଡ଼଼ ଆପେୟାଃ ଆୟାରରେ ତିଜ୍ଜୁଆକାନା ।
 ୧୧ ଧାରାମ୍‌ପୁଅରେ ଯୀଶୁଆଃ ବିଷାଏରେ ଅଲକାନା,

“ଅଡ଼ାଃ ବାବାଇକ ଅକନ୍ ଦିରିକେ ଆତମ୍‌ଏଶ୍ୱାଃକେଦାକ
 ଏନାଗି ଅଡ଼ାଃକଚାରାଃ ଦିରି ହବାୟାନା ।”

୧୨ ଇନିଃ ବେଗାର୍ ଜେତାଏତାଃରେ ଜୀଉବାସ୍ତାଅ ବାନଃଆ, ଚିୟାଃଚି ପାର୍ମେଶ୍ୱାର୍ ଆବୁଆଃ ଜୀଉବାସ୍ତାଅ ନାଗେନ୍ତେ ଗଟା ଅତେଦିଶୁମ୍‌ରେ ଇନିୟାଃ ନୁତୁମ୍ ବେଗାର୍ ଆଡ଼଼ ଜେତା ନୁତୁମ୍ କାଏ ଏମାକାଦା ।”

୧୩ ଇନ୍‌କୁ ପାଡ଼ରାସ୍ ଆଡ଼଼ ଯୋହାନଆଃ ଜୀଉରେକେଟେଦ୍ ନେଲ୍‌କେଦ୍‌ତେ ଆଡ଼଼ ଇନ୍‌କିନାଃ କା ଇନିତୁ, କା ସେଣ୍‌ନ୍ ହଡ଼କିନ୍ ତାନ୍‌କିନ୍ ଏନା ସାରିକେଦ୍‌ତେକ ହାଏକାଟ୍‌ୟାନା ଆଡ଼଼ ଇନ୍‌କିନ୍ ଯୀଶୁଲଃ ତାଇକେନାକିନ୍ ମେନ୍ତେ ଇନ୍‌କୁ ଆଟ୍‌କାରକେଦାକ । ୧୪ ମେନ୍‌ଦ ଇନ୍‌କୁ ଇନ୍‌କିନାଃ ବିରୁଧ୍‌ରେ ଜେଡ଼ନାଃ କାକ କାଜିଦାଡ଼ିକେଦା ଚିୟାଃଚି ଏନ୍ ବୁଗିଆକାନ୍ ହଡ଼କେ ପାଡ଼ରାସ୍ ଆଡ଼଼ ଯୋହାନଲଃ ତିଜ୍ଜୁଆକାନ୍‌କ ନେଲ୍‌କିୟା । ୧୫ ଏନାମେନ୍ତେ ଇନ୍‌କୁ ପାଞ୍ଚେଟ୍ ଅଡ଼ାଃଏତେ ଅତଙ୍ଗଅଃବେନ୍ ମେନ୍ତେ ଆରୁକେଦକିନାକ ଆଡ଼଼ ଇନ୍‌କୁ ଆକ ଆକରେ ଇନ୍‌କିନାଃ ବିଷାଏରେକ ଜାଗାର୍ ଏଟେଦ୍‌କେଦା । ୧୬ ଇନ୍‌କୁ କୁପ୍‌ଲିୟାନାକ, “ଆବୁ ନେ ହଡ଼କିନ୍‌କେ ଚିନାଃବୁ ଚିକାକିନା ? ଇନ୍‌କିନ୍ ସାର୍‌ତିଗି ମିଆଁଦ୍ ଆକ୍‌ଦାନ୍‌ଆ କାମିକିନ୍ କାମିକାଦା ଏନା ଯୀରୁଶାଲେମ୍‌ରେନ୍ ସବେନ୍‌କ ସାରିତାନା ଆଡ଼଼ ଏନା ଆବୁ ବାନଃ ମେନ୍ତେ କାରୁ କାଜି ଦାଡ଼ିୟା । ୧୭ ମେନ୍‌ଦ ନେ କାଜି ହଡ଼କତାଃରେ ଆଲକା ପାସ୍‌ରାଅଃକା, ଏନା ନାଗେନ୍ତେ ଯୀଶୁଆଃ ନୁତୁମ୍‌ତେ ଜେତା ହଡ଼କକେ ଆଲବେନ୍ କାଜିକଆ ମେନ୍ତେ ଇନ୍‌କିନ୍‌କେବୁ ରେତାଅକିନା ।”

୧୮ ଏନ୍ତେ ଇନ୍‌କୁ ପାଡ଼ରାସ୍ ଆଡ଼଼ ଯୋହାନକେ ଆଡ଼଼ମିସା କେଡ଼ାକେଦକିନାକ ଆଡ଼଼ ଯୀଶୁଆଃ ନୁତୁମ୍‌ତେ ଜେଡ଼ନାଃ

ଆଲବେନ୍ କାଜିୟାଃ ଚାଏ ଆଲବେନ୍ ଇଡୁକଆ ମେନ୍ତେକ ଆରୁକେଦକିନାକ । ୧୯ ମେନ୍ଦ ପାଡ଼ରାୟ୍ ଆଡ଼ଃ ଯୋହାନ୍ ଇନ୍କୁକେ କାଜିରୁହାଡ଼ାଦକଆକିନ୍, “ଆଲିଙ୍ଫ ପାରମେଶ୍ଵାରକେ ମାନାତିଙ୍ଫତେୟାଃ ଚାଏ ଆପେୟାଃ କାଜି ମାନାତିଙ୍ଫତେୟାଃ ଅକ୍ନାଃ ପାରମେଶ୍ଵାରଆଃ ଆୟାରରେ ଠାଉକାନ୍ରିୟା ଏନା ଆପେ ଆପେଗି ବିଚାରେପେ । ୨୦ ଚିୟାଃଟି ଆଲିଙ୍ଫ ନେଲକାଦତେୟାଃ ଆଡ଼ଃ ଆୟୁମାକାଦତେୟାଃ କା ଉଦୁବକେଦ୍ତେ କାଲିଙ୍ଫ ତାଇନ୍ଦାଡ଼ିୟା ।” ୨୧ ଏନ୍ତେ ପାଞ୍ଚେଟ୍ରେନ୍ ହଡ଼କ ଇନ୍କିନ୍କେ ସାଜାଇ ଏମ୍ କା ହବାସାକାଅଆଃ, ଆଡ଼ଃ ପୁରାଃ ଚେତାଅତାନ୍ଲଃ ଇନ୍କିନ୍କେ ବାଗିକେଦକିନାକ, ଚିୟାଃଟି ହଡ଼କ ଏନ୍ ହବାକାନ୍ତେୟାଃ ନେଲକେଦ୍ତେ ପାରମେଶ୍ଵାରଆଃ ମାନାରାଙ୍ଫ ତାଇକେନାକ । ୨୨ ଆକ୍ଦାନ୍ଦାଅ ଲେକାତେ ବୁଗିଆକାନ୍ ଏନ୍ ହଡ଼ଆଃ ବାର୍ହିସି ବାରାଷ୍ଟଏତେ ଆଦକା ହବାଅଃତାଇକେନା ।

ଜୀଉରେକେଟେଦ୍ ନାମେ ନାଗେନ୍ତେ ବିଶ୍ଵାସୀକଆଃ ବିନ୍ତି

୨୩ ପାଡ଼ରାୟ୍ ଆଡ଼ଃ ଯୋହାନ୍ ରାଡ଼ାୟାନ୍ତି, ଇନ୍କିନ୍ ଆକିନାଃ ଆପନାଃ ହଡ଼କତାଃତେ ରୁହାଡ଼କେଦ୍ତେ ମୁଲ୍ ଯାଜାକ୍କ ଆଡ଼ଃ ପ୍ରାତିନ୍କ କାଜିକେଦ୍ତେୟାଃ ସବେନାଃ ଇନ୍କୁକେ ଉଦୁବାଦକଆକିନ୍ । ୨୪ ବିଶ୍ଵାସୀକ ସବେନ୍ କାଜି ଆୟୁମକେଦ୍ତି ମିଦ୍ ମନ୍ତେ ପାରମେଶ୍ଵାରତାଃରେ ବିନ୍ତିକେଦାକ; “ହେ ଗମ୍କେ, ଆମ୍ ସିମ୍ନା, ଅତେ, ଦରେୟା ଆଡ଼ଃ ଏନାରେୟାଃ ସବେନାଃ ବାବାଇନିଃ ତାନ୍ମେ ! ୨୫ ଆମ୍ ଆମାଃ ଦାସି, ଆଲେୟାଃ ଆପୁ ଦାଉଦ୍ଆଃ ମଚାତେ ପାବିତାର୍ ଆମ୍ତେ ନେ କାଜି କାଜିକାଦାମ୍,

“ ନେ ସାଅଁସାର୍ ହଡ଼କ ଚିନାଃମେନ୍ତେ ଖୁସ୍ୟାନାକ;

ଆଡ଼ଃ ହଡ଼କ ଚିନାଃମେନ୍ତେ ସାମାକାଜିକ ରୋଜୋଟତାନା ?

୨୬ ପ୍ରାଭୁଆଃ ବିରୁଧ୍ରେ ଆଡ଼ଃ ଆୟାଃ ସାଲକାନ୍ ମାସିଆଃ ବିରୁଧ୍ରେ ଅତେଦିଶ୍ଵମରେନ୍ ରାଜାକ ସେକାଡ଼ୟାନା

ଆଡ଼ଃ ହାକିମକ ମିଦ୍ତାଃରେକ ହୁଣ୍ଡିୟାନା ।’

୨୭ ☆ଚିୟାଃଟି ସାର୍ତି କାଜିଲେରେ ହେରୋଦ୍ ଆଡ଼ଃ ପନ୍ତିୟସ୍ ପିଲାଡୁସ୍ ନେ ନାଗାର୍ରେ ସାଅଁସାର୍କଲଃ ଆଡ଼ଃ ଇସ୍ରାଏଲ୍

☆ ୪:୨୭ ୪:୨୭ ଲୁକ ୨୩:୭-୧୧; ମାଥୁଉ ୨୭:୧,୨; ମାର୍କ ୧୫:୧; ଲୁକ ୨୩:୧; ଯୋହାନ୍ ୧୮:୨୮,୨୯.

ହତକଲ୍ଲଃ ମେସାକେଦ୍‌ତେ ଆମାଃ ପାବିତାର୍ ଦାସି ଯ୍ଯାଶ୍ଵ, ଅକ୍‌ଏକେଚି ଆମ୍ ମାସି ମେନ୍ତେମ୍ ଆଭିଷେକ୍‌କିୟା, ଇନିୟାଃ ବିରୁଧ୍‌ରେ ରୋଜୋଟକେଦାକ । ୨୮ ଆମାଃ ପେଡ଼େଃ ଆଡ଼ଃ ମନେଲେକାତେ ସବେନାଃ ହବାଅଃକା ମେନ୍ତେ ସିଦାରେ ଉହାଟ୍‌କାନ୍ ତାଇକେନା, ଏନାକେ ରିକାଏ ନାଗେନ୍ତେ ଇନ୍‌କୁ ହୁଣ୍ଡିୟାନାକ । ୨୯ ଆଡ଼ଃ ନାହ୍‌ୱାଃଦ, ହେ ପ୍ରାଭୁ, ଇନ୍‌କୁ ଆଲେକେ ବତଙ୍ଗ୍‌ଲେତାନାକ ଏନା ନେଲେମେ ଆଡ଼ଃ ଆମାଃ ଦାସିକକେ ପୁରାଃ ପେଡ଼େୟାନ୍‌ତେ ଆମାଃ କାଜି କାଜି ନାଗେନ୍ତେ ଜୀଉରେକେଟେଦ୍ ଏମାଲେମେ । ୩୦ ଆଡ଼ଃ ବୁଗିକ ନାଗେନ୍ତେ ଆମାଃ ତିଃଇ ଜିଲିଙ୍ଗ୍‌ୟେମେ ଆଡ଼ଃ ଆମାଃ ପାବିତାର୍ ଦାସି ଯ୍ଯାଶ୍ଵାଃ ନୁଡୁମ୍‌ତେ ଚିହ୍ନା ଆଡ଼ଃ ଆକ୍‌ଦାନ୍‌ଦାଅ କାମିକ ରିକା ନାଗେନ୍ତେ ପେଡ଼େଃ ଏମାଲେମେ ।”

୩୧ ଇନ୍‌କୁ ବିନ୍ତ୍ରି ଚୁଣ୍ଡୁକେଦ୍‌ଚି ଆକ ହୁଣ୍ଡିକାନ୍ ଠାୟାଦ୍‌ତାଃରେ ଅତେ ଏକ୍‌ଲ୍‌ଅୟାନା ଆଡ଼ଃ ସବେନ୍‌କ ପାବିତାର୍ ଆମ୍‌ତେକ ପେରେଃୟାନା ଆଡ଼ଃ ପାର୍‌ମେଶ୍ଵାର୍‌ଆଃ କାଜି ପୁରାଃ ଜୀଉରେ କେଟେଦ୍‌କେଦ୍‌ତେ ଉଦ୍‌ବ୍ ଏଟେଦ୍‌କେଦା ।

ବିଶ୍ଵାସୀକ ଆକଆଃ ମେନାଃତେୟାଃକ ହାପ୍‌ଟିଙ୍ଗ୍‌ୟାନା

୩୨ ✱ବିଶ୍ଵାସୀକ ମିଦ୍ ମନ୍ ଆଡ଼ଃ ମିଦ୍ ମନ୍‌ସୁରୁଦ୍‌ୟାନାକ । ଆଡ଼ଃ ଜେତାଏ ଆପ୍‌ନାଃ ମେନାଃତେୟାଃକେ ଆପ୍‌ନାଃ ତାନାଃ ମେନ୍ତେ କାକ କାଜି ତାଇକେନା, ମେନ୍‌ଦ ସବେନ୍‌କ ଆକଆଃ ମେନାଃତେୟାଃକେ ମିଦ୍‌ସାମାନ୍‌ଗିକ ହାପ୍‌ଟିଙ୍ଗ୍‌ୟାଃ ତାଇକେନା । ୩୩ ପ୍ରେରିତ୍‌କ ପୁରାଃ ପେଡ଼େଃତେ ପ୍ରାଭୁ ଯ୍ଯାଶ୍ଵାଃ ଜୀଉବିନିରିଦ୍‌ରାଃ ବିଷାଏରେ ଗାଞ୍ଜାକ ଏମ୍‌କେଦା ଆଡ଼ଃ ପାର୍‌ମେଶ୍ଵାର୍ ଇନ୍‌କୁକେ ପୁରାଃ ଆଶିଷ୍ ଏମ୍‌କେଦ୍‌କଆଏ । ୩୪ ଏନାତେ ଇନ୍‌କୁଆଃ ଜେଡ୍‌ନାଃ କା ହାଟିଅଃ ତାଇକେନା, ଚିୟାଃଚି ଅକନ୍‌କଆଃ ପିଡି ଆଡ଼ଃ ଅଡ଼ାଃ ତାଇକେନା, ଇନ୍‌କୁ ଏନାକ ଆଖ୍‌ରିଙ୍ଗ୍‌କେଦ୍‌ତେ ଏନାରାଃ ଗନଙ୍ଗ୍ ଟାକା ପାଏସା ଆଉକେଦ୍‌ତେ ୩୫ ପ୍ରେରିତ୍‌କକେ ଏମାକ ତାଇକେନାକ ଆଡ଼ଃ ଏନ୍ ପାଏସାକେ ଆକଆଃ ଲାଗାତିୟାଃ ଲେକାକ ହାପ୍‌ଟିଙ୍ଗ୍‌ୟାଃ ତାଇକେନା ।

✱ ୪:୩୨ ୪:୩୨ ପ୍ରେରିତ୍ ୨:୪୪,୪୫.

୩୭ ଆତ୍ମ ସାଇପ୍ସ ନୁହେଁ ଠାୟାଦରେ ଜାନାମାକାନ୍ ଲେବୀ କିଲିରେନ୍ ଯୋଷେଫ୍, ଅକଏକେଟି ପ୍ରେରିତ୍ ବର୍ଣ୍ଣବାସ୍, ଏନାରାଃ ମୁଣ୍ଡିଦ “ଜୀଉରାଡେଃରାଃ ହନ୍” ମେନ୍ତେକ ନୁହେଁକିୟା । ୩୭ ଇନିୟାଃ ମିଆଁଦ୍ ପିଡ଼ି ତାଇକେନା, ଏନାକେ ଇନିଃ ଆଖ୍ରିକ୍‌କେଦ୍‌ତେ ଏନାରାଃ ଟାକା ପାଏସା ପ୍ରେରିତ୍‌କେ ଏମାଦକଆ ।

୫

ହନାନିୟ ଆତ୍ମ ସଫିରା

୧ ହନାନିୟ ନୁହେଁ ମିଆଁଦ୍ ହଡ୍ ଆୟାଃ କୁଡ଼ିତେ ସଫିରାଲଃ ହୁଡ଼ିକ୍‌ଲେକା ଅତେ ଆଖ୍ରିକ୍‌କେଦାକିନ୍ । ୨ ମେନ୍ଦ୍ ହନାନିୟ ଆୟାଃ କୁଡ଼ିତେଲଃ ସାଲ୍‌ହାକେଦ୍‌ତେ, ଇନିଃ କାଟିଃଲେକା ଟାକା ପାଏସା ଆୟାଃ ନାଗେନ୍ତେ ଉକ୍ତୁ ଦହକେଦା ଆତ୍ମ ବାକିତେୟାଃ ଇଦିକେଦ୍‌ତେ ପ୍ରେରିତ୍‌କଆଃ କାଟା ଲାତାରରେ ଦହକେଦା । ୩ ପାଡ଼ରାସ୍ ଇନିଃକେ କାଜିକିୟାଏ, “ଏ ହନାନିୟ, ପାବିତାର୍ ଆମ୍‌ରାଃ ଆୟାରରେ ହସଡ୍ କାଜି ନାଗେନ୍ତେ ଆତ୍ମ ଅତେରାଃ ଗନକ୍‌ଏତେ କାଟିଃଲେକା ଉକ୍ତୁ ନାଗେନ୍ତେ ସାଏତାନ୍ ଚିନାଃମେନ୍ତେ ଆମାଃ ମନ୍‌ସୁରୁଦ୍‌କେ ଆକ୍‌ତେୟାରକେଦା ? ୪ ଆଖ୍ରିକ୍‌କେଦ୍ ସିଦାରେ ଏନା ଚିୟାଃ ଆମାଃ କା ତାଇକେନା ? ଆତ୍ମ ଆଖ୍ରିକ୍‌କେଦ୍ ତାୟମ୍‌ତେ ଏନ୍ ଟାକା ପାଏସା ଚିନାଃ ଆମାଃ ଆକ୍‌ତେୟାରରେ କା ତାଇକେନା ? ତାଦ୍‌ଦ ଚିନାଃମେନ୍ତେ ଆମ୍ ନେ'ଲେକା ଆମାଃ ମନ୍‌ସୁରୁଦ୍‌ରେମ୍ ଉଡ଼୍‌କେଦା ? ଆମ୍ ହଡ୍‌କକେଦ୍ କା ମେନ୍ଦ୍ ପାର୍‌ମେଶ୍‌ଆଃ ଆୟାରରେ ବେଦାକାଜିମ୍ କାଜିକାଦା ।” ୫ ନେ କାଜିକ ଆୟୁମ୍‌କେଦ୍‌ଟି ହନାନିୟ ଅତେରେ ଉୟୁଃକେଦ୍‌ତେ ଗଏଃୟାନା, ଆତ୍ମ ନେ ବିଷାଏରେ ଆୟୁମ୍‌କେଦ୍ ସବେନ୍‌କ ପୁରାଃଗିକ ବରକେଦା । ୬ ସେପେଡେଦ୍‌କ ହିଜୁଃକେଦ୍‌ତେ ଇନିଃକେ ଲିଜାଃତେ ପଟମ୍‌କିୟାକ ଆତ୍ମ ଗଅଃ ଅତକ୍‌କିତେ ତପାକିୟାକ ।

୭ ଆପି ଘାଡ଼ିଲେକା ତାୟମ୍‌ତେ ଇନିୟାଃ କୁଡ଼ି ଅକ୍‌ନାଃ ହବାକାନ୍‌ତେୟାଃ କା ସାରିକେଦ୍‌ତେ ହିଜୁଃୟାନା ଆତ୍ମ ବଲୟାନାଏ । ୮ ପାଡ଼ରାସ୍ ଇନିଃକେ କୁଲିକିୟାଏ, “ଆବେନ୍ ନେ ପିଡ଼ିକେ ନିମ୍‌ନାକ୍‌ତେଗିବେନ୍ ଆଖ୍ରିକ୍‌କେଦାଟି ?”

ଇନିଃ କାଜିରୁହାଡ଼କେଦାଏ, “ହେଗି, ନିମିନାଙ୍ଗତେଗି ।”

୯ ଏନ୍ତେ ପାଡ଼ରାସ୍ ଇନିଃକେ କାଜିକିୟାଏ, “ପ୍ରାଭୁଆଃ ଆମ୍ବାକେ ବିଡ଼ାଅ ନାଗେନ୍ତେ ଆବେନ୍ ବାରାନ୍କିନ୍ ଚିନାଃ ମେନ୍ତେବେନ୍ ଉଡ଼ଃକେଦା ? ନେଲ୍ଲୁମ୍, ଆମାଃ କଡ଼ାକେ ତପାକେନ୍କ ଦୁଆରତାଃରେ ମେନାକଆ ଆଡ଼ଃ ଇନ୍କୁ ଆମ୍ବାକେ ହଗି ଗଅଃ ଅଡ଼ଙ୍ଗମେୟାକ ।” ୧୦ କାଜିକେଦ୍ ଇମ୍ବାତାଗି ଇନିଃ ଇନିୟାଃ କାଟା ଲାତାରରେ ଉୟୁଃୟାନା ଆଡ଼ଃ ଗଏଃୟାନାଏ । ଏନ୍ତେ ସେପେଡ଼େଦକ ବଲୟାନ୍ତି ଇନିଃକେ ଗଏଃକାନ୍କ ନେଲ୍ଲକିୟା ଆଡ଼ଃ ଇନ୍କୁ ଇନିଃକେ ଗଅଃ ଅଡ଼ଙ୍ଗକିତେ କଡ଼ାତେୟାଃ ଜାପାଃରେକ ତପାକିୟା । ୧୧ ଗଟା କାଲିସିୟା ଆଡ଼ଃ ନେ କାଜି ଆୟୁମ୍ବାକେଦ୍ ସବେନ୍କ ପୁରାଃଗିକ ବରକେଦା ।

ଆକଟାକାଅ ଆଡ଼ଃ ଆକଦାନ୍ଦାଅ କାମି

୧୨ ପ୍ରେରିତ୍ କ ପୁରାଃଗି ଆକଟାକାଅ କାମି ଆଡ଼ଃ ଆକଦାନ୍ଦାଅ କାମିକ ହଡ଼କଆଃ ଆଲାରେକ କାମିକେଦା ଆଡ଼ଃ ସବେନ୍ ବିଶ୍ୱାସୀକ ସୁଲିମାନ୍ଆଃ ପିଣ୍ଡିତାଃରେ ହୁଣ୍ଡିୟଃ ତାଇକେନାକ । ୧୩ ଇନ୍କୁଆଃ ବିଷାଏରେ ହଡ଼କ ବୁଗିନାଃ ଜାଗାର୍ତାନ ତାଇକେନ୍ରେୟ ଏଟାଃ ଝୁଣ୍ଡିରେନ୍ ହଡ଼କ ଇନ୍କୁଲଃ ମେସାଆଃ ନାଗେନ୍ତେ ଜେତାଏ କାକ ସାହାସେ ତାଇକେନା । ୧୪ ମେନ୍ଦ ଗାଦେଲ୍ କଡ଼ା ଆଡ଼ଃ କୁଡ଼ିକ ପ୍ରାଭୁତାଃରେ ବିଶ୍ୱାସକେଦ୍ତେ ଚିମିନ୍ ଚିମିନ୍ ହଡ଼କ ଏନ୍ ଝୁଣ୍ଡିରେ ମେସାଆଃ ତାଇକେନାକ । ୧୫ ପ୍ରେରିତ୍ କଆଃ କାମି ବୁଗିଲେକା ହବାଅଃ ତାଇକେନା, ପାଡ଼ରାସ୍ ହିନ୍ଦୁଃ ତାଇକେନ୍ ଇମ୍ବାତା ହରାରେ ଆୟାଃ ଉମ୍ବୁଲ୍ ଦୁକୁତାନ୍ ହଡ଼କଆଃରେ ଉୟୁଗଃକା ମେନ୍ତେ ହଡ଼କ ଦୁକୁତାନ୍କକେ ପାର୍ବକମ୍ ଆଡ଼ଃ ଜାଟିକରେ ଗଅଃ ଆଉକେଦ୍ତେ ହରାଗେନାରେ ଦହକ ତାଇକେନାକ । ୧୬ ଆଡ଼ଃ ଯୀରୁଗାଲେମ୍ରେୟାଃ ଚାରିୟାଃରେନ୍ ନାଗାର୍ବକଏତେ ଗାଦେଲ୍ ହଡ଼କ ଦୁକୁତାନ୍ ଆଡ଼ଃ ସଡ଼ରା ଆମ୍ବାତେ ଏସେରାକାନ୍ ହଡ଼କକେ ପ୍ରେରିତ୍ କତାଃ ଆଉକତାଇକେନାକ ଆଡ଼ଃ ଇନ୍କୁ ସବେନ୍ ବୁଗିୟଃ ତାଇକେନାକ ।

ପ୍ରେରିତ୍ କକେ ସାସାତି

୧୭ ଏନ୍ତେ ମାରାଙ୍ଗ୍ ଯାଜାକ୍ ଆଡ଼ଃ ଆୟାଃ ସବେନ୍ ଦେଙ୍ଗାତାନ୍କ, ଅକନ୍କଟି ସାଦୁକି ଝୁଣ୍ଡିରେନ୍ ତାଇକେନାକ, ଇନ୍କୁ ପ୍ରେରିତ୍ କଆଃ

ଚେତାନ୍ରେ ପୁରାଃଗି ହିସଙ୍ଗାତେ ପେରେଃୟାନାକ । ୧୮ ଇନ୍କୁ ପ୍ରେରିତ୍‌କକେ ସାବକେଦ୍‌ତେ ଆନାରେକ ଦହକେଦ୍‌କଆ । ୧୯ ମେନ୍‌ଦ ପ୍ରାଭୁଆଃ ଦୁଁତ୍ ଏନ୍ ନିଦାଗି ଆନାରାଃ ଦୁଆରକେ ନିକ୍‌କେଦା, ଆତଃ ପ୍ରେରିତ୍‌କକେ ଅତଙ୍‌କେଦ୍‌ତେ ମେତାଦ୍‌କଆ, ୨୦ “ଜୁ, ସେନଃପେ, ଆତଃ ମାନ୍ଦିର୍ ଅଡ଼ାଃରେ ତିଙ୍‌କେଦ୍‌ତେ ନେ ନାଞ୍ଜା ଜୀଦାନ୍ ବିଷାଏରେ କାଜିୟାକପେ ।” ୨୧ ପ୍ରେରିତ୍‌କ ଏନ୍ ଦୁଁତ୍‌ଆଃ କାଜି ମାନାତିଙ୍‌କେଦ୍‌ତେ ସେତାଃ ଇଦାନ୍‌ରେ ମାନ୍ଦିର୍ ଅଡ଼ାଃତେ ବଲକେଦ୍‌ତେ ହଡ଼କକେ ଇତୁ ଏଟେଦ୍‌କେଦ୍‌କଆକ । ମାରାଙ୍ ମାଜାକ୍ ଆତଃ ଇନିୟାଃ ଦେଙ୍‌ଗାତାନ୍‌କ ହିଜୁଃକେଦ୍‌ତେ, ମାରାଙ୍ ପାଞ୍ଚେଟ୍ ଆତଃ ଇସ୍ତାଏଲ୍ ହନକଆଃ ସବେନ୍ ପ୍ରାଚୀନ୍‌କକେ କେଡ଼ା ହୁଣ୍ଡିକେଦ୍‌କଆକ ଆତଃ ପ୍ରେରିତ୍‌କକେ ଆଉକ ନାଗେନ୍ତେ ହଡ଼କକେ ଜେହେଲ୍‌ତେ କୁଲ୍‌କେଦ୍‌କଆକ । ୨୨ ମେନ୍‌ଦ ସିପାଇକ୍ ଆନାତେ ସେଟେରୟାନ୍‌ତି ପ୍ରେରିତ୍‌କକେ ଏନ୍ତାଃରେ କାକ ନାମ୍‌କେଦ୍‌କଆ, ଏନ୍ତେ ଇନ୍କୁ ମାରାଙ୍ ପାଞ୍ଚେଟ୍‌ତେ ହିଜୁଃରୁହାଡ଼କେଦ୍‌ତେ ଉଦୁବାଦ୍‌କଆକ, ୨୩ “ଆଲେ ଜେହେଲ୍‌ତେ ସେଟେରୟାନ୍‌ତି ଦୁଆର୍ ବୁଗିଲେକା ହାଣ୍ଡେଦାକାନ୍ ଆତଃ ଦାରଞ୍ଜାନ୍‌କ ଦୁଆର୍ ହେପାଦ୍‌ରେ ହରତାନ୍‌ଲେ ନେଲ୍‌କେଦ୍‌କଆ, ମେନ୍‌ଦ ଦୁଆର୍ ନିଜକେଦ୍‌ତେ ଭିତାରରେ ଜେତାଏକେ କାଲେ ନାମ୍‌କେଦ୍‌କଆ ।” ୨୪ ମାନ୍ଦିର୍ ଅଡ଼ାଃ ହରକଆଃ ଗମ୍‌କେ ଆତଃ ମୁଲ୍ ଯାଜାକ୍ ବାରାନ୍‌କିନ୍ ନେ କାଜିକ୍ ଆୟୁମ୍‌କେଦ୍‌ତେ ପ୍ରେରିତ୍‌କଆଃ ଚିକ୍‌ନାଃ ହବାୟାନା ମେନ୍ତେ ଆକ୍‌ଚାକାଅୟାନାକିନ୍ । ୨୫ ଇମ୍‌ତା ମିଆଁଦ୍ ହଡ଼ ହିଜୁଃକେଦ୍‌ତେ ଇନ୍‌କୁକେ ଉଦୁବାଦ୍‌କଆଏ, “ଆୟୁମେପେ, ଆପେ ଆନାରେ ଦହକାଦ୍‌କି ତାଇକେନ୍ ହଡ଼କ, ମାନ୍ଦିର୍ ଅଡ଼ାଃରେ ତିଙ୍‌କେଦ୍‌ତେ ହଡ଼କକେ ଇତୁକତାନାକ ।” ୨୬ ଏନ୍ତେ ଦାରଞ୍ଜାନ୍‌କଆଃ ଗମ୍‌କେ, ଦାରଞ୍ଜାନ୍‌କଲଃ ସେନ୍‌କେଦ୍‌ତେ ପ୍ରେରିତ୍‌କକେ ଆତଃମିସା ଆଉକେଦ୍‌କଆକ । ମେନ୍‌ଦ ଇନ୍‌କୁକେ ଜାବାରଜାସ୍ତିତେ କାକ ଆଉକେଦ୍‌କଆ, ଚିୟାଃତି ହଡ଼କ ଦିରିତେକ ଚିଦ୍‌ଗିବୁଆ ମେନ୍ତେ ଇନ୍‌କୁ ହଡ଼କକେ ବର ତାଇକେନାକ ।

୨୭ ଇନ୍‌କୁ ପ୍ରେରିତ୍‌କକେ ଆଉକେଦ୍‌ତେ ମାରାଙ୍ ପାଞ୍ଚେଟ୍‌ରେ ତିଙ୍‌କେଦ୍‌କଆକ, ଆତଃ ମାରାଙ୍ ଯାଜାକ୍ ଇନ୍‌କୁକେ

କୁଲିକେଦକଆ, ୨୮ ☆“ଆଲେ ଆପେକେ ନେ ହଡ଼ରାଃ ନୁତୁମ୍ତେ ଆଲ୍ଲପେ ଇଡୁକଆ ମେନ୍ତେ ପୁରାଃଗିଲେ ଆରୁକାଦପେ ତାଇକେନା, ମେନ୍ଦ ନେଲେପେ ଆପେ ଚିନାଃ ଚିକାକାଦାପେ, ଆପେ ଆପେୟାଃ ଇନିଡୁରେ ଯୀରୁଣାଲେମ୍ବରାଃ ଚାରିୟସାଃରେ ନିତିରକାଦାପେ ଆଡ଼ଃ ଏନ୍ ହଡ଼ରାଃ ମାୟୋମ୍ ନାଗେନ୍ତେ ଆପେ ଆଲେକେ ଚିଟା ନାଗେନ୍ତେପେ ସାନାଙ୍ଗତାନା ।”

୨୯ ପାଡ଼ରାସ୍ ଆଡ଼ଃ ଏଟାଃ ପ୍ରେରିତ୍ କ କାଜିରୁହାଡ଼କେଦା, “ଆଲେ ପାରମେଶ୍ଵାରକେ ମାନାତିଙ୍ଗ୍ ଲାଗାତିୟା, ହଡ଼କକେ କାହାଗି । ୩୦ ଆପେ ଯୀଶୁକେ କ୍ଳାଶ୍ରେ କିଲାଗଏଃକିଃ ତାୟମ୍ତେ ଆରୁଆଃ ପୁରୁଖାହାଡ଼ାମ୍ବିକଆଃ ପାରମେଶ୍ଵାର୍, ଯୀଶୁକେ ଗନଏଃହେତେ ଜୀଉବିରିଦକିୟାଏ । ୩୧ ଇସ୍ରାଏଲ୍ରେନ୍ ହଡ଼କକେ ହେୟାତିଙ୍ଗ୍କେଦତେ ପାପ୍ ଛାମା ନାମେ ନାଗେନ୍ତେ ପାରମେଶ୍ଵାର୍ ଇନିଃକେ ଆଗୁଆଇ ଆଡ଼ଃ ବାସ୍ତାଅନିଃ ଲେକା ଆୟାଃ ଜମ୍ତିସାଃରେ ଦହକିୟାଏ । ୩୨ ଆଲେ ନେ ସବେନ୍ କାଜିକରାଃ ଗାଞ୍ଜାକ ତାନ୍ଲେ ଆଡ଼ଃ ପାରମେଶ୍ଵାର୍, ଆୟାଃ ମାନାତିଙ୍ଗ୍ତାନ୍ ହଡ଼କକେ ଏମାକାଦକ ପାବିତାର୍ ଆମ୍ବୁହଗି ନେଆଁରାଃ ଗାଞ୍ଜାତାନିଃ ।”

୩୩ ମାରାଙ୍ଗ୍ ପାଞ୍ଚେଟ୍ରେନ୍ ହଡ଼କ ନେ କାଜି ଆୟୁମ୍ତକେଦତି ପୁରାଃଗି ଶ୍ଵୟାନ୍ନାକ ଆଡ଼ଃ ପ୍ରେରିତ୍ କକେ ଗଗଏଃ ନାଙ୍ଗକ ସାନାଙ୍ଗକେଦା । ୩୪ ମେନ୍ଦ ଗମଲିଏଲ୍ ନୁତୁମ୍ ମିଆଁଦ୍ ଫାରୁଶୀ, ଇନିଃ ଆଇନ୍ ଇଡୁନିଃ ଆଡ଼ଃ ସବେନ୍ ହଡ଼କତାଃଏତେ ମାଇନ୍ ନାମେତାନ୍ ହଡ଼ ତାଇକେନାଏ । ଇନିଃ ପାଞ୍ଚେଟ୍ରେରେ ତିଙ୍ଗୁକେଦତେ ପ୍ରେରିତ୍ କକେ କାଟିଃ ଘାଡ଼ିକାଦ୍ ବାହାରିତେ ଅଡ଼ଙ୍ଗକପେ ମେନ୍ତେ ଆରୁକେଦକଆ । ୩୫ ଏନ୍ତେ ଇନିଃ ଇନ୍କୁକେ କାଜିକେଦକଆଏ, “ହେ ଇସ୍ରାଏଲ୍ରେନ୍ ହଡ଼କ, ଆପେ ନେ ହଡ଼କକେ ଚିକ୍ନାଃ ରିକାନାଙ୍ଗ୍ ସେନ୍ତାନାପେ ଏନ୍ ବିଷାଏରେ ଚିର୍ଗାଲାକାନ୍ପେ । ୩୬ ଚିୟାଃଚି ଚିମିନ୍ ମାହାଁ ସିଦାରେ ଥୁଉଦା ନୁତୁମ୍ ମିଆଁଦ୍ ହଡ଼ ବିରିଦୟାନ୍ଏ ଆଡ଼ଃ ଆଇଙ୍ଗ୍ ମାରାଙ୍ଗ୍ ହଡ଼ ତାନିଙ୍ଗ୍ ମେନ୍ତେ କାଜିକେଦା, ଏନ୍ତେ ଇନିଃଲଃ ଉପୁନ୍ଶାଅ ଲେକା ହଡ଼କ ମେସାୟାନ୍ନା । ମେନ୍ଦ ଇନିଃ ଗଏଃୟାନ୍ତେ, ଇନିଃକେ ଅଡ଼ଙ୍ଗ୍ତାନ୍ ସବେନ୍ କ ଛିତିବିତିୟାନ୍ନାକ

☆ ୫:୨୮ ୫:୨୮ ମାଥୁର ୨୭:୨୫.

ଆଡ଼ ଆୟାଃ ଝୁଣ୍ଡ ଜିୟନ୍ୟାନା । ୩୭ ଇନିୟାଃ ତାୟମତେ, ଗାଲିଲରେନ୍ ଯିହୁଦା ନୁତୁମ୍ ମିଆଁଦ୍ ହଡ଼, ନୁତୁମ୍ ଅଲ୍ ଦିପିଲିରେ ବିରିଦ୍ୟାନାଏ ଆଡ଼ ପୁରାଃ ହଡ଼କ ଇନିଃକେ ଅତଙ୍ଗକିୟାକ ମେନ୍ଦ୍ ଇନିଃକେହ୍ ଗଏଃକିୟାକ, ଏନ୍ତେ ଇନିଃକେ ଅତଙ୍ଗଇତାନ୍ ସବେନ୍କ ଛିତିବିତିୟାନାକ । ୩୮ ଆଡ଼ ନାଆଃଦଇଙ୍ଗ୍ କାଜିୟାପେତାନା, ନେ ହଡ଼କକେ ଜେଡନାଃ କା ରିକାକେଦ୍ତେ ବାଗିତାକୁପେ ଆଡ଼ ଇନ୍କୁକେ ସେନ୍ ଇତିକୁପେ ଚିୟାଃଚି ଇନ୍କୁଆଃ କାମି ତାଏ ଉଦେଶ୍ ହଡ଼କଆଃ ସାଃଏତେ ତାନାଃରେଦ୍ ଏନା ଜିୟନଃଆ । ୩୯ ମେନ୍ଦ୍ ଏନା ପାର୍ମେଶ୍ୱାର୍ ସାଃଏତେ ହବାଅଃତାନ୍ରେଦ୍, ଆପେ ଇନ୍କୁକେ କାପେ ହାରାଅ ଦାଡ଼ିୟା, କା'ରେଦ୍ ଆପେ ପାର୍ମେଶ୍ୱାର୍ଲଃ ଲାଡ଼ାଇତାନ୍ ଲେକାପେ ଆଟ୍କାରଃଆ ।”

ଏନ୍ତେ ମାରାଙ୍ଗ୍ ପାଞ୍ଚେଟ୍ରେନ୍ ହଡ଼କ ଗମଲିଏଲ୍ଆଃ ଆନାରୁକ ଆୟୁମକେଦା । ୪୦ ଇନ୍କୁ ପ୍ରେରିତ୍ତକେ ହାକାଅକେଦ୍ତେ କୋର୍ତାତେ ହାଁଶ୍ୱାକ୍ତାନ୍ଲଃ ଯୀଶୁଆଃ ନୁତୁମ୍ତେ ଆଲ୍ପେ କାଜିୟା ମେନ୍ତେ ଆରୁକେଦ୍କଆକ ଆଡ଼ ଇନ୍କୁକେ ବାଗିକେଦ୍କଆକ । ୪୧ ଏନ୍ତେ ପାର୍ମେଶ୍ୱାରାଃ ନେପେଲ୍ରେ ଇନ୍କୁ ଯୀଶୁଆଃ ନୁତୁମ୍ ନାଗେନ୍ତେ ହିଲାଙ୍ଗ୍ଅଃଲେକାକ ଆଟ୍କାର୍ୟାନା ମେନ୍ତେ ରାସ୍ତାକାଅଃତାନ୍ଲଃ ମାରାଙ୍ଗ୍ ପାଞ୍ଚେଟ୍ରେଏତେ ସେନଃୟାନାକ । ୪୨ ଆଡ଼ ଇନ୍କୁ ସବେନ୍ ହୁଲାଙ୍ଗ୍ ମାନ୍ଦିର୍ ଅଡ଼ାଃରେ ଆଡ଼ ହଡ଼କଆଃ ଅଡ଼ାଃରେ ଯୀଶୁ, ମାସି ତାନିଃ ମେନ୍ତେ ଇତୁତାନ୍ଲଃ ନେ ସୁକୁକାଜି ଉଦୁବ୍ ନାଙ୍ କାକ ବାଗିକେଦା ।



ଏୟା *ଝାନ୍ ଦେଙ୍ଗାତାନ୍କ

୧ ଚିମିନ୍ ମାହାଁ ତାୟମତେ ତେଲକ ପୁରାଃ ପସାଅଃତାଇକେନ୍ରେ ଗ୍ରୀକ୍ ଜାଗାର୍ତାନ୍ ଯିହୁଦୀକ, ଏବ୍ରୀ ଜାଗାର୍ତାନ୍ ଯୀହୁଦିକଲଃ ଏପ୍ରାଙ୍ଗ୍ୟାନାକ, ଚିୟାଃଚି ଇନ୍କୁ ସବେନ୍ ହୁଲାଙ୍ଗ୍ରାଃ ଲାଗାଡ଼ିଙ୍ଗ୍ତେୟାଃ ହାଟିଙ୍ଗ୍ରେ ରାଣ୍ଡିକୁଡ଼ିକେ ସୁସାର୍ ନାଗେନ୍ତେ କାକ ଧ୍ୟାନ୍କେଦ୍କଆ । ୨ ଏନାମେନ୍ତେ ଗେଲ୍ବାର୍ ପ୍ରେରିତ୍ତ ଆକଆଃ ଝୁଣ୍ଡରେନ୍ ସବେନ୍ ବିଶ୍ୱାସୀକକେ କେଡ଼ା ହୁଣ୍ଡିକେଦ୍ତେ

* ୨: ୬:୧ ସାଡ଼

ମେତାଦକଆକ, “ଆଲେ ପାରମେଶ୍ଵାରଆଃ ବାଚାନ୍ ଉଦ୍ଭୁଦ୍ ବାଗିକେଦତେ, ଇନ୍ଦ୍ରକୁଆଃ ସୁସାରରେ ତାଇନାଲେ, ନେଆଁଦ କା ବୁଗିନାଃ । ୩ ଏନାମେନ୍ତେ ହେ ହାଗା ମିଶିକ, ନେ କାମିରାଃ ବାହାରମ୍ ଏମାକ ନାଗେନ୍ତେ ଆପେୟାଃ ଆଲାଏତେ ପାବିତାର୍ ଆମ୍ ଆତଃ ସେଣ୍ଣାତେ ପେରେଜାକାନ୍ ଏୟାଝାନ୍ ମାଇନାନ୍ ହଡକକେ ସାଲାକୁପେ । ୪ ଏନ୍ତେ ଆଲେ ବିନ୍ତ୍ରି ଆତଃ ସେଞ୍ଜାକାମିରେ ପୁରା ସାମାଏଲେ ବିତାଅୟା ।”

୫ ପ୍ରେରିତ୍‌କଆଃ ନେ କାଜିରେ ସବେନ୍ଦକ ସୁକୁୟାନାକ ଆତଃ ଇନ୍ଦ୍ରକୁ ବିଶ୍ଵାସ୍ ଆତଃ ପାବିତାର୍ ଆମ୍‌ତେ ପେରେଜାକାନ୍ ସ୍ତ୍ରୀଫାନ୍ ନୁଡୁମ୍ ମିଆଁଦ୍ ହଡ, ଆତଃ ଫିଲିପ୍, ପ୍ରଖର୍, ନିକନାର୍, ତିମୋନ୍, ପାମିନା, ଆନ୍ତ୍ରୟୋଖରେନ୍ ସାଅଁସାର୍ ହଡ ନିକଲାସ୍ ଅକଏତି ତାୟମ୍‌ତେ ଯିହୁଦୀ ଧାରାମ୍‌ରେ ମେସାୟାନା, ନେ ସବେନ୍ଦକକେ ସାଲାକେଦକଆକ । ୬ ଇନ୍ଦ୍ରକୁକେ ପ୍ରେରିତ୍‌କଆଃ ସାମ୍‌ନାଙ୍ଗ୍‌ରେକ ତିଙ୍ଗୁକେଦକଆ ଆତଃ ଇନ୍ଦ୍ରକୁଆଃ ଚେତାନ୍‌ରେ ତିଃଇ ଦହକେଦତେ ବିନ୍ତ୍ରିକେଦାକ । ୭ ନେ ଲେକାତେ ପାରମେଶ୍ଵାର୍‌ଆଃ ବାଚାନ୍ ପାସରାଅଇଦିୟାନା ଆତଃ ଯୀରୁଗାଲେମ୍‌ରେ ଜାଲ୍‌ଦିଗି ଚେଲାକଆଃ ଲେକାରେ ପୁରାଃ ଆଦକାଇଦିୟାନା ଆତଃ ଯାଜାକ୍ କଏତେ ପୁରାଃ ହଡକ, ଏନ୍ ବିଶ୍ଵାସ୍‌କ ମାନାତିଙ୍ଗ୍‌କେଦା ।

ସ୍ତ୍ରୀଫାନ୍ ସାନାବ୍‌ୟାନାଏ

୮ ପାରମେଶ୍ଵାର୍‌ତାଏତେ ପୁରାଃ ଆଶିଷ୍ ନାମ୍‌କେଦତେ ସ୍ତ୍ରୀଫାନ୍ ପେଡେଃତେ ପେରେୟାୟାନାଏ ଆତଃ ହଡକଆଃ ଆଲାରେ ପୁରାଃ ପେଡେୟାନ୍ କାମି ଆତଃ ଆକ୍‌ଦାନ୍‌ଆ କାମିକ ରିକାତାଇକେନାଏ । ୯ ମେନ୍ଦ ଦ କୁରିନି ଆତଃ ଆଲେକ୍‌ଜାଣ୍ଡ୍ରୀଆ ନାଗାର୍‌ରେ ଦାସିୟେତେ ରାଡାକାନ୍ ଯୀହୁଦିକକେ ଇଦିକେଦତେ ବାଇୟାକାନ୍ ସାମାନ୍ ଅଡ଼ାଃରେନ୍ ଚିମିନ୍ ହଡକ ସ୍ତ୍ରୀଫାନ୍‌ଆଃ ବିରୁଧ୍‌ରେ କାଜିକେଦାକ । ଇନ୍ଦ୍ରକୁ ଆତଃ କିଲିକିଆରେନ୍, ଆତଃ ଏସିଆରେନ୍ ଚିମିନ୍ ଯିହୁଦୀକ ବିରିଦ୍‌କେଦତେ ସ୍ତ୍ରୀଫାନ୍‌ଲଃ ଏପେରାଙ୍ ଏଟେଦ୍‌କେଦାକ । ୧୦ ମେନ୍ଦ ପାବିତାର୍ ଆମ୍ ସ୍ତ୍ରୀଫାନ୍‌କେ ଏମାକାଇ ସେଣ୍ଣାତେ କାଜିକତାନ୍ ତାଇକେନାଏ, ଏନାମେନ୍ତେ ଇନ୍ଦ୍ରକୁ ଇନିୟାଃ ବିରୁଧ୍‌ରେ ଜେଡନାଃ କାକ କାଜି ଦାଡିୟାନା । ୧୧ ଏନ୍ତେ “ଆଲେ ସ୍ତ୍ରୀଫାନ୍‌କେ

ମୁଣା ଆଡ଼଼ ପାରମେଶ୍ୱାର୍ଥାଃ ବିରୁଧରେ ନିନ୍ଦା କାଜିତାନ୍ଲେ ଆୟୁମ୍ବିକିୟା” ନେଆଁ କାଜିପେ ମେନ୍ତେ ଇନ୍କୁ ଚିମିନ୍ ହଡ଼କକେ ଚାକା ପାଏସା ଏମ୍ବେଦ୍ଦେ ଉସ୍ତୁରକେଦ୍ଦକଆକ ।^{୧୭} ନେ'ଲେକାଡେ ଇନ୍କୁ ହଡ଼କକେ, ପ୍ରାଚିନ୍କକେ, ଆଡ଼଼ ଆଇନ୍ ଇଡ଼ୁକକେ ଉସ୍ତୁରକେଦ୍ଦେ ଇନିଃକେ ସାବ୍ବିକିୟାକ ଆଡ଼଼ ପାଞ୍ଚେଟ୍ଡେକ ଇଦିକିୟା ।^{୧୮} ଏନ୍ତେ ଇନ୍କୁ ଇନିୟାଃ ବିରୁଧରେ ଚିମିନ୍ ହସଡ଼ ଗାଞ୍ଜାକକେ ଡିଞ୍ଜୁକେଦ୍ଦକଆକ, ଅକନ୍କଚି, “ନେ ହଡ଼ ସବେନ୍ ଇମ୍ବତା ଆରୁଆଃ ପାବିତାର୍ ମାନ୍ଦିର୍ ଆଡ଼଼ ମୁଣାରାଃ ଆନ୍ତୁ ବିରୁଧରେ ହିଲାଙ୍ଗକାଜି କାଜି ନାଗେନ୍ତେ କାଏ ବାଗିତାନା” ମେନ୍ତେ କାଜିକେଦାକ ।^{୧୯} ଚିୟାଃଟି ଆଲେ, ନାଜ୍ରେଡ଼ରେନ୍ ଯାଶୁକେ ନେ ମାନ୍ଦିର୍ ଅଡ଼ାଃକେ ଜିୟନେଆ ଆଡ଼଼ ମୁଣା ଏମାକାଦ୍ବୁ ରିଚିରିଞ୍ଜାକକେ ବାଦ୍ଲାଅୟାଏ ମେନ୍ତେ ନେ ହଡ଼କେ କାଜିତାନ୍ଲେ ଆୟୁମ୍ବିକିୟା ।^{୨୦} ଇମ୍ବତା ପାଞ୍ଚେଟ୍ଡେରେ ଦୁବାକାନ୍ ସବେନ୍ ହଡ଼କ ଇନିଃକେ ମିଦ୍ଦିଟ୍ରେ ନେଲ୍କିୟାକ ଆଡ଼଼ ଇନିୟାଃ ମେଦ୍ମୁହାଡ଼୍, ଦୁଡ଼୍ଆଃ ମେଦ୍ମୁହାଡ଼୍, ଲେକାକ ନେଲ୍କେଦା ।



ସ୍ତ୍ରୀମାନୁଆଃ କାଜି

^୧ ଏନ୍ତେ ମାରାଙ୍ଗ୍ ଯାଜାକ୍ ସ୍ତ୍ରୀମାନୁକେ କୁଲିକିୟାଏ, “ଚିୟାଃ ନେ କାଜିକ ସାର୍ଡ଼ି କାଜିତାନାଃଟି ?”

^୨ ସ୍ତ୍ରୀମାନୁ କାଜିରୁହାଡ଼କିୟାଏ, “ହେ ହାଗାକ ଆଡ଼଼ ଆପୁକ ଆୟୁମେପେ ! ଆରୁଆଃ ପୁରଖା ଆପୁ ଆବ୍ରାହାମ୍ ହାରାନ୍ ସାହାରରେ ତାଇନଃ ସିଦାରେ, ମାନାରାଙ୍ଗ୍ରେନ୍ ପାରମେଶ୍ୱାର୍ ମେସପଟାମିଆରେ ଇନିଃକେ ଦାର୍ଶାନ୍ ଏମ୍ବିକିୟାଏ, ^୩ ଆଡ଼଼ ଇନିଃକେ କାଜିକିୟାଏ, ‘ଆମାଃ ଅଡ଼ାଃରେନ୍କକେ ଆଡ଼଼ ଦିଶୁମ୍ବେ ବାଗିକେଦ୍ଦେ ଆଇଙ୍ଗ୍ ଉଦୁବାମେ ଦିଶୁମ୍ବେ ସେନଃମେ ।’
^୪ ଏନ୍ତେ ଇନିଃ ଆୟାଃ ଦିଶୁମ୍ କଲ୍ଦିୟାଏଡେ ଅଡ଼ଙ୍ଗକେଦ୍ଦେ ହାରାନ୍ ଦିଶୁମ୍ବେ ତାଇନଃ ନାଗେନ୍ତେ ସେନଃୟାନା, ଆଡ଼଼ ଆବ୍ରାହାମ୍ଆଃ ଆପୁଡେ ଗଏଃୟାନ୍ଚି ନାହାଁଃ ଆପେ ଅକନ୍ ଦିଶୁମ୍ବେ ତାଇନଃତାନାପେ, ଏନ୍ ଦିଶୁମ୍ବେ ପାରମେଶ୍ୱାର୍ ଇନିଃକେ

ଆଉକିୟାଏ ।^୫ ଇମ୍ତା ପାରମେଶ୍ୱାର ଆବ୍ରାହାମ୍‌ଙ୍କେ ଏନ୍ ଦିଶ୍ୱମ୍‌ରେ ଜେତାନ୍ ହାନାଟିଙ୍ଗ୍ କାଏ ଏମ୍‌କିୟା, ଅତେରାଃ ମିଦ୍‌ଚାଣ୍ଡାଙ୍ଗ୍‌ହ୍ କାଏ ଏମ୍‌କିୟା, ମେନ୍‌ଦ ଇନିୟାଃ ହନ୍‌ଗାଁଣା କାକ ତାଇକେନ୍‌ରେୟ ପାରମେଶ୍ୱାର ଇନିଃକେ ଆତଃ ଆୟାଃ ହିଜୁଃତାନ୍ ପିଢିରେନ୍‌କକେ ଏନ୍ ଦିଶ୍ୱମ୍‌ଙ୍କେ ଆକ୍‌ତେୟାରରେ ନାଙ୍ଗ୍ ଏମାପେୟାଈଙ୍ଗ୍ ମେନ୍ତେ ବାନାର୍‌ସା ଏମାକାଦ୍ ତାଇକେନାଏ ।^୬ ପାରମେଶ୍ୱାର ନେ'ଲେକାଏ କାଜିକାଇ ତାଇକେନା, 'ଆମାଃ ହନ୍‌ଗାଁଣାକ ଦାସିୟାଆ ଆତଃ ଏଟାଃ ଦିଶ୍ୱମ୍‌ରେକ ତାଇନା ଏନ୍ତେ ଉପୁନ୍* ଶାଅ ସିର୍ମା ପୁରାଃଗିକ ସିଗିଦଃଆ ।^୭ ମେନ୍‌ଦ ଇନକୁ ଅକ ହଡକଆଃ ସେଝା ରିକାକଆକ, ଆଇଙ୍ଗ୍ ଏନ୍ ହଡକଆଃ ବିଚାର ରିକାଏୟାଈଙ୍ଗ୍, ଏନ୍‌ତାୟମ୍‌ତେ ଆପେୟାଈ କିଲିକ ଏନ୍ ଦିଶ୍ୱମ୍‌ଏତେକ ଅଡଙ୍ଗ୍‌ଆଁ ଆତଃ ନେ ଠାୟାଦ୍‌ରେ ଆଇଁୟାଃ ସେଝା ରିକାଏୟାକ ।' ମେନ୍ତେ ପାରମେଶ୍ୱାର୍ କାଜିକେଦାଏ । 'ଏନ୍ତେ ପାରମେଶ୍ୱାର୍, ଆବ୍ରାହାମ୍‌ଲଃ ମିଆଁଦ୍ ରାଜିନାମାରେୟାଃ ଚିହ୍ନାଁ ଲେକା ଖାଡନାଅରେୟାଃ ଆନ୍‌ରୁ ତଲ୍‌କେଦା । ଏନାତେ ଆବ୍ରାହାମ୍, ଆୟାଃ ହନ୍ ଇସାକ୍‌ଆଃ ଜାନାମ୍‌ରେୟାଃ ମିଦ୍ ହାପ୍ତା ତାୟମ୍‌ତେ ଆବ୍ରାହାମ୍ ଇନିଃକେ ଖାଡନାଅକିୟାଏ, ଇସାକ୍ ଆୟାଃ ହନ୍ ଯାକୁବ୍‌କେ ଆତଃ ଯାକୁବ୍ ଆୟାଃ ଗେଲ୍‌ବାର୍† ହନ୍‌କକେ ଖାଡନାଅକେଦକଆ, ଅକନ୍‌କତି ଆବୁଆଃ ପୁରଖା ହାଡାମ୍‌କତାନ୍‌କ ।

^୮ “ଯାକୁବ୍‌ଆଃ ହନ୍‌କ ଆକଆଃ ହାଗା ଯୋଷେଫ୍‌ଙ୍କେ ହିସ୍‌କାକିୟାକ ଆତଃ ଇନିଃକେ ମିସାର୍ ଦିଶ୍ୱମ୍‌ତେ ଦାସିୟା ନାଗେନ୍ତେ ଆଖ୍‌ରିଙ୍ଗ୍‌କିୟାକ । ମେନ୍‌ଦ ପାରମେଶ୍ୱାର ଇନିଃଲଃ ତାଇକେନା,^{୧୦} ଆତଃ ସବେନ୍ ଦୁକୁ ହାସୁଏତେ ଇନିଃକେ ସୁତୁଃ ଆଉକିୟାଏ । ଚିମତା ଯୋଷେଫ୍ ମିସାର୍ ଦିଶ୍ୱମ୍‌ରେନ୍ ଫାରୋ ରାଜାରାଃ ହେପାଦ୍‌ତେ ହିଜୁଃୟାନା, ଇମ୍ତା ପାରମେଶ୍ୱାର ଇନିଃକେ ସୁକୁଆନ୍ ଚାଇଲ୍ ଚାଲାନ୍ ଆତଃ ସେଣାଁ ଏମ୍‌କିୟାଏ, ଆତଃ ରାଜା, ଯୋଷେଫ୍‌ଙ୍କେ ମିସାର୍ ଦିଶ୍ୱମ୍‌ରେୟାଃ ଚାଲାଅନିଃ ଆତଃ ସବେନ୍ ଅଡ଼ାଃରେନ୍ ହାକିମ୍ ଲେକାଏ ବାଇକିୟା ।^{୧୧} ଏନ୍ତେ ଗଟା ମିସାର୍ ଆତଃ କିନାନ୍ ଦିଶ୍ୱମ୍‌ରେ ରିଙ୍ଗାୟାନ୍‌ତେ ହଡକ ପୁରାଃ

* ୭:୬ ୭:୭ ଚାଇର୍ † ୭:୮ ୭:୮ ବାରା

ଦୁକୁ ସାହାତିଙ୍ଗକେଦାକ । ଆରୁଆଃ ପୁରଖା ହାଡ଼ାମ୍ବକ ଜେତାନ୍ ଜମେୟାଃ କାକ ନାମ୍ ଦାଡ଼ିକେଦା । ^{୧୨} ମେନ୍ଦ ଯାକୁବ୍ ମିସାରରେ ଜମେୟାଃ ନାମଃତାନା ମେନ୍ତେ ଆୟୁମକେଦ୍ତେ, ଆୟାଃ ହନ୍କ, ଅକନ୍କଟି ଆରୁଆଃ ପୁରଖାହାଡ଼ାମ୍ ହଡ଼କ ତାନ୍କ, ଇନ୍କୁକେ ପାହିଲାତେ ମିସାର୍ ଦିଶୁମତେ କୁଲ୍ଲକେଦକଆ । ^{୧୩} ମିସାରତେ ଇନ୍କୁ ବାର୍ସାତେ ସେନ୍କେନାକ ଇମତା ଯୋଷେଫ୍ ଆୟାଃ ହାଗାକତାଃରେ ନେପେଲ୍ ଉପୁରୁମ୍ୟାନା ଆଡ଼ଃ ମିସାରରେନ୍ ରାଜା ଫାରୋ ଯୋଷେଫ୍ଆଃ ଅଡ଼ାଃରେନ୍କଆଃ ବିଷାଏରେ ସାରିୟାନା । ^{୧୪} ଏନ୍ତେ ଯୋଷେଫ୍ ଆୟାଃ ଆପୁ ଯାକୁବ୍ ଆଡ଼ଃ ଆୟାଃ ଅଡ଼ାଃରେନ୍ ସବେନ୍କକେ ମିସାରତେ କେଡ଼ାକେଦକଆ, ଇନ୍କୁ ଆପିହିସିଃ ଗେଲ୍ମଣେୟାଃ ହଡ଼କ ତାଇକେନା । ^{୧୫} ଏନ୍ତେ ଯାକୁବ୍ ମିସାରତେ ସେନଃୟାନା, ଏନ୍ତାଃରେ ଆଇଃକ୍ ଆଡ଼ଃ ଆୟାଃ ହନ୍କ ଗଏଃୟାନା । ^{୧୬} ଇନ୍କୁଆଃ ଗଏଃ ହଡ଼ମକେ ଶିଖ୍ମତେକ ଇଦିକେଦା ଆଡ଼ଃ ଆରାହାମ୍, ହାମର ହଡ଼କତାଃଏତେ କିରିଙ୍ଗାଦ୍ ତପାଗାଡ଼ାରେ ଇନ୍କୁକେ ତପାକେଦକଆ ।

^{୧୭} “ପାର୍ମେଶ୍ୱାର୍ ଆରାହାମ୍କେ ଅକନ୍ ବାନାର୍ସା ଏମାକାଇ ତାଇକେନାଏ, ଏନା ପୁରାଅଃରେୟାଃ ଦିପିଲି ନାଡ଼େୟାନ୍ତି ଆରୁଆଃ ହଡ଼କ ମିସାର୍ ଦିଶୁମରେ ପୁରାଃଗିକ ପସାୟାନା । ^{୧୮} ଟୁଣ୍ଡୁରେ ଯୋଷେଫ୍ ବିଷାଏରେ କାଏ ସାରିତାନ୍ ମିଆଁଦ୍ ରାଜା ମିସାର୍ ଦିଶୁମରେ ରାଇକେଦା । ^{୧୯} ଇନିଃ ଆରୁଆଃ ପୁରଖା ହାଡ଼ାମ୍ବକେ ପୁରାଃଗି ସାସାତିକେଦ୍ତେ ସିଗିଦ୍କେଦକଆ ଆଡ଼ଃ ଇନ୍କୁଆଃ ବାଲେଃହନ୍କ ଆଲକାକ ଜୀହୁଦଃକା ମେନ୍ତେ ଇନ୍କୁକେ ଏଣ୍ଡାଃରିକାକେଦକଆ । ^{୨୦} ଏନ୍ ଦିପିଲିରେ ମୁଣା ଜାନାମ୍ୟାନାଏ, ଇନିଃ ପାର୍ମେଶ୍ୱାର୍ ନେପେଲ୍ରେ ପୁରାଃ ସୁଗାଡ଼ାନ୍ଗି ତାଇକେନା । ଇନିଃ ଆପି ମାହିନା ଆପୁତେୟାଃ ଅଡ଼ାଃରେ ଆସୁଲ୍ୟାନା, ^{୨୧} ଆଡ଼ଃ ଏନ୍ ହନ୍କେ ଅଡ଼ାଃଏତେ ବାହାରିରେକ ଦହକିୟା ଇମତା, ଫାରୋରାଃ ହଡ଼େକୁଡ଼ି ଇନିଃକେ ନାମ୍କେଦ୍ତେ ଆୟାଃ ହନ୍ ଲେକାଏ ଆସୁଲ୍କିୟା । ^{୨୨} ଆଡ଼ଃ ମୁଣା ମିସାରରେନ୍ ସବେନ୍ ହଡ଼କଆଃ ସେଣ୍ଡାତେ ଇତୁୟାନା ଆଡ଼ଃ ଆୟାଃ କାଜି କାମିରେ ପୁରାଃଗି ମାରାଙ୍ଗ୍ ହଡ଼ ହବାୟାନାଏ ।

୨୩ “ମୁଖା ବାରହିସି* ବାରାଷ୍ଟରେନ୍ ହବାୟାନାଏ, ଇମତା ଇନିଃ ଆୟାଃ ଇସ୍ରାଏଲ୍ରେନ୍ ହାଗାକକେ ମିସାରରେନ୍ ହଡକ ଚିଲକାକ ନେଲ୍କତାନା, ଏନା ସାରିନାମ୍ ନାଗେନ୍ତେ ମନ୍ସୁରୁଦ୍ରେ ଉହାଟ୍କେଦା । ୨୪ ଇନିଃ ଇନ୍କୁଏତେ ମିହୁଡ୍ନିଃକେ ଅନ୍ୟାୟ ରିକାଇତାନ୍ ନେଲ୍କିଃତେ ଦେଙ୍ଗାଲ ନାଙ୍ ମିସାରରେନ୍ ହଡକେ ବାଦ୍ଲା ଇଦିତାନ୍ଲଃ ଇନିଃକେ ଗଏଃକିୟା । ୨୫ ଆୟାଃ ହରାତେ ଆୟାଃ ହଡକକେ ବାସ୍ତାଅକ ନାଗେନ୍ତେ ପାର୍ମେଶ୍ୱାର୍ ଆଇଃକକେ ବେଭାରିତାନା, ଏନା ଇନ୍କୁ ଆଟ୍କାର୍ ଉରୁମେକାକ ମେନ୍ତେ ଇନିଃ ଉଡ୍ଡୁକେଦାଏ, ମେନ୍ଦ୍ ଇନ୍କୁ ଏନା କାକ ଆଟ୍କାର୍ ଉରୁମକେଦା । ୨୬ ଇନିଃ ଏଟାଃ ହୁଲାଙ୍ ବାରହଡ୍ ଇସ୍ରାଏଲ୍ ହଡକିନ୍କେ ଲାପ୍ଡାଇତାନ୍ ନେଲ୍କେଦକିନାଏ, ଆଡଃ ଏନ୍ ବାରାନ୍କିନ୍ ମେସାଅଃକାକିନ୍ ମେନ୍ତେ ସାନାଙ୍ଡତାନ୍ଲଃ କାଜିକେଦକିନାଏ, ‘ଆୟୁମେବେନ୍, ଆବେନ୍ ବାରାନ୍କିନ୍ ହାଗାତାନ୍ବେନ୍ ଚିନାଃମେନ୍ତେବେନ୍ ଲାପ୍ଡାଇତାନା ?’ ୨୭ ମେନ୍ଦ୍ ଅକନ୍ ହଡ୍ ଏଟାଃ ମିହୁଡ୍କେ ଅନ୍ୟାୟ ରିକାଇ ତାଇକେନାଏ, ଇନିଃ ମୁଖାକେ ଇଲିଙ୍ଗକେଦ୍ତେ କୁଲିକିୟା, ‘ଆଲିଙ୍ଗୟାଁ ହାକିମ୍ ଆଡଃ ବିଚାର୍ନିଃ ହବାଅଃ ନାଙ୍ ଅକଏ ଆମ୍କେ ସାଲାକାଦ୍ମେୟା ?’ ୨୮ ‘ହୁଲା ଏନ୍ ମିସାରରେନ୍ ହଡକେମ୍ ଗଏଃକିଃ ଲେକା ଆମ୍ ଚିନାଃ ଆଇଙ୍ଗକେ ଗଗଏଃ ସାନାଙ୍ଡତାନାମ୍ ?’ ୨୯ ମୁଖା ଏନ୍ କାଜି ଆୟୁମ୍କେଦ୍ତେ, ମିସାର୍ ଦିଶ୍ୱମ୍ଏତେ ନିର୍ୟାନା ଆଡଃ ମିଦିୟନ୍ ଦିଶ୍ୱମ୍ରେ ତାଇନ୍ୟାନା । ଏନ୍ତାଃରେ ଆୟାଃ ବାରିଆ ହନ୍କିନ୍ ଜାନାମ୍ୟାନା ।

୩୦ “ବାରହିସି ବାରାଷ୍ଟ ପୁରାୟାନ୍ ତାୟମ୍ତେ, ସିନାଇ ବୁରୁ ହେପାଦ୍ରେୟାଃ ବିର୍ରେ ପାର୍ମେଶ୍ୱାର୍ଆଃ ମିଆଁଦ୍ ଦୁଁଡ୍ ରୁପାଦ୍ରାଃ ସେଙ୍ଗେଲ୍ କୁନ୍ତୁଲ୍ରେ ମୁଖାତାଃରେ ଉଦୁବେନ୍ୟାନା । ୩୧ ମୁଖା ଏନା ନେଲ୍କେଦ୍ତେ ପୁରାଃଗି ହାଏକାଟ୍ୟାନା ଆଡଃ ଇନିଃ ବୁଗିଲେକା ନେଲେ ନାଗେନ୍ତେ ରୁପାଦ୍ ନାଡ୍ଡେଃତେ ସେନଃୟାନା । ମେନ୍ଦ୍ ଇନିଃ ପ୍ରାଭୁଆଃ ଲାବ୍ଜା ଆୟୁମ୍କେଦାଏ, ୩୨ ‘ଆଇଙ୍ଗ୍ ଆପେୟାଃ ପୁରାଃ ହାଡ୍ତାମ୍ ଆବ୍ରାହାମ୍, ଇସାକ୍, ଆଡଃ ଯାକୁବ୍ଆଃ ପାର୍ମେଶ୍ୱାର୍ ତାନିଙ୍ ।’ ମୁଖା ବରତେ ଏକ୍ଲାଅୟାନା ଆଡଃ ନେଲ୍

* ୭:୨୩ ୭:୨୩ ଚାଲିଶ

ନାଗେନ୍ତେ କାଏ ସାହାସକେଦା । ୩୩ ପ୍ରାଭୁ ଇନିଃକେ କାଜିକିୟା,
 ‘ଖାର୍ପାତାମାଃ ହଲେଜେମେ, ଚିୟାଃଚି ଆମ୍ ତିଜ୍ଞୁଆକାନ୍ ଠାୟାଦ୍
 ପାବିତାର୍ ଅତେ ତାନାଃ । ୩୪ ଆଇଙ୍ଗ୍ ମିସାରରେ ଆଇଁୟାଃ
 ହଡକଆଃ ସାସାଡିକଇଙ୍ଗ୍ ନେଲକାଦା । ଇନ୍କୁଆଃ ରାଆଃ
 ଗେରାଙ୍ଗକଇଙ୍ଗ୍ ଆୟୁମ୍କାଦା ଆଡ଼ଃ ଇନ୍କୁକେ ତନଲ୍ଦାସିଏତେ
 ରାଡାକ ନାଗେନ୍ତେଇଙ୍ଗ୍ ଆଡ଼ଗୁଆକାନା । ନାହାଁଃ ହିଜୁଃମେ, ଆଇଙ୍ଗ୍
 ଆମ୍କେ ମିସାରତେଇଙ୍ଗ୍ କୁଲ୍ମେୟା ।’

୩୫ “ଅକଏ ଆମ୍କେ ଆଲେୟାଃ ହାକିମ୍ ଆଡ଼ଃ ବିଚାର୍ନିଃ
 ହବାଅଃ ନାଙ୍ଗ୍ ସାଲକାଦମାଏ ?” ମେନ୍ତେକ କୁଲିକାଇ ଏନ୍
 ମୁଣାଗି ଇସ୍ରାଏଲ୍ ହଡକତାଃଏତେ ହିଲାଇକାନ୍ ତାଇକେନା
 । ଇନିଃକେ ପାରମେଶ୍ଵାର୍ ରୁପାଦରାଃ ସେଙ୍ଗେଲ୍ ଜୁନୁଲ୍ତେ
 ଉଦୁବାକାନ୍ ଦୁଁଡ଼ଆଃ ଦେଙ୍ଗାତେ ହଡକଆଃ ହାକିମ୍ ଆଡ଼ଃ
 ଇନ୍କୁକେ ତନଲ୍ଏତେ ରାଡାକ ନାଗେନ୍ତେ କୁଲିକିୟା । ୩୬ ଇନିଃ
 ମିସାରରେ ଆଡ଼ଃ ସୁଫ୍† ଦରେୟାରେ ପୁରାଃ ଆକ୍ଦାନ୍ଦାଅ କାମିକ
 କାମିକେଦ୍ତେ ହଡକକେ ମିସାର ଦିଶ୍ଵମ୍ଏତେ ଅଡଙ୍ଗକେଦକଆ,
 ଆଡ଼ଃ ବାର୍ହିସି ବାରାଷ୍ ଜାକେଦ୍ ବିରରେ ସୁତୁଃ ଆଉକେଦକଆ
 । ୩୭ ମୁଣା ଆଇଃକ୍ଚି ଇସ୍ରାଏଲ୍ରେନ୍ ହଡକକେ କାଜିୟାଦକଆ,
 ‘ପାରମେଶ୍ଵାର୍ ଆଇଙ୍ଗ୍କେ କୁଲକାଦିଙ୍ଗ୍ ଲେକାଗି, ଆପେତାଃତେ
 ମିଆଁଦ୍ ନାବୀକେ କୁଲିୟା, ଇନିଃ ଆପେୟାଃ ହଡକଏତେ ମିହୁଡ୍
 ହବାଅଃଆଏ ।’ ୩୮ ଏନ୍ ମୁଣାଗି ବିରରେ ହୁଣ୍ଡିୟାକାନ୍ ଇସ୍ରାଏଲ୍
 ହଡକଲଃ ତାଇକେନାଏ । ଇନିଃ ସିନାଇ ବୁରୁରେ ଆବୁଆଃ
 ପୁରଖା ହାଡାମ୍କଲଃ ଆଡ଼ଃ ଇନ୍କୁଲଃ ଜାଗାର୍ତାନ୍ ଦୁଁଡ଼ଲଃ
 ତାଇକେନାଏ ଆଡ଼ଃ ଆବୁତାଃରେ ଉଦୁବେ ନାଗେନ୍ତେ ଇନିଃ
 ପାରମେଶ୍ଵାର୍ତାଃଏତେ ଜାନିଦ୍ ବାତାନ୍ ତେଲାଇକେଦାଏ ।

୩୯ “ମେନ୍ଦ୍ ଆବୁଆଃ ପୁରଖା ହାଡାମ୍କ ଇନିଃକେ କାକ
 ମାନାଡିଙ୍ଗକେନା, ଇନ୍କୁ ଇନିଃକେ ଉଦୁର୍ ଗେନାକେଦ୍ତେ
 ମିସାରତେ ରୁହାଡ୍ ନାଗେନ୍ତେକ ମନ୍ସୁରୁଦ୍ରେ ଉଡ଼ୁକେଦା ।
 ୪୦ ଏନାମେନ୍ତେ ଇନ୍କୁ ହାରୁନ୍କେକ କାଜିକିୟା, ‘ନାହାଁଃ ଆଲେକେ
 ସୁତୁଃ ଇଦି ନାଗେନ୍ତେ ଚିମିନ୍ ମାହାପୁରୁକକେ ବାଇକମ୍ । ଆଲେକେ

† ୭:୩୭ ୭:୩୭ ଆରାଃ ଦରେୟା

ମିସାର ଦିଶୁମ୍ବତେ ଅତଙ୍ଗ ଆଉକାଦ୍ଲେ ଏନ୍ ମୁଣାଦ ଚିନାଃ ଚିକାୟାନାଏ ଏନା କାଲେ ସାରିୟା ।’ ୪୧ ଏନ୍ତେ ଏନ୍ ଦିପିଲିରେ ଇନ୍କୁ ମିଆଁଦ୍ ଦାମୁରହନ୍ରାଃ ମୁରୁଡ୍ ବାଇକିୟାକ ଆତଃ ଏନ୍ ଦାମୁରହନ୍ ନାଗେନ୍ତେ ଦାଣ୍ଠେ ରାକାବ୍କେଦାକ । ଏନ୍ତେ ଆକଗି ବାଇୟାକାଦ୍ ଏନ୍ ମୁରୁଡ୍ରାଃ ମାଇନଃ ନାଗେନ୍ତେ ମିଆଁଦ୍ ଭୋଜି ଜମ୍ବକେଦାକ । ୪୨ ଏନାତେ ପାର୍ମେଶ୍ୱାର୍ ଇନ୍କୁତାଃଏତେ ସାଜିନ୍ୟାନା ଆତଃ ଇନ୍କୁକେ ସିର୍ମାରେନ୍ ଇପିଲକକେ ସେଞ୍ଜା ନାଗେନ୍ତେ ବାଗିକେଦ୍‌କଆ । ନେଲେକା ନାବାକଆଃ ପୁଥ୍ରେ ଅଲ୍ଲାନା,

“ହେ ଇସ୍ରାଏଲ୍ରେନ୍ ହଡକ,
ଆପେ ବାହ୍‌ସି ବାରାଷ୍ ଜାକେଦ୍ ବିର୍ରେ ଆଇୟାଃ ନାଗେନ୍ତେ ଜାଁଡୁକଆଃ ଦାଣ୍ଠେ କାପେ ରାକାବ୍ ।

୪୩ ମେନ୍ଦ ସେଞ୍ଜା ନାଗେନ୍ତେ ଆପେ ଅକନ୍ ମୁରୁଡ୍‌କେ ବାଇକିୟାପେ,
ଆତଃ ଏନ୍ ମାଲେଖ୍ ମାହାପୁରୁଆଃ କୁମ୍ପା
ଆତଃ ଇପିଲ୍ ମାହାପୁରୁ, ରମ୍ପାରାଃ ମୁରୁଡ୍‌କେପେ ଗଅଃକେଦା
।
ଏନାମେନ୍ତେ ଆଇଙ୍ଗ୍ ବାବିଲୋନ୍ରେୟାଃ ହାନ୍ ପାରମ୍ବତେଇଙ୍ଗ୍ ଡଲ୍ କୁଲ୍‌ପେୟା ।’

୪୪ “ବିର୍ରେ ଆବୁଆଃ ହାଡାମ୍ ହଡକଲଃ ପାର୍ମେଶ୍ୱାର୍‌ଆଃ ତାଇନଃ କୁମ୍ପା ତାଇକେନା । ପାର୍ମେଶ୍ୱାର୍, ମୁଣାକେ ବାଇ ନାଗେନ୍ତେ ଆରୁକାଇ ତାଇକେନ୍ ଲେକାଗି ବାଇୟାକାଦ୍ ତାଇକେନାଏ ଆତଃ ମୁଣାକେ ଉଦୁବାକାଇ ନାମୁନା ଲେକାଗି ବାଇୟାକାନ୍ ତାଇକେନା । ୪୫ ତାୟମ୍ ଦିପିଲିକରେ ଆବୁଆଃ ପୁରୁଖା ହାଡାମ୍‌କ ଆକଆଃ ଆପୁକତାଃଏତେ ନାମାକାଦ୍, ଏନ୍ କୁମ୍ପାକେ ଯିହୋଶ୍ୱୟଲଃ ଗଅଃକେଦ୍‌ତେ ସେନ୍ ଆୟାର୍‌ୟାନାକ ଆତଃ ପାର୍ମେଶ୍ୱାର୍‌ତେ ହାରାଅକାନ୍ ଏଟାଃ ହଡକଆଃ ଦିଶୁମ୍ବକେକ ଆକ୍‌ତେୟାର୍‌କେଦା । ଆତଃ ଏନ୍ କୁମ୍ପା ଦାଉଦ୍‌ଆଃ ପାରିୟା ଜାକେଦ୍ ତାଇନକେନା । ୪୬ ଦାଉଦ୍, ପାର୍ମେଶ୍ୱାର୍‌ଆଃ ନେପେଲ୍ରେ ସୁକୁଆନ୍‌ଗି ନେଲଃୟାନା, ଏନ୍ତେ ଇନିଃ ଯାକୁବ୍‌ଆଃ ପାର୍ମେଶ୍ୱାର୍‌‡ ନାଗେନ୍ତେ ମିଆଁଦ୍ ତାଇନଃ ଠାୟାଦ୍ ବାଇ ଇଚିଇଙ୍ଗ୍‌ମେ ମେନ୍ତେ କୁଲିକିୟା

‡ ୭:୪୭ 7:46 ଚିମିନ୍ ମାରି ଅନଲ୍ରେ “ଯାକୁବ୍‌ଆଃ ପାର୍ମେଶ୍ୱାର୍” କେ ଇସ୍ରାଏଲ୍ରେନ୍ ହଡକ ମେନ୍ତେ ଅଲ୍ଲାନା

। ୪୭ ମେନ୍ଦ ସୁଲିମାନ୍ ଇନିୟାଃ ନାଗେନ୍ତେ ମିଆଁଦ୍ ଅଡ଼ାଃ ବାଇକେଦାଏ ।

୪୮ “ମେନ୍ଦ ହଡ଼ ବାଇୟାକାଦ୍ ଅଡ଼ାଃରେ ସାଲାଙ୍ଗି ଉତାର୍ ପାର୍ମେଶ୍ୱାର୍ କାଏ ତାଇନା । ନାବୀ ନେ ଲେକାଏ କାଜିକାଦା,

୪୯ “ପ୍ରାଭୁ କାଜିତାନାଏ, ସିର୍ମା ଆଇଁୟାଃ ରାଜଗାଦି ତାନାଃ, ଆଡ଼ଃ ଅଡେ ଆଇଁୟାଃ କାଟାରେୟାଃ ଗାଣ୍ଡୁ ତାନାଃ ।

ଆପେ ଆଇଁୟାଃ ନାଗେନ୍ତେ ଚିଲ୍ଲକାନ୍ ଅଡ଼ାଃପେ ବାଇୟା ?

ଆଇଁୟାଃ ରୁଡ଼ୁ ନାଗେନ୍ତେ ଠାୟାଦ୍ କଡ଼ାଃରେୟା ?

୫୦ ନେ ସବେନାଃ ଚିନାଃ ଆଇଙ୍ଗି କାଇଙ୍ଗ୍ ବାଇୟାକାଦା ?”

୫୧ “ସ୍ତ୍ରୀମାନ୍ ଆଡ଼ଃଗି କାଜିକେଦା, ଆପେ ଚିମିନିଗି କା ମାନାତିଙ୍ଗ୍ତାନ୍ ହଡ଼କ ତାନ୍ପେ ! ଆପେୟାଃ ମନ୍ସୁରୁଦକ ପୁରାଃଗି ସଡ଼ରାଗିୟା ଆଡ଼ଃ ପାର୍ମେଶ୍ୱାର୍ଆଃ ବାଚାନ୍ ନାଙ୍ଗ୍ ଆପେ ପୁରାଃଗି କା ଆୟୁମ୍ ହଡ଼କ ତାନ୍ପେ ! ଆପେ ଆପେୟାଃ ପୁରୁଖା ହାଡ଼ାମ୍ କ ଲେକାଃପେ, ଆପେୟାଗି ସବେନ୍ ଇମ୍ତା ପାବିତାର୍ ଆମ୍ବାରାଃ ବିରୁଧ୍ରେ କାଜିତାନାପେ । ୫୨ ଆପେୟାଃ ପୁରୁଖା ହାଡ଼ାମ୍ଆଃ ହରାଡେ କା ସାସାତିକାନ୍ ଜେତା ନାବୀ ମେନାକଆ ଚି ? ଧାର୍ମାନ୍ ଦାସିଆଃ ହିନିଜୁଃ ବିଷାଏରେ, ସିଦାରେ ଉଦୁବାକାଦ୍ ପାର୍ମେଶ୍ୱାର୍ଆଃ କାଜିକୁଲ୍ଲକେ ଆପେୟାଃ ପୁରୁଖା ହାଡ଼ାମ୍ କ ଗଏଃକେଦ୍ କଆକ । ଆଡ଼ଃ ନାହାଁଃ ଆପେ ଇନିଃକେ ବାଇରିକଆଃ ଡିଃଇରେ ଜିମାକେଦ୍ଡେ ଗଏଃକିୟାପେ । ୫୩ ଆପେ ଦୁଁଡ୍ କଆଃ ହରାଡେ ଏମାକାନ୍ ପାର୍ମେଶ୍ୱାର୍ଆଃ ଆନ୍ତୁପେ ନାମାକାଦା, ଏନ୍ରେୟା ଆପେ ଏନାକେ କାପେ ମାନାତିଙ୍ଗ୍ କେଦା ।”

ଦିରି ଚିଦ୍ଗିଡେ ସ୍ତ୍ରୀମାନ୍ଆଃ ଗନଏଃ

୫୪ ମାରାଙ୍ଗ୍ ପାଞ୍ଚେର୍ରେନ୍ ହଡ଼କ ସ୍ତ୍ରୀମାନ୍ଆଃ ନେ କାଜିକ ଆୟୁମ୍ କେଦ୍ଡେ ପୁରାଃଗିକ ଖୁସ୍ତାନା ଆଡ଼ଃ ଆୟାଃ ନାଗେନ୍ତେ ଖୁସ୍ତେ ତାଟା ହାବ୍ କେଦାକ । ୫୫ ମେନ୍ଦ ସ୍ତ୍ରୀମାନ୍ ପାବିତାର୍ ଆମ୍ବାଡେ ପେରେୟାନ୍ଲଃ ସିର୍ମାଡେ ଆରିଦ୍ ରାକାବ୍ କେଦା ଏନ୍ତେ ପାର୍ମେଶ୍ୱାର୍ଆଃ ମାନାରାଙ୍ଗ୍ ଆଡ଼ଃ ଯାଣ୍ଡୁକେ ପାର୍ମେଶ୍ୱାର୍ଆଃ ଜମ୍ଡିସାଃରେ ଡିଙ୍ଗୁଆକାନାଏ ନେଲ୍ କିୟା । ୫୬ ଆଡ଼ଃ ଇନିଃ କାଜିକେଦାଏ, “ନେଲେପେ, ଆଇଙ୍ଗ୍ ସିର୍ମା ନିଜାକାନ୍ ଆଡ଼ଃ

ମାନସାହନକେ ପାରମେଶ୍ଵାରଆଃ ଜମ୍ଭତିସାଃରେ ତିଜ୍ଞୁଆକାନ୍ ନେଲିତାନାଇଈ ।”

୫୭ ମାରାଜ୍ଞ ପାଞ୍ଚେଟ୍ରେନ୍ ହଡ଼କ ପୁରାଃ କାଉରିତାନଲଃ ନେ କାଜି କା ଆୟୁମେ ନାଗେନ୍ତେ ଆକଆଃ ଲୁଡୁର୍ରେ ତିଃଇ ଦହକେଦାକ । ଏନ୍ତେ ଇନ୍କୁ ସବେନ୍କ ମିଦ୍ଘାନ୍ତେ ଆୟାଃ ହେପାଦତେ ନିରକେଦାକ, ୫୮ ଆଡ଼ଃ ଇନ୍କୁ ସାହାରହେତେ ବାହାରି ଆଇଜକେଦତେ ଆୟାଃ ଚେତାନ୍ରେ ଦିରି ତିଦ୍ଘିକିୟାକ । ହସଡ଼ ଗାଞ୍ଜା ଏମ୍ ହଡ଼କ ଶାଉଲ ନୁଡୁମ୍ ମିଆଁଦ୍ ସେପେଡେଦଆଃ ଜିମାରେ ଇନ୍କୁଆଃ ଲିଜାଃକ ବାଗିକେଦା । ୫୯ ଇନ୍କୁ ସ୍ତ୍ରୀମାନ୍ଆଃ ଚେତାନ୍ରେ ଦିରି ତିଦ୍ଘିକେଦ୍ ଇମତା ଇନିଃ ପ୍ରାଭୁକେ ବିନ୍ତିକେଦତେ କାଜିକିୟା, “ହେ ପ୍ରାଭୁ ଯାଶୁ, ଆଇୟାଃ ଆମାକେ ତେଲ୍ୟାଏମେ ।” ୬୦ ଇନିଃ ଇକ୍ଡ଼ମୁକେଦତେ ପୁରାଃ କାଉରିତାନଲଃ କାଜିକେଦା, “ହେ ପ୍ରାଭୁ, ଇନ୍କୁଆଃ ବିରୁଧରେ ନେ ପାପ୍ ଆଲମ୍ ପାହେମେୟା ।” ନେୟା କାଜିକେଦତେ ଜୀଉତାୟାଃ ଚୁଣ୍ଟୁକେଦା । ସ୍ତ୍ରୀମାନ୍ଆଃ ଗଗଏଃରେ ଶାଉଲ ମିଦ୍ଘନୟାନାଏ ।

୮

ଶାଉଲ କାଲିସିୟାକେ ସାସାତିକେଦା

୧ ଶାଉଲ ସ୍ତ୍ରୀମାନ୍ଆଃ ଗଗଏଃରେ ମିଦ୍ଘନୟାନାଏ । ଏନ୍ ହୁଲାଇତାଃଏତେ ଯାରୁଶାଲେମ୍ରେୟାଃ କାଲିସିୟାକରେ ପୁରାଃଗି ସାସାତିକ ଏନେଟେଦ୍ଘାନା । ପ୍ରେରିତ୍‌କକେ ବାଗିକେଦତେ ଏଟାଃ ସବେନ୍ ବିଶ୍ଵାସୀକ ଯିହୁଦା ଆଡ଼ଃ ଶମିରୋନ୍ ପାରଗାନ୍ରେ ଛିତିବିତିୟାନାକ । ୨ ତିମିନ୍ ଧାରମାନ୍ ହଡ଼କ ପୁରାଃ କାଉରିକେଦତେ ଏୟମ୍ତାନଲଃ ସ୍ତ୍ରୀମାନ୍ଆଃ ଗଏଃ ହଡ଼ମକେ ତପାକେଦାକ ।

୩ *ମେନ୍ଦ୍ ଶାଉଲ କାଲିସିୟାକେ ଜିୟନେ ନାଗେନ୍ତେ ସାନାଜ୍ଞକେଦା, ଇନିଃ ଅଡ଼ାଃ ଅଡ଼ାଃ ବଲକେଦତେ ଖ୍ରୀଷ୍ଟ୍ ବିଶ୍ଵାସୀ ସବେନ୍ କଡ଼ା କୁଡ଼ିକକେ ଆଇଜ୍ ଆଉକେଦତେ ଜେହେଲ୍ରେ ଦହକେଦକଆ ।

ଶମିରୋନ୍ରେ ସୁକୁକାଜି ଉନୁଦୁବ୍

☆ ୮:୩ ୮:୩ ପ୍ରେରିତ୍ ୨୨:୪,୫; ୨୨:୯-୧୧.

୪ ଛିତିବିତିୟାକାନ୍ ବିଶ୍ୱାସୀକ ଚାରିୟସାଃ ସେନ୍କେଦ୍ତେ ସୁକୁକାଜି ଉଦୁବ୍କେଦକ । ୫ ଫିଲିପ୍ ଶମିରୋନ୍ରେୟାଃ ମାରାଙ୍ଗ୍ ନାଗାର୍ତେ ସେନ୍କେଦ୍ତେ, ଏନ୍ତାଃରେନ୍ ହଡକକେ ମାସିଆଃ ସୁକୁକାଜି ଉଦୁବ୍କେଦକଆ । ୬ ଫିଲିପ୍ଆଃ କାଜି ଆୟୁମ୍କେଦ୍ତେ ଆଡଃ ଆୟାଃ ଆକ୍ଦାନ୍ଦାଅ କାମିକ ନେଲ୍କେଦ୍ତେ ଗାଦେଲ୍ ହଡକ ଆୟାଃ କାଜିରେ ମିଦ୍ମନ୍ତେକ ଆୟୁମ୍କେଦା । ୭ ପୁରାଃ ହଡକତାଃଏତେ ସତ୍ତରା ଆମ୍ବାକ କାଉରିତାନ୍ଲଃ ଅଡ଼ଙ୍ଗ୍ୟାନାକ, ପୁରାଃ ବାଡକାନ୍ ହଡକ ଆଡଃ କାଟା କୁରୁଙ୍ଗକାନ୍ ହଡକ ବୁଗିୟାନା । ୮ ଏନାତେ ଏନ୍ ନାଗାର୍ତେ ପୁରାଃଗି ରାସକା ହବାୟାନା ।

୯ ଏନ୍ତାଃରେ ଶିମୋନ୍ ନୁତୁମ୍ ମିଆଁଦ୍ ହଡ ତାଇକେନାଏ, ଇନିଃ ଆୟାଃ ଦେଅଁଣା କାମିକେଦ୍ତେ ସିଦାଏତେଗି ଶମିରୋନ୍ରେନ୍ ହଡକକେ ଆକ୍ଦାନ୍ଦାଅକାଦ୍କ ତାଇକେନାଏ । ଇନିଃ ଆଇଃକ୍କେଗି ମିଆଁଦ୍ ମାରାଙ୍ଗ୍ ହଡ ମେନ୍ତେ ଉଦୁବେନ୍ ତାଇକେନା, ୧୦ ଆଡଃ ଏନ୍ ନାଗାର୍ତେନ୍ ସବେନ୍କ ଆଡଃ ସାମାଜ୍ରେନ୍ ସବେନ୍ ହୁପ୍ତିଙ୍ଗ୍ ମାପ୍ତରାଙ୍ଗ୍, ପାର୍ମେଶ୍ୱାର୍ଆଃ ଅକନ୍ ପେଡ୍ଡେଃକେ ମାରାଙ୍ଗ୍ ମେନ୍ତେ କାଜିୟଃତାନା, ଏନା ଇନିଃଗି ତାନିଃ ମେନ୍ତେକ ମାନାତିଙ୍ଗ୍ ତାଇକେନା । ୧୧ ଏନ୍ ଦେଅଁଣାରାଃ ପେଡ୍ଡେଃ ହରାତେ ପୁରାଃ ମାହ୍ଣାଏତେ ଇନିଃ ଶମିରୋନ୍ରେନ୍ ହଡକକେ ଆକ୍ଦାନ୍ଦାଅକାକ ତାଇକେନା । ୧୨ ମେନ୍ଦ୍ ଫିଲିପ୍ତାଃଏତେ ପାର୍ମେଶ୍ୱାର୍ଆଃ ରାଇଜ୍ ଆଡଃ ଯାଶୁ ଖ୍ରୀଷ୍ଟ୍ଆଃ ନୁତୁମ୍ରେ ସୁକୁକାଜି ଆୟୁମ୍କେଦ୍ ହରାତେ ହଡକଆଃ ବିଶ୍ୱାସ୍ ହବାୟାନା ଆଡଃ ଏନ୍ ପାର୍ଗାନ୍ରେନ୍ କଡା କୁଡି ସବେନ୍କ ବାପ୍ତିସ୍ମା ଇଦିକେଦକ । ୧୩ ଶିମୋନ୍ ହଗି ଏନ୍ କାଜିରେ ବିଶ୍ୱାସ୍କେଦା । ଫିଲିପ୍ କାମିକାଦ୍ ଆକ୍ଦାନ୍ଦାଅ କାମି ଆଡଃ ହାଏକାଟ୍ କାମିକ ନେଲ୍କେଦ୍ତେ, ଇନିଃ ବାପ୍ତିସ୍ମା ଇଦିକେଦ୍ତେ ଫିଲିପ୍ଲଃ ମିସାତେ ତାଇନ୍ୟାନା ।

୧୪ ଶମିରୋନ୍ରେନ୍ ହଡକ ପାର୍ମେଶ୍ୱାର୍ଆଃ କାଜିକ ତେଲ୍ଲାକାଦା ମେନ୍ତେ ଯାରୁଶାଲେମ୍ରେନ୍ ପ୍ରେରିତ୍ ଆୟୁମ୍କେଦ୍ତେ, ପାଡରାସ୍ ଆଡଃ ଯୋହାନ୍କେ ଇନ୍କୁତାଃତେକ କୁଲ୍କେଦକିନା । ୧୫ ଇନ୍କିନ୍ ଏନ୍ତାଃତେ ସେଟେରୟାନ୍ ତାୟମ୍ତେ ଶମିରୋନ୍ରେନ୍ ବିଶ୍ୱାସୀକ ପାବିତାର୍ ଆମ୍ବା ନାମେକାକ ମେନ୍ତେକିନ୍ ବିନ୍ତିକେଦା । ୧୬ ଚିୟାଃଟି ଇମ୍ତାଙ୍ଗ୍ ଜାକେଦ୍ ଇନ୍କୁଆଃଏତେ ଜେତାଏୟାଃ ଚେତାନ୍ରେ

ପାବିତାର ଆତ୍ମା କାଏ ଆଡ଼ଗୁକାନ୍ ତାଇକେନା । ଇନ୍କୁ ପ୍ରାଭୁ ଯୀଶୁଆଃ ନୁତୁମ୍ତେ ଏସକାର୍ ବାପ୍ତିସ୍ମା ଇଦିକାଦ୍ ତାଇକେନାକ ।
୧୭ ଏନ୍ତେ ପାଡ଼ରାସ୍ ଆଡଃ ଯୋହାନ୍ ଇନ୍କୁଆଃ ରେତାନ୍ରେ ଡିଃଇ ଦହକେଦ୍ତି ଇନ୍କୁ ପାବିତାର୍ ଆତ୍ମାକେ ନାମ୍‌କିୟାକ ।

୧୮ ପାଡ଼ରାସ୍ ଆଡଃ ଯୋହାନ୍, ନେ ବାରାନ୍ ପ୍ରେରିତ୍‌କିନ୍ ବିଶ୍ୱାସୀକଆଃ ରେତାନ୍ରେ ଡିଃଇ ଦହକେଦ୍ତେ ଇନ୍କୁକେ ପାବିତାର୍ ଆତ୍ମାକିନ୍ ଏମାକତାନା, ନେୟା ନେଲ୍‌କେଦ୍ତେ ଶିମୋନ୍ ଇନ୍‌କିନ୍‌କେ ଟାକା ପାଏସା ଏମ୍‌ତାନ୍‌ଲଃ ମେତାଦ୍‌କିନାଏ,
୧୯ “ଆଇଙ୍ଗ୍ ଏଟାଃକଆଃ ରେତାନ୍ରେ ଡିଃଇ ଦହଲେରେ, ଇନ୍କୁ ଜେ'ଲେକା ପାବିତାର୍ ଆତ୍ମା ନାମ୍ ଦାଡ଼ିୟାକ, ଏନାମେନ୍ତେ ନେ ପେଡ଼େଃ ଆଇଙ୍ଗ୍‌କେହ୍ ଏମାଇଙ୍ଗ୍‌ବେନ୍ ।”

୨୦ ମେନ୍‌ଦ ପାଡ଼ରାସ୍ ଇନିଃକେ କାଜିକିୟା, “ଆମାଃ ଟାକା ପାଏସା ଆମାଃଲଃ ଜିୟନଃକା, ଚିୟାଃତି ଆମ୍ ଟାକା ପାଏସାତେ ପାର୍‌ମେଶ୍ୱାର୍‌ଆଃ ବାର୍‌ଦାନ୍ କିରିଙ୍ଗ୍ ନାଗେନ୍ତେମ୍ ଉଡ଼ୁଡ଼ାନା ।
୨୧ ଆଲେୟାଃ କାମିରେ ଆମାଃ ଜେତାନ୍ ହିସା ବାନଆଃ, ଚିୟାଃତି ପାର୍‌ମେଶ୍ୱାର୍‌ଆଃ ନେପେଲ୍‌ରେ ଆମାଃ ମନ୍‌ସୁରୁଦ୍ କା ଠାଉକା ।
୨୨ ଏନାମେନ୍ତେ ଆମାଃ ନେ ଏଡ଼କାନ୍ ଉଡ଼ୁ ନାଗେନ୍ତେ ହେୟାତିଙ୍ଗ୍‌ମେ, ନେ'ଲେକା ମନ୍‌ସୁରୁଦ୍‌ରେ ଉଡ଼ୁକେଦ୍ ନାଗେନ୍ତେ ପ୍ରାଭୁତାଃରେ ବିକ୍ରିମେ, ଇନିଃ ଆମ୍‌କେ ଛାମାମେୟା ।
୨୩ ଚିୟାଃତି ଆଇଙ୍ଗ୍ ଆମ୍‌କେ ନେଲ୍‌ମେ ତାନାଇଙ୍ଗ୍, ଆମାଃ ମନ୍‌ସୁରୁଦ୍ ହିସ୍‌ଙ୍ଗାତେ ପେରେଜାକାନା, ଆମ୍‌ଦ ପାପ୍ ତନଲ୍‌ତେମ୍ ତଲ୍‌କାନା ।”

୨୪ ପାଡ଼ରାସ୍ ଆଡଃ ଯୋହାନ୍‌କେ ଶିମୋନ୍ ମେତାଦ୍‌କିନାଏ, “ଆବେନ୍ କାଜିକାଦ୍‌ତେୟାଃ ଆଇଙ୍ଗ୍‌ରେ ଆଲକା ହବାଅଃକା, ଏନାମେନ୍ତେ ଦାୟାକେଦ୍‌ତେ ଆଇଁୟାଃ ନାଙ୍ଗ୍ ପ୍ରାଭୁତାଃରେ ବିକ୍ରିବେନ୍ ।”

୨୫ ପାଡ଼ରାସ୍ ଆଡଃ ଯୋହାନ୍ ଗାଞ୍ଜା ଏମ୍‌କେଦ୍ ଆଡଃ ପ୍ରାଭୁଆଃ କାଜି ଉଦ୍‌ବ୍‌କେଦ୍ ତାୟମ୍‌ତେ, ଇନ୍‌କିନ୍ ଯୀରୁଶାଲେମ୍‌ତେକିନ୍ ରୁହାଡ଼୍‌ୟାନା । ରୁହାଡ଼୍ ହରାରେ ଇନ୍‌କିନ୍ ଶିମିରୋନି ହଡ଼କ ତାୟୁଃତାନ୍ ପୁରାଃ ହାତୁକରେ ସୁକୁକାଜିକିନ୍ ଉଦ୍‌ବ୍‌କେଦା ।

ଫିଲିପ୍ ଆଡଃ ଇଥ୍‌ଓପିଆରେନ୍ ଚାକୁରା

୨୭ ପ୍ରାଭୁଆଃ ମିଆଁଦ୍ ଦୁଁଡ଼ ଫିଲିପ୍‌କେ କାଜିକିୟା, “ସେକାଡ଼ାକାନ୍‌ମେ, ଆଡ଼ଃ ଯୀରୁଶାଲେମ୍‌ଏତେ ଗାଜା ନାଗାର୍‌ତେ ସେନଃତାନ୍ ଜମ୍‌ସାଃ ହରାତେ ସେନଃମେ ।” ନାହାଁଃ ଏନ୍ ହରା ବାନଆଃ, ଏନା ବିର୍ ଲେକା ମେନାଃ । ୨୭ ଫିଲିପ୍ ସେକାଡ଼କେଦ୍‌ତେ ସେନଃୟାନା । ଇମ୍‌ତା ଇଥ୍‌ଓପିଆ ଦିଶ୍‌ମ୍‌ରେନ୍ କାଣ୍ଡାକି ନୁଡୁମ୍ ରାନୀଆଃ ଆକ୍‌ତେୟାର୍‌ରେ ତାଇନ୍‌ତାନ୍ ସବେନ୍ ରାଇନ୍‌ରେନ୍ ଖୁର୍ କରାଃ ଭାଣ୍ଡାରି ତାଇକେନ୍ ମିଆଁଦ୍ ଚାକୁରା, ପାର୍‌ମେଶ୍‌ବାର୍‌କେ ସେଞ୍ଜା ନାଗେନ୍ତେ ଯୀରୁଶାଲେମ୍‌ତେ ସେନାକାନ୍ ତାଇକେନା । ୨୮ ଇନିଃ ଆୟାଃ ସାଦମ୍ ଗାଡ଼ିରେ ଦୁବ୍‌କେଦ୍‌ତେ ଅଡ଼ାଃତେ ରୁହାଡ଼୍‌ତାଇକେନ୍ ଇମ୍‌ତା ଯିଶାୟ ନାବୀଆଃ ପୁଥ୍ କାଉରିତାନ୍‌ଲଃ ପାଡ଼ାଅତାନାଏ ତାଇକେନା । ୨୯ ପାବିତାର୍ ଆମ୍‌ ଫିଲିପ୍‌କେ କାଜିକିୟା, “ଏନ୍ ସାଦମ୍ ଗାଡ଼ି ହେପାଦ୍‌ତେ ସେନଃମେ ଆଡ଼ଃଆୟାଃ ନାଡ଼େଃରେ ତାଇନ୍‌ମେ ।” ୩୦ ଫିଲିପ୍ ନିର୍ ନିର୍ ସେନ୍‌କେଦ୍‌ତେ ଏନ୍ କାମିହଡ଼କେ ଯିଶାୟ ନାବୀଆଃ ପୁଥ୍ କାଉରିତାନ୍‌ଲଃ ପାଡ଼ାଅତେୟାଃ ଆୟୁମ୍‌କିୟାଏ । ଇନିଃ ଏନ୍ ଚାକୁରାକେ କୁଲିକିୟା, “ଆମ୍ ପାଡ଼ାଅତାନ୍‌ତେୟାଃ ସାରିଉରୁମ୍ ଦାଡ଼ିତାନାମ୍ ତି ?”

୩୧ ଚାକୁରା କାଜିରୁହାଡ଼କିୟାଏ, “ଜେତାଏ ଆଇଙ୍‌କେ କାକ ଉଦୁବାଇଙ୍‌ରେଦ୍ ଚିଲ୍‌କାତେଇଙ୍ ସାରିଉରୁମ୍ ଦାଡ଼ିୟା ?” ଏନ୍ତେ ଇନିଃ ଫିଲିପ୍‌କେ ଆୟାଃଲଃ ସାଦମ୍ ଗାଡ଼ିରେ ଦୁବ୍ ନାଗେନ୍ତେ ବିନ୍ତିକିୟା । ୩୨ ଇନିଃ ପାଡ଼ାଅ ତାଇକେନ୍ ଧାରାମ୍‌ପୁଥ୍‌ରେୟାଃ ହିସା ନେୟା ତାଇକେନା,

“ଇନିଃ, ମାଆଃଇ ନାଗେନ୍ତେ ଇଦିୟଃତାନ୍ ମିଶ୍ଟିହନ୍ ଲେକାଃଏ,
 ଉବ୍ କାଇଚିନିୟାଃ ହେପାଦ୍‌ରେ ମିଶ୍ଟିହନ୍ କାଏ କାଉରି ଲେକା
 ଇନିଃ ଜେଡ଼ନାଃ କାଏ କାଜିକେଦା ।

୩୩ ଇନିଃକେ ଲାନ୍‌କାକିୟାକ ଆଡ଼ଃ ନ୍ୟାୟ ବିଚାର୍ କା ନାମ୍‌ୟାନା ।
 ଇନିୟାଃ କିଲିକଆଃ ବିଷାଏରେ ଜେତାଏ କାକ କାଜି ଦାଡ଼ିୟା,
 ଚିୟାଃଚି ଅତେଦିଶ୍‌ମ୍‌ରେ ଆୟାଃ ଜୀଦାନ୍ ଚୁଣ୍ଡୁକାନା ।”

୩୪ ଚାକୁରା ଫିଲିପ୍‌କେ କୁଲିକିୟା, “ନାବୀ ଅକଏୟାଃ ବିଷାଏରେ କାଜିତାନା, ଆୟାଃ ବିଷାଏରେଗି ତି ଏଗାଃନିୟାଃ ବିଷାଏରେ, ଏନା ଆଇଙ୍‌କେ ଦାୟାକେଦ୍‌ତେ କାଜିଙ୍‌ମେ ?” ୩୫ ଏନ୍ତେ ଫିଲିପ୍ ଧାରାମ୍‌ପୁଥ୍‌ରେୟାଃ ନେ ହିସାଏତେ ଏଟେଦ୍‌କେଦ୍‌ତେ

ଯୀଶୁଆଃ ବିଷାଏରେ ଅଲୀକାନ୍ ସବେନ୍ ସୁକୁକାଜି ଇନିଃକେ ଉଦୁବ୍‌କିୟା । ୩୭ ଇନ୍‌କୁ ହରାରେ ସେନଃତାନ୍ ତାଇକେନ୍ ଇମ୍‌ତା ମିଦ୍‌ତାଃରେ ଦାଆଃ ହୁଣ୍ଡିୟାକାନ୍ ଠାୟାଦ୍‌ତାଃରେକ ସେଟେରୟାନା, ଏନ୍ତେ ଚାକୁରା ଇନିଃକେ କାଜିକିୟା, “ନେତାଃରେ ଦାଆଃ ମେନାଃ, ଆଇଙ୍ଗକେ ବାପ୍ତିସ୍ତା ଇଦି ନାଗେନ୍ତେ ଚିନାଃ ଜେତାନ୍ ରୋକଟକ୍ ମେନାଃ ତି ?” ୩୭ ଫିଲିପ୍ କାଜିକିୟାଏ, “ଆମ୍ ସବେନ୍ ମନ୍‌ସୁରଦ୍‌ତେମ୍ ବିଶ୍ୱାସ୍‌ତାନ୍‌ରେଦ ବାପ୍ତିସ୍ତା ଇଦି ଦାଡ଼ିୟାମ୍ ।” ଏନ୍ତେ ଇନିଃ କାଜିରୁହାଡ଼କିୟାଏ, “ୟୀଶୁ ଖ୍ରୀଷ୍ଟ୍ ପାର୍‌ମେଶ୍ୱାର୍‌ଆଃ ହନ୍ ତାନିଃ ଏନା ଆଇଙ୍ଗ ବିଶ୍ୱାସ୍‌ତାନାଇଙ୍ଗ ।”*

୩୮ ଚାକୁରା, ସାଦମ୍ ଗାଡ଼ି ଚାଲାଅତାନ୍ ହଡ଼କେ ସାଦମ୍ ଗାଡ଼ିକେ ତିଙ୍ଗୁଇମେ ମେନ୍ତେ ଆଚୁକିୟା । ଫିଲିପ୍ ଆତଃ ଚାକୁରା ଦାଆଃ ଭିତାର୍‌ତେକିନ୍ ବଲୟାନା ଆତଃ ଫିଲିପ୍ ଇନିଃକେ ବାପ୍ତିସ୍ତା ଏମ୍‌କିୟାଏ । ୩୯ ଇନ୍‌କିନ୍ ଦାଆଃଏତେ ଅତଙ୍ଗୟାନ୍ ତାୟମ୍‌ତେ, ପ୍ରାଭୁଆଃ ଆମ୍ ଫିଲିପ୍‌କେ ଇଦିକିୟା । ଚାକୁରା ଇନିଃକେ ଆତଃ କାଏ ନେଲ୍ ଦାଡ଼ିକିୟା, ମେନ୍‌ଦ ରାସ୍‌କାତେ ପେରେଃୟାନ୍‌ଲଃ ଆୟାଃ ହରାରେ ସେନଃୟାନା । ୪୦ ଆତଃ କାଟିଃ ଘାଡ଼ିକାଦ୍ ତାୟମ୍‌ତେ ଫିଲିପ୍ ଆଇଃକ୍ ଆପାନ୍‌କେଗି ଆସ୍‌ଦ୍ ନୁତୁମ୍ ସାହାରରେ ନାମ୍‌ୟାନା ଆତଃ ଇନିଃ ଏନ୍ତାଃଏତେ କାଇସରିୟା ସାହାରତେ ସେନଃ ହରାରେୟାଃ ସବେନ୍ ନାଗାର୍‌କରେ ସୁକୁକାଜି ଉଦୁବ୍‌ତାନ୍‌ଲଃ କାଇସରିୟାତେ ତେବାଃୟାନା ।



ଶାଉଲଆଃ ମନ୍‌ରୁହାଡ଼୍
(ପ୍ରେରିତ୍ ୨୨:୬-୧୭; ୨୬:୧୨-୧୮)

୧ ଏନ୍ ଦିପିଲିକରେ ଶାଉଲ୍, ପ୍ରାଭୁଆଃ ଚେଲାକକେ ଗଏଃକଆଇଙ୍ଗ ମେନ୍ତେ ବତଙ୍ଗକ ତାଇକେନାଏ । ଏନ୍ତେ ଇନିଃ ମାରାଙ୍ଗ୍ ଯାଜାକ୍‌ତାଃତେ ସେନଃୟାନା, ୨ ଆତଃ ଦମାସ୍‌କସ୍‌ରେୟାଃ ସାମାଜ୍ ଅଡ଼ାଃକରେ ପ୍ରାଭୁକେ ଅତଙ୍ଗ୍‌ତାନ୍‌କକେ ନାମ୍‌କେଦ୍‌ତେ ତଲ୍‌କତାନ୍‌ଲଃ ଯୀରୁଶାଲେମ୍‌ତେ ସାବ୍‌ଆଉକ ନାଗେନ୍ତେ ଏନ୍ ମାରାଙ୍ଗ୍ ଯାଜାକ୍‌ତାଃଏତେ ଆନାଚୁ ଆଉକେଦା ।

* ୮:୩୭ 8:37 ନେ ପଦ ଚିମିନ୍ ମାରି ଅନଲ୍‌କରେ ବାନଃଆ

୩ ଶାଉଲ ଦମାସ୍କସ୍ ନାଗାରରେୟାଃ ହେପାଦ୍‌ତେ ହିଜୁଃ ସେଟେରଃତାନ୍ ଇମ୍‌ତା, ଆର୍‌କାତେ ସିର୍‌ମାଏତେ ମିଆଁଦ୍ ମାର୍‌ସାଲ୍ ଆୟାଃ ଚାରିୟସାଃରେ ଜୁଲ୍ ବିୟୁରୟାନା । ୪ ଇନିଃ ଅତେରେ ଉୟୁଃୟାନା ଆତଃ ମିଆଁଦ୍ ଲାବ୍‌ଜା ଆଇଃକ୍‌କେ କାଜିତାନ୍ ଆୟୁମ୍‌କେଦାଏ, “ହେ ଶାଉଲ, ହେ ଶାଉଲ, ଚିନାଃମେନ୍ତେ ଆମ୍ ଆଇଃକ୍‌କେମ୍ ସିଗିଦିଇଃଜ୍‌ତାନା ?”

୫ ଇନିଃ କାଜିକେଦାଏ, “ହେ ପ୍ରାଭୁ, ଆମ୍ ଅକଏ ତାନ୍‌ମେ ?” ଆତଃଗି ଏନ୍ ଲାବ୍‌ଜା ଆୟୁମ୍‌ୟାନା, “ଆମ୍ ଅକଏକେମ୍ ସିଗିଦିତାନା, ଆଇଃକ୍ ଏନ୍ ଯାଶୁ ତାନିଃ । ୬ ମେନ୍‌ଦ ବିରିଦ୍‌ମେ, ଆତଃ ନାଗାର୍‌ତେ ସେନଃମେ, ଚିକ୍‌ନାଃ କାମି ରିକା ଲାଗାଡିଃୟାଃ, ଏନା ଏନ୍ତାଃରେ ଆମ୍‌କେ କାଜିୟଃଆ ।”

୭ ଶାଉଲ୍‌ଲଃ ଗାଡିରେ ହରାସେନ୍ ତାଇକେନ୍ ହଡକ ଆକଟାକଅକେଦ୍‌ତେ ଡିଃକ୍‌ୟାନାକ, ଇନ୍‌କୁ ଏନ୍ ଲାବ୍‌ଜା ଆୟୁମ୍‌କେଦାକ ମେନ୍‌ଦ ଜେତାଏକେ କାକ ନେଲ୍ ଦାଡିକେନା । ୮ ଶାଉଲ୍ ଅତେହେତେ ବିରିଦ୍‌ୟାନା ଆତଃ ନେଲ୍‌କେଦାଏ ମେନ୍‌ଦ ଜେଡନାଃ କାଏ ନେଲ୍ ଦାଡିକେନା । ଏନାତେ ଇନ୍‌କୁ ଆୟାଃ ଡିଃଇ ସାବ୍‌କେଦ୍‌ତେ ଦମାସ୍କସ୍ ଜାକେଦ୍ ସୁତୁଃ ଇଦିକିୟାକ । ୯ ଆପି ମାହାଁ ଜାକେଦ୍ ଇନିଃ କାଏ ନେଲ୍ ଦାଡିତାଇକେନା ଆତଃ ଏନ୍ ଦିପିଲିରେ କାଏ ଜମ୍ ନୁଁକେଦା ।

୧୦ ଦମାସ୍କସ୍‌ରେ ହନାନିୟ ନୁତୁମ୍ ମିଆଁଦ୍ ଚେଲା ତାଇକେନାଏ । ଇନିଃ ମିଆଁଦ୍ ଦାର୍‌ଶାନ୍ ନାମ୍‌କେଦାଏ, ପ୍ରାଭୁ ଇନିଃକେ କାଜିକିୟା, “ହନାନିୟ !” ଇନିଃ କାଜିରୁହାଡକିୟାଏ, “ହେ ପ୍ରାଭୁ କାଜିମେ ।”

୧୧ ପ୍ରାଭୁ ଇନିଃକେ କାଜିକିୟା, “ମାର୍ ସେକାଡ଼ଃମେ ଆତଃ ସିଧା ହରା ସେନ୍‌କେଦ୍‌ତେ ଯିହୁଦାରାଃ ଅଡ଼ାଃତେ ସେନଃମେ । ଏନ୍ତାଃରେ ତାଷ୍ ସ୍ ନାଗାର୍‌ତାଃଏତେ ହିଜୁଃକାନ୍ ଶାଉଲ୍ ନୁତୁମ୍ ମିଆଁଦ୍ ହଡକେ ଦାଣାଁଇମେ, ଚିଆଃଚି ଇନିଃ ବିନ୍ତିତାନାଏ, ୧୨ ଆତଃ ହନାନିୟ ନୁତୁମ୍ ମିଆଁଦ୍ ହଡ ହିଜୁଃକେଦ୍‌ତେ ଆୟାଃ ଚେତାନ୍‌ରେ ଡିଃଇ ଦହଲେରେ ଇନିଃ ଆତଃମିସା ନେଲ୍ ଦାଡିୟାଏ ମେନ୍ତେ ଦାର୍‌ଶାନ୍ ନାମାକାଦ୍ ତାଇକେନାଏ ।”

୧୩ ହନାନିୟ କାଜିରୁହାଡ଼କିୟାଏ, “ହେ ପ୍ରାଭୁ, ନେ ହଡ଼ ଯୀରୁଶାଲେମ୍ରେନ୍ ଆମାଃ ପାବିତାର୍ ହଡ଼କକେ ପୁରାଃ ବରଞ୍ଜାନ୍ ଦୁକୁକଏ ଏମାକାଦକଆ, ଏନା ଆଇଙ୍ଗ୍ ପୁରାଃ ହଡ଼କତାଃଏତେଇଙ୍ଗ୍ ଆୟୁମାକାଦା । ୧୪ ଆତଃ ଇନିଃ ମୁଲ୍ ଯାଜାକକତାଃଏତେ ଆକ୍ତେୟାର୍ ନାମ୍କେଦ୍ତେ ଦମାସ୍କସ୍ରେ ଆମ୍କେ ବିକ୍ରିତାନ୍ ହଡ଼କକେ ସାବ୍କେଦ୍ତେ ତଲ୍ଲଦି ନାଙ୍ଗ୍ ହିନ୍ଦୁଃକାନାଏ ।”

୧୫ ମେନ୍ଦ ପ୍ରାଭୁ ଇନିଃକେ କାଜିକିୟା, “ତୁ ସେନଃମେ, ସାଅଁସାର୍ ହଡ଼କକେ, ରାଜା ଆତଃ ଇସ୍ରାଏଲ୍ରେନ୍ ହଡ଼କକେ ଆଇଁୟାଃ ନୁତୁମ୍ ଉଦୁବେ ନାଗେନ୍ତେ ଆତଃ ଆଇଙ୍ଗ୍କେ ସେଞ୍ଜା ନାଗେନ୍ତେ ଆଇଙ୍ଗ୍ ଇନିଃକେଇଙ୍ଗ୍ ସାଲାକାଇଜା । ୧୬ ଆଇଁୟାଃ ନୁତୁମ୍ ନାଗେନ୍ତେ ଇନିଃକେ ଅକ ଦୁକୁକ ସାହାତିଙ୍ଗ୍ ଲାଗାତିଙ୍ଗ୍ୟାଃ, ଏନା ଆଇଙ୍ଗ୍ଗି ଇନିଃକେଇଙ୍ଗ୍ ଉଦୁବାଇୟା ।” ୧୭ ଏନ୍ତେ ହନାନିୟ ସେନଃୟାନାଏ ଆତଃ ଶାଉଲ୍ ତାଇକେନ୍ ଅତାଃତେ ବଲ୍ୟାନ୍ଲଃ ଇନିୟାଃ ଚେତାନ୍ରେ ତିଃଇ ଦହକେଦ୍ତେ କାଜିକିୟା, “ହାଗା ଶାଉଲ୍, ଆମ୍ ନେତାଃତେ ହିନ୍ଦୁଃ ହରାରେ, ଅକ ପ୍ରାଭୁ ଯୀଶୁ ଆମ୍କେ ଦାର୍ଶାନ୍ ଏମାକାମ୍ ତାଇକେନାଏ, ଇନିଃ ଆଇଙ୍ଗ୍କେ କୁଲ୍ଲାକାଦିୟା, ଜେ'ଲେକାତି ଆମ୍ ଆତଃମିସା ନେଲ୍ ଦାଡ଼ିୟାମ୍ ଆତଃ ପାବିତାର୍ ଆମ୍ରେ ପେରେଜଃଆମ୍ ।” ୧୮ ଇମ୍ତାଗି ଶାଉଲ୍ଆଃ ମେଦ୍ହେତେ, ହାକୁଆଃ କାଡ଼ି ଲେକା ଚିନାଃ ଉୟୁଃୟାନା ଆତଃ ଇନିଃ ଆତଃମିସା ନେଲ୍ ଦାଡ଼ିକେଦାଏ । ଇନିଃ ତିଙ୍ଗ୍ୟାନାଏ ଆତଃ ବାପ୍ତିସ୍ମା ଇଦିକେଦାଏ । ୧୯ ଆତଃ ତାୟମ୍ତେ ଜମ୍କେଦ୍ତେ ପେଡ଼େଃ ନାମ୍ରୁହାଡ଼କେଦାଏ । ଶାଉଲ୍ ଚେଲ୍ଲାକଲଃ ଦମାସ୍କସ୍ରେ ଚିମ୍ ଦିନ୍ ତାଇନ୍ୟାନାଏ ।

ଦମାସ୍କସ୍ରେ ଶାଉଲ୍ଆଃ ପ୍ରାଚାର୍

୨୦ ଆତଃ ଇନିଃ ଇମ୍ତାଗି ସାମାଜ୍ ଅତାଃକରେ, ଯୀଶୁ ପାର୍ମେଶ୍ୱାର୍ଆଃ ହନ୍ତାନିଃ ମେନ୍ତେ ପ୍ରାଚାର୍ ଏଟେଦ୍କେଦା ।

୨୧ ଆୟାଃ କାଜି ଆୟୁମ୍କେଦ୍ତେ ସବେନ୍କ ହାଏକାଟ୍ୟାନ୍ଲଃ କୁପ୍ଲିୟାନାକ, “ଯୀରୁଶାଲେମ୍ରେ ଯୀଶୁ ନୁତୁମ୍ ହଡ଼ରାଃ ସେଞ୍ଜାତାନ୍ ହଡ଼କକେ ଅକ ହଡ଼ ଗଏଃକ ତାଇକେନାଏ, ଇନିଃ ଚିନାଃ ନେ ହଡ଼ ନାହାଁଲିଃ ? ଯୀଶୁ ନୁତୁମ୍ରେ ସେଞ୍ଜାତାନ୍ ହଡ଼କକେ

ତଳକେଦ୍‌ତେ ମୁଲ୍ ଯାଜାକକତାଃତେ ଇଦି ନାଗେନ୍ତେ ଇନିଃ ଚିନାଃ ନେତାଃତେ କାଏ ହିଜୁଃକାନ୍ ତାଇକେନା ?”

୨୨ ମେନ୍‌ଦ ଶାଉଲ୍‌ଆଃ ପ୍ରାଚାର୍ ପୁରାଃ ପେଡେୟାନ୍‌ଗି ହବାୟାନା, ଆଡଃ ଯୀଶୁଗି ମାସିତାନିଃ ମେନ୍ତେ ଇନିୟାଃ ସାରୁଡ୍ ପୁରାଃଗି ପକ୍‌ତାୟାନା ଯେ, ଦମାସକସ୍‌ରେନ୍ ଯିହୁଦୀ ହଡ଼କ ନେ ବିଷାଏରେ ଇନିଃକେ କାକ କାଜିରୁହାଡ୍ ଦାଡ଼ିୟାନା ।

୨୩ ☆ଚିମିନ୍ ଦିନ୍ ସେନଃୟାନ୍ ତାୟମ୍‌ତେ, ଯିହୁଦୀ ହଡ଼କ ମିଦତାଃରେ ହୁଣ୍ଡିକେଦ୍‌ତେ ଶାଉଲ୍‌କେ ଗଏଃ ନାଗେନ୍ତେକ ରୋଜୋଟକେଦା, ୨୪ ମେନ୍‌ଦ ଇନ୍‌କୁଆଃ ରୋଜୋଟ ଶାଉଲ୍ ସାରିକେଦାଏ । ଇନିଃକେ ଗଏଃ ନାଗେନ୍ତେ ଇନ୍‌କୁ ନିଦା ସିଜି ନାଗାର୍‌ରେୟାଃ ଦୁଆରକରେକ ହରକେଦା । ୨୫ ମେନ୍‌ଦ ଶାଉଲ୍‌ଆଃ ଚେଲ୍‌କ ନୁବାଃ ଇମ୍‌ତା ଶାଉଲ୍‌କେ ମିଆଁଦ୍ ଟୁଙ୍କିରେ ଦହକେଦ୍‌ତେ ପାଚ୍‌ରି ହାନ୍‌ପାରମ୍‌ରେକ ଆଡ଼ଗୁକିୟା ।

ଯୀରୁଶାଲେମ୍‌ରେ ଶାଉଲ୍

୨୬ ଶାଉଲ୍ ଯୀରୁଶାଲେମ୍‌ତେ ସେନ୍‌କେଦ୍‌ତେ ଚେଲ୍‌କଲଃ ମେସାନ୍ ନାଗେନ୍ତେ ସାନାଙ୍‌କେଦା । ମେନ୍‌ଦ ଇନିଃ ମିଆଁଦ୍ ଚେଲ୍‌ା ତାନିଃ ମେନ୍ତେ କାକଗି ବିଶ୍ୱାସ୍‌କେଦା ଆଡଃ ସବେନ୍‌କ ଇନିଃକେ ବରଆଇ ତାଇକେନାକ । ୨୭ ଏନ୍ତେ ବର୍ଣ୍ଣବାସ୍ ଇନିଃକେ ପ୍ରେରିତ୍ ଚେଲ୍‌କତାଃତେ ଇଦିକେଦ୍‌ତେ ଦମାସକସ୍ ହରାରେ ଶାଉଲ୍ ଚିଲ୍‌କା ପ୍ରାଭୁଆଃ ଦାର୍‌ଗାନ୍ ନାମାକାଦ୍ ତାଇକେନାଏ ଆଡଃ ପ୍ରାଭୁ ଚିଲ୍‌କା ଇନିଃକେ କାଜିକିୟା, ଏନ୍ ସବେନାଃ ଇନ୍‌କୁକେ ଉଦୁବାଦ୍‌କଆ । ଦମାସକସ୍‌ରେ ଯୀଶୁଆଃ ନୁତୁମ୍‌ତେ ଶାଉଲ୍ ଚିଲ୍‌କା ବେଗାର୍ ବରତେ ପ୍ରାଚାର୍‌କେଦା, ଏନ୍ ସବେନାଃ ଇନ୍‌କୁକେ ବୁଗିଲେକାଏ ଉଦୁବାଦ୍‌କଆ । ୨୮ ଏନ୍ତେ ଶାଉଲ୍ ପ୍ରେରିତ୍ ଚେଲ୍‌କଲଃ ତାଇନ୍‌ୟାନାଏ ଆଡଃ ଯୀରୁଶାଲେମ୍‌ରେୟାଃ ଚାରିୟାଃ ସେନ୍‌କେଦ୍‌ତେ ବେଗାର୍ ବରତେ ପ୍ରାଭୁଆଃ ନୁତୁମ୍‌ତେ ପ୍ରାଚାର୍‌କେଦାକ । ୨୯ ଇନିଃ ଗ୍ରୀକ୍ ଜାଗାର୍‌ତେ ବାଖାଣତାନ୍ ଯିହୁଦୀ ହଡ଼କଲଃ ବାଖାଣି ତାଇକେନାଏ ଆଡଃ କାପ୍‌ଜିତାଇକେନାଏ, ମେନ୍‌ଦ ଇନ୍‌କୁ ଇନିଃକେ ଗଏଃ ନାଗେନ୍ତେକ ରୋଜୋଟ ତାଇକେନା

☆ ୯:୨୩ ୯:୨୩ ୨ କରିଛିୟ ୧୧:୩୨,୩୩.

। ୩୦ ଖ୍ରୀଷ୍ଟରେ ହାଗାକ ନେ କାଜି ସାରିକେଦ୍ତେ, ଶାଉଲକେ କାଇସରିୟା ନାଗାର୍ତେକ ଇଦିକିୟା ଆତଃ ଏନ୍ତାଃଏତେ ତାଷ୍ଟି ସ୍ତ ସାହାର୍ତେକ କୁଲକିୟା ।

୩୧ ନେ'ଲେକାତେ ଗଟା ଯିହୁଦା ପାର୍ଗାନ୍, ଗାଲିଲ୍ ଆତଃ ଗମିରୋନ୍ରେୟାଃ କାଲିସିୟାକରେନ୍ ଖ୍ରୀଷ୍ଟ ବିଶ୍ୱାସୀକ ସୁକୁଜୀତରେ ତାଇକେନାକ ଆତଃ ପାବିତାର୍ ଆମ୍ବରେୟାଃ ଦେଙ୍ଗାତେ ପେଡ଼େଃ ନାମ୍ତାନଲଃ ପସାଇଦିୟଃ ତାଇକେନାକ ଆତଃ ପ୍ରାଭୁକେ ବରଭାକ୍ତିତାନଲଃ ଜୀଦାନ୍ ବିତାଅ ତାଇକେନାକ ।

ଲୁଦା ଆତଃ ଯୋପ୍ପାରେ ପାଡ଼ରାସ୍

୩୨ ପାଡ଼ରାସ୍ ସବେନ୍ତାଃ ହରାସେନ୍ତାନଲଃ ଲୁଦା ସାହାର୍ରେ ତାଇନଃତାନ୍ ପାର୍ମେଶ୍ୱାର୍ଆଃ ପାବିତାର୍ ହଡ଼କତାଃତେ ନେପେଲ୍ ନାଗେନ୍ତେ ସେନଃୟାନା । ୩୩ ଏନ୍ତାଃରେ ପାଡ଼ରାସ୍ ଏନିୟ ନୁତୁମ୍ ମିଆଁଦ୍ ହଡ଼କେ ନାମକିୟା । ଇନିଃ ବାଡ଼କାନ୍ ହରାତେ ଇରାଲିୟା* ବାରାଷ୍ ଜାକେଦ୍ ପାର୍କମ୍ହେତେ ବିରିଦ୍ କାଏ ଦାଡ଼ିତାଇକେନା । ୩୪ ପାଡ଼ରାସ୍ ଇନିଃକେ କାଜିକିୟା, “ଏନିୟ, ଯୀଶୁ ଖ୍ରୀଷ୍ଟ ଆମ୍ବକେ ବୁଗିକାଦ୍ମେଆ । ବିରିଦ୍ମେ ଆତଃ ପାର୍କମ୍ତାମାଃ ବିଲ୍ଲାକାଦ୍ତେୟାଃ ଉଠାଏମେ ।” ଇମ୍ତାଗି ଏନିୟ ବିରିଦ୍ୟାନାଏ । ୩୫ ଲୁଦା ଆତଃ ଶାରୋନ୍ରେ ତାଇନଃତାନ୍ ସବେନ୍ ହଡ଼କ ଇନିଃକେ ନେଲ୍କେଦ୍ତେ ପ୍ରାଭୁରେ ବିଶ୍ୱାସକେଦାକ ।

ପାଡ଼ରାସ୍ ଦର୍କାସ୍କେ ଜୀଉବିରିଦ୍କିୟା

୩୬ ଯୋପ୍ପା ସାହାର୍ରେ ଗାବିଆ ନୁତୁମ୍ ମିଆଁଦ୍ ଖ୍ରୀଷ୍ଟ ବିଶ୍ୱାସୀ କୁଡ଼ି ତାଇକେନାଏ । ଇନିୟାଃ ଗ୍ରୀକ୍ ନୁତୁମ୍ ଦର୍କାସ୍, ନେଆଁରାଃ ମୁଣ୍ଡି ହବାଅଃତାନା “ମିଆଁଦ୍ ମିରିକ୍ ।” ଇନିଃ ଆୟାଃ ସବେନ୍ ନେତାରେ ବୁଗିନ୍ କାମି କାମିତାଇକେନା ଆତଃ ଗାରିଦ୍ ହଡ଼କକେ ଦେଙ୍ଗାକତାନ୍ ତାଇକେନା । ୩୭ ଏନ୍ ନେତାରେ ଇନିଃ ବେମାର୍କେଦ୍ତେ ଗଏଃୟାନା । ହଡ଼କ ଇନିୟାଃ ହଡ଼ମ୍କେ ନିୟାଁରକେଦାକ ଆତଃ ମାହାଲ୍ଲା ଅଡ଼ାଃରେୟାଃ ଚେତାନ୍ କୁଠାରେକ ଦହକେଦା । ୩୮ ଯୋପ୍ପା ସାହାର୍ ଲୁଦା

* ୯:୩୩ ୯:୩୩ ଆଠ

ସାହାରତାଃଏତେ ଅମ୍ବା ସାଙ୍ଗିନରେ କା ତାଇକେନା । ପାତ୍ରରାସ୍
 ଲୁଦା ସାହାରରେ ମେନାଇୟା ମେନ୍ତେ ଯୋପ୍ପାରେନ୍ ଖ୍ରୀଷ୍ଟ୍
 ବିଶ୍ୱାସୀକ ଆୟୁମ୍‌କେଦ୍‌ତି, ଇନ୍‌କୁ ବାରହଡ଼କିନ୍‌କେ ଆୟାଃ ହେପାଦ୍
 କୁଲ୍‌କେଦ୍‌ତେ ନେ'ଲେକା କାଜିଗହାରକେଦାକ, “ଦାୟାକେଦ୍‌ତେ
 ଆଲେତାଃତେ ଜାଲ୍‌ଦି ହିଜୁଃମେ ।”^{୩୯} ପାତ୍ରରାସ୍ ସେକାଡ଼କେଦ୍‌ତେ
 ଇନ୍‌କୁଲଃ ସେନଃୟାନାଏ । ଏନ୍ତାଃତେ ସେଟେରୁୟାନ୍‌ତି ଇମ୍‌ତାଗି
 ହଡ଼କ ମାହାଲା ଅଡ଼ାଃରେୟାଃ ତେତାନ୍ କୁଠାତେ ଇନିଃକେକ
 ଇଦ୍‌କିୟା । ଏନ୍ତାଃରେ ରାଣ୍ଡିକୁଡ଼ିକ ଇନିଃକେ ଜୁରୁବିୟୁରକେଦ୍‌ତେ
 ରାଆଃତାନ୍‌ଲଃ ଦର୍କାସ୍ ଜାନିଦ୍ ତାଇକେନ୍ ଇମ୍‌ତା ସିଲାଇକାଦ୍
 ତୁସିଙ୍ଗ୍ ଲିଜାଃ ଆତଃ ଲିଜାଃକ ଇନିଃକେକ ଉଦୁବ୍‌କିୟା ।
^{୪୦} ପାତ୍ରରାସ୍ ସବେନ୍‌କକେ ଏନ୍ କୁଠାଏତେ ଅଡ଼ଙ୍ଗକେଦ୍‌କଆ
 ଆତଃ ଇକ୍‌ଡ଼ମୁକେଦ୍‌ତେ ବିକ୍ରିକେଦା, ଏନ୍ତେ ଇନିଃ ଦର୍କାସ୍‌ଆଃ
 ଗଏଃ ହଡ଼ମସାଃତେ ହେତାରୁହାଡ଼କେଦ୍‌ତେ କାଜିକେଦା, “ଟାବିଆ,
 ବିରିଦ୍‌ମେ ।” ଦର୍କାସ୍ ନେଲ୍‌କେଦାଏ ଆତଃ ପାତ୍ରରାସ୍‌କେ
 ନେଲ୍‌କେଦ୍‌ତେ ଦୁବ୍‌ୟାନା ।^{୪୧} ପାତ୍ରରାସ୍ ଇନିୟାଃ ଡିଃଇକେ
 ସାବ୍‌କେଦ୍‌ତେ ବିରିଦ୍‌କିୟା । ଏନ୍ତେ ଇନିଃ ହୁଣ୍ଡିୟାକାନ୍ ପାବିତାର୍
 ହଡ଼କକେ ଆତଃ ରାଣ୍ଡିକୁଡ଼ିକକେ ହାକାଅକେଦ୍‌ତେ ଦର୍କାସ୍‌କେ
 ଇନ୍‌କୁଆଃ ଡିଃଇରେ ଜାହୁଦ୍‌ଗି ଜିମାକିୟା ।^{୪୨} ନେ କାଜି ଗଟା
 ଯୋପ୍‌ପା ସାହାରରେୟାଃ ଚାରିୟସାଃରେ ଆୟୁମ୍‌ୟାନା ଆତଃ
 ପୁରାଃ ହଡ଼କ ପ୍ରାଭୁକେକ ବିଶ୍ୱାସ୍‌କିୟା ।^{୪୩} ପାତ୍ରରାସ୍ ପୁରାଃ ଦିନ୍
 ଜାକେଦ୍ ଯୋପ୍‌ପାରେ ଶିମୋନ୍ ନୁତୁମ୍ ମିଆଁଦ୍ ମୁଟିଆଃ ଅଡ଼ାଃରେ
 ତାଇନ୍‌ୟାନା ।

୧୦

ପାତ୍ରରାସ୍ ଆତଃ କର୍ଣ୍ଣଲିୟ

^୧ କାଇସରିୟା ନାଗାରରେ କର୍ଣ୍ଣଲିୟ ନୁତୁମ୍ ମିଆଁଦ୍ ହଡ଼
 ତାଇକେନାଏ, ଇନିଃ “ଇଟାଲିରେନ୍ ପାଲ୍‌ଟାନ୍” ନୁତୁମଃତାନ୍
 ରୋମାନ୍ ପାଲ୍‌ଟାନ୍‌କଆଃ ମିଦ୍‌ଗାଅ ସିପାଇକଆଃ ଆଗୁଆଇ
 ତାଇକେନାଏ ।^୨ ଇନିଃ ଧାରମାନ୍ ହଡ଼ ତାଇକେନାଏ । ଇନିଃ
 ଆତଃ ଆୟାଃ ଅଡ଼ାଃରେନ୍ ସବେନ୍‌କ ପାର୍‌ମେଶ୍ୱାରକେକ ବର

ତାଙ୍କେନା । ଇନିଃ ଗାରିବ୍ ଯିହୁଦୀ ହଡ଼କକେ ଦେଙ୍ଗାକତାନ୍ ତାଙ୍କେନା ଆତଃ ପାରମେଶ୍ଵାର୍ତାଃରେ ସବେନ୍ ଇମତାଏ ବିକ୍ରିତାନ୍ ତାଙ୍କେନା । ^୩ ମୁସିଙ୍ଗ୍ ତାରସିଙ୍ଗ୍ ଆପି ଘାଡ଼ି ହବାଅଃତାଙ୍କେନ୍ ଇମତାକରେ ଇନିଃ ମିଆଁଦ୍ ଦାର୍ଶାନ୍ରେ ପୁରା ନେଲ୍‌କେଦା ଯେ, ପାରମେଶ୍ଵାର୍‌ଆଃ ମିଆଁଦ୍ ଦୁଁଡ଼ ହିଜ୍ଜୁଃକେଦ୍‌ତେ ଇନିଃକେ ହାକାଅକିୟା, “ଏ କର୍ଣ୍ଣଲିୟ ।”

^୪ ଇନିଃ ବରତେ ଦୁଁଡ଼ସାଃତେ ନେଲ୍‌କେଦା ଆତଃ କାଜିକିୟାଏ, “ହେ ଗମ୍‌କେ, ତିନାଃମ୍ କାଜିତାନା ?” ଦୁଁଡ଼ କାଜିରୁହାଡ଼କିୟାଏ, “ପାରମେଶ୍ଵାର୍‌ଆମାଃ ବିକ୍ରି ଆତଃ ଦାନ୍ ଏମଃରେ ସୁକୁଆକାନା ଆତଃ ଇନିଃ ଆମ୍‌କେ କାଜିରୁହାଡ଼ ନାଗେନ୍ତେ ସେକାଡ଼ାକାନା । ^୫ ନାହାଁଃ ଶିମୋନ୍ ପାଡ଼ରାସ୍ ନୁତୁମ୍ ମିଆଁଦ୍ ହଡ଼କେ କେଡ଼ାଆଉ ନାଗେନ୍ତେ ହଡ଼କକେ ଯୋପ୍‌ପାତେ କୁଲ୍‌କମେ । ^୬ ପାଡ଼ରାସ୍ ଦରେୟା ଗେନାରେ ତାଙ୍କେନା ଶିମୋନ୍ ନୁତୁମ୍ ମିଆଁଦ୍ ମୁଟିଆଃ ଅଡ଼ାଃରେ ପେଡ଼ାହଡ଼ ଲେକାଏ ତାଙ୍କେନା ।” ^୭ ନେଆଁ କାଜିକେଦ୍‌ତେ ଦୁଁଡ଼ ସେନଃୟାନାଏ । ଏନ୍ତେ କର୍ଣ୍ଣଲିୟ ଆୟାଃ ଅଡ଼ାଃରେନ୍ ବାରହଡ଼ ଦାସିକିନ୍‌କେ ଆତଃ ମିଆଁଦ୍ ସିପାଇ, ଅକଏତି ଧାର୍‌ମାନ୍ ହଡ଼ ତାଙ୍କେନାଏ, ଇନିଃକେ କେଡ଼ାଆଉକିୟା । ^୮ ଇନିଃ ଇନ୍‌କୁକେ ସବେନାଃ ଉଦୁବ୍‌କେଦ୍‌ତେ ଯୋପ୍‌ପାତେ କୁଲ୍‌କେଦ୍‌କଆ ।

^୯ ଏଗାଃ ହୁଲାଙ୍ଗ୍ ଇନ୍‌କୁ ଯୋପ୍‌ପା ସାହାର୍‌ତେ ସେଟେରଃତାନ୍ ଇମତା ପାଡ଼ରାସ୍ ମାହାଲା ଅଡ଼ାଃରେୟାଃ ଚେତାନ୍ କୁଠାତେ ବିକ୍ରି ନାଙ୍ଗ୍ ସେନ୍‌କେନାଏ । ଇମତାକ ତିକିନ୍‌ସିଙ୍ଗ୍ ହବାଅଃ ତାଙ୍କେନା । ^{୧୦} ପାଡ଼ରାସ୍‌କେ ପୁରାଃଗି ରେଙ୍ଗେଃକିଃ ହରାତେ ଜେଡ଼ନାଃ ଜମ୍‌ନାଙ୍ଗ୍ ସାନାଙ୍ଗ୍‌କିୟା । ଜମ୍‌ମେୟାଃ ସେକାଡ଼ଃତାଙ୍କେନ୍ ଇମତା ଇନିଃ ମିଆଁଦ୍ ଦାର୍‌ଶାନ୍ ନାମ୍‌କେଦାଏ । ^{୧୧} ଇନିଃ ସିର୍ମା ନିଜାକାନ୍ ଆତଃ ଏନାଏତେ ମିଆଁଦ୍ ମାରାଙ୍ଗ୍ ଚାଦାର୍ ଲେକା ଉପୁନିୟା* କଚାରେ ତୁଙ୍ଗାକେଦ୍‌ତେ ଅତେ ଚେତାନ୍‌ତେ ଆଡ଼ଗୁଃତାନାଏ ନେଲ୍‌କେଦା । ^{୧୨} ଏନାରେ ତିମିନ୍ ରାକାମ୍‌ରେନ୍ ଜାଁତୁ, ଅତେରେ ରେଙ୍ଗାଅଃତାନ୍ ଜାଁତୁ ଆତଃ ବିର୍‌ରେନ୍ ଅଡ଼େକ ତାଙ୍କେନା ।

* ୧୦:୧୧ ୧୦:୧୧ ଚାଇର୍

୧୩ ଆତ୍ମା ଇନିଃ ମିଆଁଦ୍ ଲାବ୍‌ଜା ଆୟୁମ୍‌କେଦାଏ, “ଏ ପାତ୍ରରାସ୍, ବିରିଦ୍‌ମେ ଆତ୍ମା ଗଏଃକେଦ୍‌ତେ ଜମ୍‌କୁମ୍ ।”

୧୪ ମେନ୍‌ଦ ପାତ୍ରରାସ୍ କାଜିକେଦାଏ, “କାହାଗି, ପ୍ରାଭୁ, ଆଇଙ୍ଗ୍ ଚିତ୍‌ଲାଅଗି କା ଫାରିତ୍‌ୟାକାନ୍ ଚାଏ ସତ୍‌ରାକାନ୍ ଜମେୟାଃ କାଇଙ୍ଗ୍ ଜମାକାଦା ।”

୧୫ ଇନିଃ ଆତ୍ମାମିସା ଏନ୍ ଲାବ୍‌ଜା ଆୟୁମ୍‌କେଦାଏ, “ପାର୍‌ମେଶ୍‌ୱାର୍ ଅକ୍‌ନାଃକେ ଫାରିତ୍‌କାଦା, ଆମ୍ ଏନାକେ କା ଫାରିତ୍ ମେନ୍ତେ ଆଲମ୍ କାଜିୟା ।” ୧୬ ନେ'ଲେକା ଆପିସାତେ ହବାୟାନ୍ ତାୟମ୍‌ତେ, ଚାଦାର୍ ଇମ୍‌ତାଗି ସିମାତେ ରାକାବ୍‌ୟାନା ।

୧୭ ପାତ୍ରରାସ୍ ଆୟାଃ ଦାର୍‌ଶାନ୍‌ରେୟାଃ ମୁଣ୍ଡି ଉତ୍‌ଷ୍ଟକେଦ୍‌ତେ ଆକ୍‌ଦାଦାଅଃତାନ୍ ଇମ୍‌ତା, କର୍ଣ୍ଣଲିୟ୍ ଅକନ୍ ହତ୍‌କକେ କୁଲାକାଦକ୍ ତାଇକେନା, ଇନ୍‌କୁ ଶିମୋନ୍‌ଆଃ ଅତ୍‌ଃ ନେଲ୍‌ଉରମ୍‌କେଦ୍‌ତେ ଆୟାଃ ଅତ୍‌ଃରାଚାରେୟାଃ ବଲ୍‌ଦୁଆର୍‌ତାଃରେ ତିଙ୍ଗୁକାନ୍‌କ ତାଇକେନା । ୧୮ ଇନ୍‌କୁ ହାକାଅକେଦ୍‌ତେ କୁଲିକେଦାକ, “ଶିମୋନ୍ ପାତ୍ରରାସ୍ ନୁତୁମ୍ ମିଆଁଦ୍ ପେଡାହତ୍ ନେତାଃରେ ମେନାଲ୍‌ୟାଚି ?”

୧୯ ପାତ୍ରରାସ୍ ଇମ୍‌ତାଜାକେଦ୍ ଏନ୍ ଦାର୍‌ଶାନ୍‌ରେୟାଃ ମୁଣ୍ଡି ଆର୍‌କାର୍‌ଉରୁମେ ନାଗେନ୍ତେ ସାନାଙ୍ଗ୍ ତାଇକେନା, ଇମ୍‌ତା ଆମ୍ କାଜିକିୟାଏ, “ଆୟୁମ୍‌ଲେମ୍, ଆମ୍‌କେ ଆପିହତ୍ ଦାଣ୍ଡାମେତାନାକ । ୨୦ ଏନାତେ ମାର୍ ସେକାଡ୍‌କେଦ୍‌ତେ ଲାତାର୍‌ତେ ଆଡ୍‌ଗୁନ୍‌ମେ ଆତ୍ମା ଇନ୍‌କୁଲଃ ସେନ୍ ନାଗେନ୍ତେ ଆଲମ୍ ହିଚ୍‌କିଚାଃଅଆ, ଚିଆଃଚି ଆଇଙ୍ଗ୍ ଇନ୍‌କୁକେ କୁଲାକାଦକ୍‌ଆଇଙ୍ଗ୍ ।” ୨୧ ଏନ୍ତେ ପାତ୍ରରାସ୍ ଲାତାର୍‌ତେ ଆଡ୍‌ଗୁକେଦ୍‌ତେ ଇନ୍‌କୁକେ କାଜିକେଦ୍‌କଆ, “ଆପେ ଅକଏକେ ଦାଣ୍ଡାତାନାପେ ଇନିଃ ଆଇଙ୍ଗ୍‌ଗି ତାନିଙ୍ଗ୍, ଆପେ ଚିନାଃ ମେନ୍ତେପେ ହିଜୁଃକାନା ?”

୨୨ ଇନ୍‌କୁ କାଜିରୁହାଡ୍‌କିୟାକ, “ମିଦ୍‌ଶାଅ ସିପାଇକ୍‌ଆଃ ଆଗୁଆଇ କର୍ଣ୍ଣଲିୟ୍ ଆଲେକେ କୁଲାକାଦ୍‌ଲେୟା । ଇନିଃ ମିହୁଡ୍ ଧାର୍‌ମାନ୍ ହତ୍ ତାନିଃ । ଇନିଃ ପାର୍‌ମେଶ୍‌ୱାର୍‌କେ ବରଝାଇ ତାଇକେନା ଆତ୍ମା ସବେନ୍ ଯିହୁଦୀ ହତ୍ ଇନିଃକେ ମାଇନାଃକ । ପାର୍‌ମେଶ୍‌ୱାର୍‌ଆଃ ମିଆଁଦ୍ ପାବିତାର୍ ଦୁଁଡ୍ କର୍ଣ୍ଣଲିୟ୍‌କେ ଦାର୍‌ଶାନ୍ ଏମ୍‌କେଦ୍‌ତେ ଆମ୍‌କେ ଆୟାଃ ଅତ୍‌ଃତେ କେଡାଇଦିମେ ମେନ୍ତେ କାଜିକାଦା,

ଜେ'ଲେକାଟି ଇନିଃ ଆମାଃତାଃଏତେ ଇତୁ ଦାଡ଼ିୟଃଆ ।”
 ୨୩ ପାଡ଼ରାସ୍ ଇନ୍କୁକେ ଅଡ଼ାଃତେ କେଡ଼ାଇଦିକେଦକଆ ଆତଃ
 ଏନ୍ ନିଦା ଆୟାଃଲଃ ତାଇନ୍ ନାଗେନ୍ତେ ବିକ୍ତିକେଦକଆ । ଏଟାଃ
 ହୁଲାଙ୍ଗ୍ ଇନିଃ ସେକାଡ଼କେଦତେ ଇନ୍କୁଲଃ ସେନଃୟାନାଏ
 । ଯୋପ୍ପାରେନ୍ ତିମିନ୍ ବିଶ୍ୱାସୀକହଗି ଇନ୍କୁଲଃ ମିସାତେକ
 ସେନଃୟାନା । ୨୪ ଏନ୍ ହୁଲାଙ୍ଗ୍ରେୟାଃ ଏଟାଃ ହୁଲାଙ୍ଗ୍ରେ ଇନ୍କୁ
 କାଇସରିୟା ସାହାର୍ତେକ ସେଟେରୟାନା । ଏନ୍ତାଃରେ କର୍ଣ୍ଣଲିୟ
 ଆୟାଃ ହଡ଼ପେଡ଼ାକକେ ଆତଃ ଆୟାଃ ଗାତିକକେ ହାକାଅକେଦତେ
 ଇନ୍କୁକେ ତାଙ୍ଗିତାନ୍କ ତାଇକେନା । ୨୫ ପାଡ଼ରାସ୍ ଭିତାର୍ତେ
 ବଲତାନ୍ ତାଇକେନ୍ ଇମ୍ତା କର୍ଣ୍ଣଲିୟ ଇନିଃକେ ଦାରମିତାନ୍ଲଃ
 ଆୟାଃ କାଟା ସୁବାରେ ଉୟୁଃକେଦତେ ଜହାର୍କିୟା । ୨୬ ମେନ୍ଦ
 ପାଡ଼ରାସ୍ ଇନିଃକେ ବିରିଦକେଦତେ କାଜିକିୟା, “ମାର୍ ତିଙ୍ଗୁନ୍ମେ,
 ଆଇଙ୍ଗ୍ ହିଁ ମିହୁଡ଼୍ ହଡ଼ ତାନିଙ୍ଗ୍ ।” ୨୭ ପାଡ଼ରାସ୍ କର୍ଣ୍ଣଲିୟଲଃ
 ଜାଗାର୍ତାନ୍ଲଃଗି ଅଡ଼ାଃତେ ବଲୟାନା । ଏନ୍ତାଃରେ ପୁରାଃ
 ହଡ଼କକେ ନେଲକେଦତେ, ୨୮ ଇନିଃ ଇନ୍କୁକେ କାଜିକେଦକଆ,
 “ଆପେ ସବେନ୍କ ସାରିତାନାପେ, ମିଆଁଦ୍ ଯିହୁଦୀ ହଡ଼ ଆୟାଃ
 ଧାରାମ୍ ବିଶ୍ୱାସ୍ ଲେକାତେ ସାଅଁସାର୍ ହଡ଼କଲଃ କାଏ ଦୁବଡ଼ିଙ୍ଗ୍ନା ।
 ମେନ୍ଦ ପାର୍ମେଶ୍ୱାର୍ ଆଇଙ୍ଗ୍କେ ଉଦୁବକାଦିୟାଁ, ଜେତାଏକେ କା
 ଫାର୍ତି ଚାଏ ସଡ଼ରା ମେନ୍ତେ ଆଲମ୍ କାଜିକଆ । ୨୯ ଏନାମେନ୍ତେ
 ଆମ୍ ତିମ୍ତା ଆଇଙ୍ଗ୍କେ କେଡ଼ାଆଉ ନାଙ୍ଗ୍ କାଜିକେଦାମ୍,
 ଆଇଙ୍ଗ୍ ଜେଡ଼ନାଃ କା କାଜିକେଦତେଇଙ୍ଗ୍ ହିଜୁଃୟାନା ।
 ଆଇଙ୍ଗ୍ ସାରି ନାଗେନ୍ତେଇଙ୍ଗ୍ ସାନାଙ୍ଗ୍ତାନା, ଆମ୍ ତିନାଃମେନ୍ତେମ୍
 କେଡ଼ାଆଉକାଦିୟାଁ ?”

୩୦ କର୍ଣ୍ଣଲିୟ କାଜିକିୟାଏ, “ଉପୁନ୍ମାହାଁରେ ଠିକ୍ ନେ ନେତାରେ
 ତାର୍ସିଙ୍ଗ୍ ଆପି ଘାଡ଼ିକରେ ଆଇଙ୍ଗ୍ ଆଇଁୟାଃ ଅଡ଼ାଃରେ ବିକ୍ତି
 ତାଇକେନାଇଙ୍ଗ୍ । ଇମ୍ତାଙ୍ଗି ଝାକ୍ମାକ୍ ଲିଜାଃ ତୁସିଙ୍ଗ୍ୟାକାନ୍
 ମିଆଁଦ୍ ହଡ଼ ଆଇଁୟାଃ ସାମନାଙ୍ଗ୍ରେ ତିଙ୍ଗୁୟାନା ଆତଃ କାଜିକିୟାଏ,
 ୩୧ ଏ କର୍ଣ୍ଣଲିୟ, ପାର୍ମେଶ୍ୱାର୍ ଆମାଃ ବିକ୍ତି ଆୟୁମାକାଦା ଆତଃ
 ଗାରିବ୍ ହଡ଼କକେ ଦାନ୍ ଏମ୍ରେୟାଃ କାମିତେ ସୁକୁଆକାନା ।
 ୩୨ ଶିମୋନ୍ ପାଡ଼ରାସ୍ ନୁତୁମ୍ ମିଆଁଦ୍ ହଡ଼କେ ଆଉ ନାଗେନ୍ତେ

ଯୋପ୍‌ପା ସାହାରତେ ଜେତାଏ ମିହୁଡ୍‌କେ କୁଲିପେ । ଇନିଃ ଦରେୟା ଗେନାରେ ତାଇନତାନ୍ ମୁଟି ଶିମୋନ୍‌ଆଃ ଅଡ଼ାଃରେ ପେଡ଼ାହଡ୍ ଲେକା ମେନାଇୟା ।’ ୩୩ ଏନ୍ତେ ଆଇଙ୍ଗ୍ ଇମ୍‌ତାଗି ଆମ୍‌କେ କେଡ଼ାଆଡ଼ ନାଙ୍ଗ୍ ହଡ୍‌କଇଙ୍ଗ୍ କୁଲିକେଦ୍‌କଆ ଆଡ଼ଃ ଆମ୍‌ ଲିବୁଇତାନ୍‌ଲଃ ହିନ୍ଦୁଃୟାନାମ୍ । ପ୍ରାଭୁ ଆମ୍‌କେ ଅକ୍‌ନାଃ କାଜି ନାଗେନ୍ତେ ଆରୁକାଦ୍‌ମା, ଏନା ଆୟୁମ୍ ନାଗେନ୍ତେ ଆଲେ ନାହାଁଃ ସବେନ୍‌କ ନେଡ଼ାଃରେଲେ ହୁଣ୍ଡିୟାକାନା ଆଡ଼ଃ ସାରିତାନାଲେ ପାର୍‌ମେଶ୍‌ବାର୍ ଆଲେଲଃ ମେନାଇୟା ।”

କର୍ଣ୍ଣଲିୟରାଃ ଅଡ଼ାଃରେ ପାଡ଼ରାସ୍‌ଆଃ ପ୍ରାଚାର୍

୩୪ ପାଡ଼ରାସ୍ ଇଡୁ ଏଟେଦ୍‌ତାନ୍‌ଲଃ କାଜିକେଦାଏ, “ନାହାଁଃ ଆଇଙ୍ଗ୍ ଆଟ୍‌କାର୍ ଉରୁମ୍‌କେଦାଇଙ୍ଗ୍ ଯେ ସାର୍‌ତିଗି ପାର୍‌ମେଶ୍‌ବାର୍ ସବେନ୍‌କକେ ମିଦ୍‌ଜକାଗି ନେଲାଃଏ । ୩୫ ଜେତାଏ ପାର୍‌ମେଶ୍‌ବାର୍‌କେ ବରଝାଇୟା ଆଡ଼ଃ ଅକ୍‌ନାଃ ବୁଗିନାଃ ଏନା ରିକାଃଏ, ଇନିଃକେ ପାର୍‌ମେଶ୍‌ବାର୍ ସୁକୁଃଆଏ । ଏନ୍ ହଡ୍ ଜେତା ଜାତିରେନ୍ ତାଇନଃରେୟ ବାୟୁଃଆ । ୩୬ ପାର୍‌ମେଶ୍‌ବାର୍ ଇସ୍‌ଏଲ୍ ହଡ୍‌କଡ଼ାଃତେ ଅକ କାନାଜି କୁଲିକାଦ୍ ତାଇକେନାଏ, ଏନାଗି ଯୀଶୁ ଖ୍ରୀଷ୍ଟ୍‌ଆଃ ହରାତେ ଉଦୁବାକାନ୍ ଜୀଉସୁକୁରାଃ ସୁକୁକାଜି ତାନାଃ ଆଡ଼ଃ ନେ ଯୀଶୁଗି ସବେନ୍‌କଆଃ ପ୍ରାଭୁ ତାନିଃ, ଏନାଦପେ ସାରିତାନା । ୩୭ ଯୋହାନ୍ ମନ୍‌ରୁହାଡ଼ରେୟାଃ ଆଡ଼ଃ ଦାଆଃରେ ବାପ୍ତିସ୍ମା ଇଦିରେୟାଃ କାନାଜି ଉଦୁବ୍‌କେଦ୍ ତାୟମ୍‌ତେ, ଗାଲିଲ୍‌ତାଃଏତେ ଏଟେଃକେଦ୍‌ତେ ଗଟା ଯିହୁଦା ଦିଶୁମ୍‌ରେ ସୁକୁକାଜି ଉଦୁବ୍‌ୟାନା, ଏନାଦପେ ସାରିତାନା । ୩୮ ଆପେ ନାଜରେଡ଼ରେନ୍ ଯୀଶୁଆଃ ବିଷାଏରେ ଆଡ଼ଃ ପାର୍‌ମେଶ୍‌ବାର୍ ଚିଲ୍‌କା ଯୀଶୁଆଃ ତେତାନ୍‌ରେ ପାବିତାର୍ ଆମ୍‌ ଆଡ଼ଃ ପେଡ଼େଃତେ ଆଭିଷେକ୍‌କିୟାଏ, ଏନାଦପେ ସାରିତାନା । ଯୀଶୁ ସବେନ୍‌ସାଃତେ ସେନ୍‌କେଦ୍‌ତେ ବୁଗିନାଃ କାମିକେଦାଏ ଆଡ଼ଃ ସାଏତାନ୍‌ତେ ଏସେରାକାନ୍ ହଡ୍‌କକେ ବୁଗିକେଦ୍‌କଆ, ଚିଆଃଟି ପାର୍‌ମେଶ୍‌ବାର୍ ଇନିଃଲଃ ତାଇକେନାଏ । ୩୯ ଯିହୁଦା ଦିଶୁମ୍‌ରେ ଆଡ଼ଃ ଯୀରୁଶାଲେମ୍ ଦିଶୁମ୍‌ରେ ଇନିଃ ଅକ କାମିକଏ କାମିକେଦା, ଏନ୍ ସବେନାଃରେୟାଃ ଆଲେ ଗାଝାତାନ୍‌ଲେ । ଏନ୍ତେ ଯୀଶୁକେ ଇନ୍‌କୁ କୁଶିରେ

କିଲାଇକେଦ୍ରେ ଗଏଃକିୟାକ । ୪୦ ମେନ୍ଦ ପାର୍ମେଶ୍ଵାର୍ ଇନିଃକେ ଆପିମାହ୍ନା ତାୟମ୍ତେ ଗନଏଃହେତେ ଜୀଉବିରିଦ୍‌କିୟା ଆତଃ ହଡ଼କତାଃରେ ଉଦୁବେନ୍‌ଇଚିକିୟା । ୪୧ ଇନିଃ ସବେନ୍‌କତାଃରେଦ କାଏ ଉଦୁବେନ୍‌ୟାନା, ମେନ୍ଦ ପାର୍ମେଶ୍ଵାର୍ ଅକ ହଡ଼କକେ ଆୟାଃ ଗାଞ୍ଜା ଏମ୍‌ନାଙ୍ଗ୍ ସିଦାରେ ସାଲାଇକାଦ୍‌କ ତାଇକେନା, ଇନ୍‌କୁତାଃରେ ଏସ୍‌କାର୍ ଉଦୁବେନ୍‌ୟାନାଏ । ପାର୍ମେଶ୍ଵାର୍ ଇନିଃକେ ଗନଏଃହେତେ ଜୀଉବିରିଦ୍‌ୟାନ୍ ତାୟମ୍ତେ ଆଲେ ଇନିଃଲଃ ଜମ୍ ନୁଁକେଦାଲେ । ୪୨ ହଡ଼କତାଃରେ ସୁକୁକାଜି ଉଦୁଦ୍ ନାଗେନ୍ତେ ଆତଃ ପାର୍ମେଶ୍ଵାର୍ ଇନିଃକେ ଜାନିଦ୍ ଆତଃ ଗନଏଃ ହଡ଼କଆଃ ବିଚାର୍ ନାଗେନ୍ତେ ସାଲାଇକିୟା, ନେ କାଜିରେୟାଃ ଗାଞ୍ଜା ଏମ୍ ନାଗେନ୍ତେ ଇନିଃ ଆଲେକେ ଆରୁକାଦ୍‌ଲେୟା । ୪୩ ସବେନ୍ ନାବୀକ ଇନିୟାଃ ବିଷାଏରେ ଗାଞ୍ଜା ଏମ୍‌କେଦାକ, ଅକନ୍ ହଡ଼କ ଇନିଃତାଃରେକ ବିଶ୍ଵାସେୟା, ଇନ୍‌କୁ ଇନିୟାଃ ନୁତୁମ୍‌ରେୟାଃ ପେଡ଼େଃତେ ପାପ୍ ଛାମାକ ନାମେୟା ।”

ସାଅଁସାର୍ ବିଶ୍ଵାସୀ ହଡ଼କ ପାବିତାର୍ ଆମ୍ବାକେକ ନାମ୍‌ତାନା

୪୪ ପାଡ଼ରାସ୍ ନେ କାଜି କାଜିତାନ୍ ଇମ୍‌ତା, ଇନିୟାଃ କାଜି ଆୟୁମ୍‌ତାନ୍ ସବେନ୍ ହଡ଼କଆଃ ତେତାନ୍‌ରେ ପାବିତାର୍ ଆମ୍ବା ଆଡ଼ଗୁୟାନାଏ । ୪୫ ପାର୍ମେଶ୍ଵାର୍ ସାଅଁସାର୍ ବିଶ୍ଵାସୀ ହଡ଼କକେୟାଗି ପାବିତାର୍ ଆମ୍ବାରେୟାଃ ବାର୍‌ଦାନ୍ ଏମାକତାନାଏ, ଏନା ନେଲ୍‌କେଦ୍ରେ ପାଡ଼ରାସ୍‌ଲଃ ହିଜୁଃକାନ୍ ଯୋପ୍‌ପା ସାହାର୍‌ରେନ୍ ଯିହୁଦୀ ବିଶ୍ଵାସୀକ ହାଏକାର୍‌ୟାନାକ । ୪୬ ଚିଆଃଚି ଯିହୁଦୀ ବିଶ୍ଵାସୀକ ଇନ୍‌କୁକେ ପାର୍ମେଶ୍ଵାର୍‌ଆଃ ମାନାରାଙ୍ଗ୍ ରିକାତାନ୍ ଆତଃ ଏଟାଃ ଏଟାଃ ଜାଗାର୍‌ତେ କାଜିତାନ୍‌କ ଆୟୁମ୍‌କେଦ୍‌କଆ । ଏନ୍ତେ ପାଡ଼ରାସ୍ କାଜିକେଦ୍‌କଆଏ, ୪୭ “ଆରୁ ଲେକାଗି ନେ ହଡ଼କହ ପାବିତାର୍ ଆମ୍ବାକ ନାମ୍‌କିୟା । ଦାଆଃରେ ବାପ୍ତିସ୍ମା ଇଦି ନାଗେନ୍ତେ ଇନ୍‌କୁକେ ଚିନାଃ ଜେତାଏ ହକା ଦାଡ଼ିୟାଃକ ?” ୪୮ ଏନ୍ତେ ଇନିଃ ଇନ୍‌କୁକେ ଯାଶୁ ଖ୍ରୀଷ୍ଟ୍‌ଆଃ ନୁତୁମ୍‌ତେ ଦାଆଃରେ ବାପ୍ତିସ୍ମା ଇଦି ନାଗେନ୍ତେ ଆରୁକେଦ୍‌କଆ । ଏନ୍ତେ ଇନ୍‌କୁ ଇନିଃକେ ଆତଃ ଚିମିନ୍ ଦିନ୍ ଇନ୍‌କୁଲଃ ତାଇନ୍ ନାଗେନ୍ତେ କାଜିକିୟାକ ।

୧୧

ଯୀରୁଶାଲେମ୍ କାଳିସିୟାରେ ପାତ୍ରରାସ୍‌ଆଃ ଉନ୍ନୁଦୁବ୍

^୧ ସାଅଁସାର୍ ହଡକହଗି ପାର୍ମେଶ୍ୱାର୍‌ଆଃ ବାଚାନ୍ ତେଲ୍‌କେଦାକ୍ ମେନ୍ତେ ପ୍ରେରିତ୍‌କ୍ ଆତଃ ଯିହୁଦାରେନ୍ ଏଟାଃ ବିଶ୍ୱାସୀକ୍ ଆୟୁମ୍‌କେଦାକ୍ । ^୨ ପାତ୍ରରାସ୍ ଚିମ୍ତା ଯୀରୁଶାଲେମ୍‌ତେ ସେନଃୟାନା, ଇମ୍ତା ଖାତ୍‌ନାଅକାନ୍ ହଡକ ଇନିୟାଃ ବିରୁଧ୍‌ରେ କାଜିକିୟାକ୍, ^୩ “ଆପେ କା ଖାତ୍‌ନାଅକାନ୍ ସାଅଁସାର୍‌କ୍‌ଆଃ ଅଡ଼ାଃରେ ପେଡ଼ାହଡ଼ ଲେକାପେ ତାଇକେନା ଆତଃ ଇନ୍‌କୁଲଃ ଜମ୍ ନୁଁକେଦାପେ ।” ^୪ ଏନାତେ ପାତ୍ରରାସ୍ ଏନେଟେଦ୍‌ତାଃଏତେ ଅକ୍‌ନାଃ ହବାକାନ୍ ତାଇକେନା, ଏନା ସବେନାଃଏ ଉଦୁବାଦ୍‌କଆ,

^୫ “ଆଇଙ୍ଗ୍ ଯୋପ୍‌ପା ସାହାର୍‌ରେ ବିକ୍ତି ତାଇକେନାଇଙ୍ଗ୍ ଇମ୍ତା ମିଆଁଦ୍ ଦାର୍‌ଶାନ୍ ନାମକେଦାଇଙ୍ଗ୍ । ମିଆଁଦ୍ ମାରାଙ୍ଗ୍ ଚାଦାର୍‌ରେୟାଃ ଉପୁନ୍ କଟାରେ ସାବ୍‌କେଦ୍‌ତେ ସିର୍ମାଏତେ ତୁଙ୍ଗାଅଡ଼ଗୁଃ ତାଇକେନା ଆତଃ ଆଇଁୟାଃ ଆୟାର୍‌ରେ ଆବ୍‌କାଅୟାନ୍ ଲେକାଇଙ୍ଗ୍ ନେଲ୍‌କେଦା । ^୬ ଆଇଙ୍ଗ୍ ଏନାରେୟାଃ ଉତାର୍‌ସାଃରେ ବୁଗିଲେକାଇଙ୍ଗ୍ ନେଲ୍‌କେଦ୍ ଇମ୍ତା, ଏନାରେ ଉପୁନିୟା କାଟାକାନ୍ ଜାଁତୁକ୍, ଅଡ଼ାଃରେ ଆସୁଲ୍ ଜାଁତୁକ୍ ଆତଃ ବିରରେନ୍ ଜାଁତୁକ୍, ଅତେରେ ରେଙ୍ଗାଅଃତାନ୍ ଜାଁତୁକ୍ ଆତଃ ବିରରେନ୍ ଅଡ଼େକକେଇଙ୍ଗ୍ ନେଲ୍‌କେଦ୍‌କଆ । ଆବୁଆଃ ଆଇନ୍ ଲେକାତେ କାରୁ ଜଜମ୍ ଜାଁତୁକ୍‌ହଗି ତାଇକେନାକ୍ । ^୭ ଏନ୍ତେ ଆଇଙ୍ଗ୍, ଆଇଙ୍ଗ୍‌କେ କାଜିୟାଇଙ୍ଗ୍‌ତାନ୍ ଲାବ୍‌ଜା ଆୟୁମ୍‌କେଦାଇଙ୍ଗ୍, ‘ପାତ୍ରରାସ୍, ବିରିଦ୍‌ମେ, ଆତଃ ଗଏଃକେଦ୍‌ତେ ଜମକମ୍ ।’ ^୮ ମେନ୍‌ଦ୍ ଆଇଙ୍ଗ୍ କାଜିରୁହାଡ଼କେଦାଇଙ୍ଗ୍, ‘କାହାଗି ପ୍ରାଭୁ, ଆଇଙ୍ଗ୍ କାଇଙ୍ଗ୍ ଜମ୍ ଦାଡ଼ିୟା । ନାହାଁଃ ଜାକେଦ୍ ଜେତା ସଡ଼ରାତେୟାଃ ଚାଏ କା ଫାର୍‌ଚିତେୟାଃ କାଇଙ୍ଗ୍ ଜମାକାଦା ।’ ^୯ ସିର୍ମାଏତେ ଆତଃମିସା ନେ ଲାବ୍‌ଜା ଆୟୁମ୍‌ୟାନା, ‘ପାର୍ମେଶ୍ୱାର୍ ଅକ୍‌ନାଃକେ ଫାର୍‌ଚିକାନା ମେନ୍ତେ କାଜିକାଦ୍‌ତେୟାଃକେ କା ଫାର୍‌ଚିକାନା ମେନ୍ତେ ଆଲମ୍ କାଜିୟା ।’ ^{୧୦} ନେ’ଲେକା ଆପିସାତେ ହବାୟାନା, ଆତଃ ଚୁଣ୍ଡୁରେ ଏନ୍ ସବେନ୍ ବିଷାଏକେ ସିର୍ମାତେ ଇଦି ରୁହାଡ଼ିୟାନା । ^{୧୧} ଏନ୍ ନେତାରେଗି, କାଇସରିୟାଏତେ ଆଇଙ୍ଗ୍‌ତାଃତେ କୁଲ୍‌କାନ୍

ଆଦିହତକ ଆଇଙ୍ଗ୍ ତାଇନଃ ଅଡ଼ାଃତାଃତେକ ସେଟେର୍ଯ୍ୟାନା ।
 ୧୨ ପାବିତାର୍ ଆମ୍ବା ଆଇଙ୍ଗ୍‌କେ ବେଗାର୍ ହିଚ୍‌କିତାଅକେଦ୍‌ତେ
 କୁ ସେନଃମେ ମେନ୍ତେ କାଜିକିୟାଁ । ଯୋପ୍‌ପାରେନ୍ ନେ
 ତୁରିୟା* ବିଶ୍ୱାସୀ ହାଗାକ ଆଇଙ୍ଗ୍‌ଲଃ କାଇସରିୟାତେକ
 ସେନ୍‌କେନା ଆଡ଼ଃ ଆଲେ ସବେନ୍‌କ କର୍ଣ୍ଣଲିୟାଆଃ ଅଡ଼ାଃରେଲେ
 ସେଟେର୍ଯ୍ୟାନା । ୧୩ ଇନିଃ ଚିଲ୍‌କା ଆୟାଃ ଅଡ଼ାଃରେ ମିଆଁଦ୍
 ଦୁଁଡ୍‌କେ ତିଙ୍ଗୁକାନ୍ ନେଲକାଇ ତାଇକେନାଏ, ଏନ୍ ବିଷାଏରେ
 ଆଲେକେ ଉଦୁବାଦଲେୟା । ଦୁଁଡ୍ ଇନିଃକେ କାଜିକାଇ ତାଇକେନା,
 ‘ଯୋପ୍‌ପାତେ ଶିମୋନ୍ ପାଡ଼ରାସ୍ ନୁତୁମ୍ ମିଆଁଦ୍ ହଡ଼କେ ଆଉ
 ନାଗେନ୍ତେ ହଡ଼ କୁଲ୍‌କମ୍ । ୧୪ ଇନିଃ ହିଜୁଃକେଦ୍‌ତେ ଆମ୍‌କେ
 ଜୀଉବାଞ୍ଚାଅରେୟାଃ କାଜି କାଜିମେୟାଁ, ଏନା ହରାତେ ଆମ୍
 ଆଡ଼ଃ ଆମାଃ ଅଡ଼ାଃରେନ୍ ସବେନ୍‌କ ଜୀଉବାଞ୍ଚାଅପେ ନାମେୟା
 ।’ ୧୫ ଆଡ଼ଃ ଆଇଙ୍ଗ୍ କାଜି ଏଟେଦ୍‌କେଦ୍ ଇମ୍‌ତା, ପାବିତାର୍
 ଆମ୍ବା ଏନେଟେଦ୍‌ରେ ଆରୁଆଃ ଚେତାନ୍‌ରେ ଆଡ଼ଗୁୟାନ୍ ଲେକାଗି
 ଇନ୍‌କୁଆଃ ଚେତାନ୍‌ରେୟା ଆଡ଼ଗୁୟାନା । ୧୬ ☆ଏନ୍ତେ ଆଇଙ୍ଗ୍
 ପ୍ରାଭୁ କାଜିକାଦ୍ କାଜିଇଙ୍ଗ୍ ପାହାମ୍‌କେଦା, ‘ଯୋହାନ୍‌ଦ ଦାଆଃତେ
 ବାପ୍ତିସ୍ମା ଏମାଦ୍‌କଆଏ, ମେନ୍‌ଦ ଆପେ ପାବିତାର୍ ଆମ୍ବାତେ
 ବାପ୍ତିସ୍ମାଞ୍ଚାଃପେ ।’ ୧୭ ପ୍ରାଭୁ ଯୀଶୁ ଖ୍ରୀଷ୍ଟାଃତାଃରେ ବିଶ୍ୱାସ୍‌କେଦ୍
 ହରାତେ ପାର୍‌ମେଶ୍ୱାର୍ ଆରୁକେ ପାବିତାର୍ ଆମ୍ବାରାଃ ବାର୍‌ଦାନ୍
 ଏମାକାଦ୍‌ରୁ ଲେକାଗି ସାଅଁସାର୍ ବିଶ୍ୱାସାକକେହଗି ଏନ୍‌ଲେକାନ୍
 ବାର୍‌ଦାନ୍ ଏମାକାଦ୍‌କଆଏ, ଆଇଙ୍ଗ୍ ଅକଏ ତାନିଙ୍ଗ୍ ଯେ
 ପାର୍‌ମେଶ୍ୱାର୍‌ଆଃ ନେ କାମିକେଇଙ୍ଗ୍ ହକାଦାଡ଼ିୟା ।” ୧୮ ଇନ୍‌କୁ
 ନେଆଁ ଆୟୁମ୍‌କେଦ୍‌ତେ ହାପାୟାନାକ ଆଡ଼ଃ ପାର୍‌ମେଶ୍ୱାର୍‌ଆଃ
 ମାନାରାଙ୍ଗ୍‌ତାନ୍‌ଲଃ କାଜିକେଦାକ, “ଏନାରେଦ ପାର୍‌ମେଶ୍ୱାର୍
 ସାଅଁସାର୍ ହଡ଼କକେୟାଗି ହେୟାଡ଼ିଙ୍ଗ୍ ନାଗେନ୍ତେ ଆଡ଼ଃ ଜୀଦାନ୍
 ବାଞ୍ଚାଅଃ ନାଗେନ୍ତେ ସୁଯୋଗ୍ ଏମାକାଦ୍‌କଆଏ ।”

ଆନ୍ତିୟୋଖରେୟାଃ କାଲିସିୟା

* ୧୧:୧୨ ୧୧:୧୨ ଛ'ଝାନ୍ ☆ ୧୧:୧୭ ୧୧:୧୭ ପ୍ରେରିତ୍ ୧:୫.

୧୯ ✧ ସ୍ତ୍ରୀମାନଙ୍କେ ଗଏଃକିଃ ତାୟମ୍‌ତେ ବିଶ୍ୱାସୀ ହତ୍ତକ ସାସାତି ନାମ୍‌କେଦ୍ ହରାତେ ଛିତିବିତିୟାନାକ, ଇନ୍‌କୁଏତେ ଚିମିନ୍ ହତ୍ତକ ଯିହୁଦୀ ହତ୍ତକତାଃରେ ଏସ୍କାର୍ ପ୍ରାଚାର୍‌ତାନଲଃ ଫିନିସିୟା, ସାଇପ୍ରସ୍ ଆତଃ ଆନ୍ତିୟୋଖ୍ ଜାକେଦ୍‌କ ସେନଃୟାନା । ୨୦ ମେନ୍‌ଦ୍ ସାଇପ୍ରସ୍ ଟାପୁ ଆତଃ କୁରିନି ନାଗାର୍‌ରେନ୍ ଏଟାଃ ଚିମିନ୍ ବିଶ୍ୱାସୀ ହତ୍ତକ ଆନ୍ତିୟୋଖ୍‌ତେ ସେନ୍‌କେଦ୍‌ତେ ସାଅଁସାର୍ ହତ୍ତକତାଃରେୟଗି ଗ୍ରୀକ୍ ଜାଗାର୍‌ତେ ପ୍ରାଭୁ ଯୀଶୁଆଃ ସୁକୁକାଜିକ ଉଦୁବ୍‌କେଦା । ୨୧ ପ୍ରାଭୁଆଃ ପେଡେଃ ଇନ୍‌କୁଲଃ ତାଇକେନା ଆତଃ ପୁରାଃ ହତ୍ତକ ବିଶ୍ୱାସ୍‌କେଦ୍‌ତେ ପ୍ରାଭୁସାଃତେ ମନ୍‌ରୁହାଡ୍‌କେଦାକ ।

୨୨ ନେ କାନାଜି ଯୀରୁଶାଲେମ୍ କାଲିସିୟାତେ ସେଟେର୍‌ୟାନ୍ ଇମ୍‌ତା, ଇନ୍‌କୁ ବର୍ଣ୍ଣବାସ୍‌କେ ଆନ୍ତିୟୋଖ୍‌ତେ କୁଲ୍‌କିୟାକ । ୨୩ ଇନିଃ ଏନ୍ତାଃତେ ସେଟେର୍‌କେଦ୍‌ତେ ପାର୍‌ମେଶ୍ୱାର୍ ଏନ୍ ହତ୍ତକକେ ଚିଲ୍‌କାଏ ଆଶିଷକାଦ୍‌କଆ, ଏନା ନେଲ୍‌କେଦ୍‌ତେ ଇନିଃ ରାସ୍କାୟାନାଏ ଆତଃ ସବେନ୍ ମନ୍‌ସୁରୁଦ୍‌ତେ ପ୍ରାଭୁଆଃ ନାଙ୍ଗ୍ ପାତିୟାର୍‌ରଃ ଲେକା ତାଇନଃ ନାଗେନ୍ତେ ଇନ୍‌କୁକେ ଜୀଉରେ ରାସ୍କାକେଦ୍‌କଆ । ୨୪ ବର୍ଣ୍ଣବାସ୍ ପାବିତାର୍ ଆମ୍‌ତେ ଆତଃ ବିଶ୍ୱାସ୍‌ତେ ପେରେଜାକାନ୍ ମିଆଁଦ୍ ପୁରାଃ ବୁଗିନ୍ ହତ୍ତ ତାଇକେନାଏ । ନେ'ଲେକାତେ ପୁରାଃ ହତ୍ତକ ପ୍ରାଭୁରେ ମନ୍‌ରୁହାଡ୍‌କେଦାକ ।

୨୫ ଏନ୍ତେ ବର୍ଣ୍ଣବାସ୍, ଶାଉଲ୍‌କେ ନାନାମ୍‌ତେ ତାଷ୍‌ସ୍‌ତେ ସେନଃୟାନା । ୨୬ ଏନ୍ତାଃରେ ଇନିଃକେ ନାମ୍‌କେଦ୍‌ତେ ଆନ୍ତିୟୋଖ୍‌ତେ ଇଦିକିୟା । ଆତଃ ମିଦ୍ ବାରାଷ୍ ଜାକେଦ୍ ବାରାନ୍‌କିନ୍ ଏନ୍ତାଃକରାଃ କାଲିସିୟାରେନ୍ ବିଶ୍ୱାସୀକଲଃ ମେସାକେଦ୍‌ତେ ପୁରାଃ ହତ୍ତକକେ ଇତୁକେଦ୍‌କଆକ । ନେ ଆନ୍ତିୟୋଖ୍‌ରେନ୍ ବିଶ୍ୱାସୀକକେ ହତ୍ତକ ପାହିଲାତେ ଖ୍ରୀଷ୍ଟିୟାନ୍ ମେନ୍ତେକ ନୁତୁମ୍‌କେଦ୍‌କଆ । ୨୭ ଏନ୍ ଦିପିଲିକରେ ଚିମିନ୍ ନାବୀକ ଯୀରୁଶାଲେମ୍‌ହେତେ ଆନ୍ତିୟୋଖ୍‌ତେକ ହିଜୁଃୟାନା । ୨୮ ✧ ଇନ୍‌କୁଏତେ ଆଗାବ ନୁତୁମ୍ ମିଆଁଦ୍ ହତ୍ତ ଆମ୍‌ରେୟାଃ ପେଡେଃତେ ପେରେୟାନ୍‌ଲଃ ଗଟା ଅତେଦିଶ୍ୱମ୍‌ରେ ମିଆଁଦ୍ ବରଝାନ୍ ରିଙ୍ଗା ହବାଅଃଆ ମେନ୍ତେ କାଜିଆୟାର୍‌କାଦ୍ ତାଇକେନା

। ଏନା କ୍ଲୀଉଦିଆ ରୋମ୍ରେନ୍ ମାରାଙ୍ଗ୍ ହାକିମ୍ ତାଇକେନ୍ ପାରିୟାରେ ହବାୟାନା । ^{୨୯} ତେଲାଇକ୍ ଯିହୁଦାରେ ତାଇନ୍ତାନ୍ ବିଶ୍ୱାସୀ ହାଗାକତାଃତେ ଇନ୍କୁଆଃ ଲାଗାଡିଙ୍ଗ୍ ଲେକା ଦେଙ୍ଗା କୁଲେ ନାଗେନ୍ତେ ଉହାଟ୍‌କେଦାକ । ^{୩୦} ଇନ୍କୁ ଟାକା ପାଏସା ହାରମ୍‌କେଦ୍‌ତେ ବର୍ଣ୍ଣବାସ୍ ଆଡଃ ଶାଉଲ୍‌ଆଃ ତିଃଇରେ କାଲିସିୟାରେନ୍ ପ୍ରାଚିନ୍‌କତାଃତେ କୁଲ୍‌କେଦାକ ।

୧୨

ପୁରାଃଗି ସାସାତି

^୧ ଏନ୍ ଦିପିଲିରେ ହେରୋଦ୍ ରାଜା କାଲିସିୟାରେନ୍ ତିମିନ୍ ହଡ଼କକେ ସାସାତି ଏଟେଦ୍‌କେଦ୍‌କଆଏ । ^୨ ଇନିଃ ଯୋହାନ୍‌ଆଃ ହାଗାତେ ଯାକୁବ୍‌କେ ତାରାଉଡିତେ ଗଏଃକିୟା । ^୩ ଯିହୁଦୀ ହଡ଼କ ନେ କାମି ନେଲ୍‌କେଦ୍‌ତେ ରାସ୍‌କାଆଃତାନାକ ଏନା ଇନିଃ ଆଟ୍‌କାଟ୍‌କେଦ୍‌ତେ, ପାଡ଼ରାସ୍‌କେୟଗି ତଲ୍‌କିୟାଏ । ନେଆଁ ସାବାଃ ହଲ୍‌ଙ୍ଗ୍‌ରେୟାଃ ପାରାବ୍ ଇମ୍‌ତା ହବାୟାନା । ^୪ ଏନ୍ତେ ହେରୋଦ୍ ରାଜା ପାଡ଼ରାସ୍‌କେ ତଲ୍‌କେଦ୍‌ତେ ଜେହେଲ୍‌ରେ ଦହକିୟାଏ । ଇନିଃକେ ହର ନାଗେନ୍ତେ ଉପୁନିୟା ଝୁଣ୍ଡ୍‌ରେନ୍ ପାଲ୍‌ଟାନ୍‌କଏତେ ମିପିହୁଡ଼୍ ଉପୁନିୟା ଝାନ୍ ସିପାଇକ୍ ହରକିୟାକ । ପାସକା ପାରାବ୍ ତାୟମ୍‌ତେ ସବେନ୍ ହଡ଼କଆଃ ଆଲାରେ ଇନିଃକେ ବିଚାରି ନାଗେନ୍ତେ ହେରୋଦ୍ ରାଜା ଉହାଟ୍‌କେଦାଏ । ^୫ ପାଡ଼ରାସ୍ ଜେହେଲ୍‌ରେ ତାଇକେନ୍ ଇମ୍‌ତା କାଲିସିୟାରେନ୍ ହଡ଼କ ମିଦ୍‌ମନ୍‌ତେ ଇନିୟାଃ ନାଗେନ୍ତେ ପାର୍‌ମେଶ୍ୱାଟ୍‌ତାଃରେକ୍ ବିକ୍ରିତାଇକେନା ।

ଜେହେଲ୍‌ଏତେ ପାଡ଼ରାସ୍‌ଆଃ ରାଡ଼ାଃଅ

^୬ ହେରୋଦ୍ ରାଜା ଅକ୍ ହୁଲାଙ୍ଗ୍ ପାଡ଼ରାସ୍‌କେ ହଡ଼କଆଃ ସାମନାଙ୍ଗ୍‌ତେ ଆଉ ନାଗେନ୍ତେ ଉହାଟ୍‌କାଦ୍ ତାଇକେନାଏ, ଏନ୍ ହୁଲାଙ୍ଗ୍‌ରେୟାଃ ସିଦା ନୁବାଃରେ ପାଡ଼ରାସ୍ ବାଟ୍‌ହଡ଼୍ ହରତାନ୍‌କିନିଃ ଆଲାରେ ଦୁଡ଼୍‌ମୁକାନ୍ ତାଇକେନା । ଇନିଃ ବାରିୟା ସିକ୍‌ଡିତେ ତଲ୍‌କାନ୍ ତାଇକେନା ଆଡଃ ଜେହେଲ୍‌ରେୟାଃ ଦୁଆର୍ ଯାପାଃରେ ହରତାନ୍ ହଡ଼କ ହରତାଇକେନା । ^୭ ଇମ୍‌ତାଗି ପ୍ରାଭୁଆଃ ମିଆଁଦ୍ ଦୁଡ଼୍ ହିଜୁଃକେଦ୍‌ତେ ତିଙ୍ଗ୍‌ୟାନା ଆଡଃ ଅଡ଼ାଃରେୟାଃ କୁଠା ମାର୍ସାଲ୍‌ତେ ପେରେଃୟାନା । ଦୁଡ଼୍, ପାଡ଼ରାସ୍‌ଆଃ ତାରାନ୍‌କେ ଏକ୍‌ଲାଅକେଦ୍‌ତେ

ଇନିଃକେ ଦୁଡ଼ମ୍ଭୁଏତେ ବିରିଦକିଃଲଃ କାଜିକିୟାଏ, “ଜାଲ୍ଦି ବିରିଦ୍ମେ !” ଇମ୍ତାଜି ପାଡ଼ରାସ୍ଆଃ ତିଃଇରେ ତଲାନନ୍ ସିକ୍ତି ରାଡ଼ାୟାନା । ୮ ଏନ୍ତେ ଦୁଡ଼ କାଜିକିୟାଏ, “ମାୟାଙ୍ଗ୍ରେ ଲିଜାଃ ପାଟେନ୍ମେ, ଆଡ଼ଃ ଖାର୍ପାତାମାଃ ତୁସିୟେନ୍ମେ ।” ପାଡ଼ରାସ୍ ଏନ୍ଲେକାଗି ରିକାକେଦ୍ ତାୟମ୍ତେ ଦୁଡ଼ କାଜିକିୟାଏ, “ହଡ଼ମ୍ରେ ଚାଦାର୍ ଉୟୁକେଦ୍ତେ ଆଇଙ୍ଗ୍କେ ଅତଙ୍ଗ୍ଲମ୍ମେ ।” ୯ ଦୁଡ଼ ରିକାତାଇକେନ୍ତେୟାଃ ସାରତିତାନାଃ ତି ନାହାଁଲୀଃ ଏନା ପାଡ଼ରାସ୍ କାଏ ସାରି ଦାଡ଼ିକେଦା । ଇନିଃ କୁମ୍ ନେଲ୍ତାନାଇଙ୍ଗ୍ ମେନ୍ତେ ଉଡ଼ଃକେଦା । ଏନ୍ରେୟ ପାଡ଼ରାସ୍ ଜେହେଲ୍ଲହେତେ ଅତଙ୍ଗ୍କେଦ୍ତେ ଦୁଡ଼କେ ଅତଙ୍ଗ୍କିୟା । ୧୦ ଇନକିନ୍ ହରତାନକଆଃ ମିଆଁଦ୍ ଆଡ଼ଃ ବାରିୟା ଠାୟାଦ୍ ପାରମ୍କେଦ୍ତେ ତୁଣ୍ଡିରେ ସାହାର୍ତେ ବଲ୍ ହରାରେ ତାଇକାନ୍ ମେଡ୍ଡେଦ୍ରେୟାଃ ଦୁଆରତାଃତେକିନ୍ ସେଟେର୍ୟାନା । ଇମ୍ତା ଇନକିନାଃ ନାଗେନ୍ତେ ଦୁଆର୍ ଆପାନ୍ତେଗି ନିଜ୍ୟାନା ଆଡ଼ଃ ଇନକିନ୍ ଅତଙ୍ଗ୍କେଦ୍ତେ ସେନଃୟାନାକିନ୍ । ଇନକିନ୍ ହରାରେ ସେନ୍ତାନ୍ ଇମ୍ତାଗି ଦୁଡ଼ ପାଡ଼ରାସ୍କେ ବାଗିକେଦ୍ତେ ସେନଃୟାନା ।

୧୧ ଏନ୍ତେ ପାଡ଼ରାସ୍ ଆଇଃକ୍ରେ ହବାୟାନ୍ତେୟାଃ ସାରି ଦାଡ଼ିକେଦ୍ତେ କାଜିକେଦା, “ନେଆଁ ସାରତିତାନାଃ ମେନ୍ତେ ଆଇଙ୍ଗ୍ ନାହାଁଃ ସାରି ଦାଡ଼ିତାନାଇଙ୍ଗ୍ ଯେ, ହେରୋଦ୍ତାଃଏତେ ଆଡ଼ଃ ଯିହୁଦା ହଡ଼କ ଅକ୍ନାଃ ହବାଅଃଆ ମେନ୍ତେ ଆସ୍ତାକାଦ୍ ତାଇକେନାକ, ପ୍ରାଭୁ ଏନାଏତେ ଆଇଙ୍ଗ୍କେ ବାସ୍ତାଅ ନାଗେନ୍ତେ ଦୁଡ଼କେ କୁଲାଇ ତାଇକେନା ।”

୧୨ ପାର୍ମେଶ୍ୱାର୍ ବାସ୍ତାଅକାଦିୟାଏ ମେନ୍ତେ ପାଡ଼ରାସ୍ ଆଟ୍ଟକାର୍କେଦାଏ, ଆଡ଼ଃ ଇନିଃ ଯୋହାନ୍ଆଃ ଏଙ୍ଗାତେ ମାରିୟାମ୍ଆଃ ଅଡ଼ାଃତେ ସେନଃୟାନା । ଯୋହାନ୍ଆଃ ଏଟାଃ ନୁଡୁମ୍ ହବାଅଃତାନା ମାର୍କ । ଏନ୍ତାଃରେ ପୁରାଃ ହଡ଼କ ହୁଣ୍ଡିକେଦ୍ତେ ବିନ୍ତି ତାଇକେନାକ । ୧୩ ପାଡ଼ରାସ୍ ଅଡ଼ାଃରେୟାଃ ବାହାରି ଦୁଆରରେ ଠକ୍ ଠକ୍କାଅକେଦା ଆଡ଼ଃ ରୋଦା ନୁଡୁମ୍ ମିଆଁଦ୍ କାମ୍ଡ଼ି କୁଡ଼ି ଅଡ଼ାଃ ବଲ୍ଦୁଆର୍ ନିଜ୍ ନାଗେନ୍ତେ ହିଜ୍ଠୟାନା । ୧୪ ପାଡ଼ରାସ୍ଆଃ ଲାବ୍ଜା ଆୟୁମ୍ ଉରୁମ୍କେଦ୍ତେ ଇନିଃ ପୁରାଃଗି ରାସ୍କାୟାନା ଯେ,

ବଲଦୁଆର କା ନିଜକେଦ୍ରେ ପାଡ଼ରାସ୍ ବାହାରିରେ ତିଜୁଆକାନା
ମେନ୍ତେ ଉଦୁବକେଦା । ୧୫ ଇନ୍କୁ ଇନିଃକେ କାଜିକିୟାକ, “ଆମ୍
ବାଲୁଅଃତାନାମ୍ ।” ମେନ୍ଦ ଇନିଃ “ନେଆଁ ସାର୍ତ୍ତି ତାନାଃ” ମେନ୍ତେ
ପୁରାଃତେ କାଜିକେଦା । ଏନ୍ତେ ଇନ୍କୁ କାଜିରୁହାଡ଼କେଦାକ, “ଇନିଃ
ଆୟାଃ ଦୁଡ଼ ତାଇନ୍ସାକାଅଃଆଏ ।”

୧୬ ପାଡ଼ରାସ୍ ଦୁଆରକେ ଠକ୍ ଠକ୍‌କାଅକାତେ ତାଇକେନାଏ ।
ରୁଣ୍ଡୁରେ ଇନ୍କୁ ଦୁଆର ନିଜକେଦ୍ରେ ଇନିଃକେ ନେଲ୍‌କିୟାକ ଆତଃ
ହାଏକାର୍‌ୟାନାକ । ୧୬ ଇନିଃ ହାପାକାନପେ ମେନ୍ତେ ତିଃଇତେ
କାଜିୟାଦକଆ ଆତଃ ପ୍ରାଭୁ ଇନିଃକେ ଚିଲ୍‌କା ଜେହେଲ୍‌ହେତେ
ଅତଙ୍ଗ୍ ଆଉକିୟା, ଏନ୍ ବିଷାଏ ଇନ୍କୁଆଃ ଆୟାର୍‌ରେ କାଜିକେଦା
। ଏନ୍ତେ ଇନିଃ ନେ ସବେନ୍ କାଜି “ୟାକୁବ୍ ଆତଃ ଏଟାଃ ସବେନ୍
ବିଶ୍ୱାସୀ ହାଗାକକେ” ଉଦୁବ୍ ନାଗେନ୍ତେ ଆରୁକେଦକଆ ଆତଃ ଇନିଃ
ଏନ୍ତାଃଏତେ ଏଟାଃତେ ସେନଃୟାନା ।

୧୭ ଏଟାଃ ହୁଲାଙ୍ଗ୍ ଆଙ୍ଗ୍‌ୟାନତି ପାଡ଼ରାସ୍ କତେ ସେନଃୟାନା
ମେନ୍ତେ ହରତାନ୍ ହଡ଼କ ପୁରାଃଗି ଆକ୍‌ବାକାଅୟାନାକ । ତିଆଃତି
ପାଡ଼ରାସ୍‌ଲଃ ଚିକ୍‌ନାଃ ହବାୟାନା ଏନା ଇନ୍କୁ କାକ ସାରିକାଦ୍
ତାଇକେନା । ୧୭ ହେରୋଦ୍ ଇନିଃକେ ଦାଣ୍ଡାଆଉ ନାଗେନ୍ତେ
ଆରୁକେଦକଆ ମେନ୍ଦ ଇନ୍କୁ ଇନିଃକେ କାକ ନାମକିୟା । ରୁଣ୍ଡୁରେ
ହରତାନ୍ ହଡ଼କକେ କୁଲିକତାନଲଃ ଇନ୍କୁକେ ଗଏଃକ ନାଗେନ୍ତେ
ଆନାରୁ ଏମାଦକଆ । ଏନ୍ ତାୟମ୍‌ତେ ହେରୋଦ୍ ଯିହୁଦା ପାର୍‌ଗାନ୍
ବାଗିକେଦ୍ରେ କାଈସରିୟାରେ ସେନ୍‌କେଦ୍ରେ ତାଇନ୍‌ୟାନା ।

ହେରୋଦ୍ ରାଜାରାଃ ଗନଏଃ

୨୦ ହେରୋଦ୍ ରାଜା ସୋର୍ ଆତଃ ସିଦୋନ୍ ନାଗାର୍‌ରେନ୍
ହଡ଼କକେ ପୁରାଃଗି ଖୁସ୍‌କାନ୍ ତାଇକେନା, ଏନାତେ ଇନ୍କୁଏତେ
ମିଦ୍ ଝୁଣ୍ଡୁ ଇନିଃଲଃ ନେପେଲ୍ ନାଗେନ୍ତେ ଇନିଃତାଃତେକ
ସେନଃୟାନା । ସିଦାତେ ଇନ୍କୁ ବାପାଈୟଃ ନାଗେନ୍ତେ ଦେଙ୍ଗା ନାଙ୍ଗ୍
ରାଜମାହାଲ୍‌କେ ନେଲ୍‌ହରତାନ୍ କ୍ଲାଷ୍ଟୁସ୍‌ଲଃ ଜାଗାର୍‌କେଦାକ ।
ଏନ୍ତେ ଇନ୍କୁ ହେରୋଦ୍‌ତାଃ ସେନ୍‌କେଦ୍ରେ ବାପାଈୟଃ ନାଗେନ୍ତେକ
ବିକ୍ରିକିୟା, ଚିୟାଃତି ହେରୋଦ୍ ରାଜାରାଃ ଦିଶୁମ୍‌ହେତେ ଇନ୍କୁଆଃ
ଦିଶୁମ୍‌ତେ ଜମେୟା କୁଲଃ ତାଇକେନା ।

୨୧ ହେରୋଦ୍ ଗାହାରାଞ୍ଜକାନ୍ ହୁଲାଙ୍ଗ୍ରେ ରାଜା ତୁସିଙ୍ଗ୍‌ଆଁଃ ଲିଜାଃ ତୁସିଙ୍ଗ୍‌ୟାନାଏ ଆତଃ ଆୟାଃ ରାଜଗାଦିରେ ଦୁବ୍‌କେଦ୍‌ତେ ହଡ଼କକେ ଜାଗାରକେଦ୍‌କଥା । ୨୨ ଏନା ଆୟୁମକେଦ୍‌ତେ ଇନ୍‌କୁ କାଉରିକେଦ୍‌ତେ କାଜିକେଦାକ, “ନେଆଁ ଜେତା ହଡ଼ରାଃ ଜାଗାର ନାହାଁଲାଃ ମେନ୍‌ଦ ମିଆଁଦ୍ କା ସାରିକାନ୍ ପାର୍‌ମେଶ୍‌ବାର୍‌ଆଃ ଜାଗାର୍‌ତାନାଃ ।” ୨୩ ଇମ୍‌ତାଙ୍ଗି ପ୍ରାଭୁଆଃ ମିଆଁଦ୍ ଦୁଡ଼ ଇନିଃକେ ଦାଲ୍‌କିଆ, ତିଆଟି ଇନିଃ ପାର୍‌ମେଶ୍‌ବାର୍‌କେ କାଏ ମାଇନ୍‌କିଆ, ଆତଃ ଇନିଃକେ ତିଜୁକ ଜମକିଃ ହରାତେ ଗଏଃୟାନା ।

୨୪ ମେନ୍‌ଦ ପାର୍‌ମେଶ୍‌ବାର୍‌ଆଃ ବାଚାନ୍ ପୁରାଃତେ ନିତିର୍‌ୟାନା ଆତଃ ହାରାଇଦିୟାନା । ୨୫ ବର୍ଣ୍ଣବାସ୍ ଆତଃ ଶାଉଲ୍ ଆକିନାଃ ସେଞ୍ଜାକାମି ଚାବାକେଦ୍‌ତେ ଯୋହାନ୍ ଏଟାଃ ନୁତୁମ୍ ମାର୍କ୍ ମେନ୍‌ତେହ କାଜିୟାଃକ, ଇନିଃକେ ଇଦିକେଦ୍‌ତେ ଯାରୁଶାଲେମ୍‌ଏତେକ ରୁହାଡ଼ୟାନା ।

୧୩

ବର୍ଣ୍ଣବାସ୍ ଆତଃ ଶାଉଲ୍ ସାଲାୟାନ୍‌ଲଃ ସେଞ୍ଜାକାମି ନାଗେନ୍ତେ କୁଲ୍‌ୟାନାକିନ୍

୧ ଆନ୍ତିୟୋଖ୍ କାଲିସିୟାରେ ଚିମିନ୍ ନାବାକ ଆତଃ ଇତୁହଡ଼କ ତାଇକେନା, ଇନ୍‌କୁଏତେ ବର୍ଣ୍ଣବାସ୍, ନିଗର୍ ହଡ଼ ମେନ୍ତେ କାଜିୟାଃ ତାଇକେନ୍ ଶିମୋନ୍, କୁରିନିରେନ୍ ଲୁସିୟସ୍, ଲାଟ୍‌ସାହେବ୍ ହେରୋଦ୍‌ଆଃ ଅଡ଼ାଃରେ ଆସୁଲ୍‌ହାରାକାନ୍‌ନିଃ ମନହେମ୍, ଆତଃ ଶାଉଲ୍ । ୨ ଇନ୍‌କୁ ପ୍ରାଭୁକେ ସେଞ୍ଜାତାନ୍ ଆତଃ କାଟାବ୍‌ତାନ୍ ତାଇକେନ୍ ଇମ୍‌ତା ପାବିତାର୍ ଆମ୍ବା ଇନ୍‌କୁକେ କାଜିୟାଦ୍‌କଥା, “ଆଇଙ୍ଗ୍ ଅକ କାମି ନାଗେନ୍ତେ ବର୍ଣ୍ଣବାସ୍ ଆତଃ ଶାଉଲ୍‌କେ ସାଲାକାଦ୍‌କିନାଇଙ୍ଗ୍, ଏନାମେନ୍ତେ ଇନ୍‌କିନ୍‌କେ ଆଇଁୟାଃ ନାଙ୍ଗ୍ ଗେନା ଆତମ୍‌କିନ୍‌ପେ ।”

୩ ଏନ୍ତେ ଇନ୍‌କୁ କାଟାବ୍‌କେଦ୍‌ତେ ଏନ୍ ବାରାନ୍‌କିନାଃ ତେତାନ୍‌ରେ ତିଃଇ ଦହତାନ୍‌ଲଃ ବିକ୍ରିକେଦାକ ଆତଃ ଇନ୍‌କିନ୍‌କେ ସେଞ୍ଜାକାମି ନାଗେନ୍ତେକ କୁଲ୍‌କେଦ୍‌କିନା ।

ସାଇପ୍ରସ୍‌ରେ ସେଞ୍ଜାକାମି

୪ ନେଲେକାତେ ବର୍ଣ୍ଣବାସ୍ ଆତଃ ଶାଉଲ୍ ପାବିତାର୍ ଆମ୍ବାତେ କୁଲ୍‌ୟାନାକିନ୍ ଆତଃ ସେଲ୍‌ୟକିଆତେକିନ୍ ସେନଃୟାନା ଆତଃ ଏନ୍ତାଃଏତେ ଦାଆଃ ଜାହାଜ୍‌ରେ ଦୁବ୍‌କେଦ୍‌ତେ ସାଇପ୍ରସ୍ ଗାପୁତେକିନ୍ ସେନଃୟାନା । ୫ ଇନ୍‌କିନ୍ ସଲ୍‌ମାମି ସାହାର୍‌ତେ ସେଟେର୍କେଦ୍‌ତେ ଯିହୁଦୀକଆଃ ସାମାଜ୍ ଅଡ଼ାଃକରେ ପାର୍‌ମେଶ୍‌ବାର୍‌ଆଃ ବାଚାନ୍ ଉଦୁବ୍‌କେଦାକିନ୍ । ଯୋହାନ୍ ମାର୍କ ଇନ୍‌କିନ୍‌ଲଃ ତାଇକେଦ୍‌ତେ ଦେଙ୍ଗାକିନ୍ ତାଇକେନା ।

୬ ଇନ୍‌କୁ ସାଇପ୍ରସ୍ ଗାପୁ ପାରମ୍‌କେଦ୍‌ତେ ପାଫ୍‌ସ୍ ସାହାର୍‌ତେ ସେନଃୟାନାକ । ଏନ୍ତାଃରେ ଇନ୍‌କୁ ବାର୍‌ୟାଶୁ ନୁତୁମ୍ ମିଆଁଦ୍ ଯିହୁଦୀ ଦେଅଁଣା ହଡ଼ଲଃ ନାପାମ୍‌ୟାନାକ । ଇନିଃ ଆପାନ୍‌କେ ନାବୀ ମେନ୍ତେ କାଜିନ୍ ତାଇକେନା । ୭ ସଗର୍‌ୟସ୍ ପାଉଲୁସ୍ ମେନ୍ତେ ଇନିୟାଃ ମିଆଁଦ୍ ଗାତି ତାଇକେନାଏ, ଇନିଃ ଏନ୍ ଗାପୁରେନ୍ ଲାଟ୍‌ସାହେବ୍ ତାଇକେନାଏ । ସଗର୍‌ୟସ୍ ପାଉଲୁସ୍ ମିହୁଡ୍ ସେଶାନ୍ ହଡ଼ ତାଇକେନାଏ । ଇନିଃ ପାର୍‌ମେଶ୍‌ବାର୍‌ଆଃ ବାଚାନ୍ ଆୟୁମ୍ ନାଙ୍ଗ୍ ସାନାଙ୍ଗ୍‌କେଦ୍ ହରାତେ ବର୍ଣ୍ଣବାସ୍ ଆତଃ ଶାଉଲ୍‌କେ ଆୟାଃତାଃ କେଡ଼ାକେଦ୍‌କିନାଏ । ୮ ମେନ୍‌ଦ୍ ଦେଅଁଣାହଡ଼ରାଃ ଗ୍ରାକ୍ ନୁତୁମ୍ ଏଲିମାସ୍, ଏନ୍ ଲାଟ୍‌ସାହେବ୍ ଆଲକାଏ ବିଶ୍ୱାସେକା ମେନ୍ତେ ଇନିଃ ଇନ୍‌କୁକେ କାଜିକଟଙ୍ଗ୍ କେଦ୍‌କଆ । ୯ ମେନ୍‌ଦ୍ ଶାଉଲ୍, ଅକଏକେତି ପାଉଲୁସ୍ ମେନ୍ତେହ କାଜିୟାଃକ, ଇନିଃ ପାବିତାର୍ ଆମ୍ବାତେ ପେରେଃୟାନ୍‌ଲଃ ଦେଅଁଣାହଡ଼କେ ମିଦ୍‌ଢିଟ୍‌ଗି ନେଲ୍‌କିୟାଏ, ଆତଃ କାଜିକିୟାଏ, ୧୦ “ଏ ସାଏତାନ୍‌ଆଃ ହନ୍, ଆମ୍ ସବେନ୍ ବୁଗିନ୍ ବିଷାଏରେୟାଃ ବାଇରିତାନ୍‌ମେ । ଆମ୍ ସବେନ୍ ଲେକାନ୍ ଏଡ଼କାନ୍ ବେଦାତେ ପେରେଜାକାନାମ୍ ଆତଃ ସବେନ୍ ଇମ୍‌ତା ପ୍ରାଭୁଆଃ ସାନାର୍‌ତି ହରାକେ ହସଡ଼ ମେନ୍ତେ କାଜି ନାଙ୍ଗ୍ ଚେଷ୍ଟାଏ ତାନାମ୍ । ୧୧ ନାହାଁଃଗି ପ୍ରାଭୁ ଆମ୍‌କେ ସାଜାଇ ଏମାମେୟାଏ, ଆମାଃ ମେଦ୍ କାଶାଁଅଃଆ ଆତଃ ଚିମିନ୍ ନେତା ଜାକେଦ୍ ସିଙ୍ଗିରେ ଜେଡ଼ନାଃ କାମ୍ ନେଲ୍ ଦାଡ଼ିୟା ।” ଇମ୍‌ତାଙ୍ଗି ଏଲିମାସ୍ ଆୟାଃ ମେଦ୍‌ରେ ନୁବାଃ ଦାଲ୍‌ବ୍‌ୟାନ୍ ଲେକାଏ ଆଟ୍‌କାର୍‌କେଦା ଆତଃ ଜେତାଏ ମିହୁଡ୍ ଆୟାଃ ତିଃଇ ସାବ୍‌କେଦ୍‌ତେ ସୁତୁଃଇଦିକାକ ମେନ୍ତେ ଦାଶାଁକେଦ୍‌କଆ । ୧୨ ନେଆଁ ନେଲ୍‌କେଦ୍‌ତେ ଲାଟ୍‌ସାହେବ୍

ବିଶ୍ୱାସକେଦାଏ, ଚିଆଃଟି ଇନିଃ ପ୍ରାଭୁଆଃ ଇନିତୁ ଆୟୁମ୍‌କେଦତେ ପୁରାଃଗି ଆକ୍‌ତାକାଅଃ ତାଇକେନା ।

ପିସିଦିଆରେୟାଃ ଆକ୍ତିୟୋଖ୍‌ରେ ସେଝାକାମି

^{୧୩} ପାଉଲୁସ୍ ଆତଃ ଆୟାଃଲଃ ମିସାତେ ହରାସେନ୍‌ତାନକ ପାଫସ୍‌ତାଃଏତେ ଦାଆଃ ଜାହାଜ୍‌ତେ ପାମିଲିଆ ନାଗାର୍‌ରେୟାଃ ପେରଗା ସାହାର୍‌ତେକ ହିଜୁଃୟାନା, ଏନ୍ତାଃରେ ଯୋହାନ୍ ମାର୍କ ଇନକୁକେ ବାଗିକେଦତେ ଯାରୁଶାଲେମ୍‌ତେ ସେନଃରୁହାଡ୍‌ୟାନା । ^{୧୪} ଇନକୁ ପେରଗାଏତେ ସେନକେଦତେ ପିସିଦିଆରେୟାଃ ଆକ୍ତିୟୋଖ୍‌ତେକ ସେଟେରୟାନା ଆତଃ ରୁଡ୍‌ନୁ ହୁଲାଙ୍‌ରେ ସାମାଜ୍ ଅଡ଼ାଃରେ ବଲକେଦତେକ ଦୁବ୍‌ୟାନା । ^{୧୫} ମୁଶା ନାବୀଆଃ ଆନ୍‌ରୁ ଆତଃ ନାବୀକଆଃ ଅନଲ୍ ପାଢ଼ାଅକେଦ୍ ତାୟମ୍‌ତେ, ସାମାଜ୍‌ଅଡ଼ାଃରେନ୍ ଆଗୁଆଇକ ନେଆଁ କାଜିକୁଲକେଦାକ, “ହାଗା ମିଗିକ, ହଡ଼କ ନାଗେନ୍ତେ ଜୀଉରେ ରାସ୍‌କାଅଃ ଲେକାନ୍ କାଜି ମେନାଃରେଦ, କାଜିପେ ମେନ୍ତେଲେ ସାନାଙ୍‌ତାନା ।”

^{୧୬} ପାଉଲୁସ୍ ତିଙ୍ଗୁକେଦତେ, ହଡ଼କକେ ତିଃଇ ହିଲାଅତାନଲଃ କାଜିୟାଦକଆ, “ନେତାଃରେ ମେନାପେ ସବେନ୍ ଇସ୍ରାଏଲ୍ ଆତଃ ପାର୍‌ମେଶ୍ୱାର୍‌କେ ବରଝାଇତାନ୍ ସାଅଁସାର୍ ହଡ଼କ, ଆଇଁୟାଃ କାଜି ଆୟୁମ୍‌ମେପେ, ^{୧୭} ନେ ଇସ୍ରାଏଲ୍ ହଡ଼କଆଃ ପାର୍‌ମେଶ୍ୱାର୍ ଆବୁଆଃ ପୁରଖା ହଡ଼କକେ ସାଲାକେଦକଆ ଆତଃ ମିସାର୍ ଦିଶୁମ୍‌ରେ ଇନକୁ ଏଟାଃ ଦିଶୁମ୍‌ରେନ୍ ହଡ଼କ ଲେକାକ ତାଇନଃ ତାଇକେନା, ଇମ୍‌ତା ଇନକୁ ପୁରାଃ ଗାଦେଲ୍ ହଡ଼କ ହବାୟାନା । ପାର୍‌ମେଶ୍ୱାର୍ ଆୟାଃ ପୁରାଃ ପେଡେଃତେ ଇନକୁକେ ମିସାର୍ ଦିଶୁମ୍‌ହେତେ ଅଡ଼ଙ୍ ଆଉକେଦକଆ, ^{୧୮} ଆତଃ ଇନକୁ ଇନିୟାଃ କାଜି କାକ ମାନାତିଙ୍ଗ୍ ତାଇକେନରେୟାଗି, ଇନିଃ ବାର୍‌ହିସି ବାରାଷ୍ ଜାକେଦ୍ ବିର୍‌ରେ ଇନକୁକେ ଆସୁଲକେଦକଆ । ^{୧୯} ଇନିଃ କିନାନ୍ ଦିଶୁମ୍‌ରେ ଏୟା* କିଲିକଆଃ ଦିଶୁମ୍ ଜିୟନ୍‌କେଦତେ ଆୟାଃ ସାଲାକାନ୍ ହଡ଼କକେ ଏନ୍ ଦିଶୁମ୍‌ଏ ଏମାଦକଆ ।

^{୨୦} “ନେ ସବେନାଃ ୪୫୦ ବାରାଷ୍‌ରେ ହବାୟାନା । ନେ ସବେନାଃରେୟାଃ ତାୟମ୍‌ତେ ନାବୀ ଶାମୁଏଲ୍ ଜାକେଦ୍

* ୧୩:୧୯ ୧୩:୧୯ ସାଡ଼

ପାର୍ମେଶ୍ଵର ଇନ୍କୁ ନାଙ୍ଗ ବିଚାର ହତକକେ ସାଲାକେଦକଆ । ୨୧ ଆତଃ ଇନ୍କୁ ମିଆଁଦ୍ ରାଜା ଆସିକେନାକ, ଇମତା ପାର୍ମେଶ୍ଵର ଇନ୍କୁଆଃ ଚେତାନରେ ୪୦ ବାରାଷ୍ ଜାକେଦ୍ ରାଇଜେ ନାଗେନ୍ତେ ବେଞ୍ଜାମିନ୍ କିଲିରେନ୍ କୀଶଆଃ ହନ୍ ଶାଉଲକେ ଏମ୍‌କିୟା । ୨୨ ଏନ୍ତେ ପାର୍ମେଶ୍ଵର ଇନିଃକେ ରାଜଗାଦିହେତେ ଆତମକେଦତେ, ଦାଉଦକେ ଇନ୍କୁଆଃ ରାଜାଏ ବାଇକିୟା । ପାର୍ମେଶ୍ଵର ଦାଉଦଆଃ ବିଷାଏରେ ଗାଞ୍ଜା ଏମ୍‌କେଦତେ କାଜିକେଦା, ‘ଆଇଙ୍ଗ୍ ଚିଲ୍‌କା ହତକକେ ଦୁଲାଡକଆଇଙ୍ଗ୍, ଯିଶିରାଃ ହନ୍ ଦାଉଦ୍ ଏନ୍‌ଲେକାନିଃ ମିହୁଡ୍, ତାନିଃ । ଇନିଃ ଆଇଁୟାଃ ମନ୍‌ସୁରୁଦରେୟାଃ ଇଛାସାନାଙ୍ଗ୍ ଲେକା ସବେନାଃଏ କାମିୟା ।’ ୨୩ ନେ ଦାଉଦାଃ କିଲିରେନ୍ ଯୀଶୁକେ ପାର୍ମେଶ୍ଵର ଆୟାଃ ବାନାର୍‌ସା ଲେକାତେ ଇସ୍ରାଏଲ୍ ହତକଆଃ ଜୀଉବାଞ୍ଚାଅନିଃ ବାଇକିୟାଏ । ୨୪ ✽ୟୀଶୁ ଆୟାଃ କାମି ଏନେଟେଦ୍ ସିଦାରେ ଯୋହାନ୍ ଇସ୍ରାଏଲ୍‌ରେନ୍ ସିବେନ୍ ହତକତାଃରେ ଉଦୁବକେଦତେ କାଜିକେଦାଏ, ‘ଇନ୍କୁକେ ପାପ୍‌ହେତେ ହେୟାଡିଙ୍ଗ୍‌ତାନଲଃ ଦାଆଃରେ ବାପ୍ତିସ୍ମା ଇଦି ଲାଗାଡିଙ୍ଗ୍‌ୟାଃ ।’ ୨୫ ✽ଆତଃ ଯୋହାନ୍ ଆୟାଃ ସେଞ୍ଜାକାମି ଟୁଣ୍ଡୁତାନ୍ ଇମତା ହତକକେ କୁଲିକେଦକଆ, ‘ଆଇଁୟାଃ ବିଷାଏରେ ଆପେ ଚିନାଃପେ ଉଡ଼ୁତାନା ? ଆପେ ଅକଏକେପେ ନେଲ୍‌ହରାତାନା, ଇନିଃ ଆଇଙ୍ଗ୍ ନାହାଁଲିଙ୍ଗ୍ । ମେନ୍‌ଦ୍ ଆୟୁମେପେ, ଆଇଁୟାଃ ତାୟମ୍‌ତେ ଅକଏ ହିଜୁଃତାନାଏ, ଇନିୟାଃ ଖାର୍‌ପାରେୟାଃ ତନଲ୍ ରାଡାଏ ଲେକାନିଃ ନାହାଁଲିଙ୍ଗ୍ ।’

୨୬ “ହେ ଇସ୍ରାଏଲ୍ ହାଗାକ, ଆବ୍ରାହାମ୍‌ଆଃ କିଲିରେନ୍ ହନ୍‌କ ଆତଃ ପାର୍ମେଶ୍ଵରକେ ବରଞ୍ଚାଇତାନ୍ ସବେନ୍ ସାଅଁସାର୍ ହତକ, ଆବୁକେଗି ନେ ଜୀଉବାଞ୍ଚାଅରେୟାଃ କାନାଜି ଏମାକାନା । ୨୭ ମେନ୍‌ଦ୍ ଇନିଃ ଜୀଉବାଞ୍ଚାଅନିଃ ତାନିଃ ମେନ୍ତେ ଯୀରୁଶାଲେମ୍‌ରେ ତାଇନ୍‌ତାନ୍ ହତକ ଆତଃ ଇନ୍କୁଆଃ ଆଗୁଆଇକ କାକ ସାରିକାଦ୍ ତାଇକେନା । ଇନ୍କୁ ସବେନ୍ ରୁଡୁନ୍ ହୁଲାଙ୍ଗ୍‌ରେ ପାଡ଼ାଆଃ ତାଇକେନ୍ ନାବୀକଆଃ କାଜି କାକ ଆଟ୍‌କାର୍‌ଉରୁମେ ତାଇକେନା

✽ ୧୩:୨୪ ୧୩:୨୪ ମାର୍କ ୧:୪; ଲୁକ ୩:୩. ✽ ୧୩:୨୫ ୧୩:୨୫ ଯୋହାନ୍ ୧:୨୦; ମାଥୁ ୩:୧୧; ମାର୍କ ୧:୭; ଲୁକ ୩:୧୬; ଯୋହାନ୍ ୧:୨୭.

। ଏନ୍ରେୟ ଇନ୍କୁ ଯୀଶୁକେ ଚିଟାକେଦ୍ତେ ନାବୀକଆଃ କାଜିକେ ପୁରାକେଦାକ । ୨୮ ✨ଇନ୍କୁ ଗନଏଃ ସାଜାଇ ଏମ୍ରେୟାଃ ଜେତାନ୍ ଗୁହ୍ନାଁ କାକ ନାମକେଦ୍ରେୟ, ଇନିଃକେ ଗନଏଃ ସାଜାଇ ଏମ୍ ନାଗେନ୍ତେ ପିଲାତୁସ୍କେ କାଜିକିୟାକ । ୨୯ ✨ଇନିୟାଃ ବିଷାଏରେ ଧାରାମ୍ପୁଥ୍ରେ ଅଲ୍ଲାନାନ୍ ଲେକାଗି ସବେନ୍ କାମି ରିକାକେଦ୍ ତାୟମ୍ତେ ଇନ୍କୁ ଇନିଃକେ କୁଶ୍ଏତେ ଆଡ୍ଗୁକିୟାକ ଆଡଃ ତପାଗାଡ଼ାରେ ଦହକିୟାକ । ୩୦ ମେନ୍ଦ ପାର୍ମେଶ୍ୱାର୍ ଇନିଃକେ ଗନଏଃହେତେ ଜୀଉବିରିଦ୍କିୟା, ୩୧ ✨ଆଡଃ ପୁରାଃ ମାହାଁ ଜାକେଦ୍ ଇନିଃଲଃ ଗାଲିଲ୍ଏତେ ଯୀରୁଶାଲେମ୍ତେ ହିଜୁଃ ସେନଃତାନ୍ ହଡକତାଃରେ ଉଦୁବେନ୍ୟାନା । ଇନ୍କୁ ନାହାଁଃ ଇସ୍ରାଏଲ୍ ହଡକତାଃରେ ଇନିୟାଃ ଗାଞ୍ଜାକ ତାନ୍କ । ୩୨ ଆଡଃ ଆଲିଙ୍ଗ ଆପେକେ ଏନ୍ ସୁକୁକାଜି ଉଦୁବ୍ ନାଗେନ୍ତେ ନେତାଃରେ ମେନାଲିୟାଁ, ଅକ୍ନାଃଚି ପାର୍ମେଶ୍ୱାର୍ ଆରୁଆଃ ପୁର୍ଖା ହାଡ଼ାମହଡକକେ ବାନାର୍ସା ଏମାକାଦକ ତାଇକେନାଏ, ୩୩ ପାର୍ମେଶ୍ୱାର୍ ଯୀଶୁକେ ଜୀଉବିରିଦ୍କିଃ ହରାତେ ଆରୁ ନାଗେନ୍ତେ ନାହାଁଃ ପୁରାକାଦାଏ ଆଡଃ ଆରୁ ଇନ୍କୁଆଃ କିଲିରେନ୍କ ହବାକାନାରୁ । ଦାଉଦ୍ଆଃ ଦୁରାଙ୍ଗ୍ପୁଥ୍ ୨ ଆଧ୍ୟାଏରେ ନେ'ଲେକା ଅଲ୍ଲାନା,

“ଆମ୍ ଆଇୟାଃ ହନ୍,

ତିସିଙ୍ଗ୍ ଆଇଙ୍ଗ୍ ଆମାଃ ଆପୁ ହବାୟାନାଇଙ୍ଗ୍ ।’

୩୪ ଆଡଃ ତପାଗାଡ଼ାରେ ଆଲକାଏ ଜିୟନଃକା ମେନ୍ତେ ଇନିଃକେ ଗନଏଃହେତେ ଜୀଉବିରିଦି ନାଗେନ୍ତେ ପାର୍ମେଶ୍ୱାର୍ ନେ'ଲେକାଏ କାଜିକାଦ୍ ତାଇକେନା,

‘ଦାଉଦ୍କେ ଏମାକାଇ ବାନାର୍ସା ଲେକାଗି

ଆଇଙ୍ଗ୍ ଆମକେ ପାବିତାର୍ ଆଡଃ ସାର୍ତିଗିଇଙ୍ଗ୍ ଆଗିଷ୍ମେୟାଁ ।’

୩୫ ଦୁରାଙ୍ଗ୍ପୁଥ୍ରେୟାଃ ଏଟାଃତାଃରେ ଅଲ୍ଲାନା,

“ଆମ୍ ଆମାଃ ପାବିତାର୍ ଦାସିକେ ତପାଗାଡ଼ାରେ ଜିୟନଃ ନାଗେନ୍ତେ କାମ୍ ବାଗିଇଚିୟା ।’ ”

✨ **୧୩:୨୮** ୧୩:୨୮ ମାଥ୍ୱଉ ୨୭:୨୨,୨୩; ମାର୍କ ୧୫:୧୩,୧୪; ଲୁକ ୨୩:୨୧-୨୩; ଯୋହାନ୍ ୧୯:୧୫. ✨ **୧୩:୨୯** ୧୩:୨୯ ମାଥ୍ୱଉ ୨୭:୫୭-୬୧; ମାର୍କ ୧୫:୪୨-୪୭; ଲୁକ ୨୩:୫୦-୫୬; ଯୋହାନ୍ ୧୯:୩୮-୪୨. ✨ **୧୩:୩୧** ୧୩:୩୧ ପ୍ରେରିତ୍ ୧:୩.

୩୭ ଦାଉଦ୍ ଆୟାଃ ଜାନିଦ୍ ଦିପିଲିରେ ପାରମେଶ୍ୱାର୍ଥୀଃ
 ଇଛାସାନାଙ୍ଗ୍ ଲେକାଗି, ସୁସାରକେଦ୍ତେ ଜୀଉତାୟାଃ ଚୁଣ୍ଟୁକେଦା
 ଆତଃ ପୁରୁଖା ହାଡ଼ାମ୍ବଳିଃ ତପାୟାନାଏ । ଆୟାଃ ଗନଏଃ ହଡ଼ମ୍
 ତପାଗାଡ଼ାରେୟାଃ ହାସାରେ ମେସାୟାନା । ୩୭ ମେନ୍ଦ୍ ପାରମେଶ୍ୱାର୍
 ଅକଏକେ ଗନଏଃହେତେ ଜୀଉବିରିଦ୍କିୟାଏ, ଇନିଃ ହାସାରେ
 କାଏ ମେସାକାନା । ୩୮ ଏନାମେନ୍ତେ, ହେ ଇସ୍ରାଏଲ୍ରେନ୍ ହାଗାକ,
 ଆପେ ସବେନ୍କକେ ନେଆଁ ସାରି ଲାଗାତିଙ୍ଗ୍ୟାଃ ଯେ, ଯୀଶୁଆଃ
 ହରାତେ ଏସ୍କାର୍ ଆପେତାଃରେ ପାପ୍ ଛାମାରେୟାଃ କାନାଜି
 ଉଦୁବକାନା । ଆତଃ ମୁଣା ନାବୀଆଃ ଆନୁ ହରାତେ ପାପ୍ହେତେ
 କା ରାଡ଼ା ଦାଡ଼ିକାନ୍ ସବେନ୍ ହଡ଼କ, ୩୯ ଏନ୍ ଯୀଶୁତାଃରେ
 ବିଶ୍ୱାସ୍କେଦ୍ ହରାତେ ଜୀଉବାସ୍ତାଅକ ନାମେୟା, ନେଆଁ ଆପେକେ
 ସାରି ଲାଗାତିଙ୍ଗ୍ୟାଃ । ୪୦ ଏନାମେନ୍ତେ ଚିର୍ଗାଲ୍କାନପେ, ନାବୀକ
 କାଜିକାଦ୍ତେୟାଃ ଆପେରେ ଆଲକା ହବାଅଃକା,

୪୧ “ଆଇଙ୍ଗକେ ଲାନ୍ଦାଇଙ୍ଗ୍ତାନ୍ ହଡ଼କ, ଆପେ
 ଆକ୍ଦାନ୍ଦାଅକେଦ୍ତେ ଜିୟନଃପେ,
 ଚିଆଃଚି ତିସିଙ୍ଗ୍ ଆଇଙ୍ଗ୍ କାମିତାନ୍ତେୟାଃ,
 ଜେତାଏ ଆପେକେ ଉଦୁବାପେରେୟ ଆପେ କାପେ
 ବିଶ୍ୱାସେୟା ।”

୪୨ ପାଉଲୁସ୍ ଆତଃ ବର୍ଣ୍ଣବାସ୍ ସାମାଜ୍ ଅଡ଼ାଃ ବାଗିକେଦ୍ତେ
 ସେନଃ ତାଇକେନାକିନ୍ ଇମ୍ତା, ହଡ଼କ ଏଟାଃ ରୁଡ଼ନ୍ ହୁଲାଙ୍ଗ୍ରେ
 ହିଜୁଃ ରୁହାଡ଼କେଦ୍ତେ ନେ ସବେନ୍ ବିଷାଏରେ ଆତଃଚି ପୁରାଃତେ
 କାଜି ନାଙ୍ଗ୍ ଇନ୍କିନ୍କେ ବିକ୍ରିକେଦ୍କିନାକ । ୪୩ ହଡ଼କ ପାଞ୍ଚେର୍
 ବାଗିକେଦ୍ତେ ସେନଃୟାନ୍ ତାୟମ୍ତେ, ପୁରାଃ ଯିହୁଦୀ ଆତଃ
 ସାଆଁସାର୍ହେତେ ଯିହୁଦୀ ଧାରାମ୍ତେ ବାଦ୍ଲାଅକାନ୍ ହଡ଼କ,
 ପାଉଲୁସ୍ ଆତଃ ବର୍ଣ୍ଣବାସ୍କେ ଅତଙ୍ଗ୍କେଦ୍କିନାକ । ପ୍ରେରିତ୍କ
 ଇନ୍କୁଲିଃ ଜାଗାର୍କେଦାକ ଆତଃ ପାରମେଶ୍ୱାର୍ଥୀଃ ସାୟାଦ୍ତେ
 ଜୀଦାନ୍ ବିତାଅ ନାଗେନ୍ତେ ଉସ୍କୁରକେଦ୍କଆକ ।

୪୪ ଏଟାଃ ରୁଡ଼ନ୍ ହୁଲାଙ୍ଗ୍ରେ, ସାହାର୍ରେନ୍ ଲାଗ୍ଭାଗ୍ ସବେନ୍
 ହଡ଼କ ପ୍ରାଭୁଆଃ ବାଚାନ୍ ଆୟୁମ୍ ନାଗେନ୍ତେକ ହିଜୁଃୟାନା
 । ୪୫ ଯିହୁଦୀ ହଡ଼କ ଗାଦେଲ୍ ହଡ଼କକେ ନେଲ୍କେଦ୍ତେ
 ହିସ୍ଜାତେ ପେରେୟାନାକ ଆତଃ ପାଉଲୁସ୍ଆଃ କାଜିରେ

କାଜିକଟଙ୍ଗକେଦ୍‌ତେ ଇନିଃକେ ଲାନ୍ଦାକିୟାକ । ^{୪୭} ମେନ୍‌ଦ ପାଉଲୁସ୍ ଆଡ଼ଃ ବର୍ଣ୍ଣବାସ୍ ଆଡ଼ଃଗି ବେଗାର୍ ବରତେ କାଜିକେଦାକିନ୍, “ଆପେତାଃରେ ପାହିଲାତେ ପାର୍‌ମେଶ୍‌ବାର୍‌ଆଃ ବାଚାନ୍ କାଜିୟଃ ଲାଗାତିଙ୍ଗ୍ ତାଇକେନା । ମେନ୍‌ଦ ଆପେ ଜାନାଅ ଜୀଦାନ୍ ନାମେକାଲେ ମେନ୍ତେ କାପେ ବିଚାରକେଦ୍ ହରାତେ, ଆଲିଙ୍ଗ୍ ଆପେକେ ବାଗିକେଦ୍‌ତେ ସାଅଁସାର୍ ହଡ଼କତାଃତେଲିଙ୍ଗ୍ ସେନା । ^{୪୭} ଚିଆଃଚି ପ୍ରାଭୁ ଆଲିଙ୍ଗ୍‌କେ ନେ ଲେକାଏ ଆରୁକାଦ୍‌ଲିୟା,

“ଆଇଙ୍ଗ୍ ଆମକେ ସାଅଁସାର୍ ହଡ଼କଆଃ ନାଗେନ୍ତେ ମାର୍‌ସାଲ୍ ଲେକାଇଙ୍ଗ୍ ବାଇୟାକାଦ୍‌ମା,
ଜେ'ଲେକାଚି ସବେନ୍ ଅତେଦିଶୁମ୍‌ରେ ଜୀଉବାସ୍ତାଅ ନାମଃଆ
।”

^{୪୮} ସାଅଁସାର୍ ହଡ଼କ ନେଆଁ ଆୟୁମ୍‌କେଦ୍‌ତେ ରାସ୍‌କାୟାନାକ ଆଡ଼ଃ ପ୍ରାଭୁଆଃ କାନାଜି ନାଗେନ୍ତେ ମାନାରାଙ୍ଗ୍‌କେଦାକ । ଅକ ହଡ଼କ ଜାନାଅ ଜୀଦାନ୍ ନାମେ ନାଗେନ୍ତେ ସାଲାୟାନାକ, ଇନ୍‌କୁ ଏନ୍ କାନାଜିରେ ବିଶ୍ୱାସକେଦାକ ଆଡ଼ଃ ବିଶ୍ୱାସୀ ହବାୟାନାକ । ^{୪୯} ପ୍ରାଭୁଆଃ ବାଚାନ୍ ଏନ୍ ପାର୍‌ଗାନ୍‌ରେୟାଃ ସବେନ୍‌ସାଃରେ ନିତିରିୟାନା । ^{୫୦} ମେନ୍‌ଦ ନାଗାରରେନ୍ ଆଗୁଆଇ ହଡ଼କକେ ଆଡ଼ଃ ସାମାଜରେ ମାଇନ୍ ନାମେତାନ୍ ସାଅଁସାର୍ କୁଡ଼ିକ, ଅକନ୍‌କଚି ପାର୍‌ମେଶ୍‌ବାର୍‌କେ ବରଭାକ୍ତିତାନାକ, ଇନ୍‌କୁକେ ଯିହୁଦୀ ହଡ଼କ ଉସ୍‌କୁର୍‌କେଦ୍‌ତେ ପାଉଲୁସ୍ ଆଡ଼ଃ ବର୍ଣ୍ଣବାସ୍‌କିନାଃ ବିରୁଧ୍‌ରେ ସାସାତି ଏଟେଦ୍‌କେଦାକ ଆଡ଼ଃ ଇନ୍‌କିନ୍‌କେ ଏନ୍ ପାର୍‌ଗାନ୍‌ତାଃଏତେ ଅଡ଼ଙ୍ଗ୍‌କେଦ୍‌କିନାକ । ^{୫୧} *ପ୍ରେରିତ୍‌କିନ୍ ଆକିନାଃ କାଟାରେୟାଃ ଧୁଡ଼ି ଇନ୍‌କୁଆଃ ବିରୁଧ୍‌ରେ କଟାବାଗିକେଦ୍‌ତେ ଇକନିୟାତେକିନ୍ ସେନଃୟାନା । ^{୫୨} ଆଡ଼ଃ ଆକ୍ରିୟୋଖ୍‌ରେନ୍ ବିଶ୍ୱାସୀକ ପାବିତାର୍ ଆମ୍ବା ଆଡ଼ଃ ରାସ୍‌କାତେ ପେରେୟାନାକ ।

୧୪

ଇକନିୟାରେ ସେଞ୍ଜାକାମି

☆ **୧୩:୫୧** ୧୩:୫୧ ମାଥୁଉ ୧୦:୧୪; ମାର୍କ ୬:୧୧; ଲୁକ ୯:୫; ୧୦:୧୧.

^୧ ଇକନିୟାରେ ଏନ୍‌ଲେକାଗି ହବାୟାନା, ପାଉଲୁସ୍ ଆଡ଼ଃ ବର୍ଣ୍ଣବାସ୍ ସାମାଜ୍ ଅଡ଼ାଃତେ ସେନ୍‌କେନାକିନ୍ ଆଡ଼ଃ ନେ'ଲେକା କାଜିକେଦାକିନ୍ ଯେ, ପୁରାଃ ଯିହୁଦୀ ହଡ଼କ ଆଡ଼ଃ ସାଆଁସାର୍ ହଡ଼କ ଖ୍ରୀଷ୍ଟତାଃରେ ବିଶ୍ୱାସ୍‌କେଦାକ । ^୨ ମେନ୍‌ଦ କା ବିଶ୍ୱାସ୍‌ତାନ୍ ଯିହୁଦୀକ ସାଆଁସାର୍ ହଡ଼କଆଃ ମନ୍‌କେ ଉସ୍‌କୁରକେଦ୍‌ତେ ବିଶ୍ୱାସୀକଆଃ ବିରୁଧ୍‌ରେ ଖ୍ୱସ୍‌ରିକାକେଦ୍‌କଆକ । ^୩ ଏନ୍‌ରେୟ୍ ପ୍ରେରିତ୍‌କିନ୍ ବେଗାର୍ ବରତେ ପ୍ରାଭୁଆଃ ବିଷାଏ ଏନ୍ତାଃରେ ଉଦୁବ୍‌କେଦାକିନ୍ ଆଡ଼ଃ ପୁରାଃ ଦିନ୍ ତାଇନ୍‌ୟାନାକିନ୍ । ଇନ୍‌କିନ୍ ଆକ୍‌ଦାନ୍‌ଆ କାମିକ ଆଡ଼ଃ ଆକ୍‌ଚାକାଅ କାମିକ ରିକାକେଦ୍ ହରାତେ ପାର୍‌ମେଶ୍ୱାର୍‌ଆଃ ସାୟାଦ୍‌ତେ ନାମାକାନ୍ ପେଡ଼େଃ ବିଷାଏରେ କାଜିକେଦ୍ କାନାଜିକ ସାର୍‌ତି ତାନାଃ ମେନ୍ତେ ସାବୁଦ୍‌କିନ୍ ଏମ୍‌କେଦା । ^୪ ନାଗାର୍‌ରେନ୍ ହଡ଼କ ବାର୍‌ହିସାରେ ବିନ୍‌ଗାଅୟାନାକ, ଇନ୍‌କୁଏତେ ଚିମିନ୍ ହଡ଼କ ଯିହୁଦୀ ହଡ଼କସାଃତେ ଆଡ଼ଃ ଚିମିନ୍ ହଡ଼କ ପ୍ରେରିତ୍‌କିନାଃ ସାଃତେ ହବାୟାନାକ ।

^୫ ଏନ୍ତେ ଚିମିନ୍ ସାଆଁସାର୍ ହଡ଼କ ଆଡ଼ଃ ଯିହୁଦୀ ହଡ଼କ ଆକଆଃ ଆଗୁଆଇକଲଃ ମିଦ୍‌ତାଃରେ ହୁଣ୍ଡିକେଦ୍‌ତେ ହାଲାଗୁଲାତାନ୍‌ଲଃ ପ୍ରେରିତ୍‌କିନ୍‌କେ ଦିରିଲଃ ଚିଦ୍‌ଗିକେଦ୍‌ତେ ଗଏଃ ନାଗେନ୍ତେ ଉହାଟ୍‌କେଦାକ । ^୬ ପ୍ରେରିତ୍‌କିନ୍ ଏନ୍ ବିଷାଏରେ ସାରିକେଦ୍‌ତେ ଲୁକାୟନିଆ ଜିଲ୍ଲାରେୟାଃ ଲୁସ୍‌ତ୍ରା ଆଡ଼ଃ ଦର୍ବୀ ସାହାର୍‌ରେୟାଃ ଚାରିୟସାଃରେ ତାଇକାନ୍ ପାର୍‌ଗାନ୍‌ଡେକିନ୍ ସେନ୍‌ୟାନା । ^୭ ଆଡ଼ଃ ଏନ୍ତାଃରେ ସୁକୁକାଜିକିନ୍ ଉଦୁବ୍‌କେଦା ।

ଲୁସ୍‌ତ୍ରା ଆଡ଼ଃ ଦର୍ବୀରେ ପାଉଲୁସ୍‌ଆଃ ସେଝାକାମି

^୮ ଲୁସ୍‌ତ୍ରାରେ ମିଆଁଦ୍ ଜାନାମ୍‌ହେତେ କାଟା କୁରୁଙ୍ଗ୍‌କାନ୍ ହଡ଼ ତାଇକେନାଏ । ଇନିଃ ଚିଉଲାଅ କାଏ ସେନ୍ ଦାଡ଼ିତାଇକେନା । ^୯ ଇନିଃ ଏନ୍ତାଃରେ ଦୁବ୍‌କେଦ୍‌ତେ ପାଉଲୁସ୍‌ଆଃ କାଜି ଆୟୁମ୍ ତାଇକେନା । ପାଉଲୁସ୍ ଇନିଃକେ ମିଦ୍ ନାଜେର୍‌ରେ ନେଲ୍‌କେଦ୍‌ତେ, ବୁଗିୟାଃ ନାଗେନ୍ତେ ଇନିୟାଃ ମନ୍‌ରେ ବିଶ୍ୱାସ୍ ହବାକାନା ମେନ୍ତେ ଆଟ୍‌କାର୍‌କେଦା, ^{୧୦} ଆଡ଼ଃ କାଉରିତାନ୍‌ଲଃ କାଜିକେଦାଏ, “କାଟାରେ ପେଡ଼େଃ ଏମ୍‌କେଦ୍‌ତେ ତିଜ୍ଜୁନ୍‌ମେ !” ଏନ୍ ହଡ଼ ତେଗାଅତାନ୍‌ଲଃ ଚାରିୟସାଃ ସେନ୍ ଏଟେଦ୍‌କେଦାଏ ।

୧୧ ଏନ୍ତାଠରେ ତାଇକାନ ଗାଦେଲ୍ ହଡକ ପାଉଲୁସ୍‌ଆଃ ନେ କାମି ନେଲ୍‌କେଦ୍‌ତେ, ଆକଆଃ ଲୁକାୟନିଆ ଜାଗାର୍‌ତେ କାଉରିତାନଲଃ କାଜି ଏଟେଦ୍‌କେଦାକ, “ମାହାପୁରୁକ ହଡ ଲେକା ହବାକେଦ୍‌ତେ ଆବୁତାଃତେ ହିଜୁଃକାନାକ ।” ୧୨ ଇନ୍‌କୁ ବର୍ଣ୍ଣବାସ୍‌କେ ଜିଅସ୍ ଆତଃ ପାଉଲୁସ୍ ମୁଲ୍ କାଜିନିଃ ହବାକାନ ହରାତେ ଇନିଃକେ ହେର୍‌ମିସ୍ ମେନ୍ତେକ ନୁତୁମ୍‌କିୟା । ୧୩ ନାଗାର୍‌ରେୟାଃ ବାହାରିରେ ତାଇକାନ ଜିଅସ୍ ମାନ୍‌ରେନ୍ ଯାଜାକ୍, ଦୁଆର୍ ଜାପାଃତେ ଚିମିନ୍ ସାଁଣକକେ ଆତଃ ଗାଲାଙ୍‌କାନ ବାହା ଆଉକେଦାଏ, ଚିଆଠି ଇନିଃ ଆତଃ ଏନ୍ତାଠରେ ହୁଣ୍ଡିୟାକାନ ଗାଦେଲ୍ ହଡକ ପ୍ରେରିତ୍‌କିନାଃ ନାଗେନ୍ତେ ଦାଣ୍ଟ ରାକାବ୍ ନାଙ୍ ସାନାଙ୍ ତାଇକେନାକ ।

୧୪ ଇନ୍‌କୁ ଅକ କାମି ନାଗେନ୍ତେକ କୁଲାକାନ ତାଇକେନା, ଏନା ଆୟୁମ୍‌କେଦ୍‌ତେ ପ୍ରେରିତ୍‌କିନ୍ ଚାଏ ବର୍ଣ୍ଣବାସ୍ ଆତଃ ପାଉଲୁସ୍ ପୁରାଠଗି ଦୁକୁୟାନାକିନ୍ ଆତଃ ଆକନାଃ ଲିଜାଃ ଚେଟାଃକେଦ୍‌ତେ ଗାଦେଲ୍ ହଡକଆଃ ଆଲାତେ ନିରୁକେଦାକିନ୍ ଆତଃ କାଉରିକେଦ୍‌ତେ କାଜିକେଦାକିନ୍, ୧୫ “ଆପେ ଚିନାଃମେନ୍ତେ ନେଆଁ ରିକାତାନାପେ ? ଆଲିଙ୍‌ହ ଆପେ ଲେକାଗି ହଡ ତାନଲିଙ୍ । ଆପେ ଜେ'ଲେକାଚି ନେ ସବେନ୍ ସାମା ସାମାରେନ୍ ମାହାପୁରୁକକେ ବାଗିକେଦ୍‌ତେ ଜାନିଦ୍ ପାର୍‌ମେଶ୍‌ବାର୍, ଅକଏଚି ସିର୍ମା, ଅତେ, ଦରେୟା ଆତଃ ଏନାରେ ତାଇନ୍‌ତାନ୍ ସବେନାଃକେ ବାଇୟାକାଦ୍‌ନିଃ ସାଃତେ ରୁହାଡ଼ାଃପେ । ଏନାମେନ୍ତେ ଆଲିଙ୍ ଆପେତାଃରେ ସୁକୁକାଜି ଉଦୁବ୍ ନାଗେନ୍ତେ ହିଜୁଃକାନାଲିଙ୍ । ୧୬ ପାର୍‌ମେଶ୍‌ବାର୍ ସିଦା ପାରିୟାରେନ୍ ସବେନ୍ ହଡକକେ ଆକଆଃ ଇଛାସାନାଙ୍ ଲେକାଏ ସେସେନ୍‌ଇଚିକାକ ତାଇକେନା । ୧୭ ମେନ୍‌ଦ ଆୟାଃ ବୁଗିନ୍ କାମି ହରାତେ ସବେନ୍ ଇମ୍‌ତା ମେନାଇୟା ମେନ୍ତେ ସାରୁଦ୍ ଏମାକାଦାଏ । ଇନିଃ ସିର୍ମାଏତେ ଗାମାଦାଆଃ ଆତଃ ଠାଉକାନ୍ ନେତାରେ ଆଡ଼ାଃ ସାକାମ୍ ଜ'କଏ ଏମାଃ, ଇନିଃ, ଜମେୟା ଆତଃ ଆପେୟାଃ ମନ୍‌ସୁରୁଦ୍‌କେ ରାସକାତେ ପେରେଜାକାଦା ।” ୧୮ ପ୍ରେରିତ୍‌କିନ୍ ନେ'ଲେକା ପୁରାଠଗି ଚିମିନ୍ କାଜିକ କାଜିକେଦ୍‌ତେ ଏନ୍ ଗାଦେଲ୍ ହଡକକେ ଦାଣ୍ଟ ରାକାବ୍‌ହେତେ ହକାକେଦ୍‌କଆକିନ୍ ।

୧୯ ମେନ୍‌ଦ ଚିମିନ୍ ଯିହୁଦୀକ ପିସିଦିଆରେୟାଃ ଆନ୍ତିୟୋଖ୍

ଆତ୍ମ ଇକନିୟାହେତେ ହିନ୍ଦୁକାନ୍ ତାଈକେନାକ, ଇନ୍ଦୁ ଗାଦେଲ୍ ହତକକେ ଉସକୁରକେଦ୍ତେ ପାଈଲୁସକେ ଦିରିତେ ଚିଦ୍‌ଗିକିୟାକ ଆତ୍ମ ଇନିଃ ଗଏଃୟାନାଏ ମେନ୍ତେ ଉଡ଼ୁକେଦ୍ତେ ସାହାରରେୟାଃ ବାହାରିତେ ଅର ଇଦିକିୟାକ ।^{୨୦} ମେନ୍ଦ ବିଶ୍ୱାସୀକ ହିନ୍ଦୁକେଦ୍ତେ ଆୟାଃ ଚାରିୟସାଃରେ ହୁଣ୍ଡି ବିୟୁରକିୟାକ ଏନ୍ତେ ଇନିଃ ତିଲୁକେଦ୍ତେ ସାହାରତେ ରୁହାଡ଼ୟାନା । ଏଟାଃ ହୁଲାଇଁ ଇନିଃ ଆତ୍ମ ବର୍ଣ୍ଣବାସ୍ ଦର୍ବୀତେକିନ୍ ସେନଃୟାନା ।

ପାଈଲୁସ୍ ଆତ୍ମ ବର୍ଣ୍ଣବାସ୍ ସିରିୟାରାଃ ଆନ୍ତ୍ରିୟୋଖ୍ତେ ରୁହାଡ଼ୟାନାକିନ୍

^{୨୧} ପାଈଲୁସ୍ ଆତ୍ମ ବର୍ଣ୍ଣବାସ୍ ଦର୍ବୀରେ ସୁକୁକାଜି ଉଦୁବକେଦ୍ତେ ପୁରାଃ ତେଲାଇକିନ୍ ବାଈକେଦ୍‌କଥା । ଏନ୍ତେ ଇନ୍ଦିନ୍ ଲୁସ୍ତ୍ରା, ଇକନିୟା ଆତ୍ମ ପିସିଦିଆରାଃ ଆନ୍ତ୍ରିୟୋଖ୍ତେକିନ୍ ରୁହାଡ଼ୟାନା ।^{୨୨} ଆତ୍ମ ଇନ୍ଦିନ୍ ଏନ୍ତାଃରେନ୍ ବିଶ୍ୱାସୀକକେ ଆକଥାଃ ସାର୍ତ୍ତି ବିଶ୍ୱାସରେ କେଟେୟାଃ ନାଗେନ୍ତେ ଆତ୍ମ ଜୀଉରେ ରାସକାଥାଃ ନାଗେନ୍ତେ ଇନ୍ଦୁକେ ଇଡୁକେଦ୍ତେ କାଜିକେଦ୍‌କଥାକିନ୍, “ପାର୍‌ମେଶ୍ୱାର୍‌ଆଃ ରାଈଜ୍‌ରେ ବଲ ନାଗେନ୍ତେ ଆବୁକେ ପୁରାଃ ଦୁକୁ ସାହାତିଈକେଦ୍ତେ ସେନ୍ ଲାଗାତିଈୟାଃ ।”^{୨୩} ଇନ୍ଦିନ୍ ସବେନ୍ କାଲିସିୟାରେ ପ୍ରାତିନ୍‌କକେ ସାଲାଇକେଦ୍‌କଥାକିନ୍ ଆତ୍ମ କାଟାବ୍‌ତାନ୍‌ଲଃ ବିନ୍ତ୍ରିକେଦାକିନ୍, ଏନ୍ତେ ଇନ୍ଦିନ୍ ଅକ ପ୍ରାଭୁତାଃରେ ବିଶ୍ୱାସକାଦାକିନ୍, ଇନିଃତାଃରେ ଇନ୍ଦୁକେ ଜିମାକେଦ୍‌କଥାକିନ୍ ।

^{୨୪} ତାୟମ୍‌ତେ ଇନ୍ଦିନ୍ ପିସିଦିଆ ପାର୍‌ଗାନ୍ ହରାତେ ସେନ୍‌କେଦ୍ତେ ପାଈଲିଆ ଜିଲ୍ଲାତେକିନ୍ ହିନ୍ଦୁୟାନା ।^{୨୫} ଏନ୍ତାଃରେୟାଃ ପେର୍‌ଗା ସାହାରରେ ବାଟାନ୍ ଉଦୁବକେଦ୍ତେ ଆଭାଲିଆ ସାହାରତେକିନ୍ ସେନଃୟାନା,^{୨୬} ଆତ୍ମ ଏନ୍ତାଃଏତେ ଇନ୍ଦିନ୍ ଦାଥାଃ ଜାହାଜ୍‌ତେ ଆନ୍ତ୍ରିୟୋଖ୍ତେ ସେନଃ ରୁହାଡ଼ୟାନାକିନ୍, ନେ ଆନ୍ତ୍ରିୟୋଖ୍‌ରେ ନାହାଁଃ ହବାକାନ୍ କାମି ନାଗେନ୍ତେ ପାର୍‌ମେଶ୍ୱାର୍‌ଆଃ ସାୟାଦ୍ ହରାତେ ଇନ୍ଦିନ୍ ଜିମାକାନ୍ ତାଈକେନାକିନ୍ ।

^{୨୭} ଇନ୍ଦିନ୍ ଆନ୍ତ୍ରିୟୋଖ୍‌ରେ ସେଟେରକେଦ୍ତେ କାଲିସିୟାରେନ୍ ହତକକେ ହୁଣ୍ଡିକେଦ୍‌କଥାକିନ୍ । ପାର୍‌ମେଶ୍ୱାର୍ ଇନ୍ଦିନାଃ ନାଗେନ୍ତେ

ରିକାକାଦ୍ ତାଇକେନ୍‌ତେୟାଃ ଆତଃ ସାଅଁସାର୍ ହଡକଆଃ ବିଶ୍ୱାସ୍ ନାଗେନ୍ତେ ଚିଲ୍‌କା ହରାକଏ ଉଦୁବ୍‌କାଦ୍ ତାଇକେନା, ଏନ୍ ସବେନାଃ ଇନ୍‌କୁକେକିନ୍ ଉଦୁବାଦକଆ । ୨୮ ଏନ୍ତେ ଇନ୍‌କିନ୍ ଆନ୍ତ୍ରୟୋଖ୍‌ରେ ବିଶ୍ୱାସୀକଲଃ ପୁରାଃ ଦିନ୍‌କିନ୍ ତାଇନ୍‌ୟାନା ।

୧୫

ଯୀରୁଶାଲେମ୍‌ରେ ଖ୍ରୀଷ୍ଟ୍ ବିଶ୍ୱାସୀକଆଃ ସାଭା

୧ ଯିହୁଦାଏତେ ଚିମିନ୍ ହଡକ ଆନ୍ତ୍ରୟୋଖ୍‌ତେ ହିଜୁଃକେଦ୍‌ତେ, ମୁଶା ନାବୀଆଃ ଆନ୍‌ରୁ ଲେକାତେ ଇନ୍‌କୁ କାକ ଖାଡ଼ିନାଆଃରେଦ୍ ଜୀଉବାଞ୍ଚାଅ କାକ ନାମେୟା ମେନ୍ତେ ବିଶ୍ୱାସୀକକେ ଇତୁକେଦ୍‌କଆକ । ୨ ନେ ବିଷାଏରେ ଇନ୍‌କୁଲଃ ପାଉଲୁସ୍ ଆତଃ ବର୍ଣ୍ଣବାସ୍‌ଆଃ ପୁରାଃଗି କାପ୍‌ଜି ହବାୟାନା, ଏନାତେ ପାଉଲୁସ୍, ବର୍ଣ୍ଣବାସ୍ ଆତଃ ଆନ୍ତ୍ରୟୋଖ୍‌ରେନ୍ ଚିମିନ୍ ହଡକ ଯୀରୁଶାଲେମ୍‌ତେ ସେନ୍‌କେଦ୍‌ତେ ପ୍ରେରିତ୍ ଆତଃ କାଲିସିୟାରେନ୍ ପ୍ରାଚିନ୍‌କଲଃ ନେ ବିଷାଏରେ କାଜିଅଡ଼ଞ୍‌ଅଃକା ମେନ୍ତେକ ଉହାଡ଼୍‌କେଦା ।

୩ କାଲିସିୟାରେନ୍ ହଡକ ଇନ୍‌କିନାଃ ହରାସେନ୍ ନାଗେନ୍ତେକ ଦେଙ୍ଗାକେଦ୍‌କିନା, ଆତଃ ଇନ୍‌କିନ୍ ଫିନିସିୟା ଆତଃ ଶମିରୋନ୍ ହରାତେ ସେନଃ ଇମ୍‌ତା, ସାଅଁସାର୍ ହଡକ ଚିଲ୍‌କା ହେୟାତିଙ୍ଗ୍‌କେଦ୍‌ତେ ପାର୍‌ମେଶ୍ୱାର୍‌ସାଃତେକ ରୁହାଡ଼୍‌କାନା, ଏନ୍ ବିଷାଏରେକିନ୍ ଉଦୁବ୍‌କେଦ୍‌କଆ; ନେ କାନାଜି ଆୟୁମ୍‌କେଦ୍‌ତେ ବିଶ୍ୱାସୀକ ପୁରାଃଗିକ ରାସ୍‌କାୟାନା । ୪ ଇନ୍‌କିନ୍ ଯୀରୁଶାଲେମ୍‌ତେ ସେଟ୍‌ରେୟାନ୍‌ଚି, କାଲିସିୟାରେନ୍ ହଡକ, ପ୍ରେରିତ୍‌କ ଆତଃ ପ୍ରାଚିନ୍‌କ ଇନ୍‌କିନ୍‌କେକ ଦାରମ୍‌କେଦ୍‌କିନା । ପାର୍‌ମେଶ୍ୱାର୍ ଆକିନାଃଲଃ ତାଇକେଦ୍‌ତେ କାମିକାଦ୍ ସବେନ୍ କାମିକ ଇନ୍‌କିନ୍ ଇନ୍‌କୁକେ ଉଦୁବ୍‌କେଦ୍‌କଆକିନ୍ । ୫ ମେନ୍‌ଦ୍ ଫାରୁଶୀ ଝୁଣ୍ଡ୍‌ରେନ୍ ଚିମିନ୍ ବିଶ୍ୱାସୀ ହଡକ ତିଙ୍ଗ୍‌କେଦ୍‌ତେ କାଜିକେଦାକ, “ସାଅଁସାର୍ ହଡକଆଃ ଖାଡ଼ିନାଅ ହବାଅଃଗି ଲାଗାତିୟା ଆତଃ ମୁଶା ନାବୀଆଃ ଆନ୍‌ରୁକେ ମାନାତିଙ୍ଗ୍ ନାଙ୍ଗ୍ ଇନ୍‌କୁକେ କାଜି ଲାଗାତିୟା ।”

୭ ନେ ବିଷାଏରେ ଜାଗାର୍ ନାଗେନ୍ତେ ପ୍ରେରିତ୍‌କ ଆତଃ ପ୍ରାଚିନ୍‌କ ମିଦ୍‌ତାଃରେ ହୁଣ୍ଡିୟାନାକ । ୭ ✧ ପୁରାଃଗି କାପ୍‌ଜିୟାନ୍ ତାୟମ୍‌ତେ ପାଡ଼ରାସ୍ ତିଲ୍ଲୁକେଦ୍‌ତେ କାଜିକେଦା, “ହେ ହାଗା ମିଶିକ, ଆଇଙ୍ଗ୍ ସାଅଁସାର୍ ହଡ଼କତାଃରେ ସୁକୁକାଜି ଉଦୁବେକାଇଙ୍ଗ୍ ଆତଃ ଇନ୍‌କୁ ଏନାରେକ ବିଶ୍ୱାସେକା ମେନ୍ତେ ପାର୍‌ମେଶ୍ୱାର୍ ଆଇଙ୍ଗ୍‌କେ ଆପେକଏତେ ପୁରାଃ ମାହାଁ ସିଦାରେ ସାଲାକାଦିୟାଁ, ଏନାଦପେ ସାରିତାନା । ୮ ✧ ଆତଃ ସବେନ୍‌କଆଃ ମନ୍‌ସୁରୁଦ୍‌ରେୟାଃ ଉଡ଼ୁ ସାରି ଦାଡ଼ିତାନ୍ ପାର୍‌ମେଶ୍ୱାର୍, ଆରୁକେ ଜେ'ଲେକା ପାବିତାର୍ ଆମ୍ନା ଏମାକାଦ୍‌ରୁଆଏ, ଏନ୍‌ଲେକାଗି ସାଅଁସାର୍ ହଡ଼କକେହ ଏମ୍‌କେଦ୍‌ତେ ଇନ୍‌କୁସାଃଏତେ ଗାଞ୍ଜାଏ ଏମାକାଦା । ୯ ଇନ୍‌କୁଆଃ ଆତଃ ଆରୁଆଃ ଆଲାରେ ଜେତାନ୍ ଫାରାକ୍ କାଏ ଦହକାଦା । ଇନ୍‌କୁଆଃ ବିଶ୍ୱାସ୍ ହରାତେ ଇନିଃ ଇନ୍‌କୁଆଃ ମନ୍‌ସୁରୁଦ୍‌କଏ ଫାର୍‌ତିକାଦା । ୧୦ ତାବ୍‌ଦ ଯିହୁଦୀକଆଃ ରିତିରିଖାଜ୍ ଆତଃ ଆନ୍‌ରୁ, ଅକ୍‌ନାଃତି ହାମ୍‌ମାଲ୍ ବାହାରମ୍ ଲେକାନାଃତାନାଃ, ଏନାକେ ଆରୁଆଃ ପୁରୁଖା ହାଡ଼ାମ୍‌କ ଆତଃ ଆରୁ କାରୁ ଗଅଃ ଦାଡ଼ିକେନା, ଏନ୍‌ ଆଡ଼୍‌ନାକେ ନାହାଁଃ ଆପେ ବିଶ୍ୱାସୀକଆଃ ତାରାନ୍‌ରେ ଲାଦିକେଦ୍‌ତେ ଚିନାଃମେନ୍ତେ ପାର୍‌ମେଶ୍ୱାର୍‌କେ ବିଡ଼ାଅ ନାଗେନ୍ତେପେ ସାନାଙ୍ଗ୍‌ତାନା ? ୧୧ କାହାଗି, ଏନା କା ବୁଗିନାଃ । ଇନ୍‌କୁ ଜେ'ଲେକା ବିଶ୍ୱାସ୍‌କେଦ୍‌ତେ ଜୀଉବାଞ୍ଚାଅକ ନାମାକାଦା, ଏନ୍‌ ଲେକାଗି ଆରୁହ ବିଶ୍ୱାସ୍‌କେଦ୍‌ତେ ପ୍ରାଭୁ ଯୀଶୁଆଃ ସାୟାଦ୍‌ତେ ଜୀଉବାଞ୍ଚାଅରୁ ନାମାକାଦା ।”

୧୨ ପାଉଲୁସ୍ ଆତଃ ବର୍ଣ୍ଣବାସ୍‌ଆଃ ହରାତେ ସାଅଁସାର୍ ହଡ଼କଆଃ ଆଲାରେ ପାର୍‌ମେଶ୍ୱାର୍ ଅକ ଆକ୍‌ଦାନ୍‌ଅ କାମିକ ଆତଃ ଆକ୍‌ଚାକାଅ କାମିକ କାମିକାଦ୍ ତାଇକେନାଏ । ଏନାକ ଇନ୍‌କିନ୍‌ତାଃଏତେ ଆୟୁମ୍‌କେଦ୍‌ତେ ଝୁଣ୍ଡରେନ୍ ସବେନ୍‌କ ହାପାୟାନାକ । ୧୩ ଇନ୍‌କିନ୍ କାଜି ଚାବାକେଦ୍‌ତି, ଯାକୁଦ୍ କାଜିକେଦାଏ, “ହେ ହାଗା ମିଶିକ, ଆଇଁୟାଃ କାଜି ଆୟୁମେପେ ! ୧୪ ପାର୍‌ମେଶ୍ୱାର୍ ଚିଲ୍‌କା ଆୟାଃ ଲିନିବୁଇ ସାଅଁସାର୍ ହଡ଼କଏତେ ଚିମିନ୍‌କକେ ଆୟାଃ ନୁଡୁମ୍ ନାଗେନ୍ତେ ସାଲାକାଦ୍‌କଆ, ଏନ୍‌ କାଜିକେ ଶିମୋନ୍ ଉଦୁବ୍‌କେଦାଏ । ୧୫ ନାବୀକଆଃ କାଜି ନେ କାଜିଲଃ ପୁରା

✧ ୧୫:୭ ୧୫:୭ ପ୍ରେରିତ୍ ୧୦:୧-୪୩.

✧ ୧୫:୮ ୧୫:୮ ପ୍ରେରିତ୍ ୧୦:୪୪; ୨:୪.

ମେସାଅଷତାନା । ଧାରାମ୍ପୁଅରେ ଅଲକାନା;

୧୭ “ପ୍ରାଭୁ କାଜିୟାଏ, ନେ ତାୟମତେ ଆଇଙ୍ଗ୍ ହିଜୁଃ ରୁହାଡ଼ାଇଙ୍ଗ୍
ଆତଃ ଦାଉଦ୍‌ଆଃ ତାଇନଃ ଠାୟାଦକେ ଆତଃମିସା
ବାଇରୁହାଡ଼େୟାଇଙ୍ଗ୍ ।

ଆଇଙ୍ଗ୍ ଏନ୍ ଜିୟନ୍‌କାନ୍‌ତେୟାଃକେ ଆତଃମିସା
ବାଇରୁହାଡ଼େୟାଇଙ୍ଗ୍
ଆତଃ ଏନାକେ କେଟେଦ୍ ରୁହାଡ଼େୟାଇଙ୍ଗ୍ ।

୧୭ ଆତଃ ସବେନ୍ ମାନଞ୍ଜା ହଡକ ଆଇଙ୍ଗ୍‌ତାଃତେକ ହିଜୁଃଆ,
ଆଇଙ୍ଗ୍ ଅକ ସାଅଁସାର୍ ହଡକକେ ଆଇଁୟାଃ ହବାଅଃ
ନାଗେନ୍ତେଇଙ୍ଗ୍ କେଡ଼ାକାଦକଆ, ଇନ୍‌କୁ ସବେନ୍‌କ
ଆଇଁୟାଃତାନ୍‌କ ମେନ୍ତେ ପ୍ରାଭୁ କାଜିୟାଏ ।

୧୮ ନେ କାଜିକେ ପ୍ରାଭୁ, ନାଙ୍କ ପାରିୟାଏତେ କାଜିକାଦ୍ ତାଇକେନା ।’

୧୯ “ଯାକୁର୍ ଆତଃଗି କାଜିକେଦା, ଆଇଁୟାଃ ବିଚାର୍ ନେଆଁତାନାଃ,
ଅକ ସାଅଁସାର୍ ହଡକ ପାର୍‌ମେଶ୍ୱାର୍‌ସାଃତେ ରୁହାଡ଼ତାନାକ,
ଇନ୍‌କୁକେ ଆରୁ କାରୁ ହାଏରାନ୍‌କଆ । ୨୦ ମେନ୍‌ଦ ଇନ୍‌କୁ
ମୁରୁଡକତାଃରେ ଦାନ୍ ରାକାବାକାନ୍ ସତ୍‌ରା ଜମେୟାଁ ଆଲକାକ
ଜମେକା, ଜେତା କଡ଼ା ଚାଏ କୁଡ଼ିଲଃ ହଡ଼ମରେୟାଃ ଏଡକାନ୍
କାମି ଆଲକାକ ରିକାଏକା, ହଟଃ ଲିମ୍‌ଦୁକେଦ୍‌ତେ ଗଜାକାନ୍
ଜାଁତୁରାଃ ମାସ୍ ଚାଏ ମାୟୋମ୍ ଆଲକାକ ଜମେକା ମେନ୍ତେ
ନେ ସବେନ୍ ବିଷାଏରେ କାଜିକତାନ୍‌ଲଃ ଇନ୍‌କୁତାଃତେ ମିଆଁଦ୍
ଚିଟାଉବୁ ଅଲେୟା । ୨୧ ଚିୟାଃଗି ପୁରାଃ ସିଦାଏତେଗି ସବେନ୍
ରୁଡନ୍ ହୁଲାଇଙ୍ଗ୍ରେ ସାମାଜ୍ ଅଡ଼ାଃକରେ ମୁଣା ନାବୀଆଃ ଆନ୍‌ତୁ
ପାଡ଼ାଅଷତାନା, ଆତଃ ସବେନ୍ ସାହାର୍‌ରେ ଇନିୟାଃ କାଜି
ଉଦ୍‌ବଃତାନା ।”

ସାଅଁସାର୍ ବିଶ୍ୱାସୀ ହଡକତାଃତେ ଚିଟାଉ

୨୨ ଏନ୍ତେ ପ୍ରେରିତ୍‌କ ଆତଃ କାଲିସିୟାରେନ୍ ପ୍ରାତିନ୍‌କ,
ଆତଃ କାଲିସିୟାରେନ୍ ସବେନ୍‌କ, ଝୁଣ୍‌ରେନ୍ ଚିମିନ୍ ହଡକକେ
ସାଲକେଦ୍‌ତେ, ପାଉଲୁସ୍ ଆତଃ ବର୍ଣ୍ଣବାସ୍‌ଲଃ ଇନ୍‌କୁକେ
ଆନ୍ତ୍ରିୟୋଖ୍‌ତେ କୁଲ୍ ନାଗେନ୍ତେକ ଉହାଟ୍‌କେଦା । ବାର୍ଣବାସ୍
ନୁଡ଼ମ୍‌ତେ ସାରିୟାଃତାନ୍ ଯିହୁଦା ଆତଃ ସିଲାସ୍, ନେ ବାରାନ୍‌କିନ୍‌କେ

ଇନ୍କୁ ସାଲାକେଦକିନାକ ଆତଃ ଇନ୍କିନ୍ ବିଶ୍ୱାସୀକଆଃ ଆଲାରେ ପୁରାଃଗି ମାଇନଃତାନ୍କିନ୍ ତାଇକେନା । ୨୩ ଆତଃ ବିଶ୍ୱାସୀକ ନେ ଚିଟାତକେ ଇନ୍କିନାଃ ଡିଃଇରେ କୁଲ୍‌କେଦାକ । “ଆକ୍ରିୟୋଖ୍, ସିରିୟା ଆତଃ କିଲିକିଆ ପାର୍‌ଗାନ୍‌ରେନ୍ ସାଅଁସାର୍ ହଡକଏତେ ହିଜୁଃକାନ୍ ହାଗାକକେ ପ୍ରେରିତ୍‌କ ଆତଃ କାଲିସିୟାରେନ୍ ପ୍ରାଚିନ୍‌କ ଜହାର୍ ମେନ୍ତେକ କାଜିକୁଲ୍‌କାଦା । ୨୪ ଆଲେ ଆୟୁମେତାନାଲେ ଯେ, ଆଲେୟାଃ ଝୁଣ୍ଡହେତେ ଚିମିନ୍ ହଡକ ଆପେତାଃତେ ସେନ୍‌କେଦତେ ଆପେୟାଃ ମନ୍‌ରେ ଦୁକୁଃଲେକାନ୍ କାଜିକ କାଜିକାଦା । ମେନ୍‌ଦ ଏନ୍ ବିଷାଏରେ ଆଲେ ଇନ୍‌କୁକେ କାଜି ନାଙ୍ଗ୍ ଜେଡନାଃ କାଲେ ଆରୁକାକ ତାଇକେନା । ୨୫ ଆତଃ ଆଲେ ସବେନ୍‌କ ମିଦ୍ ମନ୍‌ୟାନ୍‌ଲଃ ଚିମିନ୍ ଝାନ୍ କାଜିକୁଲ୍‌କକେ ସାଲାକେଦତେ ଆପେତାଃତେ କୁଲ୍ ନାଗେନ୍ତେଲେ ଉହାନ୍‌କାଦା । ଇନ୍‌କୁ ଆରୁଆଃ ଦୁଲାଡ୍ ହାଗା ବର୍ଣ୍ଣବାସ୍ ଆତଃ ପାଉଲୁସ୍‌ଲଃ ସେନାଃକ । ୨୬ ଇନ୍‌କିନ୍ ଆକିନାଃ ଜୀଦାନ୍‌କେ ପ୍ରାଭୁ ଯୀଶୁ ଖ୍ରୀଷ୍ଟ୍‌ଆଃ ନୁଡୁମ୍ ନାଙ୍ଗ୍ ସାଙ୍ଗାଟ୍‌ରେ ଉୟୁଃକାଦାକିନ୍ । ୨୭ ଆଲେ ଯିହୁଦା ଆତଃ ସିଲାସ୍‌କେ ଆପେତାଃତେ କୁଲ୍‌କିନ୍‌ତାନାଲେ । ଆଲେ ଅକ୍‌ନାଃ ଅଲୀକାଦାଲେ ଏନାକେଗି ଇନ୍‌କିନ୍ ଆପେକେ ଉଦୁବାପେୟାକିନ୍ । ୨୮ ଚିମିନାଙ୍ଗ୍ ଲାଗାତିଙ୍ଗ୍ ଆଇନ୍‌କ ବାଗିକେଦତେ ଆପେ ଚେତାନ୍‌ରେ ଜେତାନ୍ ବାହାରମ୍ କା ଏମ୍ ନାଗେନ୍ତେ ଆଲେ ପାବିତାର୍ ଆମ୍ବାତାଃଏତେ ଆନାରୁଲେ ନାମାକାଦା । ୨୯ ଆପେ ମୁରୁଡ୍‌କଆଃ ଆୟାର୍‌ରେ ଦାନ୍ ରାକାବାକାନ୍ ଜଜମାଃ ଆଲପେ ଜମେୟା, ମାୟୋମ୍ ଆଲପେ ନୁଁଇଆ, ହଟଃ ଲିମ୍‌ଦୁକେଦତେ ଗଜାକାଇ ଜେତା ଜାଁତୁରାଃ ମାସ୍ ଆଲପେ ଜମେୟା ଆତଃ ଜେତା କଡା ଚାଏ କୁଡିଲଃ ହଡ୍‌ମରେୟାଃ ଏଡ୍‌କାନ୍ କାମିକଏତେ ସାଙ୍ଗିନାକାନ୍ ତାଇନ୍‌ପେ । ଆପେ ନେ ସବେନ୍ କାମିକ କାପେ କାମିରେଦ ଆପେୟାଃ ବୁଗିନାଃ ହବାଅଃଆ । ଆଲେୟାଃ ଜହାର୍ ତେଲାଏପେ ।”

୩୦ ଅକ କାଜିକୁଲ୍‌କିନ୍‌କେ କୁଲ୍‌କାନ୍ ତାଇକେନା, ଇନ୍‌କିନ୍ ଆକ୍ରିୟୋଖ୍‌ତେ ସେନ୍‌କେଦତେ ବିଶ୍ୱାସୀକଆଃ ସବେନ୍ ଝୁଣ୍ଡକକେ ହୁଣ୍ଡିକେଦତେ ନେ ଚିଟାତକେ ଏମାଦ୍‌କଆକିନ୍ । ୩୧ ଏନ୍ତାଃରେନ୍ ବିଶ୍ୱାସୀକ ଜୀଉରେ ରାସ୍‌କାନ୍ କାଜି ଚିଟାତରେ ପାଢାଅକେଦତେ

ରାସକାତେ ପେରେୟାନାକ । ୩୨ ଯିହୁଦା ଆତଃ ସିଲାସ୍ ଆକିନ୍‌ଗି ନାବୀ ତାଇକେନାକିନ୍ ଆତଃ ଇନ୍‌କିନ୍ ଆନ୍ତିୟୋଖ୍‌ରେନ୍ ବିଶ୍ୱାସୀକକେ ପୁରାଃ ନେଡା ଜାକେଦ୍ ଜାଗାତ୍‌ତାନଲଃ ଇନ୍‌କୁକେ ଜୀଉରେ ରାସକାନ୍ କାଜିକ ଏମ୍‌କେଦ୍‌ତେ ଇନ୍‌କୁଆଃ ବିଶ୍ୱାସକେ କେଟେଦ୍‌କେଦାକିନ୍ । ୩୩ ଏନ୍ତାଃରେ ଚିମିନ୍ ମାହ୍ନାଁ ତାଇନ୍‌ୟାନ୍ ତାୟମ୍‌ତେ ଅକ ହଡକ ଇନ୍‌କିନ୍‌କେ କୁଲ୍‌କାଦକିନ୍ ତାଇକେନାକ, ଇନ୍‌କୁତାଃ ସେନ୍‌ରୁହାଡ୍ ନାଗେନ୍ତେ ବିଶ୍ୱାସୀକ ଇନ୍‌କିନ୍‌କେ ସୁକୁଜୀଉତେ କୁଲ୍‌କେଦ୍‌କିନାକ । ୩୪ ମେନ୍‌ଦ ସିଲାସ୍ ଏନ୍ତାଃରେ ତାଇନ୍‌ଃ ନାଗେନ୍ତେ ବୁଗିନାଃ ଆଟ୍‌କାରକେଦାଏ ।*

୩୫ ପାଉଲୁସ୍ ଆତଃ ବର୍ଣ୍ଣବାସ୍ ଆନ୍ତିୟୋଖ୍‌ରେ ଚିମିନ୍ ଦିନ୍ ତାଇନ୍‌ୟାନାକିନ୍ ଆତଃ ଏଟାଃ ପୁରାଃ ହଡକଲଃ ମେସାକେଦ୍‌ତେ ପ୍ରାଭୁଆଃ ବାଚାନ୍ ଉଦୁବ୍‌କେଦ୍‌କଆକ ଆତଃ ଇଡୁକେଦ୍‌କଆକ ।

ପାଉଲୁସ୍ ଆତଃ ବର୍ଣ୍ଣବାସ୍‌ଆଃ ବିନ୍‌ଗାଅ

୩୬ ଚିମିନ୍ ଦିନ୍ ତାୟମ୍‌ତେ ପାଉଲୁସ୍, ବର୍ଣ୍ଣବାସ୍‌କେ କାଜିକିୟା, “ଦଲା, ରୁହାଡାଃଲାଙ୍ ଥାତଃ ସିବେନ୍ ସାହାର୍‌ରେନ୍ ଅକ ହାଗାକକେ ପ୍ରାଭୁଆଃ ବାଚାନ୍ ଉଦୁବ୍‌କାକ ତାଇକେନାଲାଙ୍, ଇନ୍‌କୁଲଃ ନେପେଲ୍‌କେଦ୍‌ତେ, ଇନ୍‌କୁ ଚିଲ୍‌କା ମେନାକଆ ଏନାଲାଙ୍ ନେଲାଉକଆ ।” ୩୭ ବର୍ଣ୍ଣବାସ୍, ଯୋହାନ୍ ନୁତୁମ୍‌ରେ ସାରିୟଃତାନ୍ ମାର୍‌କେ ଆକିନାଃଲଃ ଇଦି ନାଗେନ୍ତେ ସାନାଙ୍‌କାଦ୍ ତାଇକେନା, ୩୮ *ମେନ୍‌ଦ ପାଉଲୁସ୍ ମାର୍‌କେ ଇଦି ନାଗେନ୍ତେ କାଏ ସାନାଙ୍‌କେଦା, ଚିଆଃଚି ଇନିଃ ସିଦାରେୟାଃ ହରାସେନ୍‌ରେ କାମି ଚୁଣ୍ଡୁ ଜାକେଦ୍ ଆକଲଃ କା ତାଇକେଦ୍‌ତେ ଇନ୍‌କୁକେ ପାମିଲିଆରେ ବାଗିକେଦ୍‌ତେ ରୁହାଡ୍‌ୟାନା । ୩୯ ନେ ବିଷାଏରେ ପୁରାଃଗି କାପ୍‌ଜି ହବାୟାନା ଆତଃ ଇନ୍‌କିନାଃ ବିନ୍‌ଗାଅ ହବାୟାନା । ବର୍ଣ୍ଣବାସ୍ ମାର୍‌କେ ଇଦିକେଦ୍‌ତେ ସାଇପ୍‌ସ୍‌ତେ ଦାଆଃ ଜାହାଜ୍‌ରେ ଦୁବ୍‌କେଦ୍‌ତେକିନ୍ ସେନ୍‌ୟାନା । ୪୦ ମେନ୍‌ଦ ପାଉଲୁସ୍, ସିଲାସ୍‌କେ ସାଲାକିୟା ଆତଃ ବିଶ୍ୱାସୀ ହାଗାକଆଃ ହରାତେ ପ୍ରାଭୁଆଃ ସାୟାଦ୍‌ରେ ଜିମାୟାନ୍‌ଲଃ ବିଦା ଇଦିକେଦାଏ । ୪୧ ଇନିଃ

* ୧୫:୩୪ 15:34 ନେ ପଦ ଚିମିନ୍ ମାରି ଅନଲ୍‌କରେ ବାନଃଆ ☆ ୧୫:୩୮ ୧୫:୩୮ ପ୍ରେରିତ୍ ୧୩:୧୩.

ସିରିୟା ଆଡ଼ କିଲିକିଆ ପାର୍ଗାନ୍ ହରାତେ ସେନଃୟାନା ଆଡ଼ କାଲିସିୟାରେନ୍ ହଡ଼କକେ ବିଶ୍ୱାସରେ କେଟେଦ୍ ଇଦିକେଦ୍‌କଆ ।

୧୭

ପାଉଲୁସ୍ ଆଡ଼ ସିଲାସଲଃ ତୀମଥୁଆଃ ହରାସେନ୍

୧ ପାଉଲୁସ୍ ଦର୍ବୀ ଆଡ଼ ଲୁସ୍‌ତ୍ରାତେ ସେନଃୟାନା, ଏନ୍ତାଃରେ ତୀମଥୁ ନୁତୁମ୍ ମିଆଁଦ୍ ଖ୍ରୀଷ୍ଟିୟାନ୍ ହଡ଼ ତାଇନଃତାନ୍ ତାଇକେନାଏ । ଇନିୟାଃ ଏଙ୍ଗାତେ ମିଆଁଦ୍ ଖ୍ରୀଷ୍ଟ ବିଶ୍ୱାସୀ ଯିହୁଦୀ ତାଇକେନାଏ, ମେନ୍‌ଦ ଆପୁତେ ଗ୍ରୀକ୍ ହଡ଼ ତାଇକେନାଏ । ୨ ଲୁସ୍‌ତ୍ରା ଆଡ଼ ଇକନିୟାରେନ୍ ସବେନ୍ ବିଶ୍ୱାସୀକ ତୀମଥୁଆଃ ବିଷାଏରେ ପୁରାଃ ବୁଗିନାଃକ କାଜି ତାଇକେନା । ୩ ପାଉଲୁସ୍, ତୀମଥୁକେ ଆୟାଃଲଃ ଇଦି ନାଗେନ୍ତେ ସାନାଙ୍ଗକେଦା, ଏନାତେ ଇନିଃ ତୀମଥୁକେ ଖାତ୍‌ନାଅକିୟାଏ । ତିଆଃତି ଏନ୍ତାଃରେ ତାଇନଃତାନ୍ ସବେନ୍ ଯିହୁଦୀ ହଡ଼କ ତୀମଥୁଆଃ ଆପୁତେକେ ଗ୍ରୀକ୍ ହଡ଼ ତାନିଃ ମେନ୍ତେକ ସାରିକାଦ୍ ତାଇକେନା । ୪ ଇନ୍‌କୁ ସାହାର ହରାକରେ ସେନଃ ତାଇକେନ୍ ଇମ୍‌ତା, ବିଶ୍ୱାସୀକକେ ଯୀରୁଶାଲେମ୍‌ରେନ୍ ପ୍ରେରିତ୍ ଆଡ଼ ପ୍ରାଚିନ୍‌କ ଠାହାରାଅକାଦ୍ ସବେନ୍ ଆନ୍‌ରୁକେ ମାନାତିଙ୍ଗ୍ ନାଗେନ୍ତେକ କାଜିକେଦ୍‌କଆ । ୫ ନେ'ଲେକାତେ କାଲିସିୟାକ ବିଶ୍ୱାସରେ ପୁରାଃଗିକ କେଟେଦ୍‌ୟାନା ଆଡ଼ ସବେନ୍ ହୁଲାଙ୍ଗ୍ ପସାଇଦିୟଃତାନ୍‌କ ତାଇକେନା ।

ତ୍ରୋୟାସ୍‌ରେ ପାଉଲୁସ୍‌ଆଃ ଦାର୍‌ଶାନ୍

୬ ଇନ୍‌କୁକେ ପାବିତାର୍ ଆମ୍‌ ଏସିଆ ପାର୍‌ଗାନ୍‌ରେ ବାଚାନ୍ ଉଦ୍‌ବ୍ ନାଗେନ୍ତେ କାଏ ଆରୁକେଦ୍‌କ ହରାତେ ଇନ୍‌କୁ ପୁଗିଆ ଆଡ଼ ଗାଲାତିୟ ପାର୍‌ଗାନ୍‌ତେକ ସେନଃୟାନା । ୭ ଇନ୍‌କୁ ମୁସିୟା ପାର୍‌ଗାନ୍‌ରେୟାଃ ସିମନାତେ ସେଟେର୍‌ୟାନ୍‌ଲଃ ବେଥୁନିଆ ପାର୍‌ଗାନ୍‌ତେ ସେନଃ ନାଙ୍ଗ୍ ଅଡ଼ଙ୍ଗ୍‌ଅଃ ଇମ୍‌ତା ଯୀଶୁଆଃ ଆମ୍‌ ଇନ୍‌କୁକେ କାଏ ଆରୁକେଦ୍‌କଆ । ୮ ଏନାତେ ଇନ୍‌କୁ ମୁସିୟା ହରାତେ ସେନଃୟାନ୍‌ଲଃ ତ୍ରୋୟାସ୍‌ତେକ ସେନଃୟାନା । ୯ ଏନ୍ ନିଦାରେ ପାଉଲୁସ୍ ମିଆଁଦ୍ ଦାର୍‌ଶାନ୍ ନେଲ୍‌କେଦାଏ ଯେ, ମାକିଦନିଆରେନ୍ ମିଆଁଦ୍ ହଡ଼ ତିଙ୍ଗ୍‌କେଦ୍‌ତେ ବିକ୍ରିତାନ୍‌ଲଃ

କାଜିତାନାଏ, “ମାକିଦନିଆତେ ହିନ୍ଦୁଃକେଦ୍‌ତେ ଆଲେକେ ଦେଙ୍ଗାଲେପେ !” ୧୦ ପାଉଲୁସ୍ ନେ ଦାର୍‌ଶାନ୍ ନେଲ୍‌କେଦ୍‌ତି ଆଲେ ମାକିଦନିଆତେ ସେନଃ ନାଗେନ୍ତେଲେ ସେକାଡ଼୍‌ୟାନା, ଚିଆଃଟି ଆଲେ ସାର୍‌ତିଗି ସାରିକାଦ୍ ତାଇକେନାଲେ, ପାର୍‌ମେଶ୍ୱାର୍ ଏନ୍ତାଃରେନ୍ ହଡ଼କଆଃ ଆଲାରେ ସୁକୁକାଜି ଉଦୁଦ୍ ନାଗେନ୍ତେ ଆଲେକେ କେଡ଼ାକାଦ୍‌ଲେୟା ।

ଫିଲିପିରେ ଲୁଦିୟାଃ ମନ୍‌ରୁହାଡ଼୍

୧୧ ଆଲେ ଡ୍ରୋୟାସ୍‌ତାଃଏତେ ଦାଆଃ ଜାହାଜ୍‌ରେ ଦୁବ୍‌କେଦ୍‌ତେ ସାମ୍‌ପ୍ରାକି ଟାପୁତେଲେ ସେନଃୟାନା, ଆତଃ ଏଟାଃହୁଲାଙ୍ଗ୍ ନିୟାପଲି ସାହାର୍‌ତେଲେ ସେଟେରୁୟାନା । ୧୨ ଏନ୍ତାଃଏତେ ଆଲେ ମାକିଦନିଆ ଜିଲ୍ଲାରେୟାଃ ମାରାଙ୍ଗ୍ ନାଗାର୍ ଫିଲିପିତେଲେ ସେନଃୟାନା । ଏନ୍ ନାଗାର୍‌ରେ ରୋମ୍‌ରେନ୍ ହଡ଼କହଗି ତାଇନଃତାନ୍ ତାଇକେନାକ । ଆଲେ ଏନ୍ତାଃରେ ଚିମିନ୍‌ଦିନ୍ ଲେକାଲେ ତାଇକେନା । ୧୩ ରୁଡ଼ୁ ହୁଲାଙ୍ଗ୍‌ରେ ଆଲେ ନାଗାର୍‌ହେତେ ଅତଙ୍ଗ୍‌ୟାନ୍‌ଲଃ ନାହ୍ ଗେନାତେଲେ ସେନଃୟାନା । ଏନ୍ତାଃରେ ଯିହୁଦୀ ହଡ଼କ ହୁଣ୍ଡିକେଦ୍‌ତେ ବିନ୍ତି ତାଇକେନ୍ ମିଆଁଦ୍ ଠାୟାଦ୍ ତାଇନଃ ମେନ୍ତେଲେ ଉଡ଼ିଃକାଦ୍ ତାଇକେନା । ଆଲେ ଲାଡ଼ାର୍‌ରେ ଦୁବ୍‌କେଦ୍‌ତେ ଏନ୍ତାଃରେ ହୁଣ୍ଡିୟାକାନ୍ କୁଡ଼ିକଲଃ ଜାଗାର୍‌କେଦାଲେ । ୧୪ ଇନ୍‌କୁଆଃ ଆଲାରେ ଥୁୟତିରା ନାଗାର୍‌ରେନ୍ ଲୁଦିୟା ନୁଡୁମ୍ ମିଆଁଦ୍ କୁଡ଼ି ତାଇକେନା । ଇନିଃ ବାଇଗିନିଆ ଲିଜାଃ ଆଖ୍‌ରିଙ୍ଗ୍‌ନିଃ ତାଇକେନାଏ । ଇନିଃ ପାର୍‌ମେଶ୍ୱାର୍‌କେ ବରଭାକ୍ତି ତାଇକେନା ଆତଃ ପାଉଲୁସ୍ କାଜିତାଇକେନ୍‌ତେୟାଃ ମନ୍‌ଧ୍ୟାନ୍ ଆୟୁମ୍‌କେଦ୍‌ତେ ମନ୍‌ସୁରୁଦ୍‌ରେ ତେଲାଏ ନାଗେନ୍ତେ ପ୍ରାଭୁ ଇନିଃକେ ସୁୟୋଗ୍ ଏମ୍‌କିୟାଏ । ୧୫ ଇନିଃ ଆତଃ ଆୟାଃ ଅଡ଼ାଃରେନ୍ ସବେନ୍‌କ ବାପ୍ତିସ୍ମା ଇଦିକେଦ୍‌ ତାୟମ୍‌ତେ ଆଲେକେ କେଡ଼ାକେଦ୍‌ତେ କାଜିକେଦ୍‌ଲେୟାକ, “ଆପେ ଆଇଙ୍ଗ୍‌କେ ପ୍ରାଭୁତାଃରେ ପାତିୟାର୍‌ରଃ ଲେକା ମେନାଇୟା ମେନ୍ତେପେ ବିଚାର୍‌ତାନ୍ ରେଦ୍, ଦେଲା ଆଇଁୟାଃ ଅଡ଼ାଃରେ ତାଇନପେ ।” ଇନିଃ ନେ'ଲେକା କାଜିକେଦ୍‌ତେ ଆୟାଃ ଅଡ଼ାଃରେ ତାଇନ୍ ନାଗେନ୍ତେ ଆଲେକେ ଉସ୍‌କୁର୍‌କେଦ୍‌ଲେୟା ।

ଫିଲିପିରେୟାଃ ଜେହେଲ୍‌ରେ ପାଉଲୁସ୍ ଆତଃ ସିଲାସ୍

୧୭ ମୁସିଙ୍ଗ୍ ଆଲେ ବିନ୍ତି ଠାୟାଦ୍‌ତେ ସେନଃ ତାଇକେନ୍‌ ଇମ୍‌ତା ମିଆଁଦ୍ କାମ୍‌ଡ଼ି କୁଡ଼ିଲଃ ନାପାମ୍‌ୟାନାଲେ । ଇନିୟାଃରେ ତାଇକାନ୍ ଏଡ଼କାନ୍ ଆମ୍‌ା ହରାତେ ଇନିଃ ଆୟାରକାଜିକଏ କାଜି ଦାଡ଼ିତାଇକେନା । ଇନିଃ ହଡ଼କଆଃ ଚିନାଃ ହବାଅଃଆ ଏନାକ ସିଦାରେ କାଜି ଦାଡ଼ି ତାଇକେନା । ଇନିଃ ଆୟାଃ ଗୁସିୟାକଆଃ ନାଙ୍ଗ୍ ପୁରାଃ ଟାକା ପାଏସାଏ କାମି ତାଇକେନା । ୧୭ ଇନିଃ ପାଉଲୁସ୍ ଆତଃ ଆଲେୟାଃ ଦୟା ଦୟା ହିଜୁଃକେଦ୍‌ତେ କାଉରିତାନ୍‌ଲଃ କାଜିକେଦାଏ, “ନେ ହଡ଼କ ସାଲାଙ୍ଗି ଉତାର୍ ପାର୍‌ମେଣ୍‌ଗୁଆଃ ଦାସିକ ତାନ୍‌କ । ଆପେ ଚିଲ୍‌କାତେ ଜୀଉବାଞ୍ଚାଅପେ ନାମେୟା, ଏନାକ କାଜିତାନା ।” ୧୮ ଏନ୍ କୁଡ଼ି ପୁରାଃ ମାହାଁ ଜାକେଦ୍ ନେ'ଲେକାଏ ରିକାକେଦା । ଏନ୍ତେ ପାଉଲୁସ୍ ଖୁସ୍‌ୟାନ୍‌ଲଃ ଦୟା ହେତାକେଦ୍‌ତେ ଏଡ଼କାନ୍ ଆମ୍‌ାକେ କେଟେଦ୍‌କେଦ୍‌ତେ କାଜିକିୟା, “ୟାଣ୍‌ ଖ୍ରୀଷ୍ଟୁଆଃ ନୁତୁମ୍‌ତେଇଙ୍ଗ୍ ଆରୁମେତାନା, ଇନିଃତାଃଏତେ ଅତଙ୍ଗ୍‌ଅଃମେ !” ଇମ୍‌ତାଗି ଏଡ଼କାନ୍ ଆମ୍‌ା ଇନିଃତାଃଏତେ ଅତଙ୍ଗ୍‌ୟାନା ।

୧୯ ଚିମ୍‌ତା ଇନିୟାଃ ଗୁସିୟାକ ଆକଆଃ ଟାକା କାମିରେୟାଃ ଆସ୍ରାକ ଆଦ୍‌କେଦା ମେନ୍ତେ ଆର୍‌କାର୍‌କେଦ୍‌ଚି, ପାଉଲୁସ୍ ଆତଃ ସିଲାସ୍‌କେ ସାବ୍‌କେଦ୍‌ତେ ବାଜାର୍ ପିଡ଼ି ଆଲାତେ ଆକ୍‌ତେୟାର୍ ନାମାକାଦ୍ ହଡ଼କତାଃତେ ଅର୍ ଇଦିକେଦ୍‌କିନାକ । ୨୦ ଇନ୍‌କୁ ଇନ୍‌କିନ୍‌କେ ରୋମି ହାକିମ୍‌କତାଃତେ ଆଉକେଦ୍‌କିନାକ ଆତଃ କାଜିକେଦାକ, “ନେ ହଡ଼କିନ୍‌ ଯିହୁଦୀ ତାନ୍‌କିନ୍‌, ଆତଃ ଆଲେୟାଃ ନାଗାର୍‌ରେ ହାଲାଗୁଲାଏ ତାନାକିନ୍‌ । ୨୧ ଇନ୍‌କିନ୍‌ ଆବୁଆଃ ଆନ୍‌ତୁ ବିରୁଧ୍ ରିଡିରିଝାଜ୍ ଇତୁକତାନାକିନ୍‌ । ଆବୁ ରୋମିରେନ୍ ହଡ଼କ ତାନ୍‌ବୁ, ଏନାତେ ନେ ସବେନ୍ କା ଲାଗାଡିଙ୍ଗ୍ ରିଡିରିଝାଜ୍ କାବୁ ମାନାଡିଙ୍ଗ୍ ଦାଡ଼ିୟା ।”

୨୨ ଆତଃ ଗାଦେଲ୍ ହଡ଼କହଗି ପାଉଲୁସ୍ ଆତଃ ସିଲାସ୍‌ଆଃ ବିରୁଧ୍‌ରେ ମେସାୟାନାକ । ଏନ୍ତେ ପାଉଲୁସ୍ ଆତଃ ସିଲାସ୍‌ଆଃ ଲିଜାଃ ଚେଟାଃକେଦ୍‌ତେ ଇନ୍‌କିନ୍‌କେ ସଟାତେ ହାଁଣ୍‌ସା ନାଗେନ୍ତେ ରୋମି ହାକିମ୍‌କ ଇନ୍‌କୁକେ ଆତୁକେଦ୍‌କଆକ । ୨୩ ଇନ୍‌କୁ ଇନ୍‌କିନ୍‌କେ ପୁରାଃଗି ଦାଲ୍‌କେଦ୍‌ତେ ଜେହେଲ୍‌ରେ ଦହକେଦ୍‌କିନାକ ଆତଃ

ତାଲାକେଦ୍‌ତେ ହର ନାଙ୍ଗ୍ ଆରୁକେଦ୍‌କଆକ । ୨୪ ନେ ଆନାରୁ ନାମ୍‌କେଦ୍‌ତେ ଜେହେଲ୍ ହରନିଃ ଇନ୍‌କିନ୍‌କେ ମିଆଁଦ୍ ଭିତାର୍ କୁଠାତେ ଇଦିକେଦ୍‌ତେ ହାମ୍‌ଲ୍ ସାହାନ୍‌ରେୟାଃ ଅର୍ଗଡ୍‌ରେ ଇନ୍‌କିନାଃ କାଟାକେ ତଲ୍‌କେଦ୍‌କିନାଏ ।

୨୫ ଆଲାନିଦାରେ ପାଉଲୁସ୍ ଆତଃ ସିଲାସ୍ ପାର୍‌ମେଶ୍‌ବାର୍‌ଆଃ ଦୁରୁମ୍‌ତେ ବିକ୍ତି ଆତଃ ମାନାରାଙ୍ଗ୍‌ରାଃ ଦୁରାଙ୍ଗ୍ ତାଇକେନାକିନ୍ ଆତଃ ଏଟାଃ ଜେହେଲ୍‌କାନ୍ ହଡକ୍ ଏନା ଆୟୁମ୍ ତାଇକେନାକ । ୨୬ ଇମ୍‌ତାଗି ପୁରାଃତେ ଅତେ ଦିଲ୍‌କାଅୟାନା ଆତଃ ଜେହେଲ୍ ଅଡ଼ାଃରାଃ ନିହ୍ ଗାଡ଼ା ଏକ୍‌ଲାଅୟାନା । ଇମ୍‌ତାଗି ସବେନ୍ ଦୁଆରକ୍ ନିଜ୍‌ୟାନା ଆତଃ ଜେହେଲ୍‌କାନ୍ ସବେନ୍ ହଡକ୍‌ଆଃ ସିକ୍‌ଡିକ ରାଡ଼ାୟାନା । ୨୭ ଜେହେଲ୍ ହରନିଃ ଦୁଡ୍‌ମ୍‌ଏତେ ବିରିଦ୍‌ୟାନାଏ ଆତଃ ଜେହେଲ୍‌ରେୟାଃ ଦୁଆର ସବେନ୍ ନିଜାକାନ୍ ନେଲ୍‌କେଦ୍‌ତେ ଉଡ଼୍‌କେଦାଏ ଯେ, ଜେହେଲ୍‌କାନ୍ ସବେନ୍ ହଡକ୍ ନିର୍‌ୟାନାକ । ଏନାତେ ଇନିଃ ଆୟାଃ ତାରାଉଡି ଅତଙ୍‌କେଦ୍‌ତେ ଆଇଃକ୍‌ଗି ଗଜେନ୍ ନାଗେନ୍ତେ ସାନାଙ୍‌କେଦା । ୨୮ ମେନ୍‌ଦ ପାଉଲୁସ୍ ପୁରାଃ କାଉରିକେଦ୍‌ତେ କାଜିକିୟା, “ଆମ୍ ଆପାନ୍‌କେ ଜେଡ୍‌ନାଃ ଆଲମ୍ ନକ୍‌ସାନେନ୍ ତିଆଃତି ଆଲେ ସବେନ୍‌କ ନେତାଃରେ ମେନାଲେୟା ।”

୨୯ ଜେହେଲ୍ ହରନିଃ ଦିମି ଆଉ ନାଗେନ୍ତେ କାଜିକେଦ୍‌କଆ ଆତଃ ଭିତାର୍‌ତେ ନିର୍‌ବଲ୍‌ୟାନା ଏନ୍ତେ ବରତେ ଏକ୍‌ଲାଅଃତାନ୍‌ଲଃ ପାଉଲୁସ୍ ଆତଃ ସିଲାସ୍‌ଆଃ କାଟା ଲାତାର୍‌ରେ ଉୟୁଃୟାନା । ୩୦ ଏନ୍ତେ ଇନ୍‌କିନ୍‌କେ ବାହାରିତେ ଅତଙ୍‌କେଦ୍‌ତେ କୁଲିକେଦ୍‌କିନା, “ମାଇନାନ୍‌କିନ୍, ଜୀଉବାଞ୍ଚାଅ ନାମେ ନାଗେନ୍ତେ ଆଇଙ୍‌କେ ତିନାଃ ରିକା ଲାଗାତିଙ୍‌ୟାଃ ?”

୩୧ ଇନ୍‌କିନ୍ କାଜିକିୟାକିନ୍, “ପ୍ରାଭୁ ଯୀଶୁରେ ବିଶ୍ୱାସେରେଦ୍, ଆମ୍ ଆତଃ ଆମାଃ ଅଡ଼ାଃରେନ୍ ଜୀଉବାଞ୍ଚାଅପେ ନାମେୟା ।” ୩୨ ଏନ୍ତେ ଇନ୍‌କିନ୍ ଇନିଃକେ ଆତଃ ଆୟାଃ ଅଡ଼ାଃରେନ୍ ସବେନ୍ ହଡକ୍‌କେ ପ୍ରାଭୁଆଃ ବାଚାନ୍ ଉଦୁବ୍‌କେଦ୍‌କଆକିନ୍ । ୩୩ ନିଦାରେୟାଃ ଏନ୍ ଦିପିଲିରେଗି ଜେହେଲ୍ ହରନିଃ ଇନ୍‌କିନ୍‌କେ ଇଦିକେଦ୍‌ତେ, ଆକିନାଃ ଘାଅକ ଚାପି ଆବୁଙ୍‌କେଦାଏ, ଆତଃ ଇନିୟାଃ ଅଡ଼ାଃରେନ୍ ସବେନ୍ ହଡକ୍ ଇମ୍‌ତାଗି ବାପ୍ତିସ୍ମାୟାନାକ

। ୩୪ ଏନ୍ତେ ଇନିଃ ପାଉଲୁସ୍ ଆଡ଼ଃ ସିଲାସ୍‌କେ ଆୟାଃ ଅଡ଼ାଃତେ ଇଦିକେଦ୍‌ତେ ଜମେ ନାଗେନ୍ତେ ଏମାଦ୍‌କିନା । ପାର୍‌ମେଶ୍‌ବରତାଃରେ ବିଶ୍ୱାସ୍‌କେଦ୍ ହରାତେ ଇନିଃ ଆଡ଼ଃ ଆୟାଃ ଅଡ଼ାଃରେନ୍ ସବେନ୍ ହଡ଼କ ରାସ୍‌କାତେ ପେରେଃୟାନାକ ।

୩୫ ଏଟାଃ ହୁଲାଇ ଆଇୟାନ୍‌ତି ରୋମିରେନ୍ ହାକିମ୍‌କ ସିପାଇକତାଃରେ, “ଏନ୍ ହଡ଼କିନ୍‌କେ ଆଡ଼ାଃତାକିନ୍‌ପେ” ମେନ୍ତେକ କାଜିକୁଲ୍‌କେଦା ।

୩୬ ଏନ୍ତେ ଜେହେଲ୍ ହରନିଃ ପାଉଲୁସ୍‌କେ କାଜିକିୟା, “ହାକିମ୍‌କ ଆମ୍‌କେ ଆଡ଼ଃ ସିଲାସ୍‌କେ ଜେହେଲ୍‌ହେତେ ରାଡ଼ାଃଅକାକିନ୍ ମେନ୍ତେ ହୁକୁମ୍ ଏମାକାନା । ନାହାଁଃ ଆବେନ୍ ଜୀଉସୁକୁତେ ସେନ୍ ଦାଡ଼ିୟାଃବେନ୍ ।”

୩୭ ମେନ୍‌ଦ ପାଉଲୁସ୍ ସିପାଇକକେ କାଜିୟାଦ୍‌କଆ, “ଜେତାନ୍ ଗୁହ୍ନାଁ କାଲିଙ୍ଗ୍ କାମିକାଦ୍‌ରେୟ ଇନ୍‌କୁ ଆଲିଙ୍ଗ୍‌କେ ଦାଲ୍‌କାଦ୍‌ଲିୟାକ । ଆଲିଙ୍ଗ୍ ରୋମିରେନ୍ ହଡ଼କିନ୍ ତାନ୍‌ଲିଙ୍ଗ୍, ମେନ୍‌ଦ ଇନ୍‌କୁ ଆଲିଙ୍ଗ୍‌କେ ଜେହେଲ୍‌କେଦ୍‌ଲିୟାକ । ନାହାଁଃ ଇନ୍‌କୁ ଜେତାଏ ଆଲକାକ ସାରିଲେକା ଆଲିଙ୍ଗ୍‌କେ କୁଲ୍‌ନାଙ୍ଗ୍ ସାନାଙ୍ଗ୍‌ତାନାକ । ଆଲିଙ୍ଗ୍ ନେ'ଲେକା ହବାଅଃକା ମେନ୍ତେ କାଲିଙ୍ଗ୍ ସାନାଙ୍ଗ୍‌ତାନା । ରୋମିରେନ୍ ହାକିମ୍‌କ ଆକଗି ନେତାଃତେ ହିଜୁଃକେଦ୍‌ତେ ଆଲିଙ୍ଗ୍‌କେ ଜେହେଲ୍‌ହେତେ ରାଡ଼ାଲିଙ୍ଗ୍‌କାକ ।”

୩୮ ସିପାଇକ ନେ କାଜି ରୋମିରେନ୍ ହାକିମ୍‌କେ ଉଦୁବାଦ୍‌କଆକ । ପାଉଲୁସ୍ ଆଡ଼ଃ ସିଲାସ୍ ରୋମିରେନ୍ ତାନ୍‌କିନ୍ ମେନ୍ତେ ଆୟୁମ୍‌କେଦ୍‌ତେ ଇନ୍‌କୁ ବରକେଦାକ । ୩୯ ଏନ୍ତେ ଇନ୍‌କୁ ସେନ୍‌କେଦ୍‌ତେ ଇନ୍‌କିନ୍‌ତାଃରେ ଜହାର୍ ବିନ୍ତିକେଦ୍‌ତେ ଇନ୍‌କିନ୍‌କେ ଜେହେଲ୍‌ହେତେ ରାଡ଼ାକେଦ୍‌କିନାକ ଆଡ଼ଃ ନାଗାର୍ ବାଗିକେଦ୍‌ତେ ସେନଃବେନ୍ ମେନ୍ତେକ କାଜିକେଦ୍‌କିନା । ୪୦ ପାଉଲୁସ୍ ଆଡ଼ଃ ସିଲାସ୍ ଜେହେଲ୍ ବାଗିକେଦ୍‌ତେ ଲୁଦିୟାରାଃ ଅଡ଼ାଃତେ ସେନଃୟାନାକିନ୍ । ଏନ୍ତାଃରେ ଇନ୍‌କିନ୍ ବିଶ୍ୱାସୀକଲଃ ନେପେଲ୍‌ୟାନାକିନ୍ ଆଡ଼ଃ ଇନ୍‌କୁକେ ଜୀଉରେ ରାସ୍‌କାରେୟାଃ କାଜି ଏମ୍‌କେଦ୍‌ତେ ସେନଃୟାନାକିନ୍ ।

୧୭

ଥେସ୍‌ଲନିକାରେ ସେଞ୍ଜାକାମି

^୧ ପାଉଲୁସ୍ ଆଡ଼ଃ ସିଲାସ୍ ଆମ୍ବିପଲି ଆଡ଼ଃ ଆପଲୋନିଆ ସାହାର୍ ହରାଡେ ହରାସେନ୍‌ତାନଲଃ ଥେସ୍‌ଲନିକା ନାଗାର୍‌ଡେକିନ୍ ସେଟେର୍‌ୟାନା । ଏନ୍ତାଃରେ ଯିହୁଦୀକଆଃ ମିଆଁଦ୍ ସାମାଜ୍ ଅଡ଼ଃ ତାଇକେନା । ^୨ ପାଉଲୁସ୍ ଆୟାଃ ରିଡିରିଞ୍ଜାଜ୍ ଲେକାଡେ ସାମାଜ୍ ଅଡ଼ଃଡେ ସେନଃୟାନା । ଏନ୍ତାଃରେ ଇନିଃ ଆପି ହାପ୍ତା ରୁଡନ୍ ହୁଲାଇଜ୍ ଜାକେଦ୍ ସାମାଜ୍ ଅଡ଼ଃ ସେନ୍‌କେଦ୍‌ଡେ ହଡକକେ ଧାରାମ୍‌ପୁଅରେୟାଃ କାଜି ଜାଗାର୍‌କେଦକଆ, ^୩ ଆଡ଼ଃ ଧାରାମ୍‌ପୁଅରେ ଅଲ୍‌କାନଡେୟାଃ ଉଦୁବେତାନଲଃ ସାରୁଦ୍ ଏମ୍‌କେଦାଏ ଯେ, ମାସିଆଃ ଦୁକୁ ଆଡ଼ଃ ଗନଏଃହେଡେ ଜୀଉ ବିନିରିଦ୍ ହବାଅଃ ଲାଗାତିଜ୍ ତାଇକେନା । ପାଉଲୁସ୍ କାଜିକେଦାଏ, “ଆଇଜ୍ ଅକ ଯୀଶୁଆଃ ବିଷାଏରେ ଉଦୁବକାଦାଇଜ୍, ଇନିଃ ଏନ୍ ମାସିଗି ତାନିଃ ।” ^୪ ଇନ୍‌କୁଏଡେ ଚିମିନ୍ ହଡକ ପାଉଲୁସ୍ କାଜିରେ ସାଲ୍‌ହାୟାନାକ ଏନ୍ତେ ପାଉଲୁସ୍ ଆଡ଼ଃ ସିଲାସ୍‌ଲଃ ମେସାୟାନାକ, ଏନ୍‌ଲେକାଗି ପୁରାଃ ଆଗୁଆଇ କୁଡ଼ିକ ଆଡ଼ଃ ପାର୍‌ମେଶ୍‌ବାରକେ ବରଭାଲ୍‌ତିତାନ୍ ଗ୍ରାକ୍ ହଡକଆଃ ମିଆଁଦ୍ ମାରାଜ୍ ଝୁଣ୍ଡ ଇନ୍‌କିନ୍‌ଲଃ ମେସାୟାନାକ ।

^୫ ମେନ୍‌ଦ ଯିହୁଦୀ ହଡକ ହିସ୍‌ଜାୟାନାକ ଆଡ଼ଃ ଚିମିନ୍ ଝାନ୍ ଏଡକାନ୍ ହଡକକେ ହୁଣ୍ଡିକେଦ୍‌ଡେ ପୁରା ସାହାର୍‌ରେ ହାଲାଗୁଲାଇକେଦାକ । ଇନ୍‌କୁ ପାଉଲୁସ୍ ଆଡ଼ଃ ସିଲାସ୍‌କେ ଦାଣ୍ଡାକେଦ୍‌ଡେ ହଡକତାଃଡେ ଆଉକିନ୍ ନାଗେନ୍ତେ ଜେସନ୍ ନୁଡୁମ୍ ମିଆଁଦ୍ ହଡ଼ରାଃ ଅଡ଼ଃଡେକ ନିରକେଦା । ଚିଆଃତି ଇନିଃଗି ପାଉଲୁସ୍ ଆଡ଼ଃ ସିଲାସ୍‌କେ ଆୟାଃ ଅଡ଼ଃରେ ତାଇନଃ ନାଗେନ୍ତେ କେଡାକାଦକିନ୍ ତାଇକେନା । ^୬ ମେନ୍‌ଦ ଇନ୍‌କୁ ଏନ୍ତାଃରେ ପାଉଲୁସ୍ ଆଡ଼ଃ ସିଲାସ୍‌କେ କା ନାମ୍‌କେଦ୍ ହରାଡେ, ଜେସନ୍ ଆଡ଼ଃ ଏଗାଃ ଚିମିନ୍ ବିଶ୍ୱାସୀ ହାଗାକକେ ନାଗାର୍‌ରେନ୍ ହାକିମ୍‌କତାଃଡେ ଆଇଜ୍ ଇଦିକେଦ୍‌ଡେ କାଉରିତାନ୍‌ଲଃ କାଜିକେଦାକ, “ନେ ହଡକ ଅଡେଦିଶ୍‌ମ୍‌ରେୟାଃ ଚାରିୟସାଃରେ ହାଲାଗୁଲାଏ ତାନାକ, ନାହ୍‌ଆଃ ଇନ୍‌କୁ ଆଗୁଆଃ ନାଗାର୍‌ଡେକ ହିଜୁଃକାନା, ^୭ ଆଡ଼ଃ ଇନ୍‌କିନ୍‌କେ

ଜେସନ୍ ଆୟାଃ ଅଡ଼ାଃରେ ଦହକାଦକିନା । ଯିଶୁ ନୁତୁମ୍ରେ ଆଡ଼ଃମିଆଁଦ୍ ରାଜା ମେନାଇୟା ମେନ୍ତେ କାଜିତାନଲ୍ଲଃ ଇନ୍କିନ୍ କାଇସାର୍ଆଃ ଆନ୍ତୁ ଟଟାଃଏ ତାନାକିନ୍ ।” ୮ ଇନ୍କୁଆଃ ନେ କାଜିକ ଆୟୁମ୍କେଦ୍ତେ ଗାଦେଲ୍ ହଡ଼କ ଆଡ଼ଃ ହାକିମ୍କ ପୁରାଃଗି ହାଲାଗୁଲାଇକେଦାକ । ୯ ହାକିମ୍କ ଜେସନ୍ ଆଡ଼ଃ ବିଶ୍ୱାସୀକଡ଼ାଃଏଡେ ଜାମାନାଡ଼ ଇଦିକେଦ୍ତେ ଇନ୍କିନ୍କେ ଆଡ଼ାଃକେଦକିନାକ ।

ବେରିଆ ସାହାରରେ ସେଞ୍ଜାକାମି

୧୦ ନୁବାଃୟାନ୍ତି ବିଶ୍ୱାସୀ ହାଗାକ ପାଉଲୁସ୍ ଆଡ଼ଃ ସିଲାଇକେ ବେରିଆଡେକ କୁଲ୍କେଦକିନା । ଇନ୍କିନ୍ ଏନ୍ତାଃଡେ ସେଟେରକେଦ୍ତେ ଯିହୁଦୀକଆଃ ସାମାଜ୍ ଅଡ଼ାଃଡେକିନ୍ ସେନଃୟାନା । ୧୧ ଥେସଲନିକାରେନ୍ ହଡ଼କଡ଼ାଃଏଡେ ବେରିଆରେନ୍ ହଡ଼କ ପୁରାଃଗି ନାଞ୍ଜା ଉଡ଼ଃଆଡ଼ଃ ଇନ୍ତିକେ ଆୟୁମ୍ ନାଞ୍ଜା ଇଛାସାନାଞ୍ଜାନ୍ ହଡ଼କ ତାଇକେନା । ଇନ୍କୁ ଯିଶୁଆଃ କାଜି ଆୟୁମ୍ ନାଗେନ୍ତେ ପୁରାଃ ସାନାଞ୍ଜାକେଦାକ ଆଡ଼ଃ ପାଉଲୁସ୍ ଉଦୁବ୍ ତାଇକେନ୍ତେୟାଃରାଃ ସାନାର୍ତି ସାରି ନାଗେନ୍ତେ ସବେନ୍ ହୁଲାଇ ଧାରାମ୍ପୁଥ୍ ପାଢ଼ାଅ ତାଇକେନାକ । ୧୨ ଇନ୍କୁଏଡେ ପୁରାଃ ହଡ଼କ ବିଶ୍ୱାସକେଦା । ଆଡ଼ଃ ସାମାଜକରେ ନୁତୁମଃତାନ୍ ମାପରାଞ୍ ପୁରାଃ ଗ୍ରୀକ୍ କୁଡ଼ିକ ଆଡ଼ଃ କଡ଼ାକ ବିଶ୍ୱାସୀକଲ୍ଲଃ ମେସାୟାନାକ । ୧୩ ମେନ୍ଦ ପାଉଲୁସ୍ ବେରିଆରେହ ପାର୍ମେଶ୍ୱାର୍ଆଃ ବାଚାନ୍ ଉଦୁବେତାନାଏ ମେନ୍ତେ ଥେସଲନିକାରେନ୍ ଯିହୁଦୀ ହଡ଼କ ଆୟୁମ୍କେଦା, ଇମତା ଇନ୍କୁ ବେରିଆଡେ ହିଜୁଃକେଦ୍ତେ ହାଲାଗୁଲାଇଏ ନାଗେନ୍ତେ ହଡ଼କକେ ଉସ୍କୁରକେଦକିଆକ । ୧୪ ଇମତାଗି ବିଶ୍ୱାସୀ ହାଗାକ ପାଉଲୁସ୍କେ ଦରେୟା ଗେନାଡେକ କୁଲ୍କିୟା, ମେନ୍ଦ ସିଲାଇ ଆଡ଼ଃ ତୀମଥ୍ ନେ ବାରାନ୍କିନ୍ ବେରିଆରେ ତାଇନ୍ୟାନାକିନ୍ । ୧୫ ପାଉଲୁସ୍କେ ଡେବାଡୁକାଇତାନ୍ ହଡ଼କ ଆୟାଃଲ୍ଲଃ ଏଥେନ୍ସ୍ ଜାକେଦକ ସେନଃୟାନା । ଏନ୍ତାଃଏଡେ ଇନ୍କୁ ବେରିଆଡେ ହିଜୁଃ ରୁହାଡ଼କେଦ୍ତେ ସିଲାଇ ଆଡ଼ଃ ତୀମଥ୍କେ କାଜିକେଦକିନାକ, “ଆବେନ୍ ଜାଲ୍ଦିଗି ସେନ୍କେଦ୍ତେ ପାଉଲୁସ୍ଲଃ ମେସାଅଃବେନ୍” ମେନ୍ତେ ପାଉଲୁସ୍ କାଜିକାଦାଏ । ନେ ଆନାଡୁ ନାମ୍କେଦ୍ତି ଇନ୍କିନ୍ ସେନଃୟାନାକିନ୍ ।

ଏଥେନ୍ସରେ ପାଉଲୁସ୍‌ଆଃ କାମି

୧୭ ପାଉଲୁସ୍ ଏଥେନ୍ସରେ ସିଲ୍ଲାସ୍ ଆଡ଼ଃ ତୀମଥ୍‌ଆଃ ନେଲ୍‌ହରାତାନ୍ ତାଇକେନ୍ ଇମ୍‌ତା, ଏନ୍ ନାଗାର୍ ମୁରୁଡ଼ ସେଞ୍ଜାରେ ପେରେଜାକାନ୍ ନେଲ୍‌କେଦ୍‌ତେ ପୁରାଃଗି ମନ୍‌ଦୁକୁୟାନ୍ । ୧୭ ଏନାତେ ଇନିଃ ସାମାଜ୍ ଅଡ଼ାଃରେ ଯିହୁଦୀ ହଡ଼କଲଃ, ପାର୍‌ମେଶ୍‌ବରକେ ବରଭାକ୍ତିତାନ୍ ସାଅଁସାର୍ ହଡ଼କଲଃ, ଆଡ଼ଃ ସାହାରରେୟାଃ ଥାଲା ହରାକରେ ହିଜୁଃ ସେନଃତାନ୍ ହଡ଼କଲଃ ଏନ୍ ବିଷାଏରେ ଜାଗାରକେଦା । ୧୮ ଏନ୍ତେ ଚିମିନ୍ ଇପିକ୍‌ରୁୟାନ୍ ଆଡ଼ଃ ସ୍ତୋୟିକ୍ ଇତୁ ହଡ଼କଲଃ ପାଉଲୁସ୍‌ଆଃ କାପ୍‌ଜି ହବାୟାନ୍ । ଇନ୍‌କୁଏତେ ଚିମିନ୍ ହଡ଼କ କାଜିକେଦା, “ନିଃ ମିଆଁଦ୍ ବେଗାର୍ ଚିହ୍ନୀର୍ ହଡ଼, ଚିନାଃକ କାଜି ନାଜ୍ ସାନାଜ୍‌ତାନାଏ ?” ଏଟାଃକ କାଜିକେଦା, “ଏଟାଃ କା ସାରିକାନ୍ ବଜାକଥାଃ ବିଷାଏରେ ଇନିଃ ଉଦୁବ୍‌ତାନ୍ ଲେକାଏ ଆଟ୍‌କାରଃତାନା ।” ଇନ୍‌କୁ ନେ'ଲେକା କାଜିକେଦାକ ଚିଆଃଚି ଇନିଃ ଯୀଶୁ ଆଡ଼ଃ ଆୟାଃ ଜୀଉବିନିରିଦ୍ ବିଷାଏରେୟାଃ ସୁକୁକାଜିକେ ଉଦୁବ୍‌ତାଇକେନା । ୧୯ ଏନାମେନ୍ତେ ଇନ୍‌କୁ ପାଉଲୁସ୍‌କେ ସାବ୍‌ଇଦିକିୟାକ ଆଡ଼ଃ ଏରିୟପାଗସ୍ ନୁଡୁମ୍ ନାଗାର୍‌ରେୟାଃ ପାଞ୍ଚେଟ୍‌ତେ ଆଉକେଦ୍‌ତେ କାଜିକିୟା, “ଆବେନ୍ ଅକ ନାଞ୍ଜା ଇନିତୁ ବିଷାଏରେ କାଜିତାନାବେନ୍, ଏନ୍ ବିଷାଏରେ ଆଲେ ସାରି ନାଗେନ୍ତେଲେ ସାନାଜ୍‌ତାନା । ୨୦ ଆବେନ୍ କାଜିତାନ୍ ଚିମିନ୍ କାଜିକ ଆଲେକେ ଆକ୍‌ଚାକାଅଲେ ତାନା । ଆଲେ ଏନାରେୟାଃ ମୁଣ୍ଡି ସାରି ନାଗେନ୍ତେଲେ ସାନାଜ୍‌ତାନା ।” ୨୧ ଏଥେନ୍ସରେନ୍ ହଡ଼କ ଆଡ଼ଃ ଏନ୍ତାଃରେ ତାଇନ୍‌ତାନ୍ ଏଟାଃ ଦିଶୁମ୍‌ରେନ୍ ହଡ଼କ ନାଞ୍ଜା ବିଷାଏ ଆୟୁମ୍ ନାଗେନ୍ତେ ଆଡ଼ଃ କାଜି ନାଗେନ୍ତେ ପୁରାଃ ବୁଗିନ୍ ଆଟ୍‌କାର୍‌କ ତାଇକେନା । ନେଆଁରେ ଇନ୍‌କୁ ପୁରାଃ ନେଡା ବିତାଅ ତାଇକେନାକ ।

୨୨ ପାଉଲୁସ୍ ନାଗାର୍‌ରେୟାଃ ଏରିୟପାଗସ୍ ନୁଡୁମ୍ ପାଞ୍ଚେଟ୍ ଆୟାରରେ ଡିଜୁୟାନ୍ ଆଡ଼ଃ କାଜିକେଦାଏ, “ଏଥେନ୍ସରେନ୍ ମାଇନାନ୍‌କ, ଆପେ ପୁରାଃଗି ଧାର୍‌ମାନ୍ ହଡ଼କ ଲେକାପେ ଆଟ୍‌କାରଃତାନା, ଏନାଇଜ୍ ନେଲ୍‌ପେ ତାନା । ୨୩ ଚିୟାଃଚି ଆଇଜ୍ ଆପେୟାଃ ନାଗାର୍‌ରେ ହରାସେନ୍ ତାଇକେନ୍ ଇମ୍‌ତା, ମିଆଁଦ୍ ଦାଣ୍ଟି ରାକାବ୍ ଠାୟାଦ୍ ନେଲ୍‌କେଦାଈଜ୍, ଏନାରେୟାଃ

ବେଦି ଚେତାନ୍ରେ ‘ମିଆଁଦ୍ କା ସାରି ପାର୍ମେଶ୍ୱାର୍ଆଃ ବିଷାଏରେ’ ଅଲ୍ଲାନନ୍ ତାଇକେନା । ଆପେ ବେଗାର୍ ସାରିକେଦ୍ତେ ଅକ୍ନିଃକେ ସେଞ୍ଜାତାନାପେ, ନାହାଁଃ ଆୟାଃ କାଜି ଆପେତାଃରେଇଙ୍ଗ୍ ଉଦୁବ୍ତାନା । ୨୪ ☆ପାର୍ମେଶ୍ୱାର୍ ଅତେଦିଶ୍ୱମ୍ ଆତଃ ଏନାରେ ତାଇକାନ୍ ସବେନ୍ ବିଷାଏ ବାଇକେଦାଏ । ଇନିଃ ସିର୍ମା ଆତଃ ଅତେରେନ୍ ପ୍ରାଭୁ ତାନିଃ । ହଡକ ବାଇକାଦ୍ ମାନ୍ଦିରଅତାଃକରେ ଇନିଃ କାଏ ତାଇନାଃ । ୨୫ ଆବୁ ଆୟାଃ ନାଗେନ୍ତେ କାମିକେଦ୍ତେ ଆଇଃକକେ ଏମ୍ ଦାଡ଼ିୟାରୁ ଏନ୍ଲେକା ଜେଡନାଃ କାଏ ସାନାଙ୍ଗ୍ଆଃ, ଚିୟାଃତି ଇନିଃ ସବେନ୍କକେ ଜୀଦାନ୍, ସାହେଦ୍ ଆତଃ ଆବୁଆଃ ସବେନ୍ ଲାଗାତିଙ୍ଗ୍ତେୟାଃ ଏମାଃଏ । ୨୬ ମିଆଁଦ୍ ମାନଞ୍ଜାତାଃଏତେ ଇନିଃ ସବେନ୍ ହଡକକେ ବାଇୟାକାଦ୍କଥା ଆତଃ ଆୟାଃ ଆନାବୁ ଲେକାତେ ଇନ୍କୁ ଅତେରେୟାଃ ସବେନ୍ତାଃରେ ମେନାକଥା । ଅକ ନେତାରେ, ଅକଏ ଅକ ଠାୟାଦ୍ରେ ତାଇନା, ଏନା ମୁନ୍ନୁଏତେ ପାର୍ମେଶ୍ୱାର୍ ଠାହାରାଅକାଦାଏ । ୨୭ ସବେନ୍ ହଡକ ଜେଲେକା ଆଇଃକକେ ଦାଶ୍ନାମ୍ ଦାଡ଼ିୟାଃକ, ଏନା ଆୟାଃ ଉଦେଶ୍ ତାଇକେନା । ଏନ୍ରେୟ୍ ପାର୍ମେଶ୍ୱାର୍ ଆବୁତାଃଏତେ ଜେତାଏୟାଃ ସାଜିନ୍ରେ ବାଙ୍ଗାଇୟା । ୨୮ ଏନ୍ ବିଷାଏରେ ଜେତାଏ ମିହୁଡ୍ କାଜିକାଦାଏ,

“ଆୟାଃତାଃରେଗି ଆବୁଆଃ ଜୀଦାନ୍ରେୟାଃ ଜୀହୁଦଃ, ଆସୁଲଃ, ଆତଃ କାମି ଉଦାମ୍ ମେନାଃ ।”

ଆପେୟାଃ ଦୁରାଙ୍ଗ୍ ଅନଲକଏତେ ଚିମିନ୍ ହଡକ କାଜିକାଦା,

“ଆବୁ ଆୟାଃ ହନ୍କ ତାନ୍ବୁ ।

୨୯ ଆବୁ ପାର୍ମେଶ୍ୱାର୍ଆଃ ହନ୍କ ହବାକାନ୍ ହରାତେ, ଆବୁ ପାର୍ମେଶ୍ୱାର୍ଆଃ ଲେକାନ୍ ସଭାବ୍କେ ସୋନା, ରୁପା ଚାଏ ଦିରିତେ ବାଇୟାକାନ୍ ମୁରୁଡଲଃ କାବୁ ଜକା ଦାଡ଼ିୟା । ୩୦ ହଡକ ପାର୍ମେଶ୍ୱାର୍କେ କାକ ସାରିକାଇ ନେତାରେ ଇନିଃ କାଏ ଚିଟାକାକ ତାଇକେନା, ମେନ୍ଦ ନାହାଁଃ ଇନିଃ ସବେନ୍ ହଡକକେ ଆକଥାଃ ପାପ୍ ହରାଏତେ ମନ୍ରୁହାଡ୍ ନାଗେନ୍ତେ ଆବୁକତାନା । ୩୧ ଚିୟାଃତି ଇନିଃ ମୁସିଙ୍ଗ୍ ହୁଲାଙ୍ଗ୍କେ ଠାହାରାଅକାଦା । ଏନ୍ ହୁଲାଙ୍ଗ୍ରେ ଇନିଃ ଆୟାଃ ସାଲାନାନ୍ ହଡକଥାଃ ହରାତେ ଗଟା ଅତେଦିଶ୍ୱମ୍ରେନ୍

ହତକଳେ ନ୍ୟାୟ ବିଚାରକଥା । ଏନ୍ ହତକଳେ ଗନଏଃହେତେ ଜୀଉବିନିଦ୍‌କାଇ ହରାତେ ଇନିଃ ନେ କାଜିରେୟାଃ ସାନାର୍‌ତିକେ ସବେନକକେ ଉଦୁବ୍‌କାଦକଥା ।”

୩୨ ପାଉଲୁସ୍‌ତାଃଏତେ ଗନଏଃହେତେ ଜୀଉବିନିଦ୍‌ ବିଷାଏରେ ଆୟୁମକେଦ୍‌ତେ ଇନ୍‌କୁଏତେ ଚିମିନ୍‌ ହତକ ଇନିଃକେକ ଲାନ୍‌କିୟା, ମେନ୍‌ଦ ଏଟାଃକ କାଜିକେଦାକ, “ଆବେନ୍‌ତାଃଏତେ ନେ ବିଷାଏରେ ଆଡଃମିସା ଆୟୁମ୍‌ ନାଗେନ୍ତେଲେ ସାନାଙ୍‌ତାନା ।”

୩୩ ନେଆଁ କାଜିକେଦ୍‌ତେ ପାଉଲୁସ୍‌ ପାଞ୍ଚେଟ୍‌ଏତେ ସେନଃୟାନାଏ । ୩୪ ଦିୟନ୍‌ସିୟ ନୁତୁମ୍‌ ପାଞ୍ଚେଟ୍‌ରେନ୍‌ ମିଆଁଦ୍‌ ହତ୍‌, ଦାମାରୀ ନୁତୁମ୍‌ ମିଆଁଦ୍‌ କୁଡ଼ି ଆଡଃ ଚିମିନ୍‌ ହତକ ବିଶ୍ୱାସକେଦାକ ଆଡଃ ଆୟାଃଲଃ ମେସାୟାନାକ ।

୧୮

କରିଛି ନାଗାରରେ ପାଉଲୁସ୍‌ଆଃ କାମି

୧ ନେଆଁ ତାୟମ୍‌ତେ ପାଉଲୁସ୍‌ ଏଥେନ୍‌ସ୍‌ ନାଗାର୍‌ ବାଗିକେଦ୍‌ତେ କରିଛି ନାଗାର୍‌ତେ ସେନଃୟାନା । ୨ ଏନ୍ତାଃରେ ଇନିଃ ପନ୍ତସ୍‌ ପାର୍‌ଗାନରେ ଜାନାମାକାନ୍‌ ଆକ୍‌ଲା ନୁତୁମ୍‌ ମିଆଁଦ୍‌ ଯିହୁଦୀ ହତକେ ନାମକିୟା । ରୋମିରେନ୍‌ ହାକିମ୍‌ କ୍ଲାଉଦିଆ ସବେନ୍‌ ଯିହୁଦୀକକେ ରୋମ୍‌ ନାଗାର୍‌ ବାଗି ନାଗେନ୍ତେ ଆରୁକାଦକ ତାଇକେନ୍‌ ହରାତେ ଇନିଃ ଚିମିନ୍‌ ମାହାଁ ତାୟମ୍‌ତେ ଆୟାଃ କୁଡ଼ି ପ୍ରିସ୍‌କିଲାଲଃ ଇଟାଲି ନାଗାର୍‌ହେତେ ହିଜୁଆକାନ୍‌ ତାଇକେନା । ପାଉଲୁସ୍‌ ଇନ୍‌କୁକେ ନେନେଲ୍‌ ନାଗେନ୍ତେ ସେନଃୟାନା, ୩ ଆଡଃ ଇନ୍‌କୁଲଃ ତାଇକେଦ୍‌ତେ ଏନ୍ତାଃରେ କାମିକେଦା, ଚିଆଃଚି ଇନିଃହଗି ଇନ୍‌କୁ ଲେକା କୁମ୍‌ ବାବାଇରେ କାମିକେଦ୍‌ତେ ଜୀହୁଦଃ ତାଇକେନା । ୪ ଯିହୁଦୀ ଆଡଃ ଗ୍ରୀକ୍‌ ହତକଥାଃ ମନ୍‌ରେ ବିଶ୍ୱାସ୍‌ ହବାଅଃ ନାଗେନ୍ତେ ସବେନ୍‌ ରୁଡ଼ନ୍‌ ହୁଲାଙ୍‌ରେ ଇନିଃ ସାମାଜ୍‌ ଅଡଃକରେ ଜାଗାର୍‌ତାନ୍‌ ତାଇକେନା ।

୫ ସିଲାସ୍‌ ଆଡଃ ତୀମଥ୍‌ ମାକିଦନିଆଏତେକିନ୍‌ ରୁହାଡ଼୍‌ୟାନ୍‌ ତାୟମ୍‌ତେ ପାଉଲୁସ୍‌ ଯିହୁଦୀ ହତକତାଃରେ ଯୀଶୁଆଃ ସୁକୁକାଜି ଉଦୁବ୍‌ରେ ପୁରା ସାମାଏ ଏମକେଦାଏ, ଆଡଃ ଯୀଶୁଗି ମାସି ତାନିଃ ମେନ୍ତେ ଗାଞ୍ଜା ଏମକେଦା । ୬ ମେନ୍‌ଦ ଇନ୍‌କୁ ଆୟାଃ କାଜିକଚଙ୍‌

ରିକାକେଦ୍‌ତେ ଆୟାଃ ବିଷାଏରେ ନିନ୍ଦାକାଜିକ କାଜିକେଦା । ଏନାତେ ଇନିଃ ଆୟାଃ ଲିଜାଃରେୟାଃ ଧୁଡ଼ି କଟାକେଦ୍‌ତେ ଇନ୍‌କୁକେ କାଜିକେଦ୍‌କଆ, “ଆପେ ଜିୟନଃରେଦ ଏନାରେୟାଃ ଦାୟା ଆପେୟାଃଗି ତାନାଃ, ଆଇୟାଃ ନାହାଁଲାଃ । ନାହାଁଃ ଆଇଜ୍‌ସାଅଁସାର୍ ହଡ଼କତାଃତେଇଜ୍‌ସେନଃଆ ।”^୭ ଏନାତେ ଇନିଃ ଇନ୍‌କୁକେ ବାଗିକେଦ୍‌ତେ ପାର୍‌ମେଶ୍ଵାର୍‌କେ ବରଭାକ୍ତିତାନ୍ ତିତସ୍ ଜୁସ୍ତସ୍ ନୁତୁମ୍ ନିଆଁଦ୍ ସାଅଁସାର୍ ହଡ଼ଆଃ ଅଡ଼ାଃରେ ତାଇନଃ ନାଗେନ୍ତେ ସେନଃୟାନା । ଜୁସ୍ତସ୍‌ଆଃ ଅଡ଼ାଃ ସାମାଜ୍ ଅଡ଼ାଃ ନାଡ଼େଃରେ ତାଇକେନା ।^୮ ସାମାଜ୍‌ଅଡ଼ାଃରେନ୍ ଆଗୁଆଇ କ୍ରୀଷ୍ଟସ୍ ଆତଃ ଆୟାଃ ଅଡ଼ାଃରେନ୍ ସବେନ୍ ହଡ଼କ ପ୍ରାଭୁତାଃରେ ବିଶ୍ଵାସକେଦାକ ଆତଃ କରିନ୍ତ୍ରିରେନ୍ ଆତଃଗି ପୁରାଃ ହଡ଼କ ପାଉଲୁସ୍‌ଆଃ ଇନ୍‌ତୁ ଆୟାଃକେଦ୍‌ତେ ବିଶ୍ଵାସକେଦାକ ଆତଃ ବାପ୍ତିସ୍ମା ଇଦିକେଦାକ ।

^୯ ନିଆଁଦ୍ ନିଦାରେ ପାଉଲୁସ୍ ଦାର୍‌ଶାନ୍ ନାମ୍‌କେଦାଏ, ଦାର୍‌ଶାନ୍‌ରେ ପ୍ରାଭୁ ଇନିଃକେ କାଜିକିୟା, “ଆଲମ୍ ବରଏୟା, ବାଚାନ୍ ଉଦ୍‌ବକାତେମ୍, ଏନାକେ ଆଲମ୍ ବାଗିୟା,^{୧୦} ତିଆଃତି ଆଇଜ୍‌ ଆମାଃଲଃ ମେନାଇୟାଃ । ଜେତାଏ ଆମାଃ କାକ ନକ୍‌ସାନ୍ ଦାଡ଼ିୟା, ତିଆଃତି ନେ ନାଗାର୍‌ରେ ଆଇୟାଃ ପୁରାଃ ହଡ଼କ ମେନାକଆ ।”^{୧୧} ଏନାତେ ପାଉଲୁସ୍ ଏନ୍ତାଃରେ ପାର୍‌ମେଶ୍ଵାର୍‌ଆଃ ବାଚାନ୍ ଇତୁକେଦ୍‌ତେ ମିଦ୍ ବାରାଷ୍ ତୁରିୟା ମାହାଁନା ତାଇନ୍‌ୟାନାଏ ।

^{୧୨} ଗାଲିୟୋ ଆଖାୟା ପାର୍‌ଗାନ୍‌ରେନ୍ ରୋମାନ୍ ଲାଟ୍‌ସାହେବ୍ ତାଇକେନ୍ ଇମ୍‌ତା, ଯିହୁଦୀକ ମିଦ୍‌ତାଃରେ ହୁଣ୍ଡିକେଦ୍‌ତେ ପାଉଲୁସ୍‌କେ ସାବ୍‌କେଦ୍‌ତେ କାଚାଈରିଡେକ ଇଦିକିୟା ।^{୧୩} ଇନ୍‌କୁ କାଜିକେଦାକ, “ନେ ହଡ଼ ଆନ୍‌ତୁ ବିରୁଧ୍‌ରେ ପାର୍‌ମେଶ୍ଵାର୍‌କେ ବରଭାକ୍ତି ନାଜ୍ ହଡ଼କକେ ଉସ୍‌କୁରକତାନା ।”

^{୧୪} ପାଉଲୁସ୍ କାଜିରୁହାଡ୍ ନାଜ୍ ସାନାଜ୍ ତାଇକେନ୍ ଇମ୍‌ତା, ଗାଲିୟୋ ଯିହୁଦୀ ହଡ଼କକେ କାଜିକେଦ୍‌କଆ, “ନେଆଁରେ ଜେତାନ୍ ଗୁହ୍ନାଁ ଚାଏ ଏଡ଼କାନ୍ କାମି କାମିକାଦ୍‌ରେଦ, ଏ ଯିହୁଦୀ ହଡ଼କ, ଆଇଜ୍‌ ଧିରାଜ୍‌ରେ ଆପେୟାଃ କାଜି ଆୟାଃକେଦ୍‌ୟାଃ ଆଇୟାଃ ନାଜ୍ ବୁଗିନାଃ ହବାଅଃଆ ।^{୧୫} ମେନ୍‌ଦ ନେ କାପ୍‌ଜି ଆପେୟାଃ ଆପ୍‌ନାଃ

କାଜି, ନୁତୁମ୍ ଆତଃ ଆନୁତୁ ବିଷାଏରେୟାଃ ଏସ୍କାର୍ ତାନାଃ, ଏନାତେ ଆପେ ଆପେଗି ବିଚାରରେପେ, ଆଇଙ୍ଗ୍ ନେ'ଲେକାନ୍ ବିଷାଏ କାଇଙ୍ଗ୍ ବିଚାରାଃ ।” ୧୭ ନେଆଁ କାଜିକେଦ୍‌ତେ ଇନିଃ ଇନ୍କୁକେ କାଚାଇରିହେତେ ହାର୍‌ଅଡ଼ଙ୍ଗ୍‌କେଦ୍‌କଆ । ୧୭ ଇନ୍କୁ ସାମାଜିଅଡ଼ାଃରେନ୍ ଆଗୁଆଇ ସସ୍ତେନସ୍କେ ସାବ୍‌କେଦ୍‌ତେ କାଚାଇରି ଆୟାର୍‌ରେକ ଦାଲ୍‌କିୟା । ମେନ୍‌ଦ ଗାଲିୟୋ ଏନ୍ ବିଷାଏରେ ଜେଡ଼ନାଃ କାଏ ଉଡ଼ଖୁକେଦା ।

ସିରିୟା ଆନ୍ତିୟୋଖ୍‌ତେ ରୁହାଡ଼

୧୮ ମେନ୍‌ଦ ପାଉଲୁସ୍ କରିନ୍ଥ୍‌ରେନ୍ ବିଶ୍ୱାସୀ ହାଗା ମିଶିକଲଃ ପୁରାଃ ମାହାଁ ଜାକେଦ୍ ତାଇକେନାଏ । ଏନ୍ତେ ଇନ୍କୁ କେଙ୍ଗେ_ୟାଏତେ ଦାଆଃ ଜାହାଜ୍‌ରେ ସେନଃ ସିଦାରେ ଆୟାଃ କିରିୟାକାଦ୍ ଲେକାଗି ଇନିଃ ଆୟାଃ ବହଃରେୟାଃ ଉଦ୍ ଠାଟୁୟାନାଏ ।* ଏନ୍ତେ ବିଶ୍ୱାସୀକକେ ବାଗିକେଦ୍‌ତେ ପ୍ରିସ୍କିଲା ଆତଃ ଆକ୍ତିଲାଲଃ ସିରିୟା ପାର୍‌ଗାନ୍‌ତେ ଦାଆଃ ଜାହାଜ୍‌ରେକ ସେନଃୟାନା । ୧୯ ଇନ୍କୁ ଏଫିସୁସ୍‌ତେ ତେବାଃୟାନ୍ ତାୟମ୍‌ତେ ପାଉଲୁସ୍, ପ୍ରିସ୍କିଲା ଆତଃ ଆକ୍ତିଲାକେ ବିଦାକେଦ୍‌ତେ, ଇନିଃ ଏନ୍ତାଃରେ ସାମାଜି ଅଡ଼ାଃତେ ସେନ୍‌କେଦ୍‌ତେ ଯିହୁଦୀ ହଡ଼କଲଃ ଜାଗାର୍‌କେଦା । ୨୦ ହଡ଼କ ଇନିଃକେ ଆତଃଗି ପୁରାଃ ମାହାଁ ତାଇନ୍ ନାଗେନ୍ତେକ କାଜିକିୟା, ମେନ୍‌ଦ ଇନିଃ କାଏ ମାନାଡ଼ିଙ୍ଗ୍‌ୟାନା । ୨୧ ବିଦାଅଃତାନ୍ ଇମତା ଇନିଃ ଇନ୍କୁକେ କାଜିକେଦ୍‌କଆ, “ପାର୍‌ମେଶ୍ୱାର୍‌ଆଃ ଇଛାସାନାଙ୍ଗ୍ ତାଇନଃରେଦ୍, ଆଇଙ୍ଗ୍ ଆପେତାଃତେଇଙ୍ଗ୍ ହିଜୁଃ ରୁହାଡ଼ା ।” ଏନ୍ତେ ଇନିଃ ଏଫିସୁସ୍‌ତାଃଏତେ ଦାଆଃ ଜାହାଜ୍‌ରେ ସେନଃୟାନା ।

୨୨ ଇନିଃ କାଇସରିୟାତେ ସେଟେର୍କେଦ୍‌ତେ ଏନ୍ତାଃଏତେ ଯୀରୁଶାଲେମ୍‌ତେ ସେନଃୟାନା ଆତଃ କାଲିସିୟାରେନ୍ ହଡ଼କକେ ଜହାର୍‌କେଦ୍‌ତେ ଆନ୍ତିୟୋଖ୍‌ତେ ସେନଃୟାନା । ୨୩ ଏନ୍ତାଃରେ ଇନିଃ ଚିନିନ୍‌ଦିନ୍ ତାଇନ୍‌କେଦ୍‌ତେ ଗାଲାତିୟ ଆତଃ ପୁଗିଆଃ ପାର୍‌ଗାନ୍ ହରାତେ ସେନଃୟାନା ଆତଃ ହରାରେ ବିଶ୍ୱାସୀକକେ ଆକଆଃ

* **୧୮:୧୮** 18:18 ଯିହୁଦୀ ହଡ଼କଆଃ ବହଃରେୟାଃ ଉଦ୍ ଠାଟୁନ୍‌ତେୟାଃ, କିରିୟାକାଦ୍‌ତେୟାଃ ମାନାଡ଼ିଙ୍ଗ୍‌ରାଃ ଚିହ୍ନାଁ ତାନାଃ

ବିଶ୍ୱାସରେ ପେଡ଼େୟଃ ନାଗେନ୍ତେ ସବେନ୍କକେ ଉସ୍କୁରକେଦକଆ
।

ଏଫିସୁସ୍ ଆତଃ କରିନ୍ତ୍ରିରେ ଆପୋଲୋ

୨୪ ଏନ୍ ଦିପିଲିରେ ଆଲେକ୍ଜାଣ୍ଡ୍ରିଆ ନାଗାରରେ ଜାନାମାକାନ୍
ଆପୋଲୋ ନୁତୁମ୍ ମିଆଁଦ୍ ଯିହୁଦୀ ଏଫିସୁସ୍ତେ ହିଜୁଃୟାନା ।
ଇନିଃ ମିଆଁଦ୍ ପୁରାଃ ବୁଗିନ୍ କାଜି ଦାଡ଼ିନିଃ ଆତଃ ଧାରାମ୍ପୁଥ୍ରେ
ଆୟାଃ ପୁରାଃ ସେଣୀତାକକେନା । ୨୫ ଇନିଃ ପ୍ରାଭୁଆଃ ହରା
ବିଷାଏରେ ଇଡୁଆକାନାଏ ତାକକେନା ଆତଃ ପୁରାଃ ଆମ୍ବୀରେ
ଚିହୁଲ୍ଲତେ ଯାଣ୍ଡୁଆଃ ବିଷାଏରେ ସାର୍ତ୍ତିତେ ଇଡୁ ତାକକେନା ।
ମେନ୍ଦ୍ ଇନିଃ ଯୋହାନ୍ଆଃ ବାପ୍ତିସ୍ମା ବିଷାଏରେ ଏସ୍କାର୍ ସାରିକାଦ୍
ତାକକେନାଏ । ୨୬ ସାମାଜ୍ ଅଡ଼ାଃକରେ ଇନିଃ ବେଗାର୍ ବରତେ
ଇଡୁ ଏଚେଃକେଦକଆ । ଆୟାଃ ଇନିଡୁ ଆୟୁମ୍କେଦ୍ତେ ପ୍ରିସ୍କିଲ୍ଲା
ଆତଃ ଆକ୍ଲିଲ୍ଲା ଇନିଃକେ ଆକିନାଃ ଅଡ଼ାଃତେ ଇଦିକିୟାକିନ୍ ଆତଃ
ଏନ୍ତାଃରେ ଇନିଃକେ ପାର୍ମେଶ୍ୱାର୍ଆଃ ହରା ବିଷାଏରେ ପୁରାଃ
ଠାଡକା ଲେକାତେ ଉଦୁବ୍କିୟାକିନ୍ । ୨୭ ଏନ୍ତେ ଆପୋଲୋ ଆଖାୟା
ପାର୍ଗାନ୍ତେ ସେନଃ ସାନାଙ୍ଗ୍ ତାକକେନ୍ ହରାତେ, ଏଫିସୁସ୍ରେନ୍
ବିଶ୍ୱାସୀକ ଇନିଃକେ ଦେଙ୍ଗାକିୟାକ ଆତଃ ଇନିଃକେ ସୁକ୍ତେ
ଦାରମ୍ ନାଗେନ୍ତେ କାଜିତାନ୍ଲଃ ଆଖାୟାରେନ୍ ବିଶ୍ୱାସୀକକେ
ଚିଟାଉ ଅଲ୍ଲାଦକଆକ । ଇନିଃ ଏନ୍ତାଃତେ ସେଚେର୍କେଦ୍ତେ
ପାର୍ମେଶ୍ୱାର୍ଆଃ ସାୟାଦ୍ତେ ବିଶ୍ୱାସୀ ହବାକାନ୍ ହଡକକେ
ପୁରାଃଗି ଦେଙ୍ଗାକେଦକଆ । ୨୮ ଯାଣ୍ଡୁ ମାସି ତାନିଃ ମେନ୍ତେ, ଆୟାଃ
କେଚେୟାନ୍ କାପ୍ତି ହରାତେ ଧାରାମ୍ପୁଥ୍ଏତେ ସାରୁଦେତାନ୍ଲଃ
ଉଦୁବ୍ତାନ୍ ଇମ୍ତା ଇନିଃ ଯିହୁଦୀକକେ ହାରାଅକେଦକଆ ।

୧୯

ଏଫିସୁସ୍ରେ ପାଉଲୁସ୍

୧ ଆପୋଲୋ କରିନ୍ତ୍ରିରେ ତାକକେନ୍ ଇମ୍ତା, ପାଉଲୁସ୍
ସିଜିଡୁରଃସାଃ ପାର୍ଗାନ୍ତକରେ ହରାସେନ୍ତାନ୍ଲଃ ଏଫିସୁସ୍ତେ
ସେଚେର୍ୟାନା । ଏନ୍ତାଃରେ ଇନିଃ ଚିମିନ୍ ଚେଲାକଲଃ ନାପାମୟାନା
୨ ଆତଃ କୁଲିକେଦକଆ, “ଆପେ ବିଶ୍ୱାସୀ ହବାୟାନ୍ ଇମ୍ତା ଚିନାଃ

ପାବିତାର ଆତ୍ମାକେପେ ନାମକିୟା ?” ଇନ୍କୁ କାଜିରୁହାଡ଼କିୟାକ, “ପାବିତାର ଆତ୍ମା ମେନ୍ତେ ଜେତାଏ ମେନାଇୟା, ନେ କାଜିୟ ଆଲେ କାଲେ ଆୟୁମକାଦା ।”

୩ ପାଉଲୁସ୍ କୁଲିକେଦକଆଏ, “ତାଦ୍ଦ, ଆପେ ଅକ ଲେକାନ୍ ବାପ୍ତିସ୍ମା ଇଦିକାଦାପେ ?” ଇନ୍କୁ କାଜିରୁହାଡ଼କିୟାକ, “ଯୋହାନ୍‌ଆଃ ବାପ୍ତିସ୍ମାରେ ।”

୪ ☆ପାଉଲୁସ୍ କାଜିକେଦକଆଏ, “ଅକ ହଡ଼କ ପାପ୍‌ହେତେ ହେୟାତିଙ୍ଗ୍ ତାଇକେନାକ, ଯୋହାନ୍‌ଆଃ ବାପ୍ତିସ୍ମା ଇନ୍କୁ ନାଗେନ୍ତେ ଲାଗାତିଙ୍ଗ୍ ତାଇକେନା । ମେନ୍‌ଦ ଆୟାଃ ତାୟମ୍‌ତେ ଅକଏ ହିନ୍ତୁଃରାଃ ତାଇକେନା, ଇନିଃତାଃରେ ଚାଏ ଯୀଶୁତାଃରେ ବିଶ୍ୱାସ୍ ରିକା ଲାଗାତିୟାଃ ମେନ୍ତେ ଯୋହାନ୍ ଇସ୍ରାଏଲ୍ ହଡ଼କକେ କାଜିକାକ ତାଇକେନା ।”

୫ ନେଆଁ ଆୟୁମକେଦ୍‌ତେ ଇନ୍କୁ ପ୍ରାଭୁ ଯୀଶୁଆଃ ନୁତୁମ୍‌ତେକ ବାପ୍ତିସ୍ମାୟାନା । ୬ ପାଉଲୁସ୍ ଇନ୍କୁଆଃ ଚେତାନ୍‌ରେ ତିଃଇ ଦହକେଦାଏ ଆଡ଼ଃ ପାବିତାର୍ ଆତ୍ମା ଇନ୍କୁ ଚେତାନ୍‌ରେ ଆଡ଼ଗୁୟାନା । ଇନ୍କୁ ରାକାମ୍ ରାକାମ୍ ଜାଗାର୍‌ତେ କାଜିକେଦାକ ଆଡ଼ଃ ପାର୍‌ମେଶ୍ୱାର୍‌ଆଃ କାନାଜିକ ଉଦୁବକେଦା । ୭ ଇନ୍କୁ ସବେନ୍ ଗେଲ୍‌ବାର୍ ହାଗାକ ତାଇକେନା ।

୮ ପାଉଲୁସ୍ ଆପି ଚାଣ୍ଡୁ* ଜାକେଦ୍ ସାମାଜ୍ ଅଡ଼ାଃକରେ ବେଗାର୍ ବରତେ ହଡ଼କଲଃ ଜାଗାର୍‌ତାନ୍‌ଲଃ ପାର୍‌ମେଶ୍ୱାର୍‌ଆଃ ରାଇଜ୍ ବିଷାଏରେ ଇନ୍କୁଆଃ ମନକରେ ବିଶ୍ୱାସ୍ ଉପ୍‌ଜାଅ ସାନାଙ୍ଗ୍‌କେଦାଏ । ୯ ମେନ୍‌ଦ ଇନ୍କୁଏତେ ଚିମିନ୍ ହଡ଼କ କେଟେଦ୍ ମନରେନ୍ ତାଇକେନାକ, ଇନ୍କୁ କାକ ବିଶ୍ୱାସ୍‌କେଦା । ଇନ୍କୁ ଝୁଣ୍ଡ୍‌ରେନ୍ ସବେନ୍‌କଆଃ ସାମ୍‌ନାଙ୍ଗ୍‌ରେ ପ୍ରାଭୁଆଃ ହରା ବିଷାଏରେ ଏଡ଼କାନ୍ କାଜିକ କାଜିକେଦା । ଏନାତେ ପାଉଲୁସ୍ ଇନ୍କୁକେ ବାଗିକେଦକଆ ଆଡ଼ଃ ବିଶ୍ୱାସୀକକେ ଇଦିକେଦ୍‌ତେ ସବେନ୍ ଝୁଲାଇଁ ତିରାନ୍‌ସ୍ ନୁତୁମ୍ ଇତୁନ୍ ଅଡ଼ାଃତାଃରେ ଜାଗାର୍‌ତାନ୍ ତାଇକେନା । ୧୦ ବାର୍ ସିମ୍‌ନା ଜାକେଦ୍ ନେଆଁ ହବାୟାନା । ଏସିଆ ପାର୍‌ଗାନ୍‌ରେ

☆ ୧୯:୪ ୧୯:୪ ମାଥୱ ୩:୧୧; ମାର୍କ ୧:୪,୭,୮; ଲୁକ ୩:୪,୧୭; ଯୋହାନ୍ ୧:୨୭,୨୭.

* ୧୯:୮ ୧୯:୮ ମାହ୍‌ନା

ତାଙ୍କନତାନ ପୁରାଃ ଯିହୁଦୀ ଆତଃ ସାଅଁସାର୍ ହତକ ପ୍ରାଭୁଆଃ ବାଚାନ ଆୟୁମ୍ବକେଦାକ ।

ସ୍ନେହାବାଃ ହନକ

^{୧୧} ପାର୍ମେଶ୍ଵାର ପାଉଲୁସ୍ ଆଃ ହରାତେ ମାପରାଙ୍ଗ୍ ଆକ୍ଦାନ୍ଦାଅ କାମିକଏ ରିକାକେଦା । ^{୧୨} ନେ'ଲେକାଟି ପାଉଲୁସ୍ ସାବାକାଦ୍ ରୁମାଲ୍ ଆତଃ ଲିଜାଃକ ବେମାର୍ ହତକତାଃତେ ଇଦିୟଃରେ ଇନ୍କୁ ବୁଗିୟଃ ତାଇକେନାକ ଆତଃ ଇନ୍କୁଆଃ ହତକଏତେ ଏଡକାନ୍ ଆମ୍ବାକ ଅତଙ୍ଗ୍ ଆଃ ତାଇକେନା । ^{୧୩} ଚିମିନ୍ ହନରବାଡାତାନ ଯିହୁଦୀ ହତକହଗି ପ୍ରାଭୁ ଯୀଶୁଆଃ ନୁତୁମ୍ ସାବକେଦ୍ତେ ବଙ୍ଗା ହାର୍ଅତଙ୍ଗ୍ ନାଙ୍ଗ୍ ସାନାଙ୍ଗ୍ କେଦାକ । ଇନ୍କୁ ଏଡକାନ୍ ଆମ୍ବାକକେ କାଜିକ ତାଇକେନାକ, “ପାଉଲୁସ୍ ଉଦୁବ୍ତାନ ଯୀଶୁଆଃ ନୁତୁମ୍ତେ ଆଇଙ୍ଗ୍ ଆମ୍ବାକେ ଆରୁମେତାନା ।” ^{୧୪} ସ୍ନେହା ନୁତୁମ୍ ମିଆଁଦ୍ ଯିହୁଦୀ ମାରାଙ୍ଗ୍ ଯାଜାକ୍ ଆଃ ଏୟା କଡା ହନକ ଏନଲେକାକ କାମିତାଇକେନା ।

^{୧୫} ମେନ୍ଦ ଏଡକାନ୍ ଆମ୍ବା ଇନ୍କୁକେ କାଜିକେଦକଆ, “ଆଇଙ୍ଗ୍ ଯୀଶୁକେଇଙ୍ଗ୍ ସାରିୟା ଆତଃ ପାଉଲୁସ୍ ଆଃ ବିଷାଏରେଇଙ୍ଗ୍ ସାରିୟା, ମେନ୍ଦ ଆପେ ଅକଏ ତାନପେ ?”

^{୧୬} ଏଡକାନ୍ ଆମ୍ବାତେ ଏସେରେକାନ୍ ହତ, ଇନ୍କୁକେ ପୁରାଃ ପେଡେଃଲଃ ସାବକେଟେଦ୍ତେ ଆପୁଇଃତାନ ଇମତା ଇନ୍କୁଆଃ ଲିଜାଃକ ଚାଗାଡ଼ୟାନା ଆତଃ ଇନ୍କୁଆଃ ହତକରେ ଘାଅବାଡାକେଦ୍ତେ ଇନିୟାଃ ଅଡାଃଏତେ ନିର୍ୟାନାକ ।

^{୧୭} ଏପିସ୍ତସ୍ରେ ତାଇନତାନ ସବେନ୍ ଯିହୁଦୀ ଆତଃ ସାଅଁସାର୍ ହତକ ନେ ବିଷାଏ ଆୟୁମ୍ବକେଦ୍ତେ ବରତେ ପେରେଃୟାନାକ ଆତଃ ଏନ୍ତାଃରେ ପ୍ରାଭୁ ଯୀଶୁଆଃ ନୁତୁମ୍ ଆତଃଗି ପୁରାଃତେ ମାଇନ୍ୟାନା । ^{୧୮} ବିଶ୍ଵାସୀକଏତେ ପୁରାଃ ହତକ ହିନ୍ତୁଃକେଦ୍ତେ ଆକଆଃ ଏଡକାନ୍ କାମିକ ରିକାକାଦ୍ତେୟାଃ ହତକଆଃ ସାମ୍ନାଙ୍ଗ୍ରେକ ମାନାତିଙ୍ଗ୍ୟାନା ଆତଃକ ଉଦୁବ୍ତେଦା । ^{୧୯} ଦେଅଁଣାକାମି ରିକାତାନକଏତେ ପୁରାଃ ହତକ ଆକଆଃ ପୁଅକ୍ ଆଉ ହୁଣ୍ଡିକେଦ୍ତେ ହତକଆଃ ସାମ୍ନାଙ୍ଗ୍ରେକ ଅଣ୍ଡୁରକେଦା । ଇନ୍କୁଆଃ ପୁଅକରାଃ ଗନଙ୍ଗ୍ ଲେକାକେଦ୍ତେ ବାର୍ହିସି ଗେଲ୍ ହାଜାର୍ ରୁପା ସିକା ହବାୟାନା । ^{୨୦} ନେ'ଲେକାତେ ପ୍ରାଭୁଆଃ ବାଚାନ ପୁରାଃଗି ନିତିର୍ୟାନା ଆତଃ ପୁରାଃତେ ପେଡେଃଇଦିୟାନା ।

ଏଫିସୁସ୍ରେ ହିସିକ୍ଷା

୨୧ ନେଆଁ ସବେନ୍ ହବାୟାନ୍ ତାୟମ୍ତେ ପାଉଲୁସ୍ ମାକିଦନିଆ ଆଡ଼ଃ ଆଖାୟା ହରାତେ ଯୀରୁଶାଲେମ୍ତେ ସେନଃ ନାକ୍ ମନ୍ରେ ଉହାଟ୍‌କେଦା । ଇନିଃ କାଜିକେଦାଏ, “ଏନ୍ତାଃତେ ସେନ୍ ତାୟମ୍ତେ ଆଇକ୍ ଜାରୁଡ଼ିଗି ରୋମ୍ତେହଗି ସେନାକ୍ ।” ୨୨ ଏନାତେ ଇନିଃ ଆଇଃକ୍‌କେ ଦେକ୍‌କାକ୍‌ତାନ୍ ବାରାନ୍‌କିନ୍ ତୀମଥ୍ ଆଡ଼ଃ ଏରାଷ୍ଟ୍‌କେ ମାକିଦନିଆତେ କୁଲ୍‌କେଦ୍‌କିନା, ମେନ୍‌ଦ ଆଇଃକ୍‌ଗି ଏସିଆ ଦିଶ୍ଟମ୍‌ରେ ଆଡ଼ଃଟିମିନ୍ ମାହ୍ଁ ତାଇନ୍‌ୟାନାଏ ।

୨୩ ଏନ୍ ଦିପିଲିରେ ପ୍ରାଭୁଆଃ ହରା ବିଷାଏ ନାଗେନ୍ତେ ଏଫିସୁସ୍ରେ ପୁରାଃ ବରଝାନ୍‌ଗି ହାଲାଗୁଲା ହବାୟାନା । ୨୪ ଦିମତ୍ରିୟ ନୁତୁମ୍ ମିଆଁଦ୍ ସୁନାରିହଡ଼ ଆର୍ଜେମୀ ମାହାପୁରୁଆଃ ରୁପାରାଃ ମାହିର୍ ବାଇତାଇକେନାଏ, ନେ କାମିରେ କାମିତାଇକେନ୍ ହଡ଼କ ପୁରାଃଟି ଟାକା ପାଏସାକ ନାମେ ତାଇକେନା । ୨୫ ଏନାମେନ୍ତେ ଇନିଃ କାମିତାନ୍ ସବେନ୍ ହଡ଼କକେ ଆଡ଼ଃ ଏନ୍ ଲେକାନ୍ କାମିତାନ୍ ଏଟାଃସାଃରେନ୍ ହଡ଼କକେ ହାକାଅକେଦ୍‌ତେ କାଜିକେଦ୍‌କଆ, “ମାଇନାନ୍‌କ, ନେ କାମିରେ ଆବୁ ସବେନ୍‌କ ପୁରାଃଟି ଟାକା ପାଏସାବୁ କାମିତାନା ଏନାଦପେ ସାରିତାନା । ୨୬ ନାହ୍ଁଃ ନେ ହଡ଼ ପାଉଲୁସ୍ ଚିନାଃଏ ଚିକାଏତାନା, ଏନା ଆପେ ନେଲ୍ ଦାଡ଼ିତାନାପେ ଆଡ଼ଃ ଆୟୁମ୍ ଦାଡ଼ିତାନାପେ । ଇନିଃ କାଜିତାନାଏ, ହଡ଼ଆଃ ଡିଃଇତେ ବାଇକାନ୍ ମାହାପୁରୁକ ମାହାପୁରୁ ନାହ୍ଁଲାଇକ, ଆଡ଼ଃ ଇନିଃ ନେତାଃରେ ଏଫିସୁସ୍ ଆଡ଼ଃ ପୁରା ଏସିଆ ପାର୍‌ଗାନ୍‌ରେ ପୁରାଃ ହଡ଼କକେ ନେ ବିଷାଏରେ କାଜିକେତାନା । ୨୭ ଏନାତେ ଆବୁଆଃ କାମାନି ଜିୟନ୍‌କେନଃଆ, ଇମ୍‌ନାକ୍ ଏସକାର୍ କାହାଗି, ମେନ୍‌ଦ ଅକ ମାହାପୁରୁ ଆର୍ଜେମୀକେ ଗଟା ଏସିଆରେ ଆଡ଼ଃ ପୁରା ଅତେଦିଶ୍ଟମ୍‌ରେନ୍ ହଡ଼କ ବରଭାକ୍ତିତାନା, ଏନ୍ ପୁରାଃମାରାକ୍ ଆର୍ଜେମୀ ମାହାପୁରୁଆଃ ମାନାରାକ୍ କା ତାଇନା ଆଡ଼ଃ ମାହିର୍ ଜିୟନଃଆ, ଏନାରେୟାଃ ବରମେନାଃ ।”

୨୮ ଗାଦେଲ୍ ହଡ଼କ ନେଆଁ ଆୟୁମ୍‌କେଦ୍‌ତେ ଖ୍‌ସ୍‌ତେକ ପେରେଃୟାନା ଆଡ଼ଃ କାଉରିକେଦ୍‌ତେ କାଜିକେଦାକ, “ଏଫିସୁସ୍‌ରେନ୍‌କଆଃ ଆର୍ଜେମୀ ମାହାପୁରୁଆଃ ମାରାକ୍ ହବାଅଃକା

।” ୨୯ ନେ ହାଲଗୁଲା ଗଟା ନାଗାରରେ ନିତିରୟାନା । ଆତଃ
 ଗାଦେଲ୍ ହତକ ପାଉଲୁସ୍ଲଃ ହରାସେନ୍ତାନ୍ ମାକିଦନିଆରେନ୍
 ଗାୟ୍ ଆତଃ ଆରିସ୍ତାର୍ଗକେ ସାବ୍କେଦ୍ତେ ଇନ୍କୁ ମାରାଙ୍ଗ୍
 ଆଖ୍ଡାତେକ ଆଇଜ୍ ଇଦିକେଦ୍କିନା । ୩୦ ପାଉଲୁସ୍ ଆଇଃକ୍ରି
 ଗାଦେଲ୍ ହତକ ଆୟାର୍ତେ ସେନ୍ ନାଙ୍ଗ୍ ସାନାଙ୍ଗ୍କେଦାଏ,
 ମେନ୍ଦ୍ ବିଶ୍ୱାସୀକ କାକ ସେନ୍ ଇଚିକିୟା । ୩୧ ଚିମିନ୍ୟାନ୍
 ଏସିଆରେ ଆକ୍ତେୟାର୍ ନାମାକାଦ୍ ପାଉଲୁସ୍ଆଃ ଗାଡିକ ନେଆଁ
 ଆୟୁମ୍କେଦ୍ତେ ପାଉଲୁସ୍କେ ମାରାଙ୍ଗ୍ ଆଖ୍ଡାତେ ଆଲକାଏ
 ସେନ୍କା ମେନ୍ତେ ମିହୁଡ୍ତାଃରେ କାଜିଗହାର୍ କାଜିକୁଲ୍କେଦାକ
 । ୩୨ ନେ ଘାଡି ଭିତାରରେ ଗଟା ପାଞ୍ଚେଟ୍ରେନ୍ ହତକ ଖ୍ୱସ୍ତେ
 ପେରେଃୟାନାକ । ହତକ ଏଟାଃ ଏଟାଃ ଝୁଣ୍ଡିରେ ରାକାମ୍ ରାକାମ୍କ
 କାଉରିତାନ୍ ତାଇକେନା, ଚିଆଃଚି ଇନ୍କୁଏତେ ଚିମିନ୍ ହତକ
 ଏନ୍ତାଃରେ ଚିନାଃନାଙ୍ଗ୍କ ହୁଣ୍ଡିକାନା ଏନାହ୍ କାକ ସାରିକାଦ୍
 ତାଇକେନା । ୩୩ ହତକଏତେ ଚିମିନ୍ ହତକ କାଜିକେଦାକ ଯେ,
 ଆଲେକ୍ଜାଣ୍ଡାର୍ ନେଆଁ ନାଗେନ୍ତେ ଦାୟା ତାନିଃ, ଚିଆଃଚି ଯିହୁଦୀ
 ହତକ ଇନିଃକେ ଆୟାର୍ତେ ତିଙ୍ଗ୍କାଇ ତାଇକେନାକ । ଏନ୍ତେ
 ଆଲେକ୍ଜାଣ୍ଡାର୍ ତିଃଇ ଉଠାଅକେଦ୍ତେ ହତକକେ ହାପାଅଃପେ
 ମେନ୍ତେ ଠାରାଅକେଦ୍କଆ ଆତଃ ବିଶ୍ୱାସୀକଆଃସାଃଏତେ
 କାଜିତାନ୍ଲଃ ଇନିଃ ବୁଝାଅକ ନାଙ୍ଗ୍ ଚେଷ୍ଟାକେଦାଏ । ୩୪ ମେନ୍ଦ୍
 ଇନିଃ ମିଆଁଦ୍ ଯିହୁଦୀ ତାନିଃ, ମେନ୍ତେ ସାରିକେଦ୍ତେ ଇନ୍କୁ
 ସବେନ୍କ ମିସାତେ କାଉରିତାନ୍ଲଃ କାଜିକେଦାକ, “ଏଫିସୁସ୍ରେନ୍
 ଆର୍ଡେମୀ ମାହାପୁରୁଆଃ ମାରାଙ୍ଗ୍ଆଃକା ।” ନେଲେକା ବାର୍ ଘାଡି
 ଜାକେଦ୍କ କାଉରିକେଦା ।

୩୫ ବୁଣ୍ଡିରେ ସାହାରରେନ୍ ମୁନ୍ସି ହତକକେ ହାପାଅଃ ନାଗେନ୍ତେ
 କାଜିକେଦ୍କଆ, “ଏଫିସୁସ୍ରେନ୍ ହାଗାକ, ସବେନ୍କ ସାରିତାନା
 ଯେ, ଏଫିସୁସ୍ ନାଗାରରେନ୍ ଆର୍ଡେମୀ ମାହାପୁରୁଆଃ ମାନ୍ଦିର୍
 ଆତଃ ସିମାଏତେ ଆଡ୍ଗୁକାନ୍ ପାବିତାର୍ ମୁରୁତରଃ ବାଞ୍ଚାଅ
 ହବାଆତଃତାନା । ୩୬ ଜେତାଏ ନେଆଁକେ କାହା ମେନ୍ତେ କାକ
 କାଜି ଦାଡିୟା । ଏନାତେ ଆପେ ସବେନ୍କ ହାପାଅଃପେ ଆତଃ
 କା ଲାଗାଡିଙ୍ଗ୍ ଲେକା ଜେତାନ୍ କାମି ଆଲପେ କାମିୟା । ୩୭ ନେ

ହତକିନ୍ ମାନ୍ଦିରହେତେ ଜେଡନାଃ କାକିନ୍ କୁମ୍ଭୁକୁଦା, ଚାଏ ଆବୁଆଃ ମାହାପୁରୁ ବିଷାଏରେ ଜେତାନ୍ ଏଡକାନାଃ କାକିନ୍ କାଜିକାଦା, ଏନ୍ରେୟ ଆପେ ନେ ହତକିନ୍କେ ନେତାଃତେପେ ଆଉକାଦକିନା । ୩୮ ଦିମତ୍ରିୟ ଆତଃ ଇନିୟାଃ କାମି ହତକଆଃ ବିରୁଧରେ ଜେତାନ୍ କାଜି ମେନାଃରେଦ, ଏନା ବିଚାରେ ନାଗେନ୍ତେ ଆବୁଆଃ ଆକ୍ତେୟାର୍ ନାମାକାଦ୍ ହତକ ମେନାକଆ ଆତଃ କାଚାଈରି ମେନାଃ, ଏନ୍ତାଃରେ ଏନ୍ ବିରୁଧକାନ୍ କାଜିକ ଉଦୁବଃଆ । ୩୯ ମେନ୍ଦ ନେଆଁଏତେ ଆତଃ ଆଦକାପେ ସାନାଙ୍ଗତାନ୍ରେଦ, ଆପ୍ତନାଃ ଦିଶୁମ୍ରେନ୍ ହତକଆଃ ଆଇନ୍ ମାନାତିୟ୍ଠ ପାଞ୍ଚେଟ୍ରେ ଏନା ବିଚାରଃକା । ୪୦ ଚିଆଃଚି ତିସିଙ୍ଗ ଅକ୍ନାଃ ହବାକାନା, ଏନା ବରଞ୍ଜାନ୍ଗିଆ ଏନା ହିସିଙ୍ଗାତେ ନେଆଁ ହବାକାନା ମେନ୍ତେ ଆଲେୟାଃ ବିରୁଧରେ କାଜିୟଃତାନା । ଆଲେ ନେ ସବେନ୍ ହାଲାଗୁଲାରେୟାଃ ଜେତାନ୍ ବୁଗିନ୍ କାଜି କାଲେ କାଜି ଦାଡିୟା ।” ୪୧ ନେ ସବେନ୍ କାଜି କାଜିକେଦ୍ତେ ଇନିଃ ଗାଦେଲ୍ ହତକକେ ହାପାକେଦକଆଏ ଆତଃ ପାଞ୍ଚେଟ୍ରେନ୍ ହତକକେ ବିଦାକେଦକଆ ।

୨୦

ମାକିଦନିଆତେ ଆତଃ ଆଖାୟାତେ

୧ ହାଲାଗୁଲା ଚାବାୟାନ୍ ତାୟମ୍ତେ, ପାଉଲୁସ୍ ବିଶ୍ଵାସୀକକେ ହୁଣ୍ଡିକେଦ୍ତେ ଜୀଉରେ ରାସ୍କାଅଃ ଲେକାନ୍ କାଜି ଉଦୁବାଦକଆଏ । ଇନ୍କୁତାଃଏତେ ବିଦା ଇଦିକେଦ୍ତେ ଇନିଃ ମାକିଦନିଆତେ ସେନଃୟାନା । ୨ ଇନିଃ ଏନ୍ ସବେନ୍ ପାର୍ଗାନ୍ ହରାତେ ସେନଃୟାନା ଆତଃ ବିଶ୍ଵାସୀ ହତକକେ ଜୀଉରେ ରାସ୍କାଅଃରାଃ କାଜି କାଜିକେଦକଆ । ଏନ୍ତେ ଇନିଃ ଗ୍ରୀସ୍ ଦିଶୁମ୍ତେ ହିଜୁଃୟାନା, ୩ ଏନ୍ତାଃରେ ଆପି ମାହିନା ତାଇନ୍ୟାନାଏ । ଇନିଃ ସିରିୟାତେ ସେନଃ ନାଗେନ୍ତେ ସେକାଡେନ୍ ତାଇକେନ୍ ଇମ୍ତା ଯିହୁଦୀ ହତକ ଇନିକେ ଗଏଃ ନାଗେନ୍ତେକ ରୋଜୋଟତାନା ମେନ୍ତେ ଆୟୁମ୍କେଦ୍ତେ ଇନିଃ ମାକିଦନିଆ ହରାତେ ରୁହାଡ୍ ନାଗେନ୍ତେ ଉହାଟ୍କେଦା । ୪ ବେରିଆ ନାଗାର୍ରେ ତାଇନ୍ତାନ୍ ପୁରସ୍ଆଃ ହନ୍ ସୋପାତ୍, ଥେସ୍ଲନିକାରେନ୍ ଆରିସ୍ଵାର୍ଘ ଆତଃ ସେକୁନ୍,

ଦର୍ବୀରେନ୍ ଗାୟସ୍, ଏସିଆ ପାର୍ଗାନ୍ରେନ୍ ତୁଖ୍, ତ୍ରଫିମ୍ ଆତଃ
 ତୀମଥ୍ ଇନିଃଲଃ ସେନଃୟାନାକ ।^୫ ନେ ଏୟାଝାନ୍ ହଡ଼କ ସିଦାରେ
 ସେନ୍କେଦ୍ତେ ତ୍ରୋୟାସ୍ରେ ଆଲେକେ ତାଈକାଲେ ତାଇକେନାକ
 ।^୬ ସାବାଃ ହଲଙ୍ ପାରାବ୍ ତାୟମ୍ତେ ଆଲେ ଫିଲିପି ସାହାର୍ଏତେ
 ଦାଆଃ ଜାହାଜ୍ରେ ସେନଃକେଦ୍ତେ ମଣ୍ଟୋମାହାଁ ତାୟମ୍ତେ
 ତ୍ରୋୟାସ୍ରେ ଏନ୍ ଏୟାଝାନ୍ ହଡ଼କଲଃ ମେସାୟାନାଲେ ଆତଃ
 ଏନ୍ତାଃରେ ମିଦ୍ ହାପ୍ତା ତାଇନ୍ୟାନାଲେ ।

ତ୍ରୋୟାସ୍ତେ ପାଉଲୁସ୍ଆଃ ଚୁଣ୍ଟୁ ସୁସନଃ

^୭ ହାପ୍ତାରେୟାଃ ସିଦା ହୁଲାଙ୍* ସିଈହାସୁର୍ରେ ଆଲେ
 ମେନେସାରାଃ ହଲଙ୍ କେଟାଃ ମିଦ୍ତାଃରେ ହୁଣ୍ଟିକେଦ୍ତେ
 ମାନାତିଙ୍କେଦାଲେ । ପାଉଲୁସ୍ ହଡ଼କକେ ଆଲାନିଦା ଜାକେଦ୍
 ଜାଗାର୍କେଦକଆଏ, ଚିଆଃଚି ଏଟାଃ ହୁଲାଙ୍ ଇନିଃ ଏନ୍ ଠାୟାଦ୍
 ବାଗିକେଦ୍ତେ ସେନଃରାଃ ତାଇକେନା । ।^୮ ଆଲେ ଅକ ଚେତାନ୍
 କୁଠାରେ ହୁଣ୍ଟିକାନ୍ ତାଇକେନାଲେ, ଏନ୍ତାଃରେ ପୁରାଃ ଦିମିକ
 ଜୁଲଃତାଇକେନା । ^୯ ଏନ୍ତାଃରେ ଇଡ଼ଟିକସ୍ ନୁତୁମ୍ ମିଆଁଦ୍
 ସେପେଡ୍ଡେଦ୍ ଖୁଡ଼କି ଚେତାନ୍ରେ ଦୁବାକାନ୍ ତାଇକେନା ଆତଃ
 ପାଉଲୁସ୍ ଜାଗାର୍ ତାଇକେନ୍ ଇମତା ଇନିଃକେ ଦୁଡ଼ମ୍ପିତାଇକେନା
 । ଏନ୍ତେ ଇନିଃ ପୁରା ଦୁଡ଼ମ୍ପୁୟାନାଏ ଆତଃ ଆପି ମାହାଲା
 ଚେତାନ୍ହେତେ ଲାତାର୍ରେ ଉୟୁଃୟାନା । ଇନ୍କୁ ଇନିଃକେ
 ବିରିଦ୍କିୟାକ ଇମତା ଇନିୟାଃ ଜୀଉ ଚୁଣ୍ଟୁକାନ୍ ତାଇକେନା ।
^{୧୦} ମେନ୍ଦ୍ ପାଉଲୁସ୍ ଲାତାର୍ରେ ଆଡ଼ଗୁକେଦ୍ତେ ଇନିଃକେ
 ହାମ୍ପୁକିୟାଏ ଆତଃ କାଜିକେଦାଏ, “ଆଲପେ ଆଡ଼ାଃଉଡ଼ଗୁଃଆ,
 ଇନିଃ ଜାନିଦ୍ଗି ମେନାଲୟା ।”^{୧୧} ଏନ୍ତେ ଇନିଃ ଚେତାନ୍ତେ ରାକାବ୍
 ରୁହାଡ଼ୟାନାଏ ଆତଃ ହଲଙ୍ କେଟାଃକେଦ୍ତେ ଜମ୍କେଦାଏ, ଏନ୍ତେ
 ସିଈଡୁରଃ ଜାକେଦ୍ ଇନ୍କୁଲଃ ପୁରାଃଚି ଜାଗାର୍କେଦା ଆତଃ
 ଏନ୍ତାଃଏତେ ସେନଃୟାନା ।^{୧୨} ହଡ଼କ ସେପେଡ୍ଡେଦ୍କେ ଜାନିଦ୍
 ନେଲ୍କେଦ୍ତେ ଆୟାଃ ଅଡ଼ାଃତେକ ଇଦିକିୟା ଆତଃ ପୁରାଃଚି
 ଜୀଉରାଡ଼େଃକ ନାମ୍କେଦା ।

ତ୍ରୋୟାସ୍ତେ ମିଲିତସ୍ତେ ସେନଃ

* ୨୦:୭ 20:7 ଏତଆର୍ ହୁଲାଙ୍

୧୩ ଆଲେ ସିଦାରେ ଦାଆଃ ଜାହାଜ୍ରେ ଦେଏଃକେଦ୍ତେ ଆସେସ୍ ନାଗାର୍ତେଲେ ସେନଃୟାନା । ଏନ୍ନାଃଏତେ ଆଲେ ପାଉଲୁସ୍କେ ଦାଆଃ ଜାହାଜ୍ରେ ଇଦି ନାଗେନ୍ତେଲେ ଉହାଟ୍‌କାଦ୍ ତାଇକେନା, ତିଆଃତି ଇନିଃ ଅତେ ହରାରେ ସେନ୍କେଦ୍ତେ ଏନ୍ ଠାୟାଦ୍ତେ ସେଟେରା ମେନ୍ତେ କାଜିକାଦ୍ ତାଇକେନା । ୧୪ ଇନିଃ ଚିମ୍ତା ଆଲେଲଃ ଆସେସ୍ରେ ନାପାମ୍‌ୟାନା, ଆଲେ ଇନିଃକେ ଦାଆଃ ଜାହାଜ୍ରେ ଇଦିକେଦ୍ତେ ମିତିଲିନ୍ ନାଗାର୍ତେଲେ ସେନଃୟାନା । ୧୫ ଏନ୍ନାଃଏତେ ଆତଃଗି ସେନଃକେଦ୍ତେ ଏଟାଃ ହୁଲାଙ୍ ଖଅସ୍ ଟାପୁତାଃଲେ ସେଟେରୁୟାନା । ଆତଃମୁସିଙ୍ ତାୟମ୍‌ତେ ଆଲେ ସାମସ୍ ଟାପୁତେ ସେଟେରୁକେଦ୍ତେ, ଏଟାଃ ହୁଲାଙ୍ ମିଲିତସ୍ ନାଗାର୍ତେଲେ ସେଟେରୁୟାନା । ୧୬ ଏସିଆ ପାର୍ଗାନରେ ଆତଃ ଆଦକା ନେଡା କା ଇଦିକେଦ୍ତେ ଏଫିସୁସ୍ ଗେନା ଗେନାତେ ଦାଆଃ ଜାହାଜ୍ରେ ଇଦି ନାଗେନ୍ତେ ପାଉଲୁସ୍ ଉହାଟ୍‌କେଦାଏ । ଆତଃ ହବାସାକାଅଃରେଦ୍, ପେଣ୍ଟିକସ୍ ହୁଲାଙ୍ରେ ଯାରୁଶାଲେମ୍‌ତେ ଜାଲ୍‌ଦି ସେଟେର ନାଙ୍ ଇନିଃ ଉହାଟ୍‌କାଦ୍ ତାଇକେନାଏ ।

ଏଫିସୁସ୍ କାଲିସିୟାରେନ୍ ପ୍ରାଚିନ୍‌କକେ ପାଉଲୁସ୍‌ଆଃ ବିଦା ଜାଗାର୍

୧୭ ପାଉଲୁସ୍ ମିଲିତସ୍‌ତାଃଏତେ ଏଫିସୁସ୍ କାଲିସିୟାରେନ୍ ପ୍ରାଚିନ୍‌କକେ ଆୟାଃଲଃ ନେପେଲ୍ ନାଗେନ୍ତେ କାଜିକୁଲ୍‌କେଦା । ୧୮ ଇନ୍‌କୁ ପାଉଲୁସ୍‌ତାଃ ତେବାଃୟାନ୍‌ତି ଇନିଃ କାଜିକେଦାଏ, “ଏସିଆ ପାର୍ଗାନ ସେଟେରୁୟାନ୍ ପାହିଲା ହୁଲାଙ୍‌ତାଃଏତେ ଆଇଙ୍ ଚିଲ୍‌କା ଆପେଲଃ ଆଦକା ନେଡା ବିତାଅକାଦାଇଙ୍, ଏନା ଆପେ ସାରିକାଦାପେ । ୧୯ ଯିହୁଦୀ ହଡକ ଆଇଙ୍‌କେ ଗଗଏଃ ନାଗେନ୍ତେକ ରୋଜୋଟ୍ ତାଇକେନ୍ ହରାତେ ଆଇଙ୍ ପୁରାଃ ଦୁକୁହାସୁ ସାହାତିଙ୍‌କେଦାଇଙ୍, ଏନରେୟ ଆଇଙ୍ ପ୍ରାତୁଆଃ ଦାସି ଲେକା ଲେବେଃ ମନ୍‌ତେ ଆତଃ ପୁରାଃ ରାଆଃତାନ୍‌ଲଃ ଆଇଁୟାଃ କାମି କାମିକାଦାଇଙ୍ । ୨୦ ଆପେ ସାରିତାନାପେ, ଆଇଙ୍ ହଡକତାଃରେ ଉଦୁବ୍‌ତାନ୍ ଇମ୍‌ତା ଆତଃ ଆପେୟାଃ ଅଡ଼ାଃରେ ଇଡୁତାନ୍ ଇମ୍‌ତା ଆପେୟାଃ ବୁଗିନାଃ ହବାଅଃ ଲେକା ଜେତାନ୍ ବିଷାଏ ଉଦୁବ୍ ନାଗେନ୍ତେ କାଇଙ୍ ହିଟ୍‌କିଟାଅକାଦା । ୨୧ ଯିହୁଦୀ

ଆତ୍ମ ସାଥୀସାଥୀ ସବେନକକେ ଆଇଙ୍ଗ ପୁରାଃଗି ଚିର୍ଗାଲାନ କାଜିକଇଙ୍ଗ କାଜିକାଦପେ ତାଇକେନା, ଜେ'ଲେକା ଇନ୍‌କୁ ଆକଆଃ ପାପକ ହେୟାତିଙ୍ଗକେଦତେ ପାର୍‌ମେଶ୍ୱାର୍‌ଆଃତେକ ହିନ୍‌ଜୁଃରୁହାଡ଼ା ଆତ୍ମ ପ୍ରାଭୁ ଯୀଶୁତାଃରେ ବିଶ୍ୱାସ୍ ରିକାଏୟାକ । ୨୨ ନାହାଁଃଦ ପାବିତାର୍ ଆମ୍‌ରାଃ ଆନାରୁ ମାନାତିଙ୍ଗକେଦତେ ଆଇଙ୍ଗ ଯୀରୁଶାଲେମ୍‌ତେଇଙ୍ଗ ସେନଃତାନା, ଏନ୍ତାଃରେ ଆଇଙ୍ଗୟାଃ ଚିକ୍‌ନାଃ ହବାଅଃଆ ଏନା କାଇଙ୍ଗ୍ ସାରିୟା । ୨୩ ପାବିତାର୍ ଆମ୍‌ ଆଇଙ୍ଗକେ ଚେତାଅକାଦିୟାଁ ଚି, ସବେନ ନାଗାର୍‌ରେ ଆଇଙ୍ଗ ଜେହେଲ୍‌ରେ ସାଜାଇ ଆତ୍ମ ଦୁକୁଇଙ୍ଗ୍ ନାମେୟା । ୨୪ ☆ମେନ୍‌ଦ ଆଇଙ୍ଗ୍ ଆଇଙ୍ଗୟାଃ ଆପ୍‌ନାଃ ଜୀଦାନକେ ଜେଡ୍‌ନାଃ ଲେକା କା ଆଟ୍‌କାର୍‌କେଦତେ, ପାର୍‌ମେଶ୍ୱାର୍‌ଆଃ ସାୟାଦ୍ ବିଷାଏରେ ପ୍ରାଭୁ ଯୀଶୁ ଆଇଙ୍ଗକେ ଅକ ସୁକୁକାଜି ଉଦୁବ୍ ନାଗେନ୍ତେ ଏମାକାଦିଙ୍ଗ୍ ସେଝାକାମିକେ ଜେ'ଲେକା ପୁରା ଦାଡ଼ିୟାଇଙ୍ଗ୍, ନିମିନାଙ୍ଗ୍ ଏସ୍‌କାର୍ ଆଇଙ୍ଗୟାଃ ଇଛାସାନାଙ୍ଗ୍ ତାନାଃ ।

୨୫ “ପାର୍‌ମେଶ୍ୱାର୍‌ଆଃ ରାଇଙ୍ଗ୍ ବିଷାଏରେ ଉଦୁବ୍ ନାଗେନ୍ତେ ଆଇଙ୍ଗ୍ ଆପେ ସବେନକତାଃତେଇଙ୍ଗ୍ ସେନାକାନା । ନାହାଁଃ ଆଇଙ୍ଗ୍ ସାରିତାନାଇଙ୍ଗ୍ ଯେ, ଆପେକଏତେ ଜେତାଏ ଆଇଙ୍ଗକେ ଆତ୍ମଃମିସା କାପେ ନେଲିୟାଁ । ୨୬ ଏନାମେନ୍ତେ ତିସିଙ୍ଗ୍ ଆଇଙ୍ଗ୍ ଆପେତାଃରେ ଗାଝା ଏମ୍‌ତାନାଇଙ୍ଗ୍ ଯେ, ଆପେକଏତେ ଜେତାଏ ଜିୟନଃରେଦ ଏନାରେୟାଃ ଦାୟୀ ଆଇଙ୍ଗ୍ ନାହାଁଲିଙ୍ଗ୍ । ୨୭ ଚିଆଃଚି ପାର୍‌ମେଶ୍ୱାର୍‌ଆଃ ଗଟା ଉଦ୍‌ବେଶ୍ ଆପେତାଃରେ ଉଦୁବ୍ ନାଗେନ୍ତେ ଆଇଙ୍ଗ୍ କାଇଙ୍ଗ୍ ହିଚ୍‌କିରାଅକାଦା । ୨୮ ଏନାମେନ୍ତେ ଆପେ ଆଗୁଆଇ ଲେକା ଆପାନକେ ଆତ୍ମ ପାବିତାର୍ ଆମ୍‌ ଏମାକାଦପେ ବିଶ୍ୱାସୀ ଗୋଟ୍ କକେ ଯାଡ୍‌ନାଅକପେ । ମିଶ୍ରିଗୁପିନିଃ ଲେକା ପାର୍‌ମେଶ୍ୱାର୍‌ଆଃ କାଲିସିୟାକେ ଯାଡ୍‌ନାଏପେ । ଅକ କାଲିସିୟାକେଚି ଇନିଃ ଆୟାଃ ହନ୍‌ଆଃ ମାୟୋମ୍ ହରାତେ ଆପ୍‌ନାଃ ବାଇୟାକାଦାଏ । ୨୯ ଆଇଙ୍ଗ୍ ସାରିତାନାଇଙ୍ଗ୍, ଆଇଙ୍ଗ୍ ସେନଃ ତାୟମ୍‌ତେ ଆପେ ଆଲାତେ ହସଡ୍ ଇତୁକ ହିନ୍‌ଜୁଆ ଆତ୍ମ ବିଶ୍ୱାସୀକକେ ହସଡ୍ ଇନିତୁକ ଇତୁକଆ । ଇନ୍‌କୁ ମିଶ୍ରିଗୋଟ୍‌କେ

ନକ୍ସାନକତାନ ବରଝାନ ହୁଣ୍ଡାରକ ଲେକାନକ ତାନକ । ୩୦ ନେତା ସେଟେରା, ଚିମ୍ତା ଆପେୟାଃ ଆପ୍ନାଃ ଝୁଣ୍ଡରେନ୍ ଚିମିନ୍ ହଡକ ବିଶ୍ୱାସୀକକେ ହସଡ୍ କାଜି କାଜିକେଦ୍ତେ ଏଟାଃ ହରାତେକ ଇଦିକଆ । ୩୧ ଏନାମେନ୍ତେ ଏୟନାକାନ ତାଇନ୍ପେ, ଆଇଙ୍ଗ୍ ନିଦା ସିଙ୍ଗି ମେଦ୍ ଦାଆଃ ଜରକେଦ୍ତେ ଆପି ସିମା ଜାକେଦ୍ ଆପେ ସବେନ୍କକେଇଙ୍ଗ୍ ଇଡୁକାଦ୍ପେୟା, ନେୟା ପାହାମେପେ ।

୩୨ “ନାହାଁଃ ଆଇଙ୍ଗ୍ ଆପେକେ ପାରମେଶ୍ୱାର୍ଆଃ ତିଃଇରେ ଆତଃ ଆୟାଃ ସାୟାଦ୍ପରାଃ କାନାଜିରେଇଙ୍ଗ୍ ଜିମାପେତାନା, ଏନା ଆପେକେ ବାଇକେଟେଦ୍ପେ ନାଗେନ୍ତେ ଆତଃ ପାରମେଶ୍ୱାର୍ଆଃ ପାବିତାର୍କାନ ହଡକ ନାଗେନ୍ତେ ହବାଅଃ ସବେନ୍ ଆଗିଷ୍ଟ, ଆପେକେ ଏମ୍ ଦାଡ୍ଡି ଲେକାନାଃ ତାନାଃ । ୩୩ ଆଇଙ୍ଗ୍ ଜେତାଏୟାଃ ରୁପା, ସୋନା ତାଏ ଲିଜାଃ ନାମେ ନାଗେନ୍ତେ କାଇଙ୍ଗ୍ ସାନାଙ୍ଗ୍କେଦା । ୩୪ ଆପେ ସାରିତାନାପେ, ଆଇଙ୍ଗ୍ ଆଇୟାଃ ନେ ବାରନ୍ ତିଃଇତେ କେଟେଦ୍ କାମି କାମିକେଦ୍ତେ ଆପ୍ନାଃ ଆତଃ ଆଇୟାଃଲଃ ମିସାତେ କାମିତାନକଆଃ ଲାଗାତିଙ୍ଗ୍ତେୟାଃ ପୁରାକାଦାଇଙ୍ଗ୍ । ୩୫ ‘ନାମେତାଃଏତେ ଦାନ୍ ଏମ୍ରେ ପୁରାଃ ରାସ୍କାମେନାଃ,’ ପ୍ରାଭୁ ଯୀଶୁ ଆଇଃକ୍ଗି କାଜିକାଦ୍ ନେ କାଜିକେ ପାହାମ୍କେଦ୍ତେ, ନେଲେକା କେଟେଦ୍ କାମି କାମିକେଦ୍ତେ ନାରାଦୁରା ହଡକକେ ଦେଙ୍ଗା ଲାଗାତିଙ୍ଗ୍ୟାଃ, ନେ ବିଷାଏରେ ଆଇଙ୍ଗ୍ ସବେନ୍ ଇମ୍ତା ଆପେକେ ନାମୁନାଇଙ୍ଗ୍ ଉଦୁକାଦା ।”

୩୬ ପାଉଲୁସ୍ ନେଆଁ କାଜି ଚାବାକେଦ୍ତେ, ଇନିଃ ଇନ୍କୁଲଃ ଇକ୍ଡମୁକେଦ୍ତେ ବିକ୍ରିକେଦା । ୩୭ ସବେନ୍କ ରାଆଃକେଦ୍ତେ ଇନିଃକେ ହାମ୍ବୁକିୟାକ ଆତଃ ପାବିତାର୍ ଚଅଃକେଦ୍ତେ ବିଦାକିୟାକ । ୩୮ ଇନ୍କୁ ଆଇଃକ୍କେ ଆତଃମିସା କାକ ନେଲ୍ ଦାଡ୍ଡିୟା ମେନ୍ତେ ଇନିଃ କାଜିକେଦ୍ ହରାତେ ଇନ୍କୁ ପୁରାଃଗିକ ହୁଡିଙ୍ଗ୍ ଜୀଉୟାନା । ଇନ୍କୁ ଇନିଃଲଃ ଦାଆଃ ଜାହାଜ୍ ନାଡେଡଃତେକ ସେନଃୟାନା ।

୨୧

ପାଉଲୁସ୍ଆଃ ଯୀରୁଶାଲେମ୍ତେ ସେନଃ

^୧ ଇନକୁକେ ବିଦାକେଦ୍‌ତେ ଆଲେ ଏନ୍ତାଃଏତେଲେ ସେନଃୟାନା । ଆଡ଼ଃ ଦାଆଃ ହରା ପାରମକେଦ୍‌ତେ ଆଲେ କୋସ୍ ଟାପୁତେଲେ ସେଟେର୍‌ୟାନା । ଏନାରେୟାଃ ଏଟାଃ ହୁଲାଙ୍ଗ୍ ରୋଡସ୍ ଟାପୁ ହରାତେ ପାଡ଼ରା ନାଗାର୍‌ତେଲେ ସେଟେର୍‌ୟାନା । ^୨ ଏନ୍ତାଃଏତେ ଫିନିସିୟା ପାରଗାନ୍‌ତେ ସେନଃତାନ୍ ମିଆଁଦ୍ ଦାଆଃ ଜାହାଜ୍‌ରେ ଦୁବ୍‌କେଦ୍‌ତେଲେ ସେନଃୟାନା । ^୩ ଏନ୍ତେ ସାଇପ୍ରସ୍ ଟାପୁ ନେଲ୍‌ତାନ୍ ମିଆଁଦ୍ ଠାୟାଦ୍‌ତାଃଲେ ସେଟେର୍‌ୟାନା । ଏନ୍ତାଃଏତେ ଏନାରେୟାଃ ଜମ୍‌ସାଃ ହରାତେ ଆଲେ ସିରିୟା ପାରଗାନ୍‌ତେଲେ ସେନଃୟାନା । ଆଲେ ସୋର୍ ନାଗାର୍‌ରେ ଦାଆଃ ଜାହାଜ୍‌ଏତେଲେ ଆଡ଼ଗୁୟାନା, ତିଆଃଚି ନେ ଦାଆଃ ଜାହାଜ୍‌ଏତେ ସାମାନକ ଆଡ଼ଗୁରାଃ ତାଇକେନା । ^୪ ଏନ୍ତାଃରେ ଆଲେ ଚିମିନ୍ ବିଶ୍ୱାସୀକକେ ନାମ୍‌କେଦ୍‌ତେ ଇନକୁଲଃ ମିଦ୍ ହାପ୍ତାଲେ ତାଇନ୍‌ୟାନା । ପାବିତାର୍ ଆମ୍‌ରାଃ ଆନାରୁ ନାମ୍‌କେଦ୍‌ତେ ଇନକୁ ପାଉଲୁସ୍‌କେ ଯୀରୁଶାଲେମ୍‌ତେ ଆଲମ୍ ସେନା ମେନ୍ତେକ କାଜିକିୟା । ^୫ ମେନ୍‌ଦ୍ ଇନକୁଲଃ ମିଦ୍ ହାପ୍ତା ତାଇନ୍‌ୟାନ୍ ତାୟମ୍‌ତେ, ଆଲେ ଇନକୁକେ ବାଗିକେଦ୍‌ତେ ଆଲେୟାଃ ହରାରେଲେ ସେନଃୟାନା । ଆଲେକେ ବିଦା ଏମ୍ ନାଗେନ୍ତେ ଇନକୁ ସବେନ୍‌କ ଆକଆଃ କୁଡ଼ି ଆଡ଼ଃ ହନକଲଃ ନାଗାର୍ ବାହାରି ଦରେୟା ଗେନା ଜାକେଦ୍‌କ ହିଜୁଃୟାନା । ଏନ୍ତାଃରେ ଆଲେ ସବେନ୍‌କ ଇକ୍‌ଡ଼ମୁକେଦ୍‌ତେ ବିକ୍ରିକେଦାଲେ । ^୬ ଏନ୍ତେ ଆଲେ ଇନକୁକେ ବିଦାକେଦ୍‌ତେ, ଦାଆଃ ଜାହାଜ୍‌ରେ ଦୁବ୍‌ୟାନାଲେ ଆଡ଼ଃ ଇନକୁ ଅଡ଼ାଃତେକ ରୁହାଡ଼ୟାନା ।

^୭ ସୋର୍ ନାଗାର୍‌ହେତେ ଆଲେ ପତଲ୍‌ମାଇ ସାହାର୍‌ତେଲେ ସେଟେର୍‌ୟାନା, ଏନ୍ତାଃରେ ବିଶ୍ୱାସୀକକେ ଜହାର୍‌କେଦ୍‌ତେ ଇନକୁଲଃ ମୁସିଙ୍ଗ୍‌ଲେ ତାଇନ୍‌ୟାନା । ^୮ ଏଟାଃ ହୁଲାଙ୍ଗ୍ ଆଲେ ଏନ୍ ଠାୟାଦ୍ ବାଗିକେଦ୍‌ତେ କାଇସରିୟା ନାଗାର୍‌ତେଲେ ସେଟେର୍‌ୟାନା । ଏନ୍ତାଃରେ ଆଲେ ସୁକୁକାଜି ଉଦୁବ୍‌ତାନ୍ ଫିଲିପ୍‌ଆଃ ଅଡ଼ାଃରେଲେ ତାଇନ୍‌ୟାନା, ଯୀରୁଶାଲେମ୍‌ରେ ଦେଙ୍ଗା ନାଗେନ୍ତେ ସାଲାକାନ୍ ଏୟାଝାନ୍‌କଏତେ ଫିଲିପ୍ ମିହୁଡ୍ ତାଇକେନାଏ । ^୯ ଇନିୟାଃ ଉଦୁନିୟାଝାନ୍ କା ଆଣ୍‌ଦିକାନ୍ କୁଡ଼ିହନ୍ ପାର୍‌ମେଶ୍ୱାର୍‌ଆଃ କାନାଜିକ ଉଦୁବ୍ ତାଇକେନା । ^{୧୦} ଆଲେ ଏନ୍ତାଃରେ ପୁରାଃ ମାହାଁ ତାଇନ୍‌ୟାନ୍

☆ ୨୧:୮ ୨୧:୮ ପ୍ରେରିତ୍ ୬:୫; ୮:୫. ☆ ୨୧:୧୦ ୨୧:୧୦ ପ୍ରେରିତ୍ ୧୧:୨୮.

ତାୟମ୍‌ତେ, ଯିହୁଦାଏତେ ଆଗାବ ନୁତୁମ୍ ମିଆଁଦ୍ ନାବୀ ଏନ୍ତାଃତେ ସେଟେରୟାନା ।^{୧୧} ଇନିଃ ଆଲେତାଃ ହିଜୁଃକେଦ୍‌ତେ, ପାଉଲୁସ୍‌ଆଃ କାସନା ଇଦିକେଦାଏ, ଆତଃ ଆଇଃକ୍‌ଗି ଆୟାଃ ତିଃଇ ଆତଃ କାଟା ତଲ୍‌କେଦ୍‌ତେ କାଜିକେଦା, “ପାବିତାର୍ ଆମ୍‌ ଆଇଃକ୍‌କେ ଉଦୁବ୍‌କାଦିୟାଁ ଯେ, ନେ କାସନା ଅକଏୟାଃ ତାନାଃ, ଇନିଃକେ ଯୀରୁଶାଲେମ୍‌ରେ ଯିହୁଦୀ ହଡକ୍ ନେ'ଲେକାଗି ତଲ୍‌କେଦ୍‌ତେ ସାଅଁସାର୍ ହଡକ୍‌ଆଃ ତିଃଇରେକ୍ ଜିମାଇୟା ।”

^{୧୨} ନେଆଁ ଆୟୁମ୍‌କେଦ୍‌ତେ ଆଲେ ଆତଃ ଏନ୍ ଠାୟାଦ୍‌ରେ ତାଇକେନ୍ ଏଟାଃ ହଡକ୍ ପାଉଲୁସ୍‌କେ ଯୀରୁଶାଲେମ୍‌ତେ ଆଲମ୍ ସେନା ମେନ୍ତେଲେ ବିକ୍ରିକିୟା ।^{୧୩} ମେନ୍‌ଦ ପାଉଲୁସ୍ କାଜିରୁହାଡକେଦ୍‌କଆଏ, “ଆପେ ନେଆଁ ତିନାଃପେ ଚିକାଏତାନା ? ତିନାଃମେନ୍ତେ ନେ ଲେକା ରାଆଃକେଦ୍‌ତେ ଆଇୟାଃ ମନ୍‌ସୁରୁଦ୍‌କେ ହୁଡିକ୍ ଜୀଉ ତାନାପେ ? ଯୀରୁଶାଲେମ୍‌ରେ ଏସକାର୍ ତଲେନ୍ ନାଗେନ୍ତେ କାହା, ମେନ୍‌ଦ ପ୍ରାଭୁ ଯୀଶୁଆଃ ନୁତୁମ୍ ନାଗେନ୍ତେ ଗନଏଃ ହବାଅଃରେୟ ଆଇଃକ୍ ସେକାଡକାନାଇକ୍ ।”

^{୧୪} ଇନିଃ ଆଲେୟାଃ କାଜି କାଏ ମାନାତିକ୍‌କେଦ୍ ହରାତେ ଆଲେ ହାପାୟାନାଲେ ଆତଃ “ପ୍ରାଭୁଆଃ ମନେଲେକା ହବାଅଃକା” ମେନ୍ତେ କାଜିକେଦାଲେ ।

^{୧୫} ଏନ୍ତାଃରେ ଚିମିନ୍ ମାହାଁ ତାଇକ୍‌କେଦ୍‌ତେ ଆଲେ ଆଲେୟାଃ ଜିନିଷକ୍ ସାଜଡାଅକେଦ୍‌ତେ ଯୀରୁଶାଲେମ୍‌ତେଲେ ସେନଃୟାନା ।^{୧୬} କାଇସରିୟାରେ ଚିମିନାକ୍ ତେଲାଇ ଆତଃ ସାଇପ୍ରସ୍‌ରେନ୍ ମନାସନ୍ ନୁତୁମ୍ ମିଆଁଦ୍ ବିଶ୍ୱାସୀହଗି ଆଲେଲଃ ମିସାତେ ସେନଃୟାନା । ଆତଃ ମନାସନ୍ ଆଲେକେ ଆୟାଃ ଅଡ଼ାଃରେ ତାଇନଃ ନାକ୍ ଇଦିକେଦ୍‌ଲେୟାଏ ।

ଯାକୁବ୍‌ଲଃ ପାଉଲୁସ୍‌ଆଃ ନେପେଲ୍

^{୧୭} ଆଲେ ଯୀରୁଶାଲେମ୍‌ରେ ସେଟେରୟାନ୍ ଇମ୍‌ତା ଏନ୍ତାଃରେନ୍ ବିଶ୍ୱାସୀ ହଡକ୍ ଆଲେକେ ରାସକାତେକ ଦାରମ୍‌କେଦ୍‌ଲେୟା ।^{୧୮} ଏଟାଃ ହୁଲାଇ ପାଉଲୁସ୍ ଆଲେଲଃ ଯାକୁବ୍‌କେ ନେନେଲ୍ ନାଗେନ୍ତେ ସେନଃୟାନା, ଏନ୍ତାଃରେ କାଲିସିୟାରେନ୍ ସବେନ୍ ପ୍ରାଚିନକ୍ ତାଇକେନା ।^{୧୯} ପାଉଲୁସ୍ ଇନ୍କୁକେ ଜହାର୍‌କେଦ୍‌କଆ ଆତଃ ଆୟାଃ କାମି ହରାତେ ପାର୍‌ମେଶ୍ୱାର୍ ସାଅଁସାର୍ ହଡକ୍

ଆଲୀରେ ଅକ କାମିକଏ କାମିକେଦା, ଏନା ସବେନାଃଏ ଉଦୁବାଦକଆ । ୨୦ ଆୟାଃ କାଜି ଆୟୁମ୍‌କେଦ୍ ତାୟମ୍‌ତେ ଇନ୍‌କୁ ସବେନ୍‌କ ପାର୍‌ମେଶ୍‌ଆଃ ମାନାରାଜ୍‌କ ରିକାକେଦା । ଏନ୍ତେ ଇନ୍‌କୁ କାଜିକେଦାକ, “ହାଗା ପାଉଲୁସ୍, ଆମ୍ ନେଲ୍ ଦାଡିତାନାମ୍, ଚିଲ୍‌କା ହାଜାର୍ ହାଜାର୍ ଯିହୁଦୀ ହଡକ ପ୍ରାଭୁ ଯାଶୁତାଃରେ ବିଶ୍ୱାସ୍‌ତାନାକ ଆଡଃ ଇନ୍‌କୁ ସବେନ୍‌କ ଆନ୍‌ରୁ ମାନାତିଜ୍‌ରେ ଚିହ୍ନକେଦ୍‌ତେ ମେନାକଆ । ୨୧ ଇନ୍‌କୁ କାଜି ଆୟୁମ୍‌କାଦାକ ଯେ, ଆମ୍ ସାଅଁସାର୍ ହଡକଆଃ ଦିଶୁମ୍‌ରେ ତାଇନ୍‌ତାନ୍ ଯିହୁଦୀ ହଡକକେ ମୁଣା ନାବାଆଃ ଆନ୍‌ରୁ ବାଗି ନାଗେନ୍ତେ, ଇନ୍‌କୁଆଃ ହନ୍‌କକେ କା ଖାଡନାଅ ନାଗେନ୍ତେ ଆଡଃ ଯିହୁଦୀ ରିତିରିଖାଜ୍ କା ମାନାତିଜ୍ ନାଗେନ୍ତେ ଇନ୍‌କୁକତାନା । ୨୨ ଆମ୍ ନେତାଃତେମ୍ ସେଟେରାକାନା ମେନ୍ତେ ଇନ୍‌କୁ ସାର୍‌ତିଗିକ ଆୟୁମେୟା । ତାବ୍‌ଦ ଚିନାଃରୁ ଚିକାଏୟା ? ୨୩ ଏନାମେନ୍ତେ ଆଲେ ସାନାଜ୍‌ତାନାଲେ, ଆମ୍ ମିଆଁଦ୍ କାମି କାମିମେ, ନେତାଃରେ ମେନାକ ଉପୁନ୍* ହଡକ ମିଆଁଦ୍ କିରିୟାକାଦାକ । ୨୪ ଇନ୍‌କୁଲଃ ସେନଃମେ ଆଡଃ ଫାର୍‌ତିଅଃରେୟାଃ ରିତିରିଖାଜ୍ ମାନାତିଜ୍ ନାଗେନ୍ତେ ଇନ୍‌କୁଲଃ ମେସାକେଦ୍‌ତେ ଦାଣ୍ଡୋରାକାବଃ ନାଜ୍ ଖାର୍‌ତାଅଃତେୟାଃ ଏମେମେ, ଏନ୍ତେ ଇନ୍‌କୁ ଆକଆଃ ଆପ୍‌ନାଃ ବହଃରାଃ ଉବ୍ ଟାଠୁନାଃକ । ଏନାତେ ଆମାଃ ବିଷାଏରେ କାଜିକାନ୍ ଜେତାନ୍ କାଜି ସାର୍‌ତି ନାହାଁଲାଃ, ମେନ୍‌ଦ୍ ଆମ୍ ମୁଣା ନାବାଆଃ ଆନ୍‌ରୁ ଲେକାମ୍ ସେସେନ୍‌ତାନା, ମେନ୍ତେ ସବେନ୍‌କ ଆଟ୍‌କାରେୟା । ୨୫ *ମେନ୍‌ଦ୍ ଅକ ସାଅଁସାର୍ ହଡକ ବିଶ୍ୱାସୀକାନାକ, ଇନ୍‌କୁତାଃତେ ଆଲେ ମିଆଁଦ୍ ଚିଟାଉଲେ ଅଲ୍ କୁଲ୍‌କାଦା, ଏନାରେ ଆଲେ ଆରୁକାଦାଲେ, ଇନ୍‌କୁ ମୁରୁଡକତାଃରେ ଦାନ୍ ରାକାବାକାନ୍ ଜମେୟାଃ ଆଲକାକ ଜମେକା, ମାୟୋମ୍ ଆଲକାକ ନୁଁଏକା, ହଟଃ ଲିମ୍‌ଦୁକେଦ୍‌ତେ ଗଜାକାଜ୍ ଜାଁତୁରାଃ ମାସ୍ ଆଲକାକ ଜମେକା ଆଡଃ ଇନ୍‌କୁ କଡା ଚାଏ କୁଡିଲଃ ହଡ଼ମରାଃ ଏଡକାନ୍ ସାମ୍‌କାକ୍ ଆଲକାକ କାମିକା ।”

୨୬ ଏନ୍ତେ ଏଟାଃ ହୁଲାଜ୍ ପାଉଲୁସ୍ ଏନ୍ ଉପୁନ୍ ହଡକଲଃ ଫାର୍‌ତିନ୍‌ରେୟାଃ ରିତିରିଖାଜ୍ ରିକା ନାଗେନ୍ତେ ମାନାତିଜ୍‌ୟାନା ।

* ୨୧:୨୩ ୨୧:୨୩ ଚାଇର୍ ଝାନ୍ ☆ ୨୧:୨୫ ୨୧:୨୫ ପ୍ରେରିତ୍ ୧୫:୨୯.

ଏନ୍ତେ ଇନିଃ ମାନ୍ଦିରତେ ସେନ୍‌କେଦ୍‌ତେ ଫାର୍‌ଚିନ୍‌ରେୟାଃ କାମି ଚିତ୍ତଲା ଚୁଣ୍ଡୁଆ ଆତଃ ଚିମ୍ତା ଦାଣ୍ଠୋରାକାବ୍ ହବାଅଃଆ, ଏନା ଉଦ୍‌ବୁକ୍‌କିୟାକ ।

ପାଉଲୁସ୍ ମାନ୍ଦିର୍ ଅଡ଼ାଃରେ ସାନାବ୍‌ୟାନା

୨୭ ଫାର୍‌ଚିନ୍‌ରେୟାଃ ଏୟାମାହ ଚୁଣ୍ଡୁତାନ୍ ଦିପିଲିରେ ଏସିଆ ପାରଗାନ୍‌ରେନ୍ ଚିମିନ୍ ଯିହୁଦୀ ହଡକ ପାଉଲୁସ୍‌କେ ମାନ୍ଦିର୍ ଅଡ଼ାଃରେକ ନେଲ୍‌କିୟା । ଇନ୍‌କୁ ଏନ୍ତାଃରେ, ଏନ୍ତାଃରେନ୍ ଗଟା ଗାଦେଲ୍ ହଡକକେ ଉସ୍‌କୁରକେଦ୍‌ତେ ପାଉଲୁସ୍‌କେ ସାବ୍‌କିୟାକ । ୨୮ ଇନ୍‌କୁ କାଉରିକେଦ୍‌ତେ କାଜିକେଦାକ, “ହେ ଇସ୍ରାଏଲ୍‌ରେନ୍ ହଡକ, ଆଲେକେ ଦେଙ୍ଗାଲେପେ ! ନେ ହଡ ଚାରିୟସାଃ ସେନ୍‌କେଦ୍‌ତେ ଇସ୍ରାଏଲ୍‌ରେନ୍ ହଡକଆଃ ବିରୁଧ୍‌ରେ, ମୁଣା ନାବୀଆଃ ଆନ୍‌ଚୁ ଆତଃ ନେ ମାନ୍ଦିର୍ ଅଡ଼ାଃ ବିରୁଧ୍‌ରେ ଇଡୁତାନା । ଆତଃ ନାହାଃ ଇନିଃ ଚିମିନ୍ ସାର୍‌ସାର୍ ହଡକକେ ମାନ୍ଦିର୍ ଅଡ଼ାଃ ଭିତାର୍‌ତେ ଆଉକେଦ୍‌ତେ ନେ ପାବିତାର୍ ଠାୟାଦକେ ସତ୍‌ରାଏ ତାନା ।” ୨୯ *ଇନ୍‌କୁ ନାଗାର୍‌ରେ ଏଫିସୁସ୍‌ରେନ୍ ତୁଫିମ୍‌କେ ପାଉଲୁସ୍‌ଲଃ ନେଲାକାଇ ତାଇକେନାକ, ଏନାତେ ପାଉଲୁସ୍ ତୁଫିମ୍‌କେ ମାନ୍ଦିର୍ ଅଡ଼ାଃତେ ଇଦିତାନା ମେନ୍ତେ ଇନ୍‌କୁ ଉଡ଼ୁକେଦାକ ।

୩୦ ଗଟା ନାଗାର୍‌ରେ ହାଲାଗୁଲା ନିଡିର୍‌ୟାନା, ଆତଃ ହଡକ ପାଉଲୁସ୍‌କେ ମାନ୍ଦିର୍ ଅଡ଼ାଃଏତେ ବାହାରିତେକ ଅର୍ ଅଡ଼କ୍‌କିୟା । ମାନ୍ଦିର୍ ଅଡ଼ାଃରେୟାଃ ଦୁଆରକ ହାଣ୍ଡେଦକେଦା । ୩୧ ଇନ୍‌କୁ ଇନିଃକେ ଗଗଏଃ ନାଗେନ୍ତେକ ଚେଷ୍ଟା ତାଇକେନ୍ ଇମତା ଗଟା ଯୀରୁଶାଲେମ୍‌ରେ ହାଲାଗୁଲାତେ ପେରେଃକାନା ମେନ୍ତେ ରୋମାନ୍‌ରେନ୍ ହାଜାର୍ ସିପାଇକଆଃ ଆଗୁଆଇନିଃତାଃତେ କାନାଜି ସେଟେର୍‌ୟାନା । ୩୨ ଇମ୍‌ତାଗି ହାଜାର୍ ସିପାଇକଆଃ ଆଗୁଆଇନିଃ ସିପାଇକକେ ଆତଃ ମିଦ୍‌ଶାଅ ସିପାଇକଆଃ ଆଗୁଆଇକକେ ଇଦିକେଦ୍‌ତେ ଏନ୍ତାଃତେ ସେଟେର୍‌ୟାନା । ହଡକ ଇନିଃକେ ଇନ୍‌କୁଲଃ ନେଲ୍‌କେଦ୍‌ତେ ପାଉଲୁସ୍‌କେ କା ଦାଲ୍‌କେଦ୍‌ତେ ବାଗିକିୟାକ । ୩୩ ହାଜାର୍ ସିପାଇକଆଃ ଆଗୁଆଇନିଃ ପାଉଲୁସ୍‌କେ

☆ ୨୧:୨୯ ୨୧:୨୯ ପ୍ରେରିତ୍ ୨୦:୪.

ବାରିୟା ସିକ୍ତେତେ ତଲି ନାଗେନ୍ତେ ଆରୁକେଦକଆ । ଏନ୍ତେ
 ଇନିଃ କୁଲିକେଦକଆଏ, “ନେ ହଡ଼ ଅକଏ ତାନିଃ ଆତଃ ଇନିଃ
 ଚିନାଃ ଚିକା କାଦାଏ ?” ୩୪ ଗାଦେଲ୍ ହଡ଼କଏତେ ଚିମିନ୍ ହଡ଼କ
 ରାକାମ୍ ରାକାମ୍ କାଜିକେଦ୍ତେ କାଉରିକେଦାକ । ନେ’ଲେକା
 କାଉରିକେଦାକ ଚି, ହାଜାର୍ ସିପାଇକଆଃ ଆଗୁଆଇନିଃ ହାଲାଗୁଲା
 ଚିନାଃମେନ୍ତେ ହବାଅଃତାନା ଏନା କାଏ ସାରିଦାଡ଼ିୟାନା ।
 ଏନାତେ ଇନିଃ ପାଉଲୁସ୍କେ ସିପାଇକଆଃ ଗାଡ଼୍ ଭିତାରତେ ଇଦି
 ନାଗେନ୍ତେ ସିପାଇକକେ ଆରୁକେଦକଆ । ୩୫ ଇନ୍କୁ ପାଉଲୁସ୍କେ
 ଇଦିକେଦ୍ତେ ଗାଡ଼୍ରେୟାଃ ପାଉର୍ତ୍ତାଃ ସେଟେରଃତାନରେ
 ଗାଦେଲ୍ ହଡ଼କଆଃ ଖୁସ୍ ନେଲ୍କେଦ୍ତେ ସିପାଇକ ପାଉଲୁସ୍କେ
 ଗଅଃକେଦ୍ତେ ଇଦିକିୟାକ । ୩୬ ସବେନ୍ ହଡ଼କ ଆୟାଃ ଦୟା ଦୟା
 ଅତଙ୍ଗ୍ ଆଉକେଦ୍ତେ “ଇନିଃକେ ଗଜିପେ” ମେନ୍ତେ କାଉରିତାନଲଃ
 କାଜିକେଦାକ ।

ପାଉଲୁସ୍ ଆଇଃକ୍ଗି ଆୟାଃ ବାଞ୍ଚାଅ ନାଙ୍ଗ୍ କାଜିକେଦାଏ

୩୭ ସିପାଇକ ପାଉଲୁସ୍କେ ଗାଡ଼୍ ଭିତାରତେ ଇଦି ଇମ୍ତା
 ପାଉଲୁସ୍ ହାଜାର୍ ସିପାଇକଆଃ ଆଗୁଆଇନିଃକେ କାଜିକିୟା,
 “ଆଇଙ୍ଗ୍ ଆବେନକେ ଜେଡ଼ନାଃ କାଜି ଦାଡ଼ିୟାଇଙ୍ଗ୍ଟି ?” ଇନିଃ
 କୁଲିକିୟାଏ, “ଆମ୍ ଗ୍ରୀକ୍ ଜାଗାରତେ କାଜିତାନାମ୍, ଗ୍ରୀକ୍ ହଡ଼
 ତାନମେଟି ? ୩୮ ଏନରେଦ ଚିମିନ୍ ମାହ୍ନାଁ ସିଦାରେ ମିସାରରେନ୍
 ଅକ୍ ହଡ଼ ହାଲାଗୁଲାକେଦ୍ତେ ଉପୁନ୍ ହାଜାର୍ ବରଞ୍ଜାନ୍ ଗଗଏଃ
 ହଡ଼କକେ ଇଦିକେଦ୍ତେ ବିର୍ରେ ସେଟେରୁୟାନା, ଆମ୍ ଚିନାଃ ଏନ୍
 ହଡ଼ ନାହ୍ନାଲମେ ?”

୩୯ ପାଉଲୁସ୍ କାଜିରୁହାଡ଼କିୟାଏ, “ଆଇଙ୍ଗ୍ କିଲିକିଆ
 ପାର୍ଗାନରେୟାଃ ତାଷ୍ ସ୍ ସାହାରରେ ଜାନାମାକାନ୍ ଯିହୁଦୀ ହଡ଼
 ତାନିଙ୍ଗ୍ । ଦାୟାକେଦ୍ତେ ନେ ହଡ଼କତାଃରେ ଜାଗାର୍ ଇଚିଙ୍ଗ୍ମେ ।”

୪୦ ଇନିଃ ପାଉଲୁସ୍କେ କାଜି ଇଚିକିୟାଏ, ଏନ୍ତେ ପାଉଲୁସ୍
 ଅଡ଼ାଃପାଉର୍ ଚେତାନରେ ତିଙ୍ଗ୍କେଦ୍ତେ ହଡ଼କକେ ହାପାଅଃ
 ନାଗେନ୍ତେ ତିଃଇ ରିମ୍କେଦ୍ତେ ଇସାରାକେଦକଆ । ଇନ୍କୁ
 ହାପାୟାନ୍ ତାୟମ୍ତେ ପାଉଲୁସ୍ ଏବ୍ରୀ ଜାଗାରତେ କାଜିକେଦା,

୨୨

^୧ “ଦୁଇାଡ଼ ହାଗାକ ଆଡ଼ ଆପୁକ, ଆଇଙ୍ଗ୍ ଆପେୟାଃ ସାମ୍ନାଙ୍ଗ୍ରେ ଆପ୍ନାଃ ନାଗେନ୍ତେ କାଜିତାନ୍ତେୟାଃ ଆୟୁମ୍ବେପେ,”

^୨ ଇନିଃ ଇନ୍କୁଲଃ ଏବ୍ରୀତେ ଜାଗାବତାନ୍ ଆୟୁମ୍ବେଦ୍ଦେ ଇନ୍କୁ ଆଡ଼ଃଗି ହାପାୟାନାକ ଆଡ଼ ପାଉଲୁସ୍ ଆଡ଼ଃଗି କାଜିଇଦିକେଦା,

^୩ ☆“ଆଇଙ୍ଗ୍ ମିହୁଡ଼୍ ମିହୁଦୀ ତାନିଙ୍ଗ୍, କିଲିକିଆ ପାରଗାନ୍ରେୟାଃ ତାଷ୍ ସାହାରରେଇଙ୍ଗ୍ ଜାନାମ୍ କାନା, ମେନ୍ଦ୍ ଆଇଙ୍ଗ୍ ଯାରୁଶାଲେମ୍ରେଇଙ୍ଗ୍ ଆୟୁଲ୍ ହାରାକାନା ଆଡ଼ ଗମଲିଏଲ୍ତାଃଏତେ ଇନିହୁଇଙ୍ଗ୍ ନାମାକାଦା । ଆଇଙ୍ଗ୍ ଆବୁଆଃ ପୁରୁଶା ହାଡ଼ାମକଆଃ ଆନ୍ତୁ ବୁଗିଲେକାଇଙ୍ଗ୍ ଇଡୁକାନା ଆଡ଼ ଆପେୟାଃ ଲେକା ପାରମେଶ୍ଵାର୍ଆଃ ନାଗେନ୍ତେ ଚିହୁଲାନଗି ତାଇକେନାଇଙ୍ଗ୍ । ^୪ ☆ଆଇଙ୍ଗ୍ ପ୍ରାଭୁଆଃ ହରାକେ ଅତଙ୍ଗ୍ତାନ୍ ହଡ଼କକେ ସାସାଡିକେଦ୍ଦେ ଗଏଃକ ତାଇକେନାଇଙ୍ଗ୍ । କଡ଼ା କୁଡ଼ି ସବେନ୍କକେ ତଲ୍ଲକେଦ୍ଦେ ଜେହେଲ୍ରେ ଜିମାକ ତାଇକେନାଇଙ୍ଗ୍ । ^୫ ଆଇଁୟାଃ ନେ କାଜି ସାର୍ଡି ତାନାଃ, ମାରାଙ୍ଗ୍ ଯାଜାକ୍ ଆଡ଼ ପାଞ୍ଚେଟ୍ରେନ୍ ସବେନ୍କ ନେଆଁରେୟାଃ ଗାଞ୍ଜାତାନ୍କ । ନେ ହଡ଼କକେ ତଲ୍ଲକେଦ୍ଦେ ଆଡ଼ ସିକିଡ଼ିରେ ତଲ୍ଲକେଦ୍ଦେ ସାଜାଇ ଏମାକ ନାଗେନ୍ତେ ଯାରୁଶାଲେମ୍ରେ ଇଦିକ ନାଙ୍ଗ୍ ଆଇଙ୍ଗ୍ ମାରାଙ୍ଗ୍ ଯାଜାକ୍ତାଃଏତେ ଅନଲ୍ ଚିଟାଉ ଇଦିକେଦ୍ଦେ, ଦମାସ୍କସ୍ ନାଗାର୍ରେ ତାଇନ୍ତାନ୍ ମିହୁଦୀ ହାଗାକତାଃତେଇଙ୍ଗ୍ ସେନଃୟାନା ।

ପାଉଲୁସ୍ ଆୟାଃ ମନ୍ତୁହାଡ଼୍ ବିଷାଏରେ ଉଦୁବ୍ଦକେଦା
(ପ୍ରେରିତ୍ ୯:୧-୧୯; ୨୭:୧୨-୧୮)

^୬ “ଆଇଙ୍ଗ୍ ସେନଃତାନ୍ ତାଇକେନ୍ ଇମ୍ତା ଦମାସ୍କସ୍ ନାଗାର୍ରେ ତେବାଗଃ ତାଇକେନ୍ରେ ସିର୍ମାଏତେ ମିଆଁଦ୍ ହିଚିରଲେକା ମାର୍ସାଲ୍ ଆଡ଼କାଗି ଆଇଁୟାଃ ଚାରିୟାଃରେ ମାର୍ସାଲ୍ୟାନା । ^୭ ଆଡ଼ ଆଇଙ୍ଗ୍ ଅତେରେଇଙ୍ଗ୍ ଉୟୁଃୟାନା ଏନ୍ତେ ଆଇଙ୍ଗ୍ ନାଗେନ୍ତେ ନେ ଲାବ୍ଜାଇଙ୍ଗ୍ ଆୟୁମ୍ବେଦା, ‘ହେ ଶାଉଲ୍, ହେ ଶାଉଲ୍, ଚିନାଃମେନ୍ତେ ଆମ୍ ଆଇଙ୍ଗ୍କେମ୍ ସିଗିଦିଇଙ୍ଗ୍ତାନା ?’

☆ ୨୨:୩ ୨୨:୩ ପ୍ରେରିତ୍ ୫:୩୪-୩୯. ☆ ୨୨:୪ ୨୨:୪ ପ୍ରେରିତ୍ ୮:୩; ୨୭:୯-୧୧.

୮ ଆଇଙ୍ଗ୍ କୁଲିକିୟାଇଙ୍ଗ୍, ‘ପ୍ରାଭୁ, ଆମ୍ ଅକଏ ତାନମେ ?’ ଇନିଃ ଆଇଙ୍ଗ୍ କେ କାଜିରୁହାଡ଼କିୟା, ‘ଆମ୍ ଅକଏକେମ୍ ସାସାତିତାନା, ଆଇଙ୍ଗ୍ ଏନ୍ ନାଜରେଡ଼ରେନ୍ ଯୀଶୁ ତାନିଙ୍ଗ୍ ।’^୯ ଆଇଁୟାଃଲଃ ତାଇକେନ୍ ହଡ଼କ ଏନ୍ ମାର୍ସାଲ୍ କ ନେଲ୍ କେଦା, ମେନ୍ଦ ଆଇଙ୍ଗ୍ ଲଃ ଜାଗାର୍ତାନ ହଡ଼ଆଃ ଲାବ୍ ଜା କାକ ଆୟୁମ୍ ଦାଡ଼ିୟାନା ।^{୧୦} ଆଇଙ୍ଗ୍ କୁଲିକିୟାଇଙ୍ଗ୍, ‘ପ୍ରାଭୁ, ଆଇଙ୍ଗ୍ ଚିନାଃ ଚିକାଏୟାଇଙ୍ଗ୍ ?’ ପ୍ରାଭୁ ଆଇଙ୍ଗ୍ କେ କାଜିକେଦିୟା, ‘ବିରିଦମେ, ଆଡ଼ଃ ଦମାସକସ୍ତେ ସେନଃମେ, ପାରମେଶ୍ୱାର୍ ଆମାଃ ନାଗେନ୍ତେ ଅକ କାମି ଦହକାଦା, ଏନା ଏନ୍ତାଃରେ ଆମକେ ଉଦୁବାମେୟା ।’^{୧୧} ଏନ୍ ମାର୍ସାଲ୍ରେୟାଃ ପୁରାଃ ମାର୍ସାଲ୍ରେ ଆଇଁୟାଃ ମେଦ୍ତାଇୟାଃ ବିଗ୍ଡ଼ାଅୟାନା ଆଡ଼ଃ କାଇଙ୍ଗ୍ ନେଲ୍ ଦାଡ଼ିୟାନା । ଏନାମେନ୍ତେ ଆଇଁୟାଃଲଃ ମିସାତେ ସେନ୍ତାଇକେନ୍ ହଡ଼କ ଆଇଁୟାଃ ଡିଃଲ ସାବ୍ କେଦ୍ତେ ଆଇଙ୍ଗ୍ କେ ଦମାସକସ୍ତେକ ସୁତୁଃଇଦିକିୟା ।

^{୧୨} “ଏନ୍ ନାଗାର୍ରେ ହନାନିୟ ନୁତୁମ୍ ମିଆଁଦ୍ ଧାର୍ମାନ ହଡ଼ ତାଇକେନାଏ । ଇନିଃ ଆବୁଆଃ ଆନ୍ତୁ ମାନାତିଙ୍ଗ୍ ନିଃ ତାଇକେନାଏ ଆଡ଼ଃ ଏନ୍ତାଃରେ ତାଇନ୍ତାନ୍ ଯିହୁଦୀ ହଡ଼ ସବେନ୍ଦକ ଇନିଃକେ ପୁରାଃଗିକ ମାଇନି ତାଇକେନା ।^{୧୩} ଇନିଃ ଆଇଁୟାଃତାଃତେ ହିଜୁଃକେଦ୍ତେ ନାଡ଼େଃରେ ଡିଙ୍ଗୁୟାନା ଆଡ଼ଃ କାଜିକେଦାଏ, ‘ହାଗା ଗାଉଲ୍, ଆମ୍ ଆଡ଼ଃମିସାମ୍ ନେଲ୍ ଦାଡ଼ିୟା ।’ ଏନ୍ ନେଡ଼ାରେଗି ଆଇଙ୍ଗ୍ ଆଡ଼ଃମିସା ନେଲ୍ ଦାଡ଼ିକେଦ୍ତେ, ଇନିଃକେଇଙ୍ଗ୍ ନେଲ୍ କିୟା ।^{୧୪} ଇନିଃ କାଜିକେଦାଏ, ‘ଆବୁଆଃ ପୁରୁଖା ହାଡ଼ାମ୍ କାଆଃ ପାରମେଶ୍ୱାର୍ ଆମକେ ଆୟାଃ ଇଛାସାନାଙ୍ଗ୍ ସାରି ନାଗେନ୍ତେ, ଆୟାଃ ଧାର୍ମାନ ଦାସିକେ ନେଲି ନାଗେନ୍ତେ ଆଡ଼ଃ ଆୟାଃ କାଜି ଆୟୁମ୍ କେଦ୍ତେ ଆୟାଃ ଆପ୍ନାଃ ଲାବ୍ ଜାତେ ଜାଗାର୍ ନାଗେନ୍ତେ ସାଲାକାଦମେୟା ।^{୧୫} ଚିଆଃଚି ଆମ୍ ଅକନାଃ ନେଲ୍ କାଦାମ୍ ଆଡ଼ଃ ଆୟୁମ୍ କାଦାମ୍, ଏନା ସବେନ୍ଦକତାଃରେ ଉଦୁବେ ନାଗେନ୍ତେ ଆମ୍ ଆୟାଃ ଗାଞ୍ଜାମ୍ ହବାଅଃଆ ।^{୧୬} ଆଡ଼ଃ ନାହାଃ, ଚିନାଃମେନ୍ତେମ୍ ବିଲାନେତାନା ? ବିରିଦମେ, ବାପ୍ତିସ୍ମା ଇଦିମେ ଆଡ଼ଃ ଆୟାଃ ନୁତୁମ୍ରେ ବିକ୍ତିକେଦ୍ତେ ଆମାଃ ସବେନ୍ ପାପ୍ କ ଫାର୍ଚିୟଃଆ ।’

ସାର୍ଥସାର୍ ହତକତାଠରେ ପ୍ରାଚାର୍ ରିକା ନାଗେନ୍ତେ ପାଉଲୁସକେ କେନେଡ଼ା

^{୧୭} “ଆଇଙ୍ଗ୍ ଯୀରୁଶାଲେମ୍ ରୁହାଡ଼କେଦ୍ତେ ଏନ୍ତାଠରେୟାଠ ମାନ୍ଦିର୍ ଅଡ଼ାଠରେ ବିକ୍ରିତାଇକେନ୍ ଇମ୍ତା, ଦାର୍ଶାନ୍ ନେଲ୍କେଦାଇଙ୍ଗ୍, ^{୧୮} ଏନ୍ ଦାର୍ଶାନ୍ରେ ପ୍ରାଭୁକେ ନେଲ୍କିୟାଙ୍ଗ୍ । ଇନିଠ ଆଇଙ୍ଗ୍କେ କାଜିକେଦିୟା, ‘ଜାଲ୍ଦି ଯୀରୁଶାଲେମ୍ ବାଗିମେ, ତିଆଠି ନେତାଠରେନ୍ ହତକ ଆଇଁୟାଠ ବିଷାଏରେ ଏମାକାଦ୍ ଗାଞ୍ଜା କାକ ଆୟୁମେୟା ।’ ^{୧୯} ଆଇଙ୍ଗ୍ କାଜିରୁହାଡ଼କେଦାଇଙ୍ଗ୍, ‘ପ୍ରାଭୁ ଆଇଙ୍ଗ୍ ସାମାଜ୍ ଅଡ଼ାଠକରେ ସେନ୍କେଦ୍ତେ ଆମାଠାଠରେ ବିଶ୍ୱାସ୍ତାନ୍ ହତକକେ ଚିଲ୍କାଇଙ୍ଗ୍ ତଲ୍କତାଇକେନା ଆତଠ ଦାଲ୍ଲକ ତାଇକେନା, ଏନା ଇନ୍କୁ ବୁଗିଲେକାକ ସାରିକାଦା, ^{୨୦} *ଆତଠ ଆମାଠ ବିଷାଏରେ ସ୍ତ୍ରୀମାନ୍ ଗାଞ୍ଜା ଏମତାଇକେନ୍ ଇମ୍ତା ଇନିଠକେ ଦିରିତେ ଚିଦ୍ଗି ଗଏଠକିୟାକ, ଆଇଙ୍ଗ୍ ଏନ୍ତାଠରେଇଙ୍ଗ୍ ତାଇକେନା, ଆତଠ ଇନିୟାଠ ଗନଏଠରେଇଙ୍ଗ୍ ସାଲ୍ହାକାନ୍ ତାଇକେନା ଆତଠ ଇନିଠକେ ଗଏଠତାନ୍ ହତକଆଠ ଲିଜାଠକଇଙ୍ଗ୍ ହରତାଇକେନା ।’ ^{୨୧} ପ୍ରାଭୁ ଆଇଙ୍ଗ୍କେ କାଜିକେଦିୟା, ‘ଭୁ, ଆଇଙ୍ଗ୍ ଆମ୍ବକେ ପୁରାଠ ସାଙ୍ଗିନ୍ ସାର୍ଥସାର୍ ହତକତାଠତେଇଙ୍ଗ୍ କୁଲ୍ମେୟା ।’”

^{୨୨} ହତକ ପାଉଲୁସ୍ ନେ କାଜି କାଜିତାନ୍ ଜାକେଦ୍ ଆୟୁମ୍ ତାଇକେନାକ, ମେନ୍ଦ୍ ଏନ୍ ତାୟମ୍ତେ ଇନ୍କୁ ପୁରାଠ କାଉରିକେଦ୍ତେ କାଜି ଏଟେଠକେଦାକ, “ଇନିଠକେ ଅତେଦିଶ୍ୱମ୍ଏତେ ବାହାରି ଅତଙ୍ଗ୍ଇପେ, ଇନିଠକେ ଗଜିପେ, ଇନିୟାଠ ଜାନିଦ୍ ତାଇନଠରେୟାଠ ଜେତାନ୍ ଆକ୍ତେୟାର୍ ବାନଠଆ ।” ^{୨୩} ଇନ୍କୁ କାଉରିତାନ୍ଲଠ ଆକଆଠ ଲିଜାଠ ହିର୍କେଦାକ ଆତଠ ଚେତାନ୍ତେ ଧୁଡ଼ି ହିର୍ଚିକେଦାକ । ^{୨୪} ପାଉଲୁସକେ ଗାଡ଼୍ ଭିତାର୍ତେ ଇଦି ନାଗେନ୍ତେ ରୋମ୍ରେନ୍ ହାଜାର୍ ସିପାଇକଆଠ ଆଗୁଆଇନିଠ ସିପାଇକକେ ଆରୁକେଦ୍କଆ ଆତଠ ଯିହୁଦୀ ହତକ ଚିନାଠମେନ୍ତେ ଆୟାଠ ବିରୁଧ୍ରେ ନେ'ଲେକା କାଉରିତାନାକ, ଏନା ସାରି ନାଗେନ୍ତେ ଇନିଠକେ କର୍ତାତେ ହାଣ୍ଟସାଇ ନାଙ୍ଗ୍ ଆରୁକେଦ୍କଆଏ । ^{୨୫} ମେନ୍ଦ୍ ଇନିଠକେ ତନଲ୍ ଇମ୍ତା ପାଉଲୁସ୍ ଏନ୍ତାଠରେ ତାଇକାନ୍

☆ ୨୨:୨୦ ୨୨:୨୦ ପ୍ରେରିତ୍ ୭:୫୮.

ମିଦ୍‌ଶାଅ ସିପାଇକଆଃ ଆଗୁଆଇନିଃକେ କାଜିକିୟା, “ଜେତା ଗୁହ୍ନାରେ ନାହାଁଃ ଜାକେଦ୍ କା ଚିଟାକାନ୍ ରୋମିରେନ୍ ହଡ଼କେ ହାଣସାତେୟାଃ ଚିନାଃ ଆଇନ୍ ଲେକାତେ ବୁଗିନାଃ ତାନାଃ ?”

୨୭ ନେଆଁ ଆୟୁମ୍‌କେଦ୍‌ତେ ମିଦ୍‌ଶାଅ ସିପାଇକଆଃ ଆଗୁଆଇନିଃ ସେନ୍‌କେଦ୍‌ତେ ହାଜାର୍ ସିପାଇକଆଃ ଆଗୁଆଇନିଃକେ କାଜିକିୟା, “ଆବେନ୍ ଚିନାଃବେନ୍ ଚିକାଏତାନା ? ଏନ୍ ହଡ଼ ରୋମିରେନ୍ ତାନିଃ ।”

୨୮ ଏନ୍ତେ ହାଜାର୍ ସିପାଇକଆଃ ଆଗୁଆଇନିଃ ପାଉଲୁସ୍‌ତାଃତେ ସେନ୍‌କେଦ୍‌ତେ କୁଲିକିୟା, “ଆମ୍ ଚିନାଃ ମିଆଁଦ୍ ରୋମିରେନ୍ ତାନମେ ?” ପାଉଲୁସ୍ କାଜିରୁହାଡ଼କିୟାଏ, “ହାଁ, ଆଇଙ୍ଗ୍ ତାନିଙ୍ଗ୍ ।”

୨୯ ହାଜାର୍ ସିପାଇକଆଃ ଆଗୁଆଇନିଃ କାଜିକେଦାଏ, “ପୁରାଃ ଗନଙ୍ଗ୍ ଏମ୍‌କେଦ୍‌ତେ ଆଇଙ୍ଗ୍ ମିଆଁଦ୍ ରୋମିରେନ୍ ହଡ଼ ହବାକାନାଇଙ୍ଗ୍ ।” ମେନ୍‌ଦ୍ ପାଉଲୁସ୍ କାଜିରୁହାଡ଼କିୟାଏ, “ମେନ୍‌ଦ୍ ଆଇଙ୍ଗ୍ ଜାନାମ୍‌ହେତେଗି ରୋମିରେନ୍ ତାନିଙ୍ଗ୍ ।”

୩୦ ଇମ୍‌ତାଗି ଅକ ହଡ଼କ ପାଉଲୁସ୍‌କେ କୁଲି ନାଗେନ୍ତେକ ସେନ୍‌ତାଇକେନା, ଇନ୍‌କୁ ତାୟମ୍‌ତେକ ରୁହାଡ଼ୟାନା ଆଡ଼ଃ ପାଉଲୁସ୍ ରୋମିରେନ୍ ତାନିଃ ମେନ୍ତେ ସାରିକେଦ୍‌ତେ ଆଡ଼ଃ ଇନିଃ ସିକିଡ଼ିତେ ପାଉଲୁସ୍‌କେ ତଲ୍ ନାଙ୍ଗ୍ ଆରୁକାଦାଏ, ନେଆଁ ସାରିକେଦ୍‌ତେ, ଇନିଃ ପୁରାଃଗି ବରକେଦା ।

ଯିହୁଦୀକଆଃ ମାରାଙ୍ଗ୍ ପାଞ୍ଚେର୍ ଆୟାରରେ ପାଉଲୁସ୍

୩୦ ଯିହୁଦୀ ହଡ଼କ ପାଉଲୁସ୍‌କେ ଚିନାଃମେନ୍ତେକ ଚିଟାଇତାନା, ଏନା ସାରି ନାଗେନ୍ତେ ହାଜାର୍ ସିପାଇକଆଃ ଆଗୁଆଇନିଃ ଏଟାଃ ହୁଲ୍ୟାଙ୍ଗ୍ ପାଉଲୁସ୍‌ଆଃ ସିକିଡ଼ି ତନଲ୍‌ତେୟାଃକ ରାଡ଼ାକେଦ୍‌ତେ ମାରାଙ୍ଗ୍ ପାଞ୍ଚେର୍ ହବାଅଃ ନାଗେନ୍ତେ ମୁଲ୍ ଯାଜାକ୍‌କକେ ଆରୁକେଦ୍‌କଆ । ଏନ୍ତେ ଇନିଃ ପାଉଲୁସ୍‌କେ ଇଦିକେଦ୍‌ତେ ଇନ୍‌କୁଆଃ ଆୟାରରେ ଡିଙ୍ଗିକିୟା ।

୨୩

୧ ପାଉଲୁସ୍ ମାରାଙ୍ଗ୍ ପାଞ୍ଚେର୍‌ସାଃତେ ମିଦ୍‌ନାଜେର୍‌ରେ ନେଲ୍‌କେଦ୍‌ତେ କାଜିକେଦା, “ହେ ଇସ୍ରାଏଲ୍‌ରେନ୍ ହାଗାକ,

ତିସିଙ୍ଗ୍ ଜାକେଦ୍ ଆଇଙ୍ଗ୍ ଆଇଁୟାଃ ଜୀଦାନରେ ପାର୍ମେଶ୍ଵାରକେ ପୁରାଃ ମାଇନ୍ତାନଲଃ ଜୀଦାନ ବିତାଅକାଦାଇଙ୍ଗ୍, ଏନ୍ ବିଷାଏରେ ଆଇଁୟାଃ ବିବେକ୍ ପୁରା ବୁରିନ୍‌ଗିୟା ।”^୨ ନେ କାଜି ଆୟୁମ୍‌କେଦ୍‌ତେ ମାରାଙ୍ଗ୍ ଯାଜାକ୍ ହନାନିୟ, ପାଉଲୁସ୍‌ଆଃ ଜଆରେ ଚାଟ୍‌କାନ୍ ନାଗେନ୍ତେ ପାଉଲୁସ୍‌ଆଃ ନାଡ଼େଃରେ ତିଙ୍ଗୁଆକାନ୍ ହଡ଼କକେ ଆରୁକେଦ୍‌କଆ ।^୩ ପାଉଲୁସ୍‌ ଇନିଃକେ କାଜିକିୟା, “ଏ ପୁଣ୍ଡିଆକାନ୍ ଭିଡ଼*, ପାର୍ମେଶ୍ଵାର ସାର୍‌ତିଗି ଆମ୍‌କେ ଦାଲ୍‌ମେୟା । ଆନ୍‌ରୁ ଲେକାତେ ଆଇଁୟାଃ ବିଚାର ନାଗେନ୍ତେ ଆମ୍‌ ଏନ୍ତାଃରେ ଦୁବାକାନାମ୍, ଏନ୍‌ରେୟ ଆଇଙ୍ଗ୍‌କେ ଦାଲ୍ ନାଙ୍ଗ୍ ଆରୁକେଦ୍‌ତେ ଆମ୍‌ ଆନ୍‌ରୁମ୍ ଟାଂଃତାନା ।”

^୪ ପାଉଲୁସ୍‌ଆଃ ନାଡ଼େଃରେ ତାଇକାନ୍ ହଡ଼କ ଇନିଃକେ କାଜିକିୟାକ, “ଆମ୍ ପାର୍ମେଶ୍ଵାର୍‌ଆଃ ମାରାଙ୍ଗ୍ ଯାଜାକ୍‌କେମ୍ ଲାୟାଜତାନା ।”

^୫ ପାଉଲୁସ୍ କାଜିରୁହାଡ଼କେଦ୍‌କଆଏ, “ହେ ଇସ୍ରାଏଲ୍‌ରେନ୍ ହାଗାକ, ଇନିଃ ମାରାଙ୍ଗ୍ ଯାଜାକ୍ ତାନିଃ ମେନ୍ତେ ଆଇଙ୍ଗ୍ କାଇଙ୍ଗ୍ ସାରିକାଦ୍ ତାଇକେନା । ଧାରାମ୍‌ପୁଥ୍‌ରେ ଅଲ୍‌କାନା, ‘ଆପେ ଆପେୟାଃ ହଡ଼କଆଃ ହାକିମ୍‌ଆଃ ବିଷାଏରେ ଏଡ଼କାନାଃ ଆଲପେ କାଜିୟା ।’”

^୬ ଯିହୁଦୀ ହଡ଼କଆଃ ଝୁଣ୍‌ରେ ଚିମିନ୍ ଫାରୁଶୀ ଆଡ଼ଃ ଚିମିନ୍ ସାଦୁକି ହଡ଼କ ମେନାକତେୟାଃ ନେଲ୍‌କେଦ୍‌ତେ ପାଉଲୁସ୍ ମାରାଙ୍ଗ୍ ପାଞ୍ଚେଟ୍‌ରେ କାଉରିକେଦ୍‌ତେ କାଜିକେଦା, “ହେ ଇସ୍ରାଏଲ୍‌ରେନ୍ ହାଗାକ, ଆଇଙ୍ଗ୍ ଫାରୁଶୀ ତାନିଙ୍ଗ୍ ଆଡ଼ଃ ଫାରୁଶୀ କିଲିରେଇଙ୍ଗ୍ ଜାନାମ୍ କାନା । ଆଡ଼ଃ ଗଜାକାନ୍‌କଆଃ ଜୀଉବିନିରିଦ୍ ମେନାଃ ମେନ୍ତେ ଭାରସାକାଦ୍ ହରାତେ ନେତାଃରେ ଆଇଁୟାଃ ବିଚାର୍ ହବାଅଃତାନା ।”

^୭ ନେ କାଜି କାଜିକେଦ୍‌ତି ଇମ୍‌ତାଗି, ଫାରୁଶୀକଆଃ ଆଡ଼ଃ ସାଦୁକିକଆଃ ଆଲ୍‌ରେ କାପ୍‌ଜି ଏଟେଦ୍‌ୟାନା, ଏନ୍ତେ ଇନ୍‌କୁଆଃ ଝୁଣ୍ ବିପିଙ୍ଗାୟାନା ।^୮ ଚିଆଃତି ସାଦୁକିକ ଗଜାକାନ୍‌କଆଃ ଜୀଉବିନିରିଦ୍ ବାନଃଆ ଆଡ଼ଃ ଦୁଡ଼କ, ଆଡ଼ଃ ଆମ୍‌ ବାଙ୍ଗ୍‌କଆ

☆ ୨୩:୩ ୨୩:୩ ମାଥୁଉ ୨୩:୨୭,୨୮. * ୨୩:୩ ୨୩:୩ କାଥୁ ☆ ୨୩:୭ ୨୩:୭ ପ୍ରେରିତ୍ ୨୨:୫; ଡିଲିପିୟ ୩:୫. ☆ ୨୩:୮ ୨୩:୮ ମାଥୁଉ ୨୨:୨୩; ମାର୍କ ୧୨:୧୮; ଲୁକ ୨୦:୨୭.

ମେନ୍ତେକ କାଜିୟାଃ, ମେନ୍ଦ ଫାରୁଣୀକ ନେ ଆପିୟାତେୟାଃରେକ ବିଶ୍ୱାସୀଃ । ^୯ ଇନ୍ଦକୁଆଃ ଆଲାରେ ପୁରାଃଗି କାପ୍ତି ହବାୟାନା ଆଡଃ ଫାରୁଣୀକଆଃ ଝୁଣ୍ଡରେନ୍ ଚିମିନ୍ ଆଇନ୍ ଇତୁକ ତିଙ୍ଗୁୟାନ୍ଲଃ କେଟେୟାନ୍ଗି କାଜିକଟଙ୍ଗକେଦ୍ତେ କାଜିକେଦାକ, “ଆଲେ ନେ ହଡ଼ତାଃରେ ଜେତାନ୍ ଗୁଣ୍ଡା କାଲେ ନାମେତାନା, ହବାସାକାଅଆଃ ଜାରୁଡ଼ଗି ଇନିଃଲଃ ମିଆନ୍ ଆମ୍ ରାଏ ଦୁଡ଼ କାଜିକାତେୟାଃଏ ।”

^{୧୦} କାପ୍ତି ନିମିନାଙ୍ଗ ବରଝାନ୍ ଲେକା ହବାୟାନା ଯେ, ଗାଦେଲ୍ ହଡ଼କ ପାଉଲୁସ୍ତକେ ଚୁକ୍ତା ଚୁକ୍ତା ତାଇୟାକ ମେନ୍ତେ ହାଜାର୍ ସିପାଇକଆଃ ଆଗୁଆଇ ବରକେଦାଏ । ଏନାତେ ଇନିଃ ହାଲାଗୁଲାତାନ୍ ହଡ଼କଆଃ ଆଲାଏତେ ପାଉଲୁସ୍ତକେ ଇଦି ଆତମ୍‌କିୟା ଆଡଃ ଇନିଃକେ ଗାଡ଼୍ ଭିତାର୍ତେ ଇଦିପେ ମେନ୍ତେ ସିପାଇକକେ ଆଚୁକେଦକଆ । ^{୧୧} ପ୍ରାଭୁ ଏନ୍ ନିଦାରେଗି ପାଉଲୁସ୍ତାଃରେ ତିଙ୍ଗୁକେଦ୍ତେ କାଜିକେଦା, “ଆଲମ୍ ବରଏୟା, ଆମ୍ ନେତାଃ ଯାରୁଶାଲେମ୍‌ରେ ଆଇଁୟାଃ ନାଗେନ୍ତେ ଗାଝାମ୍ ଏମାକାଦା । ରୋମ୍‌ରେୟାଗି ଆମ୍‌କେ ନେଲେକାଗି ଗାଝା ଏମ୍ ଲାଗାତିୟା ।”

ପାଉଲୁସ୍ତକେ ଗଗଏଃ ନାଗେନ୍ତେ ରୋଜୋଟ

^{୧୨} ଏଗାଃ ହୁଲାଙ୍ଗ୍ ସେତାଃରେ ଚିମିନ୍ ଯିହୁଦୀ ହଡ଼କ ହୁଣ୍ଡିକେଦ୍ତେକ ରୋଜୋଟକେଦା । ପାଉଲୁସ୍ତକେ ଆଉରି ଗଜି ଜାକେଦ୍ ଇନ୍କୁ ଜମ୍ ନୁଁ କାକଆଃ ମେନ୍ତେକ କିରିୟାକେଦା । ^{୧୩} ବାରହିସିହେତେ ଆଦକା ହଡ଼କ ନେଲେକା ରୋଜୋଟକାଦ୍ ତାଇକେନାକ । ^{୧୪} ଇନ୍କୁ ସେନ୍‌କେଦ୍ତେ ମୁଲ୍ ଯାଜାକ୍ ଆଡଃ ପ୍ରାଚିନ୍‌କକେ କାଜିକେଦକଆକ, “ପାଉଲୁସ୍ତକେ ଆଉରି ଗଜି ଜାକେଦ୍ ଜେଡ଼ନାଃ କାଲେ ଜମେୟାଁ ମେନ୍ତେ ଆଲେ କିରିୟାକାଦାଲେ । ^{୧୫} ଏନାତେ ଆପେ ବେଦାତାନ୍‌ଲଃ ଇନିୟାଃ ବିଷାଏରେ ପୁରାଃ ଠାଉକାଲେକା ସାରି ସାନାଙ୍ଗ୍‌ତାନାଲେ ମେନ୍ତେ ଇନିଃକେ ଆପେତାଃତେ ଆଉ ନାଗେନ୍ତେ ନାହାଁଃ ମାରାଙ୍ଗ୍ ପାଞ୍ଚେଟ୍‌ଲଃ ହାଜାର୍ ସିପାଇକଆଃ ଆଗୁଆଇତାଃତେ କାଜି କୁଲେପେ । ମେନ୍ଦ ଇନିଃ ଆପେତାଃତେ ହିଜୁଃ ସିଦାରେ ଆଲେ ଇନିଃକେ ହରାରେ ଗଜି ନାଗେନ୍ତେ ସେକାଡ଼ାକାନ୍‌ଗି ତାଇନାଲେ ।”

୧୬ ମେନ୍ଦ ପାଉଲୁସ୍ ଆଃ ମିଶିତେୟାଃ ହନ୍ ଇନ୍ କୁଆଃ ରୋଜୋଟ କାଜି ଆୟୁମ୍ କେଦ୍ ତେ ଗାଡ୍ ଭିତାର୍ ସେନ୍ କେଦ୍ ତେ ପାଉଲୁସ୍ କେ ଉଦ୍ ବକ୍ କିୟା । ୧୭ ଏନ୍ତେ ପାଉଲୁସ୍ ମିଦ୍ ଶାଅ ସିପାଇକ ଆଃ ଆଗୁଆଇକ ଏତେ ମିହୁଡ୍ କେ କେଡାକେଦ୍ ତେ କାଜି କିୟା, “ନେ ସେପେଡେଦ୍ କେ ହାଜାର୍ ସିପାଇକ ଆଃ ମାରାଙ୍ଗ୍ ନିଃତାଃ ତେ ଇଦିମେ, ଚିଆଃ ଚିନାଃ ଚିନାଃ ମିଆଁଦ୍ କାଜି ସାନାଙ୍ଗ୍ ତାନାଏ ।” ୧୮ ମିଦ୍ ଶାଅ ସିପାଇକ ଆଃ ଆଗୁଆଇ ଇନିଃ କେ ହାଜାର୍ ସିପାଇକ ଆଃ ଆଗୁଆଇ ତାଃ ତେ ଇଦି କେଦ୍ ତେ କାଜି କିୟା, “ତଲ୍ଲାନାନ୍ ପାଉଲୁସ୍ ଆଇଙ୍ଗ୍ କେ କେଡାକେଦ୍ ତେ ନେ ସେପେଡେଦ୍ କେ ଆବେନ୍ ତାଃ ତେ ଆଉ ନାଗେନ୍ତେ କାଜି କେଦିୟା, ଚିଆଃ ଚିନାଃ ଆବେନ୍ କେ ଚିନାଃ ମିଆଁଦ୍ କାଜି ସାନାଙ୍ଗ୍ ତାନାଏ ।”

୧୯ ହାଜାର୍ ସିପାଇକ ଆଃ ଆଗୁଆଇ ଇନିୟାଃ ତିଃ ଇ ସାବ୍ କେଦ୍ ତେ ଗେନାତେ ଇଦି କିୟାଏ ଆତଃ କୁଲିକିୟାଏ, “ଆଇଙ୍ଗ୍ କେ ଚିନାଃ କାଜି ରାଃ ମେନାଃ, କାଜିମେ ?”

୨୦ ଏନ୍ତେ ଇନିଃ କାଜି କେଦାଏ, “ମିହୁଦୀ ଆକ୍ ତେୟାର୍ ହଡ୍ କ ରୋଜୋଟ୍ କାଦାକ ଯେ, ପାଉଲୁସ୍ ଆଃ ବିଷାଏରେ ପୁରାଃ ଠାଉକାଲେକା ସାରି ନାଗେନ୍ତେ ସାନାଙ୍ଗ୍ ତାନାକ ମେନ୍ତେ ବେଦାକେଦ୍ ତେ, ପାଉଲୁସ୍ କେ ଗାପା ମାରାଙ୍ଗ୍ ପାଞ୍ଚେଟ୍ ତେ ଇଦି ନାଗେନ୍ତେ ଆବେନ୍ କେକ କାଜି ବେନା । ୨୧ ମେନ୍ଦ୍ ଆବେନ୍ ଇନ୍ କୁଆଃ କାଜି ଆଲବେନ୍ ଆୟୁମେୟା, ଚିଆଃ ବାର୍ ହିସି ହେତେ ଆଦକା ହଡ୍ କ ଇନିଃ କେ ଆଉରି ଗଜି ଜାକେଦ୍ କାଲେ ଜମେୟା ମେନ୍ତେ କିରିୟାକାଦାକ ଆତଃ ଉକ୍ କେଦ୍ ତେ ଇନିୟାଃ ନେଲ୍ ହରାତାନାକ । ନାହାଁଃ ଇନ୍ କୁ ଆବେନାଃ କାଜି ଆୟୁମ୍ ନାଙ୍ଗ୍ କ ତାଙ୍ଗ୍ ତାନା ।”

୨୨ ହାଜାର୍ ସିପାଇକ ଆଃ ଆଗୁଆଇ “ଆମ୍ ଆଇଙ୍ଗ୍ କେ ନେ କାଜିମ୍ ଉଦ୍ ବକାଦିୟା ଏନା ଜେତାଏକେ ଆଲମ୍ କାଜି କିଆ ।” ମେନ୍ତେ କାଜି କେଦ୍ ତେ ଇନିଃ କେ କୁଲିକିୟା ।

ପାଉଲୁସ୍ କାଇସାର୍ ତାଃ ତେ କୁଲିୟାନା

୨୩ ଏନ୍ତେ ହାଜାର୍ ସିପାଇକ ଆଃ ଆଗୁଆଇ ଆୟାଃ ମିଦ୍ ଶାଅ ସିପାଇକ ଆଃ ଆଗୁଆଇ, ବାର୍ ହଡ୍ କିନ୍ କେ କେଡାକେଦ୍ ତେ

କାଜିକେଦ୍‌କିନା, “ଡିସିଙ୍ଗ୍‌ନିଦା ନାଅ ଘାଡ଼ିକରେ କାଇସରିୟା ସାହାର୍‌ତେ ସେନଃ ନାଙ୍ଗ୍ ଗେଲ୍‌ହିସି ସିପାଇକଲଃ ସାଦମ୍‌ରେ ସେନ୍‌ତାନ୍ ଆପିହିସି ଗେଲ୍ ସିପାଇକକେ ଆଡ଼ଃ ଗେଲ୍‌ହିସି† ବାଛାଁ ସାବାକାଦ୍ ସିପାଇକକେ ସେକାଡ଼୍‌କେନ୍ । ୨୪ ଆବେନ୍ ପାଉଲୁସ୍ ନାଗେନ୍ତେ ସାଦମ୍ ଜଗାଡ଼୍‌କେନ୍ ଜେ'ଲେକା ଇନ୍‌କୁ ପାଉଲୁସ୍‌କେ ସାଦମ୍‌ରେ ଦୁବ୍‌କେଦ୍‌ତେ ଲାଟ୍‌ସାହେବ୍ ଫେଲିକ୍‌ସ୍‌ତାଃତେ ବୁଗିଲେକାକ ଇଦିସେଟେର୍ ଦାଡ଼ିୟା ।” ୨୫ ଏନ୍ତେ ହାଜାର୍ ସିପାଇକଆଃ ଆଗୁଆଇ ନେ'ଲେକା ମିଆଁଦ୍ ଚିଟାଉ ଅଲ୍‌କେଦାଏ ।

୨୬ “ପୁରାଃ ମାଇନାନ୍ ଲାଟ୍‌ସାହେବ୍ ଫେଲିକ୍‌ସ୍‌କେ କ୍ଲାଉଦିଆ ଲୁସିୟସ୍‌ଆଃ ଜହାର୍ । ୨୭ ଯିହୁଦୀ ହଡ଼କ ନେ ହଡ଼କେ ସାବ୍‌କେଦ୍‌ତେ ଗଗଏଃ ନାଙ୍ଗ୍‌କ ସାନାଙ୍ଗ୍ ତାଇକେନା । ଇନିଃ ମିଆଁଦ୍ ରୋମିରେନ୍ ହଡ଼ ତାନିଃ ମେନ୍ତେ ସାରିକେଦ୍‌ତେ ଆଇଙ୍ଗ୍ ଆଇୟାଃ ସିପାଇକଲଃ ସେନ୍‌କେଦ୍‌ତେ ଇନିଃକେଇଙ୍ଗ୍ ବାଟାଅକିୟା । ୨୮ ଇନ୍‌କୁଆଃ ବିରୁଧ୍‌ରେ ଇନିଃ ଚିନାଃ ଗୁଣ୍ଟାଁକାଦାଏ, ଏନା ସାରି ନାଗେନ୍ତେ ଆଇଙ୍ଗ୍ ଇନିଃକେ ଇନ୍‌କୁଆଃ ମାରାଙ୍ଗ୍ ପାଞ୍ଚେଟେଇଙ୍ଗ୍ ଇଦିକିୟା । ୨୯ ମେନ୍‌ଦ ଇନିଃ ଗଗଏଃ ଚାଏ ଜେହେଲ୍‌ରେ ସାଜାଇ ନାମେ ଲେକା ଜେତାନ୍ କାମି କାଏ କାମିକାଦା ମେନ୍ତେ ଆଇଙ୍ଗ୍ ସାରିକେଦାଇଙ୍ଗ୍ । ଆଡ଼ଃ ଆୟାଃ ବିରୁଧ୍‌ରେ ହବାକାନ୍ ଗୁଣ୍ଟାଁ କାଜି ଆକଆଃ ଆନ୍‌ତୁ ବିରୁଧ୍‌ ବିଷାଏରେ ହବାକାନା । ୩୦ ଆଡ଼ଃ ଇନିୟାଃ ବିରୁଧ୍‌ରେ ମିଆଁଦ୍ ରୋଜୋଟ ହବାକାନା ମେନ୍ତେ ସାରିକେଦ୍‌ତେ ଆଇଙ୍ଗ୍ ଇମ୍‌ତାଗି ଇନିଃକେ ଆବେନ୍‌ତାଃତେ କୁଲ୍ ନାଗେନ୍ତେଇଙ୍ଗ୍ ଉହାଟ୍‌କେଦା । ଆୟାଃ ବିରୁଧ୍‌ରେୟାଃ ଗୁଣ୍ଟାଁକକେ ଆବେନାଃ ଆୟାର୍‌ରେ ଦହ ନାଗେନ୍ତେ ଆଇଙ୍ଗ୍ ଆୟାଃ ବିରୁଧ୍‌ରେ କାଜିତାନ୍ ହଡ଼କକେଇଙ୍ଗ୍ କାଜିକାଦ୍‌କଆ ।”

୩୧ ସିପାଇକ ଇନିଃ ଆରୁକାଦ୍ ଲେକାଗି ପାଉଲୁସ୍‌କେ ଏନ୍ ନିଦାରେଗି ଆଡ଼ିପାଡ଼ି ନାଗାର୍‌ତେକ ଇଦିକିୟା । ୩୨ ଏଟାଃ ହୁଲାଙ୍ଗ୍ ସେସେନ୍‌ତେ ସେନ୍‌ତାନ୍ ସିପାଇକ ଆଡ଼ଃ ସାଦମ୍‌ରେ ଦୁବ୍‌କେଦ୍‌ତେ ସେନ୍‌ତାନ୍ ସିପାଇକ ଇନିଃଲଃ ସେନ୍ ନାଗେନ୍ତେ ଗାଡ଼୍‌ତେକ ରୁହାଡ଼୍‌ୟାନା । ୩୩ ଇନ୍‌କୁ ପାଉଲୁସ୍‌କେ କାଇସରିୟାତେକ

† ୨୩:୨୩ ୨୩:୨୩ ଦୁଇଟାଅ

ଇଦିକିୟା, ଆତଃ ଏନ୍ତାଃରେ ଇନକୁ ହାଜାର୍ ସିପାଇକଆଃ ଆଗୁଆଇଆଃ ଅନଲ୍ ଚିଟାଉଲଃ ପାଉଲୁସକେୟ ଲାଟ୍‌ସାହେବ୍‌ଆଃ ଡିଃଇରେକ ଜିମାକିୟା । ୩୪ ଲାଟ୍‌ସାହେବ୍ ଏନ୍ ଅନଲ୍ ଚିଟାଉ ପାଡ଼ାଅକେଦ୍‌ତେ ପାଉଲୁସକେ ଅକ ପାର୍‌ଗାନ୍‌ହେତେ ହିନ୍ଦୁଃକାନାମ୍ ମେନ୍ତେ କୁଲିକିୟା । ପାଉଲୁସ କିଲିକିଆ ପାର୍‌ଗାନ୍‌ରେନ୍ ତାନିଃ ମେନ୍ତେ ସାରିକେଦ୍‌ତେ, ୩୫ ଇନିଃ କାଜିକିୟାଏ, “ଆମ୍‌କେ ଚିଟାମେତାନ୍ ହଡ଼କ ସେଟେରୟାନ୍ ତାୟମ୍‌ତେ ଆଇଙ୍ଗ୍ ଆମାଃ ବିଷାଏରେଇଙ୍ଗ୍ ଆୟୁମେୟା ।” ଏନ୍ତେ ପାଉଲୁସକେ ହେରୋଦ୍ ରାଜାରାଃ ମାହାଲ୍‌ଲଃ ତାଇକାନ୍ ମିଆଁଦ୍ କୁଠାରେ ଦହ ନାଗେନ୍ତେ ଆରୁକେଦ୍‌କଆ ।

୨୪

ପାଉଲୁସଆଃ ବିରୁଧ୍‌ରେ ଚିଟାକାଜି

୯ ମଣେଁ ମାହାଁ ତାୟମ୍‌ତେ ମାରାଙ୍ଗ୍ ଯାଜାକ୍ ହନାନିୟ୍, ଚିମିନ୍ ଯିହୁଦୀ ପ୍ରାଚିନ୍‌କକେ ଆତଃ ତର୍ଭୁଲସ୍ ନୁହୁମ୍ ମିଆଁଦ୍ ଓକିଲ୍‌ଲଃ କାଇସରିୟାତେକ ସେନଃୟାନା । ଇନକୁ ଲାଟ୍‌ସାହେବ୍ ଫେଲିକ୍‌ସ୍‌ଆଃ ଆୟାରରେ ପାଉଲୁସଆଃ ବିରୁଧ୍‌ରେ ଚିଟାନ୍‌କାଜିକ ଉଦ୍‌ବ୍‌କେଦା । ୧୦ ଏନ୍ତେ ପାଉଲୁସକେ ଏନ୍ତାଃତେକ ଆଉକିୟା ଆତଃ ତର୍ଭୁଲସ୍ ମିମିଆଦ୍‌ତେ ଇନିୟାଃ ଚିଟାନ୍‌କାଜିକ ଉଦ୍‌ବ୍‌କେଦା, “ଏ ପୁରାଃ ମାଇନାନ୍‌ନିଃ, ଆବେନାଃ ସେଣାନ୍ ଆଗୁଆଇ ହରାତେ ଆଲେ ପୁରାଃ ଦିପିଲି ଜାକେଦ୍ ସୁକୁଜୀଉତେଲେ ତାଇନ୍‌ତାନା, ଆତଃ ଆଲେୟାଃ ଦିଶ୍‌ମ୍‌ରେୟାଃ ବୁଗିନାଃ ନାଗେନ୍ତେ ପୁରାଃ ବୁଗିନ୍ କାମିକ କାମିକାନା । ୧୧ ସବେନ୍ ଠାୟାଦ୍‌ତାଃରେ ଆତଃ ସବେନ୍ ଦିପିଲିରେ ଆଲେ ନେଆଁକେଲେ ଦାରମେତାନା, ଆତଃ ଆବେନାଃ ଧାନ୍ୟାବାଦ୍‌ଲେ ପାହାମେତାନା । ୧୨ ଆଇଙ୍ଗ୍ ଆବେନାଃ ଆଦ୍‌କା ନେତା ଇଦି ନାଗେନ୍ତେ କାଇଙ୍ଗ୍ ସାନାଙ୍ଗ୍‌ତାନା, ଏନାତେ ଆବେନ୍ ଦାୟାକେଦ୍‌ତେ ଆଇୟାଃ କାଟିଃଲେକା କାଜି ଆୟୁମେବେନ୍ ମେନ୍ତେଇଙ୍ଗ୍ ବିନ୍ତିତାନା । ୧୩ ନେ ହଡ଼ଦ୍ ପୁରାଃ ବରଝାନ୍ ହାଲାଗୁଲା ରିକାଏ ଲେକାନ୍‌ନିଃ ତାନିଃ ମେନ୍ତେଲେ ଆଟ୍‌କାରିତାନା, ଇନିଃ ଅତେଦିଶ୍‌ମ୍‌ରେୟାଃ ସବେନ୍‌ସାଃ ସେନ୍‌କେଦ୍‌ତେ ଯିହୁଦୀ ଆଲାରେ

ହାଲାଗୁଲାଏ ତାନା ଆଡ଼ଃ ଇନିଃ ନାଜ୍ରେଡ୍ ଝୁଣ୍ଡରେନ୍ ମିଆଁଦ୍ ଆଗୁଆଇ ତାନିଃ । ^୬ ଇନିଃ ମାନ୍ଦିର୍ ଅଡ଼ାଃକେ ସଡ଼ରାଏ ନାଜ୍ରେଷ୍ଟା ତାଇକେନ୍ ଇମ୍ତା ଆଲେ ଇନିଃକେଲେ ସାବକିୟା । ^୭ ମେନ୍ଦ ହାଜାର୍ ସିପାଇକଆଃ ଆଗୁଆଇ ଲୁସିୟସ୍ ହିଜୁଃକେଦ୍ତେ ପାଉଲୁସକେ ପୁରାଃ ପେଡ଼େଃଲଃ ଆଲେତାଃଏତେ ଇଦିକିୟା । *
 「ଆଲେ ଇନିୟାଃ ବିରୁଧ୍ରେ ଅକନ୍ ଚିଟାନ୍କାଜିକ କାଜିକାଦାଲେ, ଏନା ଆବେନ୍ରି ନେ ହଡ଼କେ କୁଲିକେଦ୍ତେ ସାରି ଦାଡ଼ିୟାଃବେନ୍ ।」 ^୯ ଯିହୁଦୀ ହଡ଼କହରି ନେ ଚିଟାନ୍କାଜିରେ ମେସାକେଦ୍ତେ ନେ ସବେନ୍ କାଜିକ ସାର୍ତିତାନାଃ ମେନ୍ତେକ କାଜିକେଦା ।

ଫେଲିକ୍ସଆଃ ଆୟାରରେ ପାଉଲୁସ୍

^{୧୦} ଲାଟ୍ସାହେବ୍ ପାଉଲୁସକେ କାଜି ନାଗେନ୍ତେ ଇସାରାକିୟା, ଆଡ଼ଃ ପାଉଲୁସ୍ କାଜିକେଦାଏ, “ଆଇଙ୍ଗ୍ ସାରି ତାନାଇଙ୍ଗ୍, ପୁରାଃ ବାରାଷହେତେ ଆବେନ୍ ନେ ଯିହୁଦୀ ହଡ଼କଆଃ ବିଚାରନିଃ ହବାକାନାବେନ୍, ଏନାତେ ଆବେନାଃ ଆୟାରରେ ଆଇଙ୍ଗ୍ ଆପ୍ନାଃ ବାଞ୍ଛାଅଃକାଜି କାଜି ନାଗେନ୍ତେଇଙ୍ଗ୍ ରାସକା କାନା । ^{୧୧} ଆବେନ୍ ଆବେନ୍ରି ସାରି ଦାଡ଼ିୟାଃବେନ୍ ଯେ, ଗେଲ୍ବାର୍ ହୁଲାଇଁଏତେ ଆଦକା କା ହବାଅଃଆ ଆଇଙ୍ଗ୍ ଯୀରୁଶାଲେମ୍ତେ ସେଝା ନାଗେନ୍ତେଇଙ୍ଗ୍ ସେନାକାନ୍ ତାଇକେନା । ^{୧୨} ଯିହୁଦୀ ହଡ଼କ ଆଇଙ୍ଗ୍କେ ମାନ୍ଦିର୍ ଅଡ଼ାଃରେ ଜେତାଏଲଃ କାପ୍ଜିତାନ୍ କାକ ନେଲାଇଦିୟାଁ ଚାଏ ସାମାଜ୍ ଅଡ଼ାଃରେ ଚାଏ ନାଗାରରେୟାଃ ଏଟାଃ ଜେତାନ୍ ଠାୟାଦ୍ରେ ହଡ଼କକେ ଏଡ଼କାନ୍ କାମିରେ ଉସ୍କୁର୍ ନାଜ୍ କାକ ନେଲାଇଦିୟାଁ । ^{୧୩} ଏନାତେ ଆଇଁୟାଃ ବିରୁଧ୍ରେ ନାହାଁଃ ଆଉଝାକାନ୍ ଚିଟାନ୍କାଜିକ ନାଗେନ୍ତେ ଇନ୍କୁ କାକ ଉଦୁବ୍ ଦାଡ଼ିୟା । ^{୧୪} ଆଇଙ୍ଗ୍ ଆବେନ୍ତାଃରେ ମାନାଡ଼ିଙ୍ଗ୍ ତାନାଇଙ୍ଗ୍ ଯେ ଅକ ହରାକେ ଇନ୍କୁ ହସଡ଼ ମେନ୍ତେକ କାଜିତାନା, ଏନ୍ ହରାକେ ଅତଙ୍ଗକେଦ୍ତେ ଆଇଙ୍ଗ୍ ଆଗୁଆଃ ପୁରୁଶା ହାଡ଼ାମ୍କଆଃ ପାର୍ମେଶ୍ଟାର୍କେଇଙ୍ଗ୍ ସେଝାତାନା । ମେନ୍ଦ ଆଇଙ୍ଗ୍ହରି ମୁଶା ନାବାଆଃ ଆନ୍ତୁ ଆଡ଼ଃ ନାବୀକଆଃ ପୁଥ୍ରେ ଅଲାଇକାନ୍ ସବେନ୍ ବିଷାଏ ବିଶ୍ୱାସ୍ତାନାଇଙ୍ଗ୍ । ^{୧୫} ନେ ହଡ଼କଆଃ ଲେକାଗି ପାର୍ମେଶ୍ଟାର୍ତାଃରେ ଆଇଁୟାଃ ମିଆଁଦ୍

* **୨୪:୭** 24:7 ନେ ପଦ ଚିମିନ୍ ମାରି ଅନଲକରେ ବାନଃଆ

ଆସ୍ତ୍ରା ମେନାଃ ଚି, ଧାରମାନ ଆତଃ ଏତ୍ତକାନ ସବେନ୍ ହତ୍ତକଆଃ ଗନଏଃହେତେ ଜୀଉବିନିରିଦ୍ ମେନାଃ ।^{୧୭} ଏନାତେ ପାର୍ମେଶ୍ଵାର୍ ଆତଃ ହତ୍ତକଆଃ ସାମନାଙ୍ଗ୍ରେ ନିରାଲ୍ ବିବେକ୍ ଲେକାତେ ଚାଇଲ୍ ଚାଲାନ ରିକା ନାଙ୍ଗ୍ ଆଇଙ୍ଗ୍ ସବେନ୍ ଇମ୍ତାଇଙ୍ଗ୍ ସାନାଙ୍ଗ୍ତାନା ।

^{୧୭} ☆“ପୁରାଃ ସିର୍ମାହେତେ ଯୀରୁଶାଲେମ୍ତାଃଏତେ ସାଙ୍ଗିନ୍ରେ ତାଇକେନ୍ ତାୟମ୍ତେ, ଆଇଁୟାଃ ଆପ୍ନାଃ ହତ୍ତକ ନାଗେନ୍ତେ ଚିମିନ୍ ଚାକା ପାଏସା ଇଦି ନାଗେନ୍ତେ ଆତଃ ଦାଣ୍ଟେ ରାକାବେ ନାଗେନ୍ତେ ଆଇଙ୍ଗ୍ ଏନ୍ତାଃତେଇଙ୍ଗ୍ ସେନାକାନ୍ ତାଇକେନା ।^{୧୮} ଆଇଙ୍ଗ୍ ଫାଠ୍ଚିନ୍ରେୟାଃ ରିଡିରିଞ୍ଜାଜ୍ ଚୁଣ୍ଡୁ ତାଇକେନ୍ ଇମ୍ତା ଇନ୍କୁ ଆଇଙ୍ଗ୍କେ ମାନ୍ଦିର୍ ଅତାଃରେକ ନେଲ୍କେଦିୟା । ଇମ୍ତା ଆଇଙ୍ଗ୍ଲଃ ଗାଦେଲ୍ ହତ୍ତକ କାକ ତାଇକେନା ଚାଏ ହାଲାଗୁଲା କା ହବାଅଃ ତାଇକେନା ।^{୧୯} ମେନ୍ଦ ଏସିଆ ପାର୍ଗାନରେନ୍ ଚିମିନ୍ ଯିହୁଦୀ ହତ୍ତକ ଏନ୍ତାଃରେକ ତାଇକେନା, ଇନ୍କୁଆଃ ଜେଡ୍ନାଃ କାଜିରାଃ ତାଇକାନ୍ତେୟାଃ ରେଦ୍, ଇନ୍କୁ ଆକଗି ଆବେନାଃ ହେପାଦ୍ତେ ହିଜୁଃକେଦ୍ତେ ଆଇଁୟାଃ ବିରୁଧ୍ରେ ଚିଟାନ୍କାଜି କାଜି ଦାଡିକାତେତେୟାଃକ ।^{୨୦} ଆତଃଚି ଆଇଙ୍ଗ୍ ମାରାଙ୍ଗ୍ ପାଞ୍ଚେଟ୍ ଆୟାରରେ ତିଙ୍ଗ୍କାନ୍ ତାଇକେନାଇଙ୍ଗ୍ ଇମ୍ତା, ଆଇଙ୍ଗ୍ ଅକ ଏତ୍ତକାନ କାମିରେୟାଃ ଗୁନ୍ନାରେଇଙ୍ଗ୍ ଚିଟାକାନା, ଏନା ନେତାଃରେ ଅକ ହତ୍ତକ ମେନାକଆ, ଇନ୍କୁ କାଜିକାକ ।^{୨୧} ☆ଆଇଙ୍ଗ୍ ଇନ୍କୁଆଃ ଆୟାରରେ ତିଙ୍ଗ୍କେଦ୍ତେ ମିଆଁଦ୍ କାଜି ଏସ୍କାର୍ କାଜିକାଦ୍ ତାଇକେନାଇଙ୍ଗ୍, ଏନା ହବାଅଃତାନା, ‘ଗନଏଃ ହତ୍ତକଆଃ ଜୀଉବିନିରିଦ୍ ମେନାଃ ମେନ୍ତେ ଆଇଙ୍ଗ୍ ବିଶ୍ଵାସ୍ତାନ୍ ହରାତେ ତିସିଙ୍ଗ୍ ବିଚାରଃତାନାଇଙ୍ଗ୍ ।’”

^{୨୨} ଫେଲିକ୍ସ୍ ନେ ହରା ବିଷାଏରେ ବୁଗିଲେକାତେ ସାରିକାଦ୍ ହରାତେ ଆତଃଚି କା ଆୟୁମ୍କେଦ୍ତେ କାଜିକେଦା, “ହାଜାର୍ ସିପାଇକଆଃ ଆଗୁଆଲ୍ ଲୁସିୟ୍ ସେଟେରାଏ ଇମ୍ତା, ଆଇଙ୍ଗ୍ ଆମାଃ ବିଷାଏରେୟାଃ କାଜିଇଙ୍ଗ୍ ଉହାଟେୟା ।”^{୨୩} ଇନିଃ ପାଉଲ୍ସକେ ଜେହେଲ୍ରେ ଦହ ନାଙ୍ଗ୍ ମିଦ୍ଗାଅ ସିପାଇକଆଃ ଆଗୁଆଇକେ ଆଚୁକିୟା, ମେନ୍ଦ୍ ପାଉଲ୍ସକେ ସିକିଡିତେ କା

☆ ୨୪:୧୭ ୨୪:୧୭ ପ୍ରେରିତ୍ ୨୧:୧୭-୨୮. ☆ ୨୪:୨୧ ୨୪:୨୧ ପ୍ରେରିତ୍ ୨୩:୭.

ତଳକେଦ୍‌ତେ ପୁରା ରାଡ଼ାଗି ତାଇନକା ଆତଃ ଆୟାଃ ଗାତିକ ନେପେଲ୍ ନାଜ୍ ହିଜୁଃରେ ଚାଏ ଆୟାଃ ଲାଗାତିଜ୍‌ତେୟାଃକ ଜଗାଅରେ, ଏମ୍‌ଇଚିକମ୍ ।

ଫେଲିକ୍‌ସ୍ ଆତଃ ଦୁସିଲା ଆୟାର୍‌ରେ ପାଉଲୁସ୍

୨୪ ଚିମିନ୍ ହୁଲାଜ୍‌ରାଃ ତାୟମ୍‌ତେ ଫେଲିକ୍‌ସ୍ ଆୟାଃ ଯିହୁଦୀ କୁଡ଼ି ଦୁସିଲାଲଃ ହିଜୁଃୟାନାଏ, ଇନିଃ ପାଉଲୁସ୍‌କେ କେଡ଼ାକେଦ୍‌ତେ ଯୀଶୁ ଖ୍ରୀଷ୍ଟ୍‌ତାଃରେ ବିଶ୍ୱାସ୍ ନାଜ୍ ଆୟାଃ କାଜି ଆୟୁମ୍‌କେଦା । ୨୫ ମେନ୍‌ଦ ଚିମ୍‌ତା ପାଉଲୁସ୍ ଧାର୍‌ମାନ୍ ବିଷାଏ, ଆପ୍‌ନାଃ ମନ୍‌କେ ଆବ୍‌ରରେ ଦହ ଆତଃ ହିଜୁଃତାନ୍ ବିଚାର୍ ହୁଲାଜ୍ ବିଷାଏରେ ଜାଗାର୍ ତାଇକେନାଏ, ଫେଲିକ୍‌ସ୍ ବରୟାନାଏ ଆତଃ କାଜିକେଦାଏ, “ଆମ୍ ନାହାଁଃ ସେନଃ ଦାଡ଼ିୟାମ୍ । ସୁଯୋଗ୍ ନାମେରେ, ଆତଃମିସା ଆମ୍‌କେଇଜ୍ କେଡ଼ାମେୟାଁ ।” ୨୬ ଏନ୍ ନେଡ଼ାରେ ଇନିଃ ପାଉଲୁସ୍‌ତାଃଏତେ ଟାକା ପାଏସା ନାମେୟାଇଜ୍ ମେନ୍ତେ ଆସ୍ତ୍ରାକାଦ୍ ତାଇକେନା, ଏନାମେନ୍ତେ ଇନିଃ ସବେନ୍ ଇମ୍‌ତା ଇନିଃକେ କେଡ଼ା ଆଉକେଦ୍‌ତେ ଜାଗାର୍‌ତାନ୍ ତାଇକେନା ।

୨୭ ନେ'ଲେକା ବାର୍ ସିମାଁ ହବାୟାନ୍ ତାୟମ୍‌ତେ ପୋକ୍‌ୟସ୍ ଫେଷ୍ଟସ୍, ଫେଲିକ୍‌ସ୍‌ଆଃ ଠାୟାଦ୍‌ରେ ଲାଟ୍‌ସାହେବ୍ ଲେକାଏ ସାଲାୟାନା । ଫେଲିକ୍‌ସ୍, ଯିହୁଦୀ ହଡ଼କ ସୁକୁଆଇଜ୍‌କାକ ମେନ୍ତେ ସାନାଜ୍‌କେଦ୍‌ତେ ପାଉଲୁସ୍‌କେ କା ରାଡ଼ାକେଦ୍‌ତେ ଜେହେଲ୍‌ରେ ବାଗିକିୟା ।

୨୫

କାଇସାର୍‌ଆଃ ଆୟାର୍‌ରେ ପାଉଲୁସ୍‌ଆଃ ବିନ୍ତି

୧ ଫେଷ୍ଟସ୍ ଏନ୍ ପାର୍‌ଗାନ୍‌ତେ ସେଟେର୍‌ୟାନ୍‌ରାଃ ଆପି ମାହାଁ ତାୟମ୍‌ତେ କାଇସରିୟାହେତେ ଯୀରୁଶାଲେମ୍‌ତେ ସେନଃୟାନା । ୨ ଏନ୍ତାଃରେ ମୁଲ୍ ଯାଜାକ୍ ଆତଃ ଯିହୁଦୀ ଆଗୁଆଇକ ଆତଃମିସା ପାଉଲୁସ୍‌ଆଃ ବିରୁଧ୍‌ରେ ଚିଟାନ୍‌କାଜିକ ଫେଷ୍ଟସ୍‌ଆଃ ଆୟାର୍‌ରେ ବିନ୍ତିକେଦାକ । ୩ ପାଉଲୁସ୍‌କେ ଯୀରୁଶାଲେମ୍‌ତେ ଆଉ ନାଜ୍ ଆରୁକମ୍ ମେନ୍ତେ ଇନ୍‌କୁ ଫେଷ୍ଟସ୍‌କେ କାଜିଗହାର୍‌କିୟାକ, ଚିଆଃଚି ଇନ୍‌କୁ ପାଉଲୁସ୍‌କେ ହରାରେ ଗଗଏଃ ନାଜ୍ ରୋଜୋଟ୍‌କେଦ୍‌ତେ

ଉତ୍ସାହକାଦ୍ ତାଇକେନାକ । ୪ ଫେଷ୍ଟସ୍ କାଜିକେଦାଏ,
 “ପାଉଲୁସ୍‌କେ କାଇସରିୟାରେୟାଃ ଜେହେଲ୍‌ରେ ଦହକାନା
 ଆଡ଼ଃ ଆଇଙ୍ଗ୍ ଏନ୍ତାଃତେ ଜାଲ୍‌ଦିଗିଇଙ୍ଗ୍ ସେନ୍‌ରୁହାଡ଼ା । ୫ ଇନିଃ
 ଜେଡ଼ନାଃ ଗୁଣ୍ଟାକାଦ୍‌ରେଦ୍, ଆପେୟାଃ ଆଗୁଆଇକ ଆଇଁୟାଃଲଃ
 କାଇସରିୟାତେ ସେନ୍‌କାକ ଆଡ଼ଃ ଇନ୍‌କୁ ଇନିଃ କା ଠାଉକାନକାମି
 କାମିକାଦ୍‌ତେୟାଃ ଉଦୁବେକାକ ।”

୬ ଫେଷ୍ଟସ୍ ଇନ୍‌କୁଆଃଲଃ ଇରାଲିୟା* ଚାଏ ଗେଲେୟା
 ମାହାଁଏତେ ଆଦକା କା ତାଇନ୍‌କେଦ୍‌ତେ କାଇସରିୟାତେ
 ରୁହାଡ଼ୟାନା । ଏଟାଃ ହୁଲାଙ୍ଗ୍ ଇନିଃ ବିଚାରରେୟାଃ କାଚାଇରିରେ
 ଦୁବ୍‌କେଦ୍‌ତେ ପାଉଲୁସ୍‌କେ ଆଉ ନାଗେନ୍ତେ ହୁକୁମ୍‌କେଦା ।
 ୭ ପାଉଲୁସ୍ ହିନ୍ତୁଃୟାନ୍‌ତି ଯୀରୁଗାଲେମ୍‌ରେନ୍ ଯିହୁଦୀ ହଡ଼କ
 ଆୟାଃ ଚାରିୟାଃରେ ଜୁରୁହୁଣ୍ଡିକେଦ୍‌ତେ ତିଙ୍ଗୁୟାନାକ ଆଡ଼ଃ
 ଆୟାଃ ବିରୁଧ୍‌ରେ ପୁରାଃଗିକ କାଜିକେଦା । ମେନ୍‌ଦ ଇନ୍‌କୁ ଏନ୍
 କାଜିକେଦ୍‌ତେୟାଃରାଃ ସାବୁଦ୍ କାକ ଏମ୍ ଦାଡ଼ିକେଦା । ୮ ମେନ୍‌ଦ
 ପାଉଲୁସ୍ ଆପ୍‌ନାଃ ବାଚାଅଃ ରିକା ନାଙ୍ଗ୍ କାଜିକେଦାଏ, “ଯିହୁଦୀ
 ହଡ଼କଆଃ ଆନ୍‌ରୁ ବିରୁଧ୍‌ରେ ଚାଏ ମାନ୍‌ିର୍ ଅଡ଼ାଃ ବିରୁଧ୍‌ରେ ଚାଏ
 କାଇସାର୍‌ଆଃ ବିରୁଧ୍‌ରେ ଜେଡ଼ନାଃ କାଇଙ୍ଗ୍ ଗୁଣ୍ଟାକାଦା ।”

୯ ମେନ୍‌ଦ ଫେଷ୍ଟସ୍ ଯିହୁଦୀ ହଡ଼କ ସୁକ୍ଷ୍ମକାକ ମେନ୍ତେ
 ପାଉଲୁସ୍‌କେ କୁଲିକିୟା, “ଯୀରୁଗାଲେମ୍‌ତେ ସେନ୍ ନାଙ୍ଗ୍ ଆଡ଼ଃ
 ଏନ୍ତାଃରେ ଆଇଁୟାଃ ହେପାଦ୍‌ରେ ନେ ସବେନ୍ ଗୁଣ୍ଟା କାଜିକ ବିଚାର
 ନାଗେନ୍ତେ ଆମ୍ ତିନାଃ ସାନାଙ୍ଗ୍‌ତାନାମ୍ ?”

୧୦ ପାଉଲୁସ୍ କାଜିକେଦାଏ, “ଆଇଙ୍ଗ୍ କାଇସାର୍‌ଆଃ ବିଚାର
 ଠାୟାଦ୍ କାଚାଇରିରେ ତିଙ୍ଗୁଆକାନାଇଙ୍ଗ୍ । ନେତାଃରେଗି ଆଇଁୟାଃ
 ବିଚାର ହବାଅଃ ଲାଗାଡ଼ିଙ୍ଗ୍‌ୟାଃ । ଆବେନ୍ ଆବେନ୍‌ଗି ବୁଗିଲେକା
 ସାରିତାନାବେନ୍, ଆଇଙ୍ଗ୍ ଯିହୁଦୀ ହଡ଼କଆଃ ବିରୁଧ୍‌ରେ ଜେଡ଼ନାଃ
 କାଇଙ୍ଗ୍ ଅନ୍‌ୟାୟ । ୧୧ ଆଇଙ୍ଗ୍ ଆନ୍‌ରୁ ଟଟାଃକେଦ୍‌ତେ ଗଜେନ୍
 ଲେକା ଜେତା ଅନ୍‌ୟାୟ କାମିଇଙ୍ଗ୍ କାମିକାଦ୍‌ରେଦ୍, ଏନାଏତେ
 ବାସ୍ତାଅଃ ନାଗେନ୍ତେ କାଇଙ୍ଗ୍ ସାନାଙ୍ଗ୍‌ତାନା । ମେନ୍‌ଦ ଇନ୍‌କୁ
 ଆଇଁୟାଃ ବିରୁଧ୍‌ରେ ଆଉଃକାଦ୍ ଚିଟାଅଃକାଜିକରେ ଜେତାନ୍

* ୨୫:୭ ୨୫:୭ ଆଠ

ସାନାର୍ତ୍ତି ବାନଃରେଦ, ଜେତାଏ ଆଇଙ୍ଗକେ ଇନ୍‌କୁଆଃ ତିଃଇରେ ଜିମା କାଏ ଦାଡ଼ିୟା । ଆଇଁୟାଃ କାଇସାର୍‌ତାଃରେ ବିଚାର୍ ହବାଅଃକା ମେନ୍ତେଇଙ୍ଗ୍ କାଜିଗହାର୍‌ତାନାଃ ।” ୧୨ ଏନ୍ତେ ଫେଷ୍ଟସ୍, ମାରାଙ୍ଗ୍ ପାଞ୍ଚେଟ୍‌ରେନ୍ ପାଞ୍ଚକଲିଃ ଜାଗାର୍ ଚାବାକେଦ୍‌ତେ କାଜିରୁହାଡ଼କେଦା, “ଆମ୍ କାଇସାର୍‌ତାଃରେ କାଜିଗହାର୍‌କାଦାମ୍, ଏନାମେନ୍ତେ ଆମ୍ କାଇସାର୍‌ତାଃତେମ୍ ସେନା ।”

ଆଗ୍ରିପା ଆଡ଼ଃ ବର୍‌ନିସ୍‌ଆଃ ଆୟାର୍‌ରେ ପାଉଲୁସ୍

୧୩ ଚିମିନ୍ ମାହାଁ ସେନଃୟାନ୍ ତାୟମ୍‌ତେ ରାଜା ଆଗ୍ରିପା ଆଡ଼ଃ ବର୍‌ନିସ୍, ଫେଷ୍ଟସ୍‌କେ ଦାରମି ନାଗେନ୍ତେ କାଇସରିୟା ପାର୍‌ଗାନ୍‌ତେକ ହିଜୁଃୟାନ୍ । ୧୪ ଏନ୍ତାଃରେ ଇନ୍‌କୁ ଚିମିନ୍ ମାହାଁ ତାଇକେଦ୍‌ତେ ରାଜା ଫେଷ୍ଟସ୍‌କେ ପାଉଲୁସ୍‌ଆଃ ବିଷାଏରେ କାଜିକିୟାକ, “ଫେଲିକ୍‌ସ୍ ଜେହେଲ୍‌କାଇ ମିଆଁଦ୍ ହଡ଼ ନେତାଃରେ ମିନାଇୟା । ୧୫ ଆଡ଼ଃ ଆଇଙ୍ଗ୍ ଯାରୁଗାଲେମ୍‌ତେ ସେନାକାନ୍ ତାଇକେନାଇଙ୍ଗ୍ ଇମ୍‌ତା, ଯିହୁଦୀ ମୁଲ୍ ଯାଜାକ୍ ଆଡ଼ଃ ପ୍ରାଚିନ୍‌କ ଇନିୟାଃ ବିରୁଧ୍‌ରେ ଚିମିନ୍ ଚିଟାନ୍‌କାଜିକ ଆଉକେଦା ଆଡ଼ଃ ଇନ୍‌କୁ ଆଇଙ୍ଗ୍‌କେ ଇନିଃକେ ସାଜାଇ ନାଗେନ୍ତେକ କାଜିକେଦିୟାଁ । ୧୬ ମେନ୍‌ଦ ଆଇଙ୍ଗ୍ ଇନ୍‌କୁକେ କାଜିକେଦକଆଇଙ୍ଗ୍ ଚି, ମିଆଁଦ୍ ଚିଟାକାନ୍ ହଡ଼କେ ବିଚାର୍‌ରେୟାଃ କାଚାଇରିରେ ଆଇଃକ୍‌କେ ଚିଟାକାଇ ହଡ଼କଆଃ ସାମ୍‌ନାଙ୍ଗ୍‌ରେ ଆପାନ୍‌କେ ବାଚାଞ୍ଜେନ୍‌କାଜି କାଜି ନାଗେନ୍ତେ ସୁଯୋଗ୍ ଏମ୍ ସିଦାରେ ଇନିଃକେ ସାଜାଇ ଏମ୍ ନାଙ୍ଗ୍ ଜିମା ରିକାରେୟାଃ ରୋମିରେନ୍ ହଡ଼କଆଃ ଆଇନ୍ ନାହାଁଲାଃ । ୧୭ ଇନ୍‌କୁ ନେତାଃତେ ହିଜୁଃୟାନ୍ ତାୟମ୍‌ତେ ଆଇଙ୍ଗ୍ ବେଗାର୍ ବିଲ୍‌ମ୍‌କେଦ୍‌ତେ ଏନାରେୟାଃ ଏଟାଃ ହୁଲାଙ୍ଗ୍ କାଚାଇରିରେ ଦୁବ୍‌ୟାନାଇଙ୍ଗ୍ ଆଡ଼ଃ ପାଉଲୁସ୍‌କେ ଭିତାର୍‌ତେ ଆଉ ନାଙ୍ଗ୍ ଆରୁକେଦକଆଇଙ୍ଗ୍ । ୧୮ ଆଇଃକ୍‌କେ ଚିଟାଇତାନ୍ ହଡ଼କ ଆୟାଃ ବିରୁଧ୍‌ରେ କାଜି ନାଗେନ୍ତେକ ତିଜୁୟାନ୍, ମେନ୍‌ଦ ଆଇଙ୍ଗ୍ ମନେକାଦ୍ ତାଇକେନ୍ ଲେକା ଚିଟାଅଃରାଃ କାଜି ଆଉୟାକ ମେନ୍ତେଇଙ୍ଗ୍ ଉଡ଼ଃକାଦ୍ ତାଇକେନା, ମେନ୍‌ଦ ଇନ୍‌କୁ ଏନ୍ ଲେକା କାକ ଦାଡ଼ିକେନା । ୧୯ ଇନ୍‌କୁ ସବେନ୍‌କ ଆକଆଃ ଧାରାମ୍ ବିଷାଏରେ ଆଡ଼ଃ ଯୀଗୁ ନୁଡୁମ୍ ମିଆଁଦ୍ ହଡ଼, ଗଜାକାନ୍‌କଏତେ

ଜୀଉବିରିଦାକାନାଏ ମେନ୍ତେ ପାଉଲୁସ୍ କାଜିତାନ୍ ବିଷାଏରେ ଜାଗାର୍ତାନାକ । ^{୨୦} ଆଇଙ୍ଗ୍ ନେ ସବେନ୍ ବିଷାଏରେ ଆଡ଼ଠି ବୁଗିଲେକା ସାରିନାମ୍ ନାଗେନ୍ତେ ଚିନାଃ ରିକା ଲାଗାତିୟା, ଏନା କାଇଙ୍ଗ୍ ଉହାଟ୍ ଦାଡ଼ିୟାନ୍ ହରାତେ, ନେ ଚିଟାନ୍କାଜିରେ ବିଚାରଃ ନାଙ୍ଗ୍ ପାଉଲୁସ୍କେ ଯୀରୁଶାଲେମ୍ତେମ୍ ସେନାଚି ମେନ୍ତେଇଙ୍ଗ୍ କୁଲିକିୟା । ^{୨୧} ମେନ୍ଦ୍ ପାଉଲୁସ୍, ଆଇଃକ୍ରି ରୋମିରେନ୍ ହାକିମ୍ ଆଇଙ୍ଗ୍କେ ବିଚାରିଙ୍ଗ୍କା ମେନ୍ତେ କାଜିଗରଙ୍ଗ୍କେଦା, ଏନାତେ ଆଇଙ୍ଗ୍ ଇନିଃକେ କାଇସାର୍ତାଃତେ ଆଉରି କୁଲି ଜାକେଦ୍ ଜେହେଲ୍ରେ ଦହକେଦ୍ତେ ଦାର୍ଝାନ୍କକେ ହର ନାଙ୍ଗ୍ ଆତୁକାଦ୍କଆଇଙ୍ଗ୍ ।”

^{୨୨} ଆଗ୍ରିପା ଫେଷ୍ଟସ୍କେ କାଜିକିୟା, “ଆଇଙ୍ଗ୍ରି ନେ ହଡ଼ରାଃ କାଜି ଆୟୁମ୍ ନାଗେନ୍ତେଇଙ୍ଗ୍ ସାନାଙ୍ଗ୍ତାନା ।” ଫେଷ୍ଟସ୍ କାଜିରୁହାଡ଼କିୟାଏ, “ଗାପା ଆବେନ୍ ଇନିୟାଃ କାଜିବେନ୍ ଆୟୁମେୟା ।”

^{୨୩} ଏନାରେୟାଃ ଏଗାଃ ହୁଲାଙ୍ଗ୍ ଆଗ୍ରିପା ଆଡ଼ଠ ବର୍ନିସ୍ ପୁରାଃ ମାରାଙ୍ଗ୍ ପାଞ୍ଚେଟ୍ତେକ ହିଜୁଃୟାନା ଆଡ଼ଠ ହାଜାର୍ ସିପାଇକଆଃ ଆଗ୍ରିଆଇକ ଆଡ଼ଠ ନାଗାର୍ରେନ୍ ମାପ୍ପାରାଙ୍ଗ୍ ହଡ଼କଲଃ କାଚାଇରିତେ ବଲୟାନାକ । ଫେଷ୍ଟସ୍ଆଃ ହୁକୁମ୍ତେ ପାଉଲୁସ୍କେ ଭିତାର୍ତେକ ଆଉକିୟା । ^{୨୪} ଫେଷ୍ଟସ୍ କାଜିକେଦାଏ, “ରାଜା ଆଗ୍ରିପା ଆଡ଼ଠ ନେତାଃରେ ମେନାକ ସବେନ୍ ମାଇନାନ୍ ହଡ଼କ, ଆପେ ନେଲିତାନ୍ ନେ ହଡ଼ଆଃ ବିରୁଧ୍ରେ ନେତାଃରେନ୍ ହଡ଼କ ଆଡ଼ଠ ଯୀରୁଶାଲେମ୍ରେ ତାଇନ୍ତାନ୍ ଯିହୁଦୀ ହଡ଼କ ଆଇଙ୍ଗ୍ତାଃତେ ଇନିୟାଃ ଗୁହ୍ମାକାଜିକ ଆଉଝାକାଦା । ଇନିଃ ଜାନିଦ୍ ଆଲକାଏ ତାଇନଃକା ମେନ୍ତେ ଇନ୍କୁ ସବେନ୍କ କାଉରିୟାକାଦାକ । ^{୨୫} ମେନ୍ଦ୍ ଇନିଃ ଗନ୍ଧଃ ସାଜାଇ ନାମେଲେକା ଜେତାନ୍ କାମି କାଇଙ୍ଗ୍ ନାମକେଦା । ଇନିଃ ଆଇଃକ୍ରି ରୋମିରେନ୍ ହାକିମ୍କେ କାଜିଗହାକାଇ ହରାତେ, ଆଇଙ୍ଗ୍ ଇନିଃକେ ରୋମ୍ତେ କୁଲି ନାଙ୍ଗ୍ ଉହାଟ୍କାଦାଇଙ୍ଗ୍ । ^{୨୬} ମେନ୍ଦ୍ ଇନିୟାଃ ବିଷାଏରେ ହାକିମ୍ତାଃତେ ଅଲ୍ ନାଙ୍ଗ୍ ଜେଡ଼ନାଃ କାଇଙ୍ଗ୍ ନାମେତାନା । ଏନାତେ ଆଇଙ୍ଗ୍ ଇନିଃକେ ଆପେତାଃତେ, ବିଶେଷକେଦ୍ତେ ରାଜା ଆଗ୍ରିପା, ଆବେନାଃ ଆୟାର୍ତେଇଙ୍ଗ୍ ଆଉକିୟା, ଜେଲେକାଚି

ଇନିୟାଃ ବିଷାଏ ବୁଗିଲେକା କୁଲିକେଦ୍‌ତେ ଆଇଙ୍ଗ୍ ରୋମିରେନ୍ ହାକିମ୍‌ତାଃତେ ଜେଡ୍‌ନାଃଇଙ୍ଗ୍ ଅଲ୍ ଦାଡ଼ିୟା । ୨୭ ଚିଆଃଚି ମିଆଁଦ୍ ଜେହେଲକାନ୍‌ନିୟାଃ ବିରୁଧ୍‌ରେ ତାଇକାନ୍ ଚିଟାନ୍‌କାଜିକ ବୁଗିଲେକା କା ଉଦୁବ୍‌କେଦ୍‌ତେ ଇନିଃକେ ହାକିମ୍‌ତାଃତେ କୁଲିକେୟାଃ କା ଠାଉକା ଲେକାଇଙ୍ଗ୍ ଆଟ୍‌କାରେତାନା ।”

୨୭

ଆଗ୍ରିପା ଆୟାରରେ ପାଉଲୁସ୍

୧ ଆଗ୍ରିପା ପାଉଲୁସ୍‌କେ କାଜିକିୟା, “ଆମ୍ ନାହାଁଃ ଆମାଃ ସାଃଏତେ ଜେଡ୍‌ନାଃ କାଜି ଦାଡ଼ିୟାଃମ୍ ।” ପାଉଲୁସ୍ ତିଃଇ ଜିଲିଙ୍ଗ୍‌କେଦ୍‌ତେ ଆୟାଃ ଆପ୍‌ନାଃସାଃଏତେ ବାଞ୍ଚାଅଃ ନାଙ୍ଗ୍ କାଜିକେଦାଏ,

୨ “ହେ ରାଜା ଆଗ୍ରିପା, ଯିହୁଦୀ ହଡ୍‌କ ଆଇଙ୍ଗ୍‌କେ ଚିଟାଇଙ୍ଗ୍‌ତାନ୍ ସବେନ୍ କାଜିକ ନାଗେନ୍ତେ ଆଇଙ୍ଗ୍ ତିସିଙ୍ଗ୍ ଆବେନାଃ ଆୟାରରେ ଆପ୍‌ନାଃସାଃଏତେ ବାଞ୍ଚାଅଃ ନାଙ୍ଗ୍ କାଜିରେୟାଃ ସୁଯୋଗ୍ ଏମାକାନ୍ ହରାତେ ପୁରାଃଗିଇଙ୍ଗ୍ ସୁକୁକାନା । ୩ ଚିଆଃଚି ଯିହୁଦୀ ହଡ୍‌କଆଃ ରିତିରିଖାଜ୍ ଆତଃ ଇନ୍‌କୁଆଃ ଏପ୍‌ରାଙ୍ଗ୍ କାଜିକ ଆବେନ୍ ବୁଗିଲେକାବେନ୍ ସାରିକାଦା । ଏନାତେ ବିକ୍ରିବେନ୍ ତାନାଇଙ୍ଗ୍, ଆବେନ୍ ଧିରାଜ୍‌ତେ ଆଇଁୟାଃ କାଜି ଆୟୁମେବେନ୍ ।

୪ “ମିଦ୍ ସିଚିଆଏତେ ଆଇଁୟାଃ ଜୀଦାନ୍‌ରେୟାଃ ଚାଇଲ୍ ଚାଲାନ୍ ବିଷାଏରେ ସବେନ୍ ଯିହୁଦୀ ହଡ୍‌କ ସାରିକାଦାକ । ସିଦାତେ ଆଇଁୟାଃ ଆପ୍‌ନାଃ ଦିଶ୍‌ମ୍‌ରେ ଏନ୍ତେ ଯୀରୁଶାଲେମ୍‌ରେ ଆଇଙ୍ଗ୍ ଚିଲ୍‌କା ଜୀଦାନ୍ ବିତାଅକାଦାଇଙ୍ଗ୍, ଏନାହ ଇନ୍‌କୁ ସାରିକାଦାକ । ୫ ଆଇଙ୍ଗ୍ ସିଦାଏତେଗି ଫାରୁଶୀ ନୁତୁମ୍ ଆଲେୟାଃ ଧାରାମ୍‌ରେୟାଃ ସବେନାଃଏତେ କେଟେୟାନ୍ ଝୁଣ୍ଡିରେନ୍ ହଡ୍‌ ତାଇକେନାଇଙ୍ଗ୍, ଏନା ଇନ୍‌କୁ ସାରିତାନାକ ଆତଃ ସାନାଙ୍ଗ୍ ତାନ୍‌ରେଦ୍, ଇନ୍‌କୁ ନେ ବିଷାଏରେ ଗାଞ୍ଜା ଏମ୍ ଦାଡ଼ିୟାଃକ । ୬ ପାରମେଶ୍‌ବାର୍ ଆଲେୟାଃ ପୁରୁଶା ହାଡ଼ାମ୍‌କକେ ଅକ ବାନାର୍‌ସା ଏମାକାକ ତାଇକେନାଏ, ଏନାରେ ଆଇଁୟାଃ ଆସ୍ତା ମେନାଃ ହରାତେ ତିସିଙ୍ଗ୍ ଆଇଙ୍ଗ୍

☆ ୨୭:୫ ୨୭:୫ ପ୍ରେରିତ୍ ୨୩:୭; ଫିଲିପିୟ ୩:୫.

ନେତାଃରେ ବିଚାର ହବାଅଃ ନାଜ୍ ତିଜ୍ଜୁକାନାଇଜ୍ । ୭ ଆଲେୟାଃ ହଡକଆଃ ଗେଲ୍‌ବାର୍ କିଲିକ ନିଦା ସିଜ୍ ପାର୍‌ମେଶ୍‌ବାର୍‌ଆଃ ସେଝାକେଦ୍‌ତେ ଏନ୍ ମିଆଁଦ୍ ବିଷାଏଗି ନାମେ ନାଗେନ୍ତେକ ଆସ୍ରାକାଦା । ହେ ମାଇନାନ୍ ରାଜା ଆଗ୍ରିପା, ଆଇଁୟାଃ ଏନ୍ ଆସ୍ରା ହରାତେ ଯିହୁଦୀ ହଡକ ଆଇଜ୍‌କେକ ତିଟାଇଜ୍‌ତାନା । ୮ ପାର୍‌ମେଶ୍‌ବାର୍ ଗଜାକାନକକେ ଜୀଉବିରିଦ୍‌କଆ, ନେ କାଜି ତିନାଃମେନ୍ତେ ଆପେୟାଃ ବିଚାରରେ କା ପାତିୟାର୍‌ରଃ ଲେକାପେ ଆଟ୍‌କାରେତାନା ?

୯ * “ନାଜ୍‌ରେଡ୍‌ରେନ୍ ଯୀଶୁଆଃ ନୁତୁମ୍ ବିରୁଧ୍‌ରେ ଆଇଁୟାଃ ପୁରାଃଗି କାମି ରିକା ଲାଗାତିଜ୍‌ୟାଃ ମେନ୍ତେଇଜ୍ ଉଡ଼ଃକାଦ୍ ତାଇକେନା । ୧୦ ଯୀରୁଶାଲେମ୍‌ରେ ଆଇଜ୍ ଏନ୍‌ଲେକାଗିଇଜ୍ ରିକାକେଦା । ମୁଲ୍ ଯାଜାକ୍‌ତାଃଏତେ ଆକ୍‌ତେୟାର୍ ଅନଲ୍ ଆଉକେଦ୍‌ତେ ପାର୍‌ମେଶ୍‌ବାର୍‌ଆଃ ପୁରାଃ ପାବିତାର୍ ହଡକକେ ଜେହେଲ୍‌ରେ ଦହକେଦ୍‌କଆଇଜ୍ ଆଡ଼ଃ ଇନ୍‌କୁକେ ଗନ୍‌ଏଃ ସାଜାଇ ଏମଃ ଇମ୍‌ତା ଆଇଜ୍ ଇନ୍‌କୁଆଃ ବିରୁଧ୍‌ରେ ତାଇକେନାଇଜ୍ । ୧୧ ପୁରାଃସାଃ ସାମାଜ୍ ଅଡ଼ଃକରେ ଆଇଜ୍ ଇନ୍‌କୁକେ ସାଜାଇ ଏମାକାଦ୍‌କଆଇଜ୍ ଆଡ଼ଃ ଇନ୍‌କୁ ଯୀଶୁକେ ନିନ୍ଦାକେଦ୍‌ତେ ବିଶ୍ୱାସକାଦ୍‌ତେୟାଃକେ ବାଗିପେ ମେନ୍ତେଇଜ୍ କାଜିକତାଇକେନା । ଆଇଜ୍ ଇନ୍‌କୁଆଃ ନାଗେନ୍ତେ ନିମିନାଇଜ୍ ଖୁସ୍‌କାନ୍ ତାଇକେନାଇଜ୍ ଯେ, ଇନ୍‌କୁକେ ସାସାତି ରିକା ନାଗେନ୍ତେ ଏଟାଃଦିଶୁମ୍‌ରାଃ ନାଗାର୍‌କତେହଗି ସେନାକାନ୍ ତାଇକେନାଇଜ୍ ।

ପାଉଲୁସ୍ ଆୟାଃ ମନ୍‌ରୁହାଡ୍ ବିଷାଏରେ କାଜିକେଦା
(ପ୍ରେରିତ୍ ୯:୧-୧୯; ୨୭:୬-୧୭)

୧୨ “ନେ ଉଦ୍‌ବେଶ୍‌ରେ ମୁଲ୍ ଯାଜାକ୍‌ତାଃଏତେ ଆକ୍‌ତେୟାର୍ ଅନଲ୍ ଆଡ଼ଃ ଆନାରୁ ଆଉକେଦ୍‌ତେ ଆଇଜ୍ ଦମାସ୍କସ୍‌ତେ ସେନାକାନ୍ ତାଇକେନାଇଜ୍ । ୧୩ ହେ ମାଇନାନ୍ ରାଜା ଆଗ୍ରିପା, ମୁସିଜ୍ ତିକିନ୍‌ସିଜ୍ ଇମ୍‌ତା ସେନ୍ ହରାରେ ଆଇଜ୍ ସିଜ୍‌ଏତେ ଆଦ୍‌କା ମାର୍‌ସାଲ୍ ନେଲ୍‌କେଦାଇଜ୍, ସିମ୍‌ହେତେ ଏନ୍ ମାର୍‌ସାଲ୍ ହିଜ୍‌କେଦ୍‌ତେ ଆଇଁୟାଃ ଆଡ଼ଃ ଆଇଁୟାଃଲଃ ସେନ୍‌ତାନ୍‌କଆଃ

☆ ୨୭:୯ ୨୭:୯ ପ୍ରେରିତ୍ ୮:୩; ୨୨:୪,୫.

ଚାରିୟସାଧରେ ମାର୍ଯ୍ୟାଲୟନା । ୧୪ ଆଲେ ସବେନକ ଅତେରେଲେ ଉତ୍ତୁଃୟନା ଆତଃ ଏତ୍ତୀ ଜାଗାର୍ତେ ଆଇଙ୍ଗ ନାଗେନ୍ତେ ନେ ଲାବ୍ଜା ଆୟୁମ୍ବକେଦାଇଙ୍ଗ, ‘ହେ ଶାଉଲ୍, ହେ ଶାଉଲ୍, ତିନାଃମେନ୍ତେ ଆମ୍ ଆଇଙ୍ଗକେମ୍ ସିଗିଦିଇଙ୍ଗତାନା ? ସିଦ୍ଧୁଃତାନ୍ ନାଏଁହାଲ୍ ତୁଟିରେ ତାୟୁଃତାନ୍ ପାହାଲ୍ରେ ଫାଦାତାନ୍ ଉରିଃକ୍ ଲେକା ଆମ୍ ଆମ୍ଗି ଫାଦାଅଃଆ ।’ ୧୫ ଆଇଙ୍ଗ କୁଲିକେଦାଇଙ୍ଗ, ‘ପ୍ରାଭୁ ଆବେନ୍ ଅକଏତାନ୍ବେନ୍ ?’ ପ୍ରାଭୁ କାଜିରୁହାଡକେଦିୟାଏ, ‘ଆଇଙ୍ଗ ଏନ୍ ଯୀଶୁ ତାନିଙ୍ଗ, ଅକଏକେତି ଆମ୍ ସାସାତିତାନାମ୍ । ୧୬ ମେନ୍ଦ ବିରିଦକେଦ୍ଦେ ତିଙ୍ଗୁନମେ, ଆମ୍ବକେ ଆଇଁୟାଃ ଦାସି ଲେକା ସାଲାମେ ନାଗେନ୍ତେ ଆଇଙ୍ଗ ଆମ୍ତାଃରେଇଙ୍ଗ ଉଦୁବେନ୍ୟନା । ତିସିଙ୍ଗ ଆଇଁୟାଃ ବିଷାଏରେ ନେଲକାଦ୍ତେୟାଃ ଆତଃ ହିଦ୍ଧୁଃ ଦିପିଲିରେ ଆଇଙ୍ଗ ଆମ୍ବକେ ଉଦୁବାମେତେୟାଃ, ଏନ୍ ସବେନାଃରାଃ ଗାଞ୍ଜା ଆମ୍ ଏଟାଃକକେମ୍ କାଜିୟାକଆ । ୧୭ ଆଇଙ୍ଗ ଆମ୍ବକେ ଅକ ଯିହୁଦୀ ଆତଃ ସାଏଁସାର୍ ହଡକତାଃତେ କୁଲ୍ମେୟାଈଙ୍ଗ, ଇନ୍କୁତାଃଏତେ ଆଇଙ୍ଗ ଆମ୍ବକେ ବାଞ୍ଜାଅମେୟାଈଙ୍ଗ । ୧୮ ଆମ୍ ଇନ୍କୁକେ ସାର୍ତତିତେୟାଃ ଆର୍କାରେ ନାଙ୍ଗ୍ ଆତଃ ହସଡତେୟାଈକେ କା ବିଶ୍ୱାସେ ନାଙ୍ଗ୍ ଦେଙ୍ଗାକଆମ୍, ଇନ୍କୁକେ ନୁବାଃହେତେ ମାର୍ଯ୍ୟାଲ୍ତେ ଆତଃ ସାଏତାନ୍ଆଃ ଆକ୍ତେୟାର୍ହେତେ ପାର୍ମେଶ୍ୱାର୍ସାଃତେ ରୁହାଡକଆମେ, ଜେ’ଲେକାତି ଆଇଙ୍ଗତାଃରେ ବିଶ୍ୱାସେ ହରାତେ ଇନ୍କୁଆଃ ପାପକ ଛାମାଅଃଆ ଆତଃ ପାର୍ମେଶ୍ୱାର୍ଆଃ ପାବିତାର୍କାନ୍ ହଡକ ଆଲାରେ ଇନ୍କୁ ଠାୟାଦକ ନାମେୟା ।’

ପାଉଲୁସ୍ ଆୟାଃ କାମିରାଃ କାଜି ଉଦୁବେତାନା

୧୯ “ଏନାମେନ୍ତେ ହେ ରାଜା ଆଗ୍ରିପା, ଆଇଙ୍ଗ ସିର୍ମାଏତେ ଅକ ଦାର୍ଶାନ୍ ନାମାକାଦାଇଙ୍ଗ୍ ଏନାକେଇଙ୍ଗ୍ ମାନାତିଙ୍ଗକାଦା । ୨୦ *ଆଇଙ୍ଗ୍ ସିଦାତେ ଦମାସକସ୍, ଯୀରୁଶାଲେମ୍ ଆତଃ ଏନାରେୟାଃ ତାୟମ୍ତେ ସବେନ୍ ଯିହୁଦୀ ପାର୍ଗାନ୍ରେ ଆତଃ ସାଏଁସାର୍ ହଡକଆଃ ଆଲାରେଇଙ୍ଗ୍ ଉଦୁବ୍କେଦା, ଜେ’ଲେକାତି ଇନ୍କୁ ପାପ୍ ନାଗେନ୍ତେ ହେୟାତିଙ୍ଗ୍ତାନଲଃ ପାର୍ମେଶ୍ୱାର୍ସାଃତେକ

ରୁହାଡ଼ା ଆଡ଼େ ଇନ୍ଦ୍ରକୁ ହେୟାତିଙ୍କାଦାକ ମେନ୍ତେ ଏନାକେ କାମିରେକ ଉଦୁବେୟା । ୨୧ ନେଆଁ ନାଗେନ୍ତେ ଆଇଙ୍ଗ୍ ମାନ୍ଦିର୍ ଅଡ଼ାରେ ତାଇକେନ୍ ଇମତା ଯିହୁଦୀ ହଡ଼କ ଆଇଙ୍ଗ୍‌କେ ସାବ୍‌କେଦ୍‌ତେ ଗଗଏଃ ନାଗେନ୍ତେକ ସେକାଡ଼ାକାନ୍ ତାଇକେନା । ୨୨ ମେନ୍‌ଦ ପାର୍‌ମେଶ୍ୱାର୍ ତିସିଙ୍ଗ୍ ଜାକେଦ୍ ଆଇଙ୍ଗ୍‌କେ ଦେଙ୍ଗାକାଦିୟା ଆଡ଼େ ଏନାମେନ୍ତେ ଆଇଙ୍ଗ୍ ତିସିଙ୍ଗ୍ ହୁଡ଼ିଙ୍ଗ୍ ମାରାଙ୍ଗ୍ ସବେନ୍‌କତାରେ ଗାଞ୍ଜା ଏମ୍ ନାଗେନ୍ତେଇଙ୍ଗ୍ ତିଙ୍ଗୁଆକାନା । ନାବୀକ ଆଡ଼େ ମୁଣା, ଅକ୍‌ନାଃ ହବାଅଥା ମେନ୍ତେକ କାଜିକାଦ୍ ତାଇକେନା, ଆଇଙ୍ଗ୍ ଏନ୍ କାଜିକେଗିଇଙ୍ଗ୍ କାଜିତାନା । ୨୩*ମାସିକେ ଦୁକୁ ସାହାତିଙ୍ଗ୍ ଲାଗାତିଙ୍ଗ୍‌ୟାଃ ଆଡ଼େ ଗଜାକାନ୍‌କଆଃଏତେ ସିଦାତେ ଜାଉବିରିଦ୍‌ୟାନ୍‌ଲଃ ଯିହୁଦୀ ଆଡ଼େ ସାଅଁସାର୍ ହଡ଼କଆଃ ଆୟାର୍‌ରେ ପାରିତ୍ରାଣ୍‌ରେୟାଃ ମାର୍ସାଲ୍ ଉଦୁବେୟାଏ ।”

୨୪ ନେ'ଲେକା ପାଉଲୁସ୍ ଆୟାଃ ଆପ୍‌ନାଃସାଃଏତେ କାଜିତାଇକେନ୍ ଇମତା, ଫେଷ୍ଟସ୍ କାଉରିକେଦ୍‌ତେ କାଜିକେଦା, “ପାଉଲୁସ୍, ଆମ୍ ବାଲୁଅଃ ତାନାମେ ! ଆମାଃ ମାରାଙ୍ଗ୍ ଇନ୍‌ତୁ ଆମ୍‌କେ ବାଉଡ଼ାକାଦ୍‌ମେୟା !”

୨୫ ପାଉଲୁସ୍ କାଜିରୁହାଡ଼କେଦାଏ, “ଏ ମାଇନାନ୍ ଫେଷ୍ଟସ୍, ଆଇଙ୍ଗ୍ କାଇଙ୍ଗ୍ ବାଏହାକାନା, ଆଇଙ୍ଗ୍ କାଜିତାନ୍‌ତେୟାଃ ସାର୍‌ତିତାନାଃ ଆଡ଼େ ଲାଗାତିଙ୍ଗ୍‌ରାଃ କାଜିଇଙ୍ଗ୍ କାଜିକାଦା । ୨୬ ରାଜା ଆଗ୍ରିପା, ଆବେନ୍ ନେ ସବେନ୍ ବିଷାଏରେ ସାରିକାଦ୍ ହରାତେ ଆଇଙ୍ଗ୍ ଆବେନାଃ ଆୟାର୍‌ରେ ନେ କାଜି କାଜି ନାଗେନ୍ତେଇଙ୍ଗ୍ ସାହାସେତାନା, ଆଇଙ୍ଗ୍ ସାର୍‌ତିଗିଇଙ୍ଗ୍ ସାରିତାନା ଯେ, ନେ ସବେନ୍ ବିଷାଏରେ ଆବେନ୍ ସାରିତାନାବେନ୍, ତିଆଃତି ନେଆଁ କା ସାରି ଠାୟାଦ୍‌ରେ ଉକୁକେଦ୍‌ତେ କା ହବାକାନା । ୨୭ ହେ ରାଜା ଆଗ୍ରିପା, ଚିୟାଃ ଆବେନ୍ ନାବୀକକେ ବିଶ୍ୱାସ୍‌ସାଃବେନ୍ ? ଆଇଙ୍ଗ୍ ସାରିତାନାଇଙ୍ଗ୍ ଆବେନ୍ ବିଶ୍ୱାସ୍‌ସାଃବେନ୍ !”

୨୮ ଆଗ୍ରିପା ପାଉଲୁସ୍‌କେ କାଜିକିୟା, “ନେ ହୁଡ଼ିଙ୍ଗ୍ ଘାଡ଼ିରେଗି ଆମ୍ ଚିନାଃ ଆଇଙ୍ଗ୍‌କେ ଖ୍ରୀଷ୍ଟିୟାନ୍ ରିକା ଦାଡ଼ିୟାମ୍ ମେନ୍ତେମ୍ ଉଡ଼ୁତାନା ?”

* ୨୭:୨୩ ୨୭:୨୩ ୧ କରିନ୍ଥ୍‌ୟ ୧୫:୨୦.

୨୯ ପାଉଲୁସ୍ କାଜିରୁହାଡ଼କିୟାଏ, “କାଟିଃଘାଡ଼ି ହବାଅଃ ଚାଏ ପୁରାଃଘାଡ଼ି, ପାର୍ମେଶ୍ଵାରତାଃରେ ଆଇଁୟାଃ ନିମିନାଙ୍ଗ୍ ବିକ୍ତିତାନାଃ, ଆବେନ୍ ଆଡଃ ତିସିଙ୍ଗ୍ ଆଇଁୟାଃ କାଜି ଆୟୁମ୍‌କାଦ୍ ସବେନ୍‌କ ଆଇଁୟାଃ ଲେକା ହବାଅଃପେ, ମେନ୍‌ଦ ନେ'ଲେକା ସିକିଡ଼ିରେ ତଲଃପେ ମେନ୍ତେ ଆଇଙ୍ଗ୍ କାଇଙ୍ଗ୍ କାଜିତାନା ।”

୩୦ ଏନ୍ତେ ରାଜା, ଲାଟ୍‌ସାହେବ୍, ବର୍ନିସ୍ ଆଡଃ ଏଟାଃ ସବେନ୍‌କ ବିରିଦ୍‌ୟାନା, ୩୧ ଆଡଃ ସେନଃ ତାଇକେନ୍ ଇମ୍‌ତା ମିହୁଡ୍, ଆଡଃମିହୁଡ୍‌କେ କାଜିୟାନାକ, “ନେ ହଡ୍ ନେ'ଲେକାନ୍ ଜେତାନ୍ କାମି କାଏ କାମିକାଦା, ଅକ୍‌ନାଃ ହରାତେଟି ଇନିଃ ଗନଏଃ ଚାଏ ଜେହେଲ୍‌ରେ ସାଜାଇ ନାମେୟାଏ ।” ୩୨ ଆଡଃ ଆଗ୍ରିପା ଫେଷ୍ଟସ୍‌କେ କାଜିକିୟା, “ନେ ହଡ୍ କାଇସାରତାଃରେ ବିଚାରଃ ନାଗେନ୍ତେ କାଏ କାଜିଗରଙ୍ଗ୍‌କେଦ୍‌ରେଦ୍, ଆବୁ ଇନିଃକେ ଜେହେଲ୍‌ହେତେ ରାଡ଼ା ଦାଡ଼ିକାଇତେୟାଃରୁ ।”

୨୭

ରୋମ୍‌ତେ ପାଉଲୁସ୍‌ଆଃ ଦାଆଃ ଜାହାଜ୍‌ରେ ସେନଃ

୧ ଆଲେ ଦାଆଃ ଜାହାଜ୍‌ରେ ଇଟାଲି ଦିଶ୍ଟମ୍‌ତେ ସେନାଲେ ମେନ୍ତେ ଉହାଟ୍‌କେଦ୍ ହରାତେ ପାଉଲୁସ୍ ଆଡଃ ଏଟାଃ ଚିମିନ୍ ଜେହେଲାକାନ୍‌କ “ମିଦ୍‌ଶାଅ ସିପାଇକଆଃ ଆଗୁଆଇ ଝୁଣ୍ଡ୍” ନୁତୁମ୍, ମିଆଁଦ୍ ରୋମିରେନ୍ ସିପାଇକଆଃ ଆଗୁଆଇ ଜୁଲିୟସ୍‌ଆଃ ତିଃଇରେ ଜିମାୟାନା । ୨ ଆଲେ ଏସିଆ ପାର୍ଗାନ୍‌ରେୟାଃ ଦରେୟା ଗେନାରେ ଅକ୍‌ତାଃରେଟି ଦାଆଃ ଜାହାଜ୍ ହିଜୁଃ ସେନଃ ଟାପୁକତେ ସେନଃ ନାଙ୍ଗ୍ ସେକାଡ଼ାକାନ୍ ଆଦ୍ରାମିଡିୟରାଃ ମିଆଁଦ୍ ଜାହାଜ୍‌ରେ ସେନଃୟାନାଲେ । ଆରିସ୍ତାର୍ଗି ନୁତୁମ୍ ଥେସ୍‌ଲନିକା ନାଗାର୍‌ରେନ୍ ମିହୁଡ୍ ମାକିଦନିଆରେନ୍ ହଡ୍ ଆଲେଲଃ ତାଇକେନାଏ । ୩ ଏନାରେୟାଃ ଏଟାଃହୁଲାଙ୍ଗ୍ ଆଲେ ସିଦୋନ୍ ନାଗାର୍‌ତେଲେ ସେଟେର୍‌ୟାନା । ଜୁଲିୟସ୍ ପାଉଲୁସ୍‌କେ ଦାୟାକିୟା ଆଡଃ ଇନିଃକେ ଆୟାଃ ଗାଡିକଲଃ ନେପେଲ୍‌କେଦ୍‌ତେ, ଆୟାଃ ଲାଗାଡିଙ୍ଗ୍‌ତେୟାଃ ସବେନାଃ ଆଉଖେ ନାଙ୍ଗ୍ ଆରୁକିୟାଏ । ୪ ଆଲେ ଏନ୍ତାଃଏତେ ସେନଃ ତାଇକେନ୍ ଇମ୍‌ତା ସାମ୍‌ନାଙ୍ଗ୍‌ସାଃଏତେ ହୟ୍‌କେଦ୍ ହରାତେ ସାଇପ୍ରସ୍ ଟାପୁରେୟାଃ ଗେନା ଗେନାତେଲେ ସେନଃୟାନା ।

୫ କିଲିକିଆ ଆଡ଼ଃ ପାଞ୍ଚିଲିଆ ପାର୍ଗାନ୍ ପାରମ୍ବକେଦ୍‌ତେ ଲୁକିଆ ପାର୍ଗାନ୍‌ରେୟାଃ ମୁରା ନାଗାର୍‌ତେଲେ ହିଜୁଃୟାନା । ୬ ଏନ୍ତାଃରେ ମିଦ୍‌ଗାଅ ସିପାଇକଆଃ ଆଗୁଆଇ ଆଲେକ୍‌ଜାଣ୍ଡିଆରେୟାଃ ମିଆଁଦ୍ ଦାଆଃ ଜାହାଜ୍ ଇଟାଲିତେ ସେନଃ ନାଙ୍ଗ୍ ସେକାଡ଼ଃତାନ୍‌ତେୟାଃ ନେଲ୍‌କେଦ୍‌ତେ ଆଲେକେ ଏନାରେ ଦୁବ୍‌କେଦ୍‌ଲେୟା ।

୭ ଆଲେ ପୁରାଃମାହ୍ନାଁ ଜାକେଦ୍ ମାଡ଼ି ମାଡ଼ିତେ ସେନଃତାନ୍‌ଲଃ ତାର୍‌ସାର୍ କ୍ଲିଦ୍ ସାହାର୍ ନାଡ଼େଃତେଲେ ସେଟେର୍‌ୟାନା । ସାମ୍‌ନାଙ୍‌ସାଃଏତେ ହୟ ହିଜୁଃତାନ୍ ହରାତେ ଆଲେ ଏନ୍‌ସାଃତେ ଆୟାର୍‌ତେ କାଲେ ସେନ୍ ଦାଡ଼ିୟାନା, ଏନାତେ କ୍ରିଡ଼ ଟାପୁରେୟାଃ ଦାକ୍ଷିଣ୍ଠ୍ୟାଃ ଗେନାରେୟାଃ ପାର୍ଗାନ୍ ହରାତେ ସେନଃକେଦ୍‌ତେ ସାଲ୍‌ମୋନି ପାର୍ଗାନ୍‌କେଲେ ପାରମ୍ବକେଦା । ୮ ଆଲେ ଦରେୟା ଗେନାତେ ତାର୍‌ସାର୍ ସେନ୍‌କେଦ୍‌ତେ “ସୁଗାଡ଼ାନ୍ ଟାପୁ” ନୁଡୁମଃତାନ୍ ମିୟାଦ୍ ଠାୟାଦ୍‌ତାଃଲେ ସେଟେର୍‌ୟାନା । ଏନା ଲାସିଆ ସାହାର୍ ଜାପାଃରେ ତାଇକେନା ।

୯ ଆଲେ ଏନ୍ତାଃରେ ପୁରାଃମାହ୍ନାଁ ତାଇକେନାଲେ । ଯିହୁଦୀ ହଡ଼କଆଃ କାଟାବ୍ ପାରାବ୍* ଟୁଣ୍ଡୁକାନ୍ ହରାତେ, ଏନ୍ ଦିପିଲିରେ ଦାଆଃ ଜାହାଜ୍‌ରେ ସେନ୍ ନାଙ୍ଗ୍ ବରଞ୍ଜାନ୍‌ଗି ହବାୟାନା । ଏନାତେ ପାଉଲୁସ୍ ଇନ୍‌କୁକେ ନେ'ଲେକାଏ କାଜିୟାଦ୍‌କଆ, ୧୦ “ହେ ହାଗାକ, ଆଇଙ୍ଗ୍ ସାରି ଦାଡ଼ିତାନାଇଙ୍ଗ୍ ଯେ, ଆବୁ ନେତାଃଏତେ ଆଡ଼ଃଗି ଦାଆଃ ଜାହାଜ୍‌ରେ ସେନଃ ଏଟେଜେରେଦ୍ ବରଞ୍ଜାନ୍‌ଗି ହବାଅଃଆ । ନେଆଁ ହରାତେ ଦାଆଃ ଜାହାଜ୍ ଆଡ଼ଃ ଏନାରେ ଲାଦିଆକାନ୍ ସାମାନ୍‌କ ଏସ୍‌କାର୍ ନକ୍‌ସାନଃଆ ମେନ୍ତେଦ୍ କାହା ମେନ୍‌ଦ୍ ସେନ୍ ହରାତାନ୍ ହଡ଼କଆଃ ଜୀଦାନ୍‌ହଗି ଜିୟନଃଆ ।” ୧୧ ମେନ୍‌ଦ୍ ମିଦ୍‌ଗାଅ ସିପାଇକଆଃ ଆଗୁଆଇ ପାଉଲୁସ୍‌ଆଃ କାଜିକେ କା ଆୟୁମ୍‌କେଦ୍‌ତେ, ଦାଆଃ ଜାହାଜ୍ ଚାଲାଅନିୟାଃ ଆଡ଼ଃ ଗମ୍‌କେୟାଃ କାଜି ଆୟୁମ୍‌କେଦାଏ । ୧୨ ରାବାଙ୍ଗ୍ ସାହା ବିତାଅ ନାଗେନ୍ତେ ଏନ୍ ଦାଆଃ ଜାହାଜ୍ ତିଙ୍ଗୁ ଠାୟାଦ୍ ବେଶ୍ କା ତାଇକେନା । ଏନାତେ ଫୈନିକ୍‌ସ୍ ଠାୟାଦ୍‌ତେ ସେଟେର୍‌କେଦ୍‌ତେ ଏନ୍ତାଃରେ ରାବାଙ୍ଗ୍ ସାହା ବିତାଅ ନାଗେନ୍ତେ ଏନ୍ତାଃଏତେ ଦାଆଃ ଜାହାଜ୍‌ରେ ସେନଃ ନାଙ୍ଗ୍

* ୨୭:୯ 27:9 ନେଆଁ ସେସ୍‌ସ୍‌ମ୍‌ର ମାହ୍ନାଁ ନାରାଃ ଟୁଣ୍ଡୁରୁ ଚାଏ ଅକ୍ଟୋବର୍ ମାହ୍ନାଁ ନାରାଃ ଏନେଟେଦ୍‌ରେ ମାନାତିଙ୍ଗ୍ ତାଇକେନାକ

ପୁରାଃ ହତକ କାଜିକେଦାକ । ଫୈନିକ୍ସ ଦାକ୍ଷିଣ୍ ପାଶ୍ଚିମ୍ ଆତଃ
ଉତ୍ତାର ପାଶ୍ଚିମ୍ପାଃତେ ସାମ୍ନାଙ୍ଗକାଦ୍ କ୍ରିତ୍ରେ ମିଆଦ୍ ଦାଆଃ
ଜାହାଜ୍ ତିଜ୍ଞୁ ଠାୟାଦ୍ ତାଇକେନା ।

ଦରେୟାରେ ଦୁଦୁଗାର୍ ହୟ

୧୩ ଦାକ୍ଷିଣ୍ପାଃତେ ସୁଆଏତେ† ହୟ ହିଜୁଃୟାନା ଇମ୍ତା,
ଦାଆଃ ଜାହାଜ୍ରେ ସେନଃତାନ୍ ହତକ ଆକଆଃ ଉହାଟ୍‌କାଦ୍
ଠାୟାଦ୍ତେ ସେନ୍ ଦାଡ଼ିୟାକ ମେନ୍ତେ ଉଡ଼ଃକେଦାକ, ଆତଃ
ଇନ୍କୁ ଦାଆଃ ଜାହାଜ୍‌କେ ତିଜ୍ଞୁକାଦ୍ ହାମ୍ବାଲ୍ ମେଡେଦକେ
ଉଠାଏକେଦ୍ତେ ଚିମିନ୍ ସାଜିନ୍ ସେନ୍ ହବାସାକାଅଃ ଲେକା କ୍ରିତ୍
ଦରେୟା ଗେନା ଗେନାତେକ ସେନଃୟାନା । ୧୪ ମେନ୍ଦ ଇମ୍ତାଜି
ଟାପୁସାଃତେ ଉତ୍ତାର୍ ପୁରାବ୍ ହୟ ଦୁଦୁଗାର୍‌ଗି ହିଜୁଃୟାନା,
୧୫ ଆତଃ ଦାଆଃ ଜାହାଜ୍ରେ ଠକ୍‌ରାଅୟାନା । ଏନ୍ତେ ଦାଆଃ
ଜାହାଜ୍‌କେ ହୟସାଃତେ ସାମ୍ନାଙ୍ଗକେଦ୍ତେ କା ସେନ୍ ଦାଡ଼ିୟାନ୍
ହରାତେ ଆଲେ କାଲେ ଚେଷ୍ଟାକେଦା ଆତଃ ହୟଲଃଗି ଦାଆଃ
ଜାହାଜ୍‌କେ ଆତୁ ନାଙ୍ଗ୍ ବାଗିତାଦାଲେ । ୧୬ ମିଆଦ୍ ହୁଡ଼ିଙ୍ଗ୍
ଟାପୁ କ୍ଲାଉଦ୍‌ରେୟାଃ ଦାକ୍ଷିଣ୍ପାଃ ହରାତେ ସେନଃ ତାଇକେନ୍
ଇମ୍ତା କାଟିଃଲେକା ଏନ୍ ହୟଏତେ ବାଞ୍ଚାଅ ନାମ୍‌କେଦାଲେ
। ଏନ୍ତାଃରେ ଜାଲେକାତେ ଦାଆଃ ଜାହାଜ୍‌ରେୟାଃ ଲାଉକାକେ
ବୁଗିଲେକା ଦହ ଦାଡ଼ିକେନାଲେ । ୧୭ ଲାଉକା ଚାଲାଅ ହତକ
ଲାଉକାକେ ଦାଆଃ ଜାହାଜ୍ ଚେତାନ୍‌ତେ ଆଇଜ୍ ରାକାବକେଦାକ
ଆତଃ ମୋଟା ବାଏହାର୍‌ଲଃ କେଚେଦ୍‌କେଦ୍ତେ ଦାଆଃ ଜାହାଜ୍‌ରେ
ତଲ୍‌କେଦାକ । ଦାଆଃ ଜାହାଜ୍ ଦରେୟା ଖାଲ୍‌ଣ୍ ଲିବିଆରେୟାଃ
ସୁଉର୍ ନୁଦୁମ୍ ହୁଣ୍ଡିଆକାନ୍ ଗିଡିଲ୍‌ତେ ସେନଃକେନଃଆ ମେନ୍ତେ
ବରତାନ୍‌ଲଃ ଦାଆଃ ଜାହାଜ୍ ଚାଲାଅତାନ୍ ହତକ ପାଲ୍‌କେ
ଆଡ଼ଗୁକେଦ୍ତେ ଦାଆଃ ଜାହାଜ୍ ହୟଲଃଗି ଆତୁ ନାଗେନ୍ତେ
ବାଗିତାଦାକ । ୧୮ ଦୁଦୁଗାର୍ ହୟ ହୟତାନ୍ ହରାତେ ଏନାରେୟାଃ
ଏଟାଃ ହୁଲ୍‌ଙ୍ ଇନ୍କୁ ଦାଆଃ ଜାହାଜ୍‌ରେ ଲାଦିଆକାନ୍ ଜିନିଷ୍ଟକ
ଦାଆଃରେ ହୁରାଙ୍‌କେଦାକ, ୧୯ ଆତଃ ଆପି ମାହ୍‌ାରେ ଦାଆଃ
ଜାହାଜ୍‌ରେୟାଃ ଜିନିଷ୍ଟକ ହୁରାଙ୍‌କେଦା । ୨୦ ପୁରାଃ ଦିନ୍ ଜାକେଦ୍
ଆଲେ ସିଜ୍ଞି ଚାଏ ଇପିଲ୍‌କକେ କାଲେ ନେଲ୍ ଦାଡ଼ିକେନା ଆତଃ

† ୨୭:୧୩ ୨୭:୧୩ ମାଡ଼ି ମାଡ଼ିତେ

ପୁରାଃ ଜୋରଗି ହୟକାତେ ତାଇକେନା, ଆତଃ ଚୁଣ୍ଡୁରେ ଆଲେ ବାଞ୍ଛାଅ ନାମେରେୟାଃ ସବେନ୍ ଆସ୍ତା ବାଗିକାଦ୍ ତାଇକେନାଲେ ।

୨୧ ସବେନ୍କ ଚିମିନନେତା ବେଗାର୍ ଜମ୍ତେ ତାଇନ୍ୟାନ୍ ତାୟମ୍ତେ ପାଉଲୁସ୍ ସେନଃତାନ୍ ହଡକଆଃ ଆଲାରେ ତିଙ୍ଗୁକେଦ୍ତେ କାଜିକେଦା, “ହେ ହାଗାକ, ଆପେ କ୍ରିତ୍ରେ ଆଇଁୟାଃ କାଜି ଆୟୁମ୍ତେଦ୍ତେ ଦାଆଃ ଜାହାଜ୍ରେ କା ହିଜୁଃକାନ୍ରେ, ଆରୁଆଃ ନେଲେକା ନକ୍ସାନ୍ ଆତଃ ଜିୟନ୍ କା ହବାକାନ୍ତେୟାଃ । ୨୨ ମେନ୍ଦ ନାହାଁଃ ଆଇଙ୍ଗ୍ ଆପେକେ ବିକ୍ରିପେତାନାଇଙ୍ଗ୍, ଆପେ ଆଲପେ ବରଏୟା, ଆପେକଏତେ ଜେତାଏୟାଃହ ଜୀଉ କା ନକ୍ସାନଃଆ, ଦାଆଃ ଜାହାଜ୍ ଏସ୍କାର୍ ନକ୍ସାନଃଆ । ୨୩ ତିଆଃତି ଆଇଙ୍ଗ୍ ଅକ ପାର୍ମେଶ୍ଵାର୍କେ ସେଞ୍ଜା ରିକାଃଇଙ୍ଗ୍, ସେନଃୟାନ୍ ନିଦାରେ ଆୟାଃ ମିଆଁଦ୍ ଦୁଁଡ୍ ଆଇଙ୍ଗ୍ତାଃତେ ହିଜୁଃକେଦ୍ତେ କାଜିକେଦିୟା, ୨୪ ଏ ପାଉଲୁସ୍ ଆଲମ୍ ବରଏୟା, ଆମ୍କେ ଜାରୁଡ୍ଗି କାଇସାର୍ଆଃ ଆୟାର୍ରେ ତିଙ୍ଗୁନ୍ ଲାଗାତିଙ୍ଗ୍ୟାଃ । ଆମାଃଲଃ ପାର୍ମେଶ୍ଵାର୍ଆଃ ସାୟାଦ୍ ଏମାକାନ୍ ହରାତେ, ଇନିଃ ଆମାଃଲଃ ସେନ୍ତାନ୍ ସବେନ୍କଆଃ ଜୀଦାନ୍କେ ବାଞ୍ଛାଅକାଦା । ୨୫ ଏନାମେନ୍ତେ, ହେ ହାଗାକ ଆଲପେ ବରଏୟା, ତିଆଃତି ଆଇଙ୍ଗ୍ ପାର୍ମେଶ୍ଵାର୍ତାଃରେ ବିଶ୍ଵାସ୍ତାନାଇଙ୍ଗ୍, ଆଇଙ୍ଗ୍କେ ଅକ୍ନାଃ କାଜିକାନା ଏନ୍ଲେକାଗି ହବାଅଆଃ । ୨୬ ମେନ୍ଦ ଆରୁ ଆୟାର୍ତେ ସେନ୍କେଦ୍ତେ ମିଆଁଦ୍ ଟାପୁରେବୁ ଠଗଃଆ ।”

୨୭ ନେଆଁ ଗେଲ୍ଡପୁନ୍‡ ନିଦା ତାଇନ୍କେନା, ଆତଃ ଆଲେ ଆଦ୍ରିଆ ଦରେୟାରେ ଦୁଦୁଗାର୍ ହୟ ହରାତେ ନେତେହେନ୍ତେ ସେନଃତାନ୍ଲଃ ଲାଗ୍ଭାଗ୍ ଆଲାନିଦାରେ ଦାଆଃ ଜାହାଜ୍ ଚାଲାଅ ହଡକ ଆଟ୍କାର୍ ଉରୁମ୍କେଦାକ ଯେ, ଆରୁ ଦରେୟା ଖାଇଁଣ୍ଡେ ନାଡେଜଃତାନାରୁ । ୨୮ ଏନ୍ତେ ଇନ୍କୁ ବାଏହାର୍ରେ ହାମ୍ବାଲ୍ତେୟାଃ ତଲ୍କେଦ୍ତେ ଦାଆଃରେ ତୁବିଃଗ୍କେଦ୍ ହରାତେ ବାର୍ହିସି ମିଟର୍ ଗାଡା ମେନାଃ ମେନ୍ତେକ ସାରିକେଦା । ଆତଃକାଟିଃ ସାଙ୍ଗିନ୍ ସେନ୍କେଦ୍ତେ ନେଲ୍କେଦାକ ଯେ, ଦାଆଃରାଃ ଗାଡା ହିସିଗେଲ୍ ମିଟର୍ ତାଇନ୍କେନା । ୨୯ ଦାଆଃ ଜାହାଜ୍ ଜେତା ସେରେଙ୍ଗ୍ରେ ଠଗଃଆଃ ମେନ୍ତେ ବରତାନ୍ଲଃ ଇନ୍କୁ ତାୟମ୍ସାଃଏତେ ଉପୁନିୟା

‡ ୨୭:୨୭ ୨୭:୨୭ ଚାଉଦା

ହାମ୍ବାଲ୍ ମେଡ଼େଡ୍ ଉୟୁଃକେଦାକ ଆତଃ ସିଙ୍ଗିତୁରଃ ନାଙ୍ଗ୍
 ବିନ୍ଦିକେଦାକ । ୩୦ ଏନ୍ତେ ଦାଆଃ ଜାହାଜ୍ ଚାଲାଅ ହଡ଼କ ଏନାଏତେ
 ଆଡ଼ଗୁକେଦତେ ସେନଃ ନାଗେନ୍ତେ ଚେଷ୍ଟାକେଦାକ, ଆତଃ
 ଦାଆଃ ଜାହାଜ୍ରେୟାଃ ସାମନାଙ୍ଗ୍ସାଃଏତେ ଆତଃଚିମିନ୍ ହାମ୍ବାଲ୍
 ମେଡ଼େଡ୍ କେ ଉୟୁଃରେୟାଃ ବାହାନାତାନ୍ଲଃ ଇନ୍କୁ ଦାଆଃ
 ଜାହାଜ୍ରେ ତାଇକେନ୍ ଲାଉକାକେ ଲାତାର୍ତେକ ଇଲିଙ୍ଗ୍ କେଦା ।
 ୩୧ ମେନ୍ଦ ପାଉଲୁସ୍ ମିଦ୍ଶାଅ ସିପାଇକଆଃ ଆଗୁଆଇକେ ଆତଃ
 ସିପାଇକକେ କାଜିକେଦକଆ, “ଦାଆଃ ଜାହାଜ୍ ଚାଲାଅ ହଡ଼କ କାକ
 ତାଇନଃରେଦ, ଆପେୟାଃ ବାଞ୍ଛାଅଃରେୟାଃ ଆସ୍ରା କା ତାଇନଃଆ ।”
 ୩୨ ଏନାତେ ସିପାଇକ ଲାଉକାରେୟାଃ ବାଏହାର୍ କେ ହାଦ୍ କେଦତେ
 ଦାଆଃରେ ଆତୁ ନାଗେନ୍ତେକ ଆଡ଼ାଃତାଦା ।

୩୩ ସିଙ୍ଗିତୁରଃ ସିଦାରେ ପାଉଲୁସ୍ ସବେନ୍ କକେ ଜମେ ନାଗେନ୍ତେ
 କାଜିକେଦକଆ । ଇନିଃ କାଜିକେଦକଆଏ, “ଗେଲ୍ ଉପୁନ୍ ମାହ୍
 ହବାୟାନ୍ରିୟା ଆପେ ଜେଡ଼ନାଃ କାପେ ଜମ୍ କାଦା । ୩୪ ଆଇଙ୍ଗ୍
 ବିନ୍ଦିପେ ତାନାଇଙ୍ଗ୍, ନାହ୍ଆଃ କାଚିଃଲେକା ଜମେପେ, ଜାନିଦ୍
 ତାଇନଃ ନାଗେନ୍ତେ ନେଆଁ ଜାରୁଡ୍ ଲାଗାତିଙ୍ଗ୍ୟାଃ । ଆଲପେ
 ବରଏୟା, ଆପେୟାଃ ବହଃଏତେ ମିଆଁଦ୍ ଉବ୍ ହ କା ଜିୟନଃଆ
 ।” ୩୫ ଇନିଃ ନେଆଁ କାଜିକେଦତେ, ପାଉଲୁସ୍ ପାରମେଶ୍ଵାର୍ କେ
 ଧାନ୍ୟାବାଦ୍ ଏମ୍ କେଦତେ ହଲଙ୍ଗ୍ କେଚାଃକେଦତେ ଜମ୍ କେଦାକ ।
 ୩୬ ନେଆଁରେ ଇନ୍କୁ ସବେନ୍ କ ଜାଉରେ କେଚେଦ୍ ନାମ୍ କେଦତେ
 ଜମ୍ କେଦାକ । ୩୭ ଇମତା ଆଲେ ଦାଆଃ ଜାହାଜ୍ରେ ୨୭୭
 ଝାନ୍ ହଡ଼କ ତାଇକେନାଲେ । ୩୮ ସବେନ୍ କ ବିୟଃଗି ଜମ୍ କେଦ୍
 ତାୟମ୍ ତେ ଦାଆଃ ଜାହାଜ୍ କେ ଉସାସେ ନାଗେନ୍ତେ ଏନାରେ
 ତାଇକେନ୍ ସବେନ୍ ଗହମ୍ ଦରେୟାରେକ ହୁରାଙ୍ଗ୍ କେଦା ।

ଦାଆଃ ଜାହାଜ୍ ରାଃ ନକ୍ ସାନଃ

୩୯ ଏଚାଃ ହୁଲାଇ ଆଙ୍ଗ୍ୟାନ୍ତି, ଦାଆଃ ଜାହାଜ୍ ଚାଲାଅ ହଡ଼କ
 ଦରେୟାରାଃ ଅକ ଖାଇଣ୍ରେ ସେଚେରାକାନାକ ଏନା କାକ ସାରି
 ଦାଡ଼ିକେନା । ମେନ୍ଦ ଇନ୍କୁ ଗିତିଲ୍ଖାଇଣ୍ରେ ମିଆଁଦ୍ ଗାଡ଼ା
 ନେଲ୍ କେଦତେ ଜେତାଲେକାତେ ଏନ୍ତାଃରେ ଦାଆଃ ଜାହାଜ୍
 ତିଙ୍ଗ୍ ନାଗେନ୍ତେକ ଉହାଟ୍ କେଦାକ । ୪୦ ଏନାତେ ଇନ୍କୁ ହାମ୍ବାଲ୍
 ମେଡ଼େଡ୍ରେୟାଃ ବାଏହାର୍ ହାଦ୍ କେଦତେ ଏନ୍ ସବେନାଃକେ
 ଦରେୟା ଲାତାର୍ରେ ତପାଅଃ ନାଗେନ୍ତେ ବାଗିତାଦାକ । ଏନ୍ତେ

ପାତକାର୍ତ୍ତ୍ତରେୟାଃ ବାଏହାରକ ରାଡ଼ାକେଦ୍ତେ ଆୟାରରେ
 ତଲ୍ଲକାଦ୍ ପାଲ୍ଲକେ ଉଠାଅକେଦ୍ ହରାତେ ଦାଆଃ ଜାହାଜ୍
 ହୟଲ୍ଲଃ ଖାଲ୍ଲଣ୍ ଗେନାତେ ସେନଃୟାନା । ୪୧ ଫେନଦ୍ ଦାଆଃ
 ଜାହାଜ୍ ହୁଣ୍ଟିଗିତିଲ୍ଲରେ ଠକ୍ତରାଅକେଦ୍ତେ ଦାଆଃ ଜାହାଜ୍ରେୟାଃ
 ସାମ୍ନାକ୍ତ୍ତରେୟାଃ ହିସା ଲାତାରରେ ତପାୟାନା ଆତଃ ଆଲ୍ଲପୁକ୍ତ୍ତେ
 ଜୋରରେ ଠକ୍ତରାୟାନ ହରାତେ ଦାଆଃ ଜାହାଜ୍ରେୟାଃ
 ତାୟମ୍ସାଃ ଚୁକ୍ତା ଚୁକ୍ତାୟାନା ।

୪୨ ଜେହେଲ୍ଲକାନ୍ ହଡ଼କ ଦରେୟା ଖାଲ୍ଲଣ୍ତେ ପାହୁଁରାଅ
 ପାହୁଁରାଅ ସେନଃଆକ ଫେନ୍ତେ ଇନ୍କ୍ତକେ ଗଗଏଃ ନାଗେନ୍ତେ
 ସିପାଲ୍ଲକ ଉହାଟ୍ତକେଦାକ । ୪୩ ଫେନଦ୍ ମିଦ୍‌ଶାଅ ସିପାଲ୍ଲକଆଃ
 ଆଗୁଆଲ୍ ପାଉଲ୍ଲସକେ ବାଞ୍ଚାଅ ନାଗେନ୍ତେ ସାନାକ୍ତାଲ୍ଲକେନା,
 ଏନାତେ ଇନିଃ ସିପାଲ୍ଲକକେ ଗଗଏଃ ନାକ୍ କାଏ ଆତୁକେଦ୍‌କଆ
 । ପାହୁଁରାଅ ଦାଡ଼ିତାନ୍ ସବେନକକେ ଦାଆଃରେ ତେଗାଅକେଦ୍ତେ
 ଦରେୟା ଖାଲ୍ଲଣ୍ତେ ସେନଃ ନାକ୍ ଆତୁକେଦ୍‌କଆଏ । ୪୪ ଆତଃ
 ସାରେଜାକାନ୍‌କ ଦାରୁପାଟାକରେ ଆତଃ ଦାଆଃ ଜାହାଜ୍ରେୟାଃ
 ଚହେଜାକାନ୍ ଏଟାଃ ଆତୁଃତାନ୍ ଜିନିଷ୍ଟକରେ ସାବ୍‌କେଦ୍ତେ ଆତୁଃ
 ନାଗେନ୍ତେ ଏଟାଃକକେ କାଜିକେଦ୍‌କଆ । ନେ'ଲେକାତେ ଆଲେ
 ସବେନକ୍ ରୁଗିଲେକା ଦରେୟା ଖାଲ୍ଲଣ୍ତେ ସେଟେରୟାନାଲେ ।

୨୮

ମାଲ୍‌ଟା ଟାପୁରେ ପାଉଲ୍ଲସ

୧ ଆଲେ ବାଞ୍ଚାଅ ନାମ୍‌କେଦ୍ତେ ଖାଲ୍ଲଣ୍ତେ ସେନକେନାଲେ
 ଆତଃ ନେଲ୍ଲକେଦାଲେ ଯେ, ଆଲେ ମାଲ୍‌ଟା ଟାପୁରେ
 ସେଟେରକାନାଲେ । ୨ ଏନ୍ତାଃରେ ତାଲ୍ଲନତାନ୍ ଏଟାଃ ଦିଶ୍ଟମରେନ୍
 ହଡ଼କ ଆଲେକେ ଦୁପୁଲ୍ଲାଡ଼ରାଃ ଦାୟା ଏମାଦ୍‌ଲେୟାକ । ଇମ୍‌ତା
 ଦାଆଃ ଗାମାକେଦ୍ତେ ରାବାକ୍ତାଲ୍ଲକେନା, ଏନାତେ ଇନ୍କ୍ତ
 ଆଲେକେ ସେକ୍ତେଲ୍ଲ ଜୁଲ୍ଲକେଦ୍ତେ ଦାରମ୍‌କେଦ୍‌ଲେୟାକ ।
 ୩ ପାଉଲ୍ଲସ ମିଦ୍ ବିଡ଼ା ସାହାନ୍ ଆଉକେଦ୍ତେ ସେକ୍ତେଲ୍ଲରେ ଉରୁଦ୍
 ତାଲ୍ଲକେନ୍ ଇମ୍‌ତା, ଏନାରେ ମିଆଁଦ୍ ବିକ୍ତ ଅତକ୍‌ୟାନାଏ ଆତଃ
 ଏଲ୍ଲାକ୍ତ୍ତହେତେ ବାଞ୍ଚାଅ ନାମେ ନାକ୍ ପାଉଲ୍ଲସଆଃ ତିଃଇରେ
 ହାବ୍‌କେଦ୍ତେ ତାଲ୍ଲନ୍ୟାନା । ୪ ଏନ୍ତାଃରେ ତାଲ୍ଲକାନ୍ ଏଟାଃ

§ ୨୭:୪୦ ୨୭:୪୦ ପାଲ୍ଲଡ଼ିଲ୍

ଦିଶୁମ୍ଭରେନ୍ ହଡକ ପାଉଲୁସ୍ଆଃ ତିଃଇରେ ତୁଙ୍ଗାକାନ୍ ବିଙ୍ଗକେ ନେଲ୍ଲକେଦ୍ତେ ମିହୁଡ୍ ଆଡ଼ଃମିହୁଡ୍ତକେ କାଜିୟାନାକ, “ଇନିଃ ଜାରୁଡ୍ ମିଆଁଦ୍ ହଡ୍ ଗଗଏଃନିଃ ତାନିଃ, ଇନିଃ ଦରେୟାଏତେ ବାଞ୍ଚାଅ ନାମ୍ବକେଦ୍ରେୟ ଆୟାଃ କିସ୍ମାଡ୍ କାଏ ଜୀହୁଦ୍ଇଚିକିୟା ।”^୫ ମେନ୍ଦ୍ ପାଉଲୁସ୍ଆଃ ଜେତାନ୍ ନକ୍ସାନ୍ କା ହବାକେଦ୍ତେ ବିଙ୍ଗକେ ସେଙ୍ଗେଲ୍ରେ ହୁରାଙ୍ଗକିୟା ।^୬ ପାଉଲୁସ୍ ମିକ୍ଆଃଏ ଚାଏ ଗଏଃକେଦ୍ତେ ଉୟୁଃକଆଃଏ ମେନ୍ତେ ଇନ୍କୁ ଉଡ୍ଡୁକେଦ୍ତେ ଚିମିନ୍ଦାଡ୍ଡି ତାଙ୍ଗିକେଦାକ । ମେନ୍ଦ୍ ପୁରାଃଦାଡ୍ଡି ତାଙ୍ଗିକେଦ୍ ତାୟମ୍ତେ ଇନ୍କୁ ନେଲ୍ଲକେଦାକ ଯେ, ପାଉଲୁସ୍ଆଃ ଜେଡ୍ନାଃ ନକ୍ସାନ୍ କା ହବାଅଃତାନା, ଏନ୍ତେ ଇନ୍କୁ ଆକଆଃ ଉଡ୍ଡୁ ବାଦ୍ଲାଅକେଦ୍ତେ କାଜିକେଦାକ, “ଇନିଃ ମିଆଁଦ୍ ମାହାପୁରୁ ତାନିଃ ।”

^୭ ଏନ୍ ଟାପୁରେଗି ପୁଲ୍ଲିୟସ୍ ନୁତୁମ୍ ମିଆଁଦ୍ ହଡ୍ରାଃ ଅଡ଼ାଃ ଆଡ଼ଃ ଅତେ ତାଇନ୍କେନା । ଇନିଃ ଆଲେକେ ଦାରମ୍ବକେଦ୍ଲେୟା ଆଡ଼ଃ ଆପିମାହିଁ ଜାକେଦ୍ ଆୟାଃ ଅଡ଼ାଃରେ ପେଡ଼ାକେଦ୍ଲେୟା ।^୮ ପୁଲ୍ଲିୟସ୍ରାଃ ଆପୁତେ ଉରୁଇ ଆଡ଼ଃ ଦାଆଃ ଲେକା ବାହାର୍ତାନ୍ ହରାତେ ପାର୍ବକମ୍ରେ ବାଟିୟାକାନ୍ ତାଇକେନା । ପାଉଲୁସ୍ ଆୟାଃ କୁଠାତେ ସେନ୍ୟାନା, ଏନ୍ତେ ଆୟାଃ ଚେତାନ୍ରେ ତିଃଇ ଦହକେଦ୍ତେ ବିନ୍ତିକେଦା ଆଡ଼ଃ ବୁଗିକିୟାଏ ।^୯ ନେଆଁ ହବାୟାନ୍ ତାୟମ୍ତେ ଟାପୁରେନ୍ ଏଟାଃ ସବେନ୍ ଦୁକୁତାନ୍କ ପାଉଲୁସ୍ଆଃ ନାଡେଃତେ ହିଜୁଃକେଦ୍ତେ ବୁଗିୟାନାକ ।^{୧୦} ଇନ୍କୁ ଆଲେକେ ପୁରାଃଗି ଦାନ୍କ ଏମ୍ବକେଦ୍ତେ ମାଇନ୍କେଦ୍ଲେୟାକ । ଆଡ଼ଃ ଆଲେ ଏନ୍ତାଃଏତେ ଦାଆଃ ଜାହାଜ୍ରେ ସେନଃ ଇମ୍ତା ଆଲେୟାଃ ହରାସେନ୍ ନାଗେନ୍ତେ ଲାଗାଡିଙ୍ଗ୍ତେୟାଃ ସବେନାଃ ଇନ୍କୁ ଆଡକେଦ୍ତେ ଦାଆଃ ଜାହାଜ୍ରେ ଦହକେଦ୍ତେ ସେନଃୟାନାକ ।

ମାଲ୍ଟାଏତେ ରୋମ୍

^{୧୧} ଆଲେକ୍ଜାଣ୍ଡ୍ରିଆତାଃଏତେ ହିଜାକାନ୍ “ଜାଅଁଲା ମାହାପୁରୁ” ନୁତୁମ୍ବତାନ୍ ଦାଆଃ ଜାହାଜ୍ ମାଲ୍ଟା ଟାପୁରେ ରାବାଙ୍ଗ୍ସାହା ବିତାଅକାଦ୍ ତାଇକେନାଏ । ଏନ୍ ଟାପୁରେ ଆପି ମାହିଁନା ତାଇନ୍ୟାନ୍ ତାୟମ୍ତେ, ଆଲେ ଏନ୍ ଦାଆଃ ଜାହାଜ୍ରେଗି ଆଡ଼ଃମିସା ସେନଃୟାନାଲେ ।^{୧୨} ଆଡ଼ଃ ସିରାକ୍ସ୍ ନାଗାର୍ରେ

ସେତେବେଳେଦ୍ୱେ, ଏନ୍ତାଠରେ ଆପିମାହାଁ ତାଇକେନାଲେ ।
 ୧୩ ଏନ୍ତାଠଏତେ ସେନଠକେଦ୍ୱେତେ ରିଜିୟମ୍ ନାଗାର୍ତେଲେ
 ସେତେବେଳେନା । ଏନାରେୟାଠ ଏଟାଠ ହୁଲାଇଁ ଦାକ୍ଷିଣ୍ ହୟ
 ହୟକେଦାଏ, ଆତଠ ବାର୍ସିଙ୍ ତାୟମ୍ତେ ପୁଡିଅଲି ସାହାର୍ତେ
 ସେତେବେଳେନାଲେ । ୧୪ ଏନ୍ତାଠରେ ଆଲେ ଚିମିନ୍ଦାନ୍ ଖ୍ରୀଷ୍ଟ୍ରେ
 ବିଶ୍ୱାସ୍ତାନ୍ ହାଗା ମିଶିକଲଠ ନାପାମୟାନାଲେ । ଇନ୍କୁଲଠ ମିଦ୍
 ହାପ୍ତା ତାଇନଠ ନାଗେନ୍ତେ ଇନ୍କୁ ଆଲେକେ ବିକ୍ରିକେଦ୍ଲେୟାକ
 । ନେ'ଲେକାତେ ଆଲେ ରୋମ୍ତେ ସେତେବେଳେନାଲେ ।
 ୧୫ ଆଲେୟାଠ ବିଷାଏରେ ଆୟୁମ୍ତେଦ୍ୱେତେ ରୋମ୍ରେନ୍
 ବିଶ୍ୱାସୀକ ଆଲେକେ ଦାରମ୍ ନାଗେନ୍ତେ ଏନ୍ ଠାୟାଦ୍ତାଠଏତେଗି
 ଆପିୟସ୍ଆଠ ପିଟ୍ ଆତଠ ଆପିୟା ରୁଡନ୍ ଅତଠ ନୁଡ୍ମ୍
 ନାଗାର୍କଏତେ ହିନ୍ଦୁୟନାକ । ଇନ୍କୁକେ ନେଲ୍କେଦ୍ୱେତେ
 ପାଉଲୁସ୍ ପାରମେଶ୍ୱାର୍କେ ଧାନ୍ୟାବାଦ୍ ଏମ୍କିୟାଏ ଆତଠ ପୁରାଠଗି
 ରାସ୍କାୟାନା ।

ରୋମ୍ରେ ପାଉଲୁସ୍

୧୬ ଆଲେ ରୋମ୍ତେ ସେତେବେଳେନାଚି, ପାଉଲୁସ୍କେ ହର
 ନାଗେନ୍ତେ ମିଆଁଦ୍ ସିପାଇଲଠ ଇନିଠ ଆୟାଠ ଇକ୍ଷାସାନାକ୍ଲେକା
 ଜେ'ଲେକାନ୍ ଠାୟାଦ୍ରେ ତାଇନ୍ ଦାଡିୟାଏ ମେନ୍ତେ
 ଆରୁଇନାମ୍କେଦା ।

୧୭ ଆପିମାହାଁ ତାୟମ୍ତେ ପାଉଲୁସ୍ ଏନ୍ତାଠରେନ୍ ଯିହୁଦୀ
 ଆଗୁଆଇକକେ ମିଆଁଦ୍ ପାଞ୍ଚେଟ୍ରେ ମେସାଅଠ ନାଗେନ୍ତେ
 କେଡାକେଦ୍କଆ । ଇନ୍କୁ ହୁଣ୍ଡିୟାନ୍ ହରାତେ ପାଉଲୁସ୍ ଇନ୍କୁକେ
 କାଜିକେଦ୍କଆ, “ଇସ୍ରାଏଲ୍ ହାଗାକ, ଆଇଙ୍ ଆଗୁଆଠ ହଡକଆଠ
 ବିରୁଧ୍ରେ ଚାଏ ଆଗୁଆଠ ପୁରଖା ହଡାମ୍କତାଠଏତେ ଆଗୁ ନାମାକାଦ୍
 ରିତିରିଖାଜ୍ ବିରୁଧ୍ରେ ଜେଡନଠ କାଇଙ୍ କାମିକାଦ୍ରେୟ,
 ଆଇଙ୍ ଯୀରୁଶାଲେମ୍ରେ ଜେହେଲ୍କେଦ୍ୱେତେ ରୋମ୍ରେନ୍
 ହଡକଆଠ ତିଠଇରେ ଜିମାକାନାଇଙ୍ । ୧୮ ଆଇଙ୍କେ କୁଲିକେଦ୍
 ତାୟମ୍ତେ ଗନଏଠ ସାଜାଇ ନାମେ ଲେକା ଆଇଙ୍ ଜେତାନ୍
 ଗୁହାଁ କାଇଙ୍ କାମିକାଦା ମେନ୍ତେ ସାରିକେଦ୍ୱେତେ ରୋମ୍ରେନ୍
 ହଡକ ଆଇଙ୍କେ ରାଡାନାକ୍ ସାନାକ୍କେଦାକ । ୧୯ *ମେନ୍ଦ୍

☆ ୨୮:୧୯ ୨୮:୧୯ ପ୍ରେରିତ୍ ୨୮:୧୧.

ଯିହୁଦୀକ ନେଆଁରେୟାଃ ବିରୁଧ୍ରେ କାଜିକେଦ୍ ହରାତେ ଆଇଁୟାଃ
 ଆପ୍ତନାଃ ହଡକଆଃ ବିରୁଧ୍ରେ ଆଇଁୟାଃ ଜେତାନ୍ ଚିଟାକାଜି
 କା ତାଇକେନ୍ରେୟ, ଆଇଙ୍ଗ୍ କାଇସାର୍‌କେ କାଜିଗରଙ୍ଗ୍ ରିକା
 ପାଡ଼ାଅୟାନା । ୨୦ ଏନାମେନ୍ତେ ଆଇଙ୍ଗ୍ ନେ ବିଷାଏରେ ଜାଗାର୍
 ନାଗେନ୍ତେ ଆପେକେ କେଡ଼ାକାଦ୍‌ପେୟାଇଙ୍ଗ୍ । ଚିଆଃଚି ଅକଏୟାଃ
 ଚେତାନରେ ଇସ୍ରାଏଲ୍ ହଡକ ଆସ୍ରାକାଦାକ, ଇନିଃ ନାଗେନ୍ତେ ତିସିଙ୍ଗ୍
 ଆଇଙ୍ଗ୍ ସିକ୍‌ଡିରେଇଙ୍ଗ୍ ତଲକାନା ।”

୨୧ ଇନ୍‌କୁ ଇନିଃକେ କାଜିକିୟାକ, “ଆଲେ ଯିହୁଦାଏତେ ଆମାଃ
 ବିଷାଏରେ ଜେତାନ୍ ଅନଲ୍ ଚିଟାଉ କାଲେ ନାମକାଦା, ଚାଏ
 ଆଲେୟାଃ ହଡକ ଏନ୍ତାଏତେ ଆମାଃ ବିଷାଏରେ ଜେତାନ୍ ଏଡକାନ୍
 କାଜି କାକ ଆଉଝାକାଦା ଚାଏ କାକ କାଜିକାଦା । ୨୨ ମେନ୍‌ଦ
 ଆଲେ ଆମାଃ ଉଡ଼ୁଃ ଚିନାଃ ତାନାଃ ଏନା ଆମାଃତାଃଏତେ ଆୟୁମ୍
 ସାନାଙ୍ଗ୍‌ତାନାଲେ । ଚିଆଃଚି ସବେନ୍‌ସାଃରେନ୍ ହଡକକେ ନେ ଝୁଣ୍ଡ୍
 ବିରୁଧ୍ରେ ଜାଗାର୍‌ତାନାକ ମେନ୍ତେ ଆଲେ ସାରିତାନାଲେ ।”

୨୩ ଇନ୍‌କୁ ମିଆଁଦ୍ ହୁଲାଙ୍ଗ୍ ଠାହାରାଅକେଦାକ ଆତଃ ଇନ୍‌କୁଏତେ
 ଚିମିନ୍ ହଡକ ଏନ୍ ଠାହାରାଅକାନ୍ ହୁଲାଙ୍ଗ୍‌ରେ ପାଉଲୁସ୍ ତାଇନ୍‌ତାନ୍
 ଠାୟାଦ୍‌ତେକ ସେନଃୟାନା । ସେତାଃଏତେ ନୁବାଃ ଜାକେଦ୍
 ପାଉଲୁସ୍ ଇନ୍‌କୁକେ ପାର୍‌ମେଶ୍‌ବାର୍‌ଆଃ ରାଇଜ୍ ବିଷାଏରେ
 କାଜିକେଦ୍‌କଆ ଆତଃ ମୁଗା ନାବାଆଃ ଆନ୍‌ରୁ ଆତଃ ନାବାକଆଃ
 ଅନଲ୍‌ହେତେ ଯାଶୁଆଃ ବିଷାଏରେ ଇନ୍‌କୁକେ କାଜିକେଦ୍‌ତେ
 ବିଶ୍ୱାସେକାକ ମେନ୍ତେ ଚେଷ୍ଟାକେଦା । ୨୪ ଇନ୍‌କୁଏତେ ଚିମିନ୍ ଝାନ୍
 ହଡକ ଇନିୟାଃ କାଜିରେ ବିଶ୍ୱାସକେଦାକ ଆତଃ ଚିମିନ୍ ଝାନ୍ ହଡକ
 କାକ ବିଶ୍ୱାସକେଦା । ୨୫ ଆତଃ ଇନ୍‌କୁ ଆକ ଆକରେ ମିଦ୍‌ମନ୍
 କା ହବାୟାନ୍ ହରାତେ କାପ୍‌ଜି ହବାୟାନା, ଆତଃ ଇନ୍‌କୁ ସେନଃ
 ସିଦାରେ ପାଉଲୁସ୍ ନେ ମିଆଁଦ୍ କାଜି କାଜିକେଦ୍‌କଆ, “ପାବିତାର୍
 ଆମ୍ ଆପେୟାଃ ପୁରଖା ହାଡ଼ାମ୍‌କକେ ନାବୀ ଯିଶାୟାଆଃ ହରାତେ
 ବୁଗିଲେକାଏ କାଜିକାଦ୍ ତାଇକେନା, ୨୬ ଇନିଃ କାଜିକାଦାଏ,
 “ନେ ହଡକକେ ସେନ୍‌କେଦ୍‌ତେ କାଜିକମେ,
 ଆପେ ଆୟୁମ୍‌ଦପେ ଆୟୁମେୟା ମେନ୍‌ଦ କାପେ ଆବ୍‌କାର୍
 ଉରୁମେୟା,

ଆତଃ ନେଲ୍‌ଦପେ ନେଲ୍‌ୟା ମେନ୍‌ଦ କାପେ ନେଲ୍ ଦାଡ଼ିୟା,

୨୭ ଚିଆଃଚି ନେ ହଡକଆଃ ମନ କେଟେଦ୍‌ୟାକାନା,
 ଆଡ଼ଃ ଇନକୁ ଆକଆଃ ଲୁଡୁର୍
 ଆଡ଼ଃ ମେଦ୍ ଜାପିଦାକାଦାକ,
 ଏନକା କା ହବାକାନରେ ଇନକୁ ନେଲ୍ ଦାଡ଼ିକାତେୟାଃକ
 ଆଡ଼ଃ ଆୟୁମ୍ ଦାଡ଼ିକାତେୟାଃକ ।
 ଇନକୁ ଆକିଆଃ ମନ୍‌ସୁରୁଦରେ ଆଟ୍‌କାର୍ ଉରୁମେତେୟାଃକ,
 ଆଡ଼ଃ ପାରମେଶ୍ୱାର୍‌ସାଃତେ ରୁହାଡ଼ଃତେୟାଃକ
 ଆଡ଼ଃ ଆଇଙ୍ଗ୍ ଇନକୁକେ ବୁଟିକାକତେୟାଃକଇଙ୍ଗ୍ ।”

୨୮ ଆଡ଼ଃ ପାଉଲୁସ୍ ନେ'ଲେକା କାଜିଟୁଣ୍ଡୁକେଦାଏ, “ଆପେ
 ସାରିପେ, ପାରିତ୍ରାଣ୍ ନାମେ ନାଗେନ୍ତେ ପାରମେଶ୍ୱାର୍‌ଆଃ ସୁକୁକାଜି
 ସାଅଁସାର୍ ହଡକତାଃତେ କୁଲାକାନା । ଇନକୁ ଏନା ଆୟୁମେୟାକ ।”

୨୯ ଆଡ଼ଃ ଇନିଃ ନେ ସବେନାଃ କାଜିକେଦ୍‌ଚି ଯିହୁଦୀକ ଆକ ଆକରେ
 କାପ୍‌ଜିତାନ୍‌ଲଃ ସେନଃୟାନାକ ।*

୩୦ ପାଉଲୁସ୍ ରାଜ୍‌ମାହାଲରେ ମିଆଁଦ୍ ଅଡ଼ାଃ ଭାଡ଼ା ଇଦିକେଦ୍‌ତେ
 ଦୁଇ ବାରାଷ୍ଟି ତାଇକେନାଏ, ଆଡ଼ଃ ଆଇଃକକେ ନେନେଲ୍ ନାଙ୍ଗ୍
 ହିଲୁଃତାନ୍ ସବେନକକେ ଇନିଃ ଏନ୍ତାଃରେ ଦାରମ୍‌କ ତାଇକେନା ।

୩୧ ଇନିଃ ପାରମେଶ୍ୱାର୍‌ଆଃ ରାଇଜ୍ ବିଷାଏରେ ଆଡ଼ଃ ପ୍ରାଭୁ ଯୀଶୁ
 ଖ୍ରୀଷ୍ଟିଆଃ ବିଷାଏରେ ପୁରା ସାହାସକେଦ୍‌ତେ ଇଡୁକେଦ୍‌କଆ ଆଡ଼ଃ
 ଇନିଃକେ ହକା ନାଙ୍ଗ୍ ଜେତାଏ କାକ ଚେଷ୍ଟାକେଦା ।

* ୨୮:୨୯ 28:29 ନେ ପଦ ଚିମିନ୍ ମାରି ଅନଲ୍‌କରେ ବାନଃଆ

ପାରମେଶ୍ଵାରଥାଃ ଜୀନିଦ୍ ବାଚାନ୍
The New Testament in the Munda language of India:
ପାରମେଶ୍ଵାରଥାଃ ଜୀନିଦ୍ ବାଚାନ୍

copyright © 2020 The Word for the World International

Language: ମୁଞ୍ଜା (Muṅḍa) (Munda)

Contributor: The Word for the World International

ପାରମେଶ୍ଵାରଥାଃ ଜୀନିଦ୍ ବାଚାନ୍
ନାଞ୍ଜା ନିୟମ୍ , 2020

The New Testament in Munda Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-13

PDF generated using Haiola and XeLaTeX on 22 Feb 2024 from source files dated 14 Apr 2023

903abb6b-97c3-582d-9df8-a6a8f2fce6d6